

ავტორის სტილი დაცულია

იგანე ჯავახიშვილის სახელობის თბილისის სახელმწიფო
უნივერსიტეტი


იურიდიული ფაკულტეტი

ელზა ჩაჩანიძე

ცილისწამების ფორმები ძველ ქართულ სამართალში

სელმძღვანელი: დავით ბოსტოლანაშვილი,
სამართლის დოქტორი,
ასოცირებული პროფესორი

სადისერტაციო ნაშრომი წარდგენილია სამართლის
დოქტორის აკადემიური ხარისხის მოსაპოვებლად



თბილისი 2015

შინაარსი

გამოყენებული აბრევიატურა	3
შესავალი.....	4
თავი I. ცილისწამება როგორც დელიქტი.....	6
1.1 ცილისწამების ზოგადი შემადგენლობები.....	6
1.2 ცილისწამების ზოგადი შემადგენლობებით განსაზღვრული სასჯელთა სახეები.....	21
თავი II. ცრუ დასმენა, როგორც ცილისწამების ერთ-ერთი ფორმა	31
2.1 ცრუ დასმენის შემადგენლობები.....	31
2.2 დალატის ცრუ დასმენა.....	49
2.3 ცრუ დასმენისათვის დაწესებული სასჯელთა სახეები.....	56
თავი III. ტყუილი მთხოვნელობა	80
3.1 ტყუილი მთხოვნელობის ცნება	80
3.2 ტყუილი მთხოვნელობისა და ცრუ მოწმის ერთმანეთისაგან გამიჯვნა	87
3.3 ტყუილი მთხოვნელობისათვის გათვალისწინებული სასჯელები	89
3.4. სამთხოვნელოს მნიშვნელობა ტყუილი მთხოვნელობისას	95
თავი IV. ცალკეულ ქმედებათა ცილისწამება	99
4.1 ბუნებითი დანაშაულების ცილისწამება.....	99
4.1.1 ბუნებითი დანაშაულების ცილისწამების ხელყოფის ობიექტი და ქმედების განხორციელების ფორმები	99
4.1.2 ბუნებითი დანაშაულების ცილისწამების სუბიექტი	103
4.1.3 ბუნებითი დანაშაულების ცილისწამებისათვის გათვალისწინებული სასჯელები	108
4.2. გრძნეულების ცილისწამება.....	113
4.2.1 გრძნეულების ცილისწამება როგორც დელიქტის ერთ-ერთი სახე.....	113
4.2.2 სასჯელი გრძნეულების ცილისწამებისათვის	116
4.3 საკუთრების წინააღმდეგ მიმართულ დანაშაულთა ცილისწამება	118
4.3.1 საკუთრების წინააღმდეგ მიმართული დანაშაულების ცილისწამება, როგორც დელიქტი	118
4.3.2 სასჯელი საკუთრების წინააღმდეგ მიმართული დანაშაულების ცილისწამებისათვის	125
დასკვნა	129
გამოყენებული წყაროები და ლიტერატურა.....	140

გამოყენებული აბრევიატურა

1. გვ. – გვერდი;
2. დასახ. – დასახელებული;
3. დასახ. ნაშრ. – დასახელებული ნაშრომი;
4. ქ. ი. – ქსე იგი;
5. ობ. – ობილისი;
6. იხ. – იხილეთ;
7. მაგ. – მაგალითად;
8. მუხ. – მუხლი;
9. ტ. – ტომი;
10. D – იუსტინიანეს დიგესტები;
11. I – იუსტინიანეს ინსტიტუციები;
12. M. – Москва;
13. ст. – страница.

ცილისწამების ფორმები ძველ ქართულ სამართალში

შესავალი

პენტევის საგანი. ცილისწამება პირისათვის რაიმეს დაწამებაში გამოიხატება. ცილისწამება შესაძლებელია სხვადასხვა ფორმით განხორციელდეს, სხვადასხვა ქმედების დაწამებას ეხებოდეს. აღნიშნული საკითხის მრავლგვარობა ასახაულია ძველი ქართული სამართლის ძეგლებში დამოუკიდებელი ნორმების არსებობით, რომლებიც ცალკეული ქმედების ცილისწამებისათვის განსაზღვრავენ პასუხისმგებლობას. პირველ რიგში შევეცდებით ჩამოვთვალოთ და დავახასიათოთ ის ნორმები, რომლებიც ცილისწამებისათვის აწესებენ სანქციებს. ეს ერთი შეხედვით თითქოსდა მარტივი საკითხი, გარკვეულ სირთულეს წარმოადგენს. ძველ ქართულ სამართალში ცილის შეწამება უფრო ფართო ცნება იყო ვიდრე ეს თანამედროვე სამართალშია გაგებული. სადისერტაციო ნაშრომი იმის შესწავლის მცდელობას წარმოადგენს, თუ რა ქმედებები ითვლებოდა ცილისწამებად ძველ ქართულ სამართალში. ამას გარდა ზოგიერთ შემთხვევაში ნორმათა ტექსტში გამოყენებული ტერმინების განმარტების საფუძველზე თუ შეიძლება იმის თქმა, რომ მუხლი ცილისწამებას ეხება. მაშინაც კი, როცა სამართლის ძეგლში ცილისწამების შესახებ არის საუბარი ტერმინთა განმარტების გარეშე სრულად ნორმის შინაარსის და კნონდებლის ნების განსაზღვრა შეუძლებელია. მიუხედავად ამისა ზოგჯერ რომელია ზუსტი, კატეგორიული დასკვნების გაკეთება. საკითხის შესწავლას არ აადვილებს ცილისწამების შესახებ ისტორიულ წყაროებში არსებული ფაქტები. სამართლებრივი თვალსაზრისით უმეტესად ეს მონაცემები გამოუსადეგარია, რადგან მოგვითხოვთ ცილი დაწამების ფაქტზე, მაგრამ ცილისმწამებლის დასჯის შესახებ არაფერს ამბობენ. განსახილველ საკითხთან დაკავშირებით დახმარებას გვიწევს სასამართლო განჩინებები, თუმცა ყველა სახის ცილისწამებაზე სასამართლო პრაქტიკა არ მოიძებნა. კვლევას ართულებს ასევე აღნიშნულის საკითხის შესახებ სამეცნიერო ლიტერატურის სიმწირე. ქართულ სამეცნიერო ლიტერატურაში ადამიანის პატივის წინააღმდეგ მიმართულ დელიქტები განხილული აქვს გ.

ნადარეიშვილს და პ. (თემურ) მონიავას, თუმცა ნაშრომებში უშუალოდ ცილისწამებას მცირე ადგილი აქვს დათმობილი.

სირთულეს წარმოადგენს ასევე სხვადასხვა ფორმის ცილის შეწამებისას ხელყოფის ობიექტის ზუსტი განსაზღვრა, კანონმდებელთა ნების ზუსტი დადგენა რა სიმართლებრივი სიკეთის ხელყოფისათვის იყო პასუხისმგებლობა დაწესებული. ზოგიერთ ნორმაში ობიექტზე მითითება ხდება, სხვა შემთხვევაში აღნიშნულთან დაკავშირებით მინიშნება არ არის. სამართლის ძეგლში ცილისწამების შესახებ არსებულ ნორმაში პირის პატივის ხელყოფაზე აქცენტის გაკეთება აადგილებს დელიქტის სახის განსაზღვრას, მითუმეტეს თუ კერძო სასჯელია დაწესებული ამ ქმედებისათვის. მაგრამ სხვა ფორმის ცილისწამებისას კანონდმდებლის მიერ სახელმწიფო ინტერესის ხელყოფაზე აქცენტის გაკეთება და ამავე დროს კერძო სასჯელის გამოყენება წინააღმდეგობრივ სურათს ქმნის. რა თქმა უნდა ქმედების საჯაროდ, ან კერო დელიქტად ჩათვლა პირობით ხასიათს ატარებს, რადგან ასეთ დაყოფას ძველი ქართული სამართალი არ იცნობს. ამოსავალი ამ საკითხის გადაწყვეტისას გამოყენებული სასჯელები იქნება. თუმცა თავისთავად მხოლოდ სასჯელის განხილვაც არ არის საკმარისი, რადგან ცილისწამების უმეტეს შემთხვევებში ქონებრივი სანქციებია გამოყენებული, ამ სახის სასჯელთა საჯარო, თუ კერძო ხასიათის მიმართ არ არის ერთგვაროვანი აზრი ჩამოყალიბებული. ამიტომ კონკრეტული ნორმის შინაარსიდან გამომდინარე უნდა გადაწყდეს დელიქტის სახის საკითხი.

კვლევის მიზანი. კვლევის მიზანია ძველ ქართულ სამართალში ცილისწამების შესახებ არსებული ნორმების მოძიება, ამ ნორმების და სასამართლო განჩინებების ანალიზის საფუძველზე ცილისწამების, როგორც ქმედების გამოვლინების ფორმების დადგენა და დასჯადობის საკითხის შესწავლა. ცილის შეწამების განსხვავებული ფორმების და ცალკეული ქმედებების დაწამების ანალიზის საფუძველზე კანონმდებელთა ნების დადგენა, თუ რა სახის სამართლებრივი სიკეთის დაცვისთვის აწესებდა პასუხისმგებლობას. ცილისწამების კონკრეტულ ნორმებში გამოყენებულ სანქციათა ანალიზის საფუძველზე პირობითად დელიქტის სახის განსაზღვრა.

კვლევის მეთოდები. სადისერტაციო ნაშრომის კვლევისას გამოყენებულია ისტორიულ-შედარებითი, ფორმალურ-იურიდიული, შედარებით-სამართლებრივი, ლოგიკური, სინთეზისა და ანალიზის მეთოდები.

სადისერტაციო ნაშრომის შედგენილობა. სადისერტაციო ნაშრომი შედგება შესავალი, ოთხი თავისა და დასკვნისაგან. პირველ თავში განხილულია ცილისწამების ზოგადი შემადგენლობები; მეორე თავში – ცრუ დასმენა, როგორც ცილისწამების ერთ-ერთი ფორმა; მესამე თავში – ტყუილი მთხოვობა; მეოთხე თავში – განხილულია ნორმები, რომლებიც ითვლისწინებენ პასუხისმგებლობას ცაკლეულ ქმედებათა

ცილისწამებისათვის, კერძოდ კი ბუნებითი დანაშაულების, გრძნეულების და საკუთრების წინააღმდეგ მიმართული დანაშაულების ცილისწამება.

თავი I. ცილისწამება როგორც დელიქტი

1.1 ცილისწამების ზოგადი შემადგენლობები

ძველი ქართული სამართლის კაზუისტური ხასიათის მიუხედავად გასარაგვები სამართლის ძეგლებში თუ არის ნორმები, რომლებიც ცილისწამების ზოგად შემადგენლობად შეიძლება ჩაითვალოს. თავდაპირველად ზანდუკში ცილისწამების თავში მითითებულ მუხლებს დავასახელებთ, ხოლო შემდგომ განვიხილავთ უშუალოდ ამ ნორმათა შინაარსს. ვახტანგ ბატონიშვილის სამართლის წიგნთა კრებულის ზანდუკში (საძიებელში) ის. დოლიძეს ცალკე თავად აქვს გამოყოფილი ცილისწამება, დაბეზდება და მთხოვბლობა (რომელიც თავის მხრივ მოიცავს ნორმებს ტყუილი მთხოვბლობის შესახებ).¹

ძველი ქართული სამართლის ძეგლებიდან ზანდუკში ცილისწამების თავში მითითებულია მრუშობის (ბაგრატ კურაპალატის სამართლი. ბექა-აღბუდას სამართლის 145-ე მუხლი)² და გრძნეულების დაწამება (ბაგრატ კურაპალატის სამართლი. ბექა-აღბუდას სამართლის 146-ე მუხლი).³ აქცენტი გაკეთებულია კონკრეტული ქმედების ცილისწამებაზე. ამას გარდა, ის. დოლიძე ცილისწამების თავში ქართული სამართლის ძეგლებიდან უთითებს მუხლებს, რომლებიც ითვალისწინებენ პასუხმისმგებლობას „მუქარის თხოვნისთვის“. აღნიშნული მუხლები გვხდება ბაგარატ კურაპალატის (ბექა-აღბუდას სამართლის 127-ე და 128-ე მუხლები)⁴ და ვახტანგ ბატონიშვილის სამართლში (მუხლი 228).⁵

დავით ჩუბინაშვილის ლექსიკონში „მუქარის თხოვნა“ განმარტებულია როგორც ხმალში გამოთხოვა.⁶ გიორგი ნადარევიშვილი თავის სტატიაში, ამ საკითხის შესახებ აღნიშნავს, რომ „მუქარის თხოვნა“ დუელში გამოწვევას უნდა ნიშნავდეს. მისი აზრით, „დუელში გაწვევა,

¹ ტყუილი მთხოვბლობა ცრუ დასმენის ერთ-ერთ ფორმას წარმოადგენდა. რის შესახებაც ქვემოთ იქნება საუბარი.

² ქართული სამართლის ძეგლები, ტ. I, ვახტანგ VI-ის სამართლის წიგნთა კრებული, ტექსტი გამოსცა, გამოკვლევა და ლექსიკონი დაურთო ის. დოლიძე, თბ., 1963, გვ. 468.

³ იქვე. გვ. 468.

⁴ იქვე, გვ. 467.

⁵ იქვე, გვ. 540.

⁶ ის. ჩუბინაშვილი დ., ქართულ-რუსული ლექსიკონი, მეორე გამოცემა, სასტამბოდ მოამზადა და წინასიტყვაობა დაურთო ა. შანიძე, თბ., 1984, გვ. 908.

შეიძლება ყოფილიყო „სამართლიანი“ და „უსამართლოც“. უსამრთლოდ დუელში გაწვევა დანაშაულად ითვლებოდა. ქართული სამართლის ცნობილ მკვლევარებს – ივ. ჯავახიშვილს, ალ. ვაჩეიშვილს, ივ. სურუბულაძეს, ის. დოლიძეს და სხვებს მხედველობიდან გამორჩათ ის გარემოება, რომ გამოთქმა „მუქარის თხოვნა“ ფეოდალურ საქართველოში ისეთ ორდალს უკავშირდება, როგორიცაა, ორთაბრძოლა. საფიქრებელია, რომ ძველი ქართული ჩვეულების მიხედვით, უმიზეზოდ „ამხანაგის“ ორთაბრძოლაში გაწვევა დიდ შეურაცყოფად ითვლებოდა.⁷ როგორც მოყვანილი ციტატიდან ჩანს გ. ნადარეიშვილი მუქარის თხოვნას ორდალის სახედ განიხილავს. ხოლო უსამართლოდ მუქარის თხოვნას შეურაცყოფად თვლის.

მუქარის თხოვნას ეხება ნ. ურბნელიც: „აღბუდა მუქარასაც ბრალადა სთვლის. ათაბაგი ამბობს, მუქარა უსამართლო უნდა იყოს, თანასწორს შეეხებოდეს და მხოლოდ მაშინ იცნობების ბრალადაო. მუქარა მარტო „ზემოთათვის“ შეადგენდა ბრალსა და ალბათ იმიტომ-რომ იგი სარცხვინელი ამბავია და ყველა ფერი სარცხვივნელი კიდევ უფრო მაღალ წოდებას მიაჩნია ბრალად. მუქარა ორგვარი იყო – დიდის, დიდებულის მუქარა და უქვემოსისა.“⁸

იმ შემთხვევაშიც კი თუ „მუქარის თხოვნა“ შეურაცყოფად უნდა ჩაითვალოს, მაინც გაუგებარი რჩება, რატომ არის ეს მუხლები მითითებული ზანდუკში ცილისწამების თავში, მითუმეტეს, რომ ზანდუკში ცილისწამებას მოსდევს შეურაცყოფა. მათ შორის საერთო ნიშნად შეიძლება მიჩნეულ იქნეს ის გარემოება, რომ როგორც ცილისწამება, ისე „მუქარის თხოვნა“ ძველ ქართულ სამართალში პატივის წინააღმდეგ მიმართულ დელიქტებად ითვლებოდა. თუმცა ეს საბოლოოდ მაინც ვერ ხსნის აღნიშნულ გარემოებას. მიუხედავად იმისა, რომ ეს მუხლები ზანდუკში ცილისწამების თავში არის მოთავსებული, ასეთ ქმედებად მაინც ვერ ჩაითვლება, რადგან შესაძლოა ამით პირის პატივი და დირსება იყო ხელყოფილი, მაგრამ ეს არ იყო გამოხატული პირისთვის რაიმეს დაწამებაში, რაც ცილისწამების არსებით ნიშანს წარმოადგენს. შესაბამისად დასახელებულ მუხლების შემდგომი განხილვა მიზანშეწონილი არ არის.

ცილისწამების თავში მითითებულია ორი მუხლი სომხური სამართლიდან. სომხური სამართლის ეს მუხლები (მუხ. 107 და 119)⁹ ეხება მოსამართლესთან პირისთვის „ავის მოქმედების“ დაწამებას. თავისი შინაარსით ეს ნორმები ცრუ დასმენას უფრო შეესაბამება, ვიდრე ცილისწამებას.

⁷ ნადარეიშვილი გ., ადამიანის პატივისა და დირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, ქურნალი „ალმანახი“, 2000, №14, გვ. 62.

⁸ ხიზანაშვილი ნ. (ურბნელი), ათაბაგნი ბეჭა და აღბუდა და მათი სამართალი, რჩეული თხზულებები, დასაბუქდად მოამზადა, ბიოგრაფიული მასალები და შენიშვნები დაურთო ის დოლიძემ, თბ., 1982, გვ. 491-492.

⁹ ქართული სამართლის ძეგლები, ტ. I, გვ. 255, 258.

ამდენად, ცილისწამების ზოგადი შემადგენლობების დადგენაში ის. დოლიძის მიერ ვახტანგ ბატონიშვილის სამართლის წიგნთა კრებულის ზანდუკის თავებად დაყოფა ვერ გვეხმარება. რაც ეჭვს ბადებს, არსებობდა კი ზოგადი ხასიათის ცილისწამების ნორმები ძველ ქართულ სამართლში. ეს თავი ამ ეჭვის გაბათილების მცდელობას წარმოადგენს. ცილისწამების, როგორც დელიქტის განხილვისას თავდაპირველად ქართული სამართლის ძეგლებში არსებული ნორმები იქნება განხილული, ხოლო შემდგომ აღნიშნულ საკითხთან დაკავშირებით სხვა სამართლის ძეგლები.

ცილისწამების ზოგად შემადგენლობად შეიძლება ჩაითვალოს ბაგრატ კურაპალატის სამართლის შემდეგი ნორმა (ბექა-აღბულის სამართლის 120-ე მუხლი): „ცილისა წამებისა ასრე არს: თუ მართალსა კაცსა ასმიოდეს, საყვედური განმრავლდეს, თუ მტერობით შეეყივლოს, მაშინ ფიცოს,-არა ზედაც. თუ არა ფიცოს სისხლი ზღოს.“¹⁰ ცილი ძველ ქართულში განმარტებულია როგორც ტყუილთაგანი,¹¹ ბრალი შემოღებული ვისზედმე სიცრუით.¹² ხოლო ცილის შეწამება როგორც ტყუილის დაწამება,¹³ ბრალის დადება.¹⁴ ნორმაში გამოყენებული ტერმინი „ასმიოდეს“ წარმოებულია სიტყვა „სმევა“-სგან. სმევა შესმენას, დასმენას ნიშნავდა.¹⁵ ნორმის ტექსტის დასაწყისის მიხედვით შეიძლება ითქვას, რომ მუხლი ეხება ცილისწამების განმარტებას. თუ ასმიოდეს დასმენას ნიშნავდა, მაშინ გამოდის, რომ კანონმდებელი ცილისწამების ცნებაში დასმენასაც მოიაზრებდა. ნორმის დასაწყისი შეიძლება შემდეგნაირად იქნეს განმარტებული, უდანაშაულო პირის დასმენა უსიამოვნების „გამრავლებას“ იწვევდა. თუ დაწამება ხდებოდა „მტერობით“¹⁶ ე. ი. ავის სურვილით, პირს ფიცით უხდებოდა თავისი ბრალდების დამტკიცება. გ. ნადარეიშვილის აზრით, ფიცი ეკისრება იმ მხარეს, რომლის მიმართაც მეტი გულვება შეიძლება არსებობდეს, რომ მართალია.¹⁷ შეეყივლება დავით ჩუბინაშვილის განმარტებით ყვირილით დაბრალებას ნიშნავდა.¹⁸ სავარაუდოდ ყვირილით დაბრალებაში სახალხოდ რაიმეს დაწამება უხდა იგულისხმებოდეს.

ამ ნორმას ეხება თ. მონიავაც, რომლის განმარტებით, ბაგრატ კურაპალატის სამართალი განასხვავებდა ცილისწამების ორ სახეს: ჩვეულებრივ ცილისწამებას (ანუ ცილისწამება როცა ინფორმაციის

¹⁰ ქართული სამართლის ძეგლები, ტ. I, გვ. 466.

¹¹ სულხან-ხაბა ორბელიანი, ლექსიკონი ქართული, II, ავტოგრაფული ნუსხების მიხედვით მოამზადა, გამოკვლევა და განმარტებათა ლექსიკის საძიებელი დაურთო ო. აბულაძე, თბ., 1993, გვ. 337.

¹² დ. ჩუბინაშვილი, დასახ. ლექსიკონი, გვ. 1594.

¹³ სულხან-ხაბა ორბელიანი, ლექსიკონი ქართული, II, გვ. 337.

¹⁴ დ. ჩუბინაშვილი, დასახ. ლექსიკონი, გვ. 1594.

¹⁵ იხ. ჩუბინაშვილი დ., დასახ. ლექსიკონი, გვ. 1185.

¹⁶ მტერი – ავის მდომი. სულხან-ხაბა ორბელიანი, ლექსიკონი ქართული, I, ავტოგრაფული ნუსხების მიხედვით მოამზადა, გამოკვლევა და განმარტებათა ლექსიკის საძიებელი დაურთო ო. აბულაძე, თბ., 1991, გვ. 524.

¹⁷ იხ. ნადარეიშვილი გ., ფიცი, როგორც მტკიცებულება, ქართული სამართლის წიგნების მიხედვით, თბ., 1962, გვ. 8.

¹⁸ იხ. ჩუბინაშვილი დ., დასახ. ლექსიკონი, გვ. 1487.

გამავრცელებელი პეთილსინდისიერად ცდებოდა) და ცილისწამებას „მტერობით“ ანუ პირდაპირი განზრახვით. ამასთან, თუ პირველ შემთხვევაში დაზრალებულს აკმარებდნენ საყვედურს (მაგ, გადაუმოწმებელი ცნობების გავრცელების შემთხვევაში), განზრახ ცილისმწამებელს უნდა გადაეხადა შესაბამისი სისხლის საფასური.¹⁹

ამ მუხლის მეორე ნაწილის შინაარსის განმარტება სირთულეს არ წარმოადგენს. ნორმაში პირდაპირ არის მითითებული რომ ცილისმწამებელი ბოროტი განზრახვით მოქმედებს. ამას უპირისპირებს თ. მონიავა სხვა სახის ცილისწამებას, რომელიც ბოროტი განზრახვით არ არის ჩაღნილი. ორივე ქმედებას, მიუხედავად იმისა, პირი პირდაპირი განზრახვით მოქმედებდა თუ არა, ავტორი ცილისწამებად თვლის. დასახელებული მუხლის პირველ ნაწილთან დაკავშირებით ორი ვარაუდის გამოთქმა შეიძლება. პირველი, „თუ მართალსა კაცსა ასმიოდეს, საყვედური განმრავლდეს“, განხილულ უნდა იქნეს, როგორც დამოუკიდებული ნორმა, რომელიც ცალკე სანქციას ითვალისწინებს. ამ მოსაზრებას გამოთქვამს თ. მონიავა. ამ შემთხვევაში დასაზუსტებელია ქმედების დასჯადობის საკითხი და გასარკვევია ტერმინის „საყვედური“-ს მნიშვნელობა. თ. მონიავა მას სასჯელის ერთ-ერთ ფორმად, საყვედურის გამოცხადებად თვლის. საყვედური, ლექსიკონის მიხედვით, ტუქსვას, სამდურავს ნიშნავდა.²⁰ ტუქსვა კი სულხან-საბა ორბელიანის განმარტებით საწვრთელ რისხვას წარმოადგენდა.²¹ თავის მხრივ სამდურავი მომდურავობას, გულ-ძვირობას, უსიამოვნებას გულისხმობდა.²² გამრავლება კი გახშირებას, მომატებას ნიშნავდა.²³ შესაბამისად „საყვედურის განმრავლება“ შესაძლოა მკაცრ დატუქსვას გულისხმობდეს. ტერმინთა განმარტებიდან გამომდინარე თითქოს უფრო მართებული იქნებოდა „საყვედურის განმრავლებას“ სანქციად თუ მივიჩნევდით. მაგრამ ნორმაში ამ მნიშვნელობით ტერმინთა გამოყენება შინაარსობრივად „არაგამრთულად“ ჩანს. როგორც უკვე ზემოთ იყო აღნიშნული მუხლი უდანაშაულო ადამიანის ბრალდებას ეხება. თუ ასეთს ადგილი ექნებოდა, სასამართლოსათვის წინასწარ რა თქმა უნდა ცნობილი არ იყო პირი კეთილსინდისიერად ცდებოდა სხვის უდანაშაულობაში თუ არა. ამიტომ გაუგებარია რა კრიტერიუმების მიხედვით ადგენდნენ ამ გარემოებას და რატომ უწესებდა ცილისმწამებელს სასამართლო ფიცის დადების ვალდებულებას. თუ საქმის გარემოებებიდან გამომდინარე ისედაც ცხადი იყო რომ პირი კეთილსინდისიერად ცდებოდა, ან ბოროტი განზრახვა ამოძრავებდა, მაშინ ფიცით ამის დადასტურება, ან უარყოფა აზრს კარგავს. ამას გარდა, თუ არ არსებობს იმის შეგნება, რომ პირი შეგნებულად სდებს ბრალს უდანაშაულო პირს მაშინ არ არსებობს თავად ცილისწამებაც. დასახელებული გარემოების არსებობა კი ცილისწამების აუცილებელ ნიშანს წარმოადგენს.

¹⁹ იხ. მონიავა პ. (თემურ), პატივის, დირსების და საქმიანი რეპუტაციის დაცვა საქართველოში (უძველეში დროიდან საბჭოთა პერიოდის ჩათვლით), თბ., 2005, გვ. 54.

²⁰ იხ. ჩუბინაშვილი დ., დასახ. ლექსიკონი, გვ. 1135.

²¹ იხ. სულხან-საბა ორბელიანი, ლექსიკონი ქართული, II, გვ. 147.

²² იხ. ჩუბინაშვილი დ., დასახ. ლექსიკონი, გვ. 1087.

²³ იქვე, გვ. 197.

უდანაშაულო პირის ბრალდება ოუნდაც ცილისმწამებელი კეთილსინდისიერად ცდებოდეს პირის უდანაშაულობასთან დაკავშირებით, მხარეთა შორის „უსიამოვნების გახშირების“ საფუძველი აუცილებლად გახდებოდა. როგორც ღირსი მამა ანგონი წერს: „ურჩხულის ენა ნაკლებ საშიშია, ვიდრე ენა ცილისმწამებლისა, რადგან ასეთი კაცი ჩხუბსა და განხეთქილებას აგდებს მშვიდობით მცხოვრებ ადამიანთა შორის, სოესავს ბოროტებას და ლვარძლს ახლობლებზი, არღვევს ერთობას.“²⁴ მოყვანილი განმარტება სრულ შესაბამისობაში მოდის ბაგრატ კურაპალატის სამართალში არსებულ ცილისწამების განმარტებასთან, იმ შედეგებთან რასაც კანონმდებელი ასახელებს. შესაბამისად, დასახელებული მუხლი ორი ნორმისაგან არ შედგება. მუხლის დასაწყისში კანონმდებელი ხსნის თავად ქმედების არსეს, განმარტავს რა საფრთხეს შეიცავს უდანაშაულო ადამიანის ცრუ ბრალდება, ხოლო შემდგომ ცილისწამების ნიშნებს და სანქციას უთითებს.

ამ ნორმის მიხედვით ცილისწამების დასჯადობისათვის აუცილებელ ნიშანს წარმოადგენდა პირდაპირი განზრახვის არსებობა და მეორე გარემოება—ცილისწამების საჯაროდ განცხადება. ცილისწამების ამ ნიშანს სხვა ქვეყნების სამართალშიც ვხვდებით. მაგალითად, მეცე ალფრედის კანონებით (871-901), „თუ ვინმე გაავრცელა საჯაროდ (ხალხში) ცილისწამება და მხილებულ იქნა ამაში, მაშინ იგი ამისთვის დაისაჯოს იმაზე მსუბუქად არა, ვიდრე ენის მოჭრით და რომ ენა ვერ იქნეს გამოსყიდული უფრო მცირე ფასად, ვიდრე აფასებენ მის (ცილიმწამებელის) ვერგილდეს.“ (მუხლი 32)²⁵

ცილისწამებას, როგორც პირის პატივის წინააღმდეგ მიმართულ ქმედებას გააჩნია მახასიათებლები, რაც მას სხვა სახის პატივის წინააღმდეგ მიმართულ დელიქტებისაგან განასხვავებს. პუგო ფელ შნერი ცილისწამების განხილვისას მის ორ ნიშანზე ამახვილებს ყურადღებას: ცილისწამებისას ისევე როგორც შეურაცყოფის შემთხვევაში ხელყოფის ობიექტს პირის პატივი წარმოადგენს, ხოლო ცილისწამების თავისებურებას წარმოადგენს, სხვისი პატივის არ აღიარება, რაც გამოიხატება რაიმე ფაქტის მტკიცებაში ან გავრცელებაში, რაც ამ პირის მიმართ საზოგადოების უარყოფით დამოკიდებულებას იწვევს.²⁶ მ. დუხოვსკი რომის სამართლის მიხედვით დასახელებული ქმედების ოთხ ნიშანს ასახელებს: პირველი — სხვა პირთა შორის ინფორმაციის გავრცელება, ეს ნიშანი ცილისწამებას შეურაცყოფისაგან მიჯნავს. მისი აზრით, ცილისწამების შემთხვევები რომის სამართალში (convictum, infamia და პასკვილი) ზუსტად გავრცელების საშუალებით განსხვავდებოდა ერთმანეთისაგან; ცილისწამების მეორე ნიშანი ცნობების გავრცელების სიცრუეა; მესამე

²⁴ <www.orthodoxy.ge/sakhli/10mtsneba.htm> ბოლოს გამოხმობილია 08.10.2014.

²⁵ ი. Хрестоматия памятников феодального государства и права стран европы, под редакцией В. М. Корецкого, М., 1961, ст. 74.

²⁶ ი. Fälschner H., Preusischen Strafrechts, Die Verbrechen gegen das Recht der Privatperson, zweiter teil, Bonn, 1868, s. 272.

ნიშანს, რაც რომის სამართლით იყო აღიარებული, წარმოადგენდა გარემოება, რომ გავრცელებული ინფორმაცია ეხებოდა დანაშაულებრივ ან უზნეო ქმედებას, ან ზოგადად უდირსი იყო პირის პატივისათვის; ხოლო რომის სამართლით ცილისწამების მეოთხე ნიშანი ცილის დაწამების განზრახვის არსებობაა, განზრახვა დაამციროს პირი სხვათა თვალში.²⁷

შეიძლება ითქვას, რომ ბაგრატ კურაპალატის სამართლის ზემოთ განხილულ მუხლში ცილისწამებისათვის დამახასიათებელი ოთხივე ნიშანი იკვეთება. პირველი გარემოების არსებობაზე ტერმინი „შეყივლება“ მეტყველებს, მეოთხეზე – ქმედების „მტერობით“ ჩადენა. მეორე ნიშანზე, ნათქვამის სიცრუეზე, აღნიშნულია, რომ ქმედება ჩადენილია „მართალი კაცის“ მიმართ. რაც შეეხება მესამე ნიშანს - დაწამება უნდა ეხებოდეს დანაშაულის ჩადენას, ან უზნეო ქმედებას. იმის მითითება, რომ ცილისწამება „საყვედურის გამრავლებას“ იწვევს მიანიშნებს, რომ დაწამება ეხება ისეთ ქმედებას, რაც პიროვნებას ცუდად წარმოაჩენს.

ცილისწამების ზოგად შემადგენლობას უნდა მიეკუთვნოს დავით ბატონიშვილის სამართლის 130-ე მუხლი. ცილისწამების სინონიმად ისხენიებს „ოდალოს“, „მარს“. „ოდალოს“ განმარტებას კანონმდებელი ნორმაშივე იძლევა: [130] ბ. ოდალოსათვის „ვინცა ოდალო, ესე იგი შარი, მოუგონოს და ცრუდ ბრალეულ-ჰყოს, ვითარითავი სახითა ბრალეულ-ჟყვიეს, ეგრეთითა სახითა ნაგულსავსე იქმნას შეწამებული იგი, ამად ვინადგან სააჯმნოდ დამდებელნი ამათა თვისთანი ჯერ-არიან სააჯმნო-ყოფად.“²⁸ ოდალოს განმარტება მოცემული აქვს სულხან-საბა ორბელიანს ლექსიკონში (ოდალო-სიცრუვით მოგონებული),²⁹ ხოლო შარი განმარტებულია დ. ჩუბინაშვილის ლექსიკონში, როგორც ცილისწამება.³⁰ ამდენად, დავით ბატონიშვილის დასახელებული მუხლი ზოგადად ცილისწამებას ეხება. ის თავის მხრივ არ მოიცავს არც ცრუ დასმენას და არც ტყეულ მთხოვნელობის შემთხვევებს, რადგან აღნიშნული ქმედებებისათვის დამოუკიდებული მუხლებია სამართლის წიგნში. ამ ნორმაში არ არის დაკონკრეტებული რას შეეხებოდა შარის მოგონება. ბრალში ძველ ქართულ სამართალში დანაშაული, შეცოდება იგულისხმებოდა.³¹ ტერმინის განმარტებაში შეცოდების მითითება ვარაუდს აჩენს, რომ ნორმა მხოლოდ დანაშაულის მოგონებით არ შემოიფარგლებოდა და იგი ცოდვის დაწამებასაც მოიცავდა. შესაბამისად

²⁷ იხ. *Духовский М.В., Понятие клеветы, как преступления против чести частных лиц по русскому праву, Ярославль, 1873, ст. 37,38,42,43. <http://www.pravo.vuzlib.org/book_z2243.html>* ბოლოს გამოხმობილია 06.02.2014. (წიგნის ელექტრონული ვარიანტი ხელმისაწვდომია თსუ იურიდიული ფაკულტეტის ბიბლიოთეკაში)

²⁸ სამართალი ბატონიშვილი დავითისა, ტექსტი გამოსცა და გამოკვლევა დაურთო დ. ვურცელაძე, თბ., 1964, გვ. 76.

²⁹ იხ. სულხან-საბა ორბელიანი, ლექსიკონი ქართული, I, გვ. 610.

³⁰ იხ. ჩუბინაშვილი დ., დასახ. ლექსიკონი, გვ. 1394.

³¹ იხ. სულხან-საბა ორბელიანი, ლექსიკონი ქართული, I, გვ. 113. ჩუბინაშვილი დ., დასახ. ლექსიკონი, გვ. 116.

ნორმის შინაარსი, შემდეგნაირად უნდა განიმარტოს, ცილისწამება ქ. ი. პირისათვის დანაშაულის, ცოდვის ჩადენის მოგონება და დაწამება. ცილისწამების როგორც ქმედების დახასიათებისას აღნიშნული იყო, რომ დაწამება შეიძლება ეხებოდეს როგორც დანაშაულის, ისე უდირსი, უზნეო ქმედების დაბრალებას. ამ მხრივ შეიძლება ითქას, რომ დავით ბატონიშვილის სამართალშიც კანონმდებლის მიერ იგივე აზრია გატარებული. რა თქმა უნდა დანაშაული ცოდვას წარმოადგენს, მაგრამ ცოდვის ცნება უფრო ფართო ვიდრე კანონმდებლის მიერ აკრძალული ქმედება, რისთვისაც სასჯელს აწესებს.

სირთულეს წარმოადგენს ტექსტის შემდგომი შინაარსის განმარტება. ცილისმწამებლის პასუხისმგებლობა სავარუდოდ დამოკიდებული იყო მის მიერ განხორციელებული ბრალდების სახეზე: „ვითარითავა სახითა ბრალეულ-უყვიეს, ეგრეთითა სახითა ნაგულსავსე იქმნას შეწამებული იგი.“³² გულსავსე მადლიერს, არა მქონებელი გულნაკულობისას ნიშნავდა. გულ-სავსება – კმაყოფილებას.³³ „ნაგულსავსე“ უნდა იყოს „გულსავსეს“ საპირისპირო, ე. ი. უკმაყოფილო. ამადენად რა სახის დაწამებას ექნებოდა ადგილი, რამდენადაც შეიძლახებოდა პირის პატივი, იმდენად მძიმე იქნებოდა სასჯელიც. ამ მოსაზრების სისწორეზე უნდა მეტყველებდეს ნორმაში კონკრეტული სანქციის მიუთითებლობაც.

ნორმის შემდგომი შინაარსის გარკვევისას დაგვეხმარება ტერმინ „ჯერ-არიან“-ის მნიშვნელობის დადგენა. ჯერი სულხან-საბა ორბელიანს განმარტებული აქვს როგორც დაჯერება. ³⁴ შესაბამისად დამწამებელს უნდა დაეჯერებინა სასამართლო თავისი დაწამების სიმართლეში. ამ ნიშანთან დაკავშირებით გარკვეული პარალელის გავლება შეიძლება განხილულ ნორმასა და ბაგრატ კურაპალატის სამართლის წიგნში არსებული ცილისწამების მუხლს შორის. ორივე შემთხვევაში დამწამებელს უწევს თავისი ბრალდების მტკიცება. ოუმცა ბაგრატ კურაპალატან ეს მხოლოდ ფიცში გამოიხატებოდა. რაც შეეხება დავით ბატონიშვილის სამართალში მტკიცების საშუალება დაკონკრეტებული არ არის. ამ ორ ნორმას შორის სხვა საერთო ნიშნის დანახვაც შეიძლება. როგორც ბაგრატ კურაპალატის სამართალში დავით ბატონიშვილთანაც ცილისწამება საჯარო უნდა ყოფილიყო. ამაზე მიანიშნებს ტერმინის „სააჯმნო“-ს გამოყენება³⁵.

განხილული ორი ნორმის საფუძველზე შეიძლება განისაზღვროს ცილისწამების ზოგადი ნიშნები: ეს არის პირდაპირი განზრახვის არსებობა,

³² სამართალი ბატონიშვილი დაგითისა, გვ. 76.

³³ იხ. ჩუბინაშვილი დ., დასახ. ლექსიკონი, გვ. 341.

³⁴ იხ. სულხან-საბა ორბელიანი, ლექსიკონი ქართული, II, გვ. 455.

³⁵ სააჯმნო – საჯარო. სულხან-საბა ორბელიანი, ლექსიკონი ქართული, II, გვ. 18;

საამჯმნო – საჯარო. ჩუბინაშვილი დ., დასახ. ლექსიკონი, გვ. 1051; საანჯმნო-ყოფა – გამოაშარევება განაქიქებდეს უფროსელა და საანჯმნო-კყოფდეს მას. ძუელითგანი იგი მტერობად მისი საანჯმნო-ყოფა. სარჯველაძე ზ., ძველი ქართული ენის ლექსიკონი, მასალები, თბ, 1995, გვ. 171.

როცა პირს შეგნებული აქვს, რომ უდანაშაულო პირს სდებს ბრალს; აუცილებელი იყო, რომ ბრალდება საჯარო ყოფილიყო. ამათგან ერთ-ერთის არარსებობა ცილისწამებისათვის პასუხისმგებლობას გამორიცხავდა. ორივე შემთხვევაში დამწამებელს უხდება თავისი ბრალდების მტკიცება. ნათქვამის სიცრუეზე მიანიშნებს ბაგრატ კურაპალატის სამართალში აღნიშვნა, რომ დაწამება „მართალ“ კაცს ეხება, ხოლო დავით ბატონიშვილის სამართალში, რომ ბრალდება ცრუ იყო. ამის გარდა, დაწამება დანაშაულს, ან ცოდვას ეხებოდა.

ქართული სამართლის სხვა ძეგლებში ცილისწამების ზოგადი ნორმები არ გვხვდება. რაც შეეხება ვახტანგ ბატონიშვილის კრებულში შესულ სხვა სამართლის ძეგლებს. მოსეს სამართალის პირველივე მუხლში, რომელსაც ეწოდება „მცნება ღმრთისაგან“ მოხსენიებულია ცილისწამება მკვლელობასთან, მრუშობასთან და ქურდობასთან ერთად: „ნუ კაც ჰკლავ, ნუ იმრუშებ, ნუ იპარავ, ნუ ცილის სწამებ მოყვასისა შენისა მიმართ.“³⁶ „ღმრთის ცნება“ ამკრძალავი ნორმაა, რომელიც სანქციას არ ითვალისწინებს. მოსეს სამართალში ცილისწამებასთან დაკავშირებით ნორმის არსებობა გასაკვირი არ არის, რადგან ღმერთის მიერ დადგენილ მეცხრე მცნებით აკრძალულია: „არა ცილი-სწამო მოყვასსა შენსა წამებითა ცრუითა.“ მეცხრე მცნება მოიცავდა ცრუმოწმეობას, ცილისწამებას, ტყუილ დაბეზღებას, მოწმის განკითხვას.³⁷ წმინდა მდვდელმთავარი ნიკოლოზი (ველიმიროვიჩი) განმარტავს რა დასახელებულ მცნებას მოყავს მაგალითები, რომელთაგან ერთი სასამართლოს წინაშე პირის ცრუ ბრალდებას – კერძოდ კი მეფის ცრუ ძრახვას ეხება, ხოლო სხვა შემთხვევაში საუბრობს დანაშაულის ცრუ მოწმეობაზე.³⁸ ცილისწამების ასეთი ფართო გაგება მოსეს სამართალის მე-14 მუხლშიც არის ასახული. ნორმა ცრუ მოწამეს ეხება. მოწამე სულხან-საბა თრბელიანის განმარტებით ნიშნავს დამმოწმებელს.³⁹ ხოლო დ. ჩუბინაშვილის მიხედვით, მოწამე იყო მოწმის სახელი, თვალით შეილველი, დამაჭეშმარიტებელი.⁴⁰

მოსეს სამართლის მე-14 მუხლი⁴¹ ზანდუკში არც ცილისწამების და არც დაბეზღების თავშია მითითებული და ამავე დროს ზემოთ მოყვანილი „მოწამის“ განმარტებიდანაც გამომდინარე არ შეიძლება ეს ნორმა ცილისწამების დელიქტთა რიცხვს მიეკუთვნოს, თუმცა კანონის ტექსტიდან გამომდინარე შეიძლება ითქვას, რომ დასახელებული მუხლი ცილისწამების შემთხვევებსაც მოიცავდა.⁴² მოწამეში მოსეს სამართალი დამწამებელს რომ

³⁶ ქართული სამართლის ძეგლები, ტ. I, გვ. 105.

³⁷ <http://martlmadidebloba.ge/ganmarteba4_mecxre-mcneba.html> ბოლოს გამოხმობილია 12.10.2014.

³⁸ იხ. წმინდა მდვდელმთავარი ნიკოლოზი (ველიმიროვიჩი), ათი მცნებანი ღვთისანი, ჟურნალი „მოყვასი“, 2003, №10, გვ. 20.

³⁹ იხ. სულხან-საბა თრბელიანი, ლექსიკონი ქართული, I, გვ. 513.

⁴⁰ იხ. ჩუბინაშვილი დ., დასახ. ლექსიკონი, გვ. 878.

⁴¹ ქართული სამართლის ძეგლები, ტ. I, გვ. 113.

⁴² გ. მეტრუკული თავის სტატიაში, განიხილავს რა დასახელებულ მუხლს, აღნიშნავს, რომ მე-14 მუხლი ცრუ მოწმეთა დასჯას ეხება. იხ. მეტრუკული გ, ებრაული სამართლის ქართული ვერსია, ჟურნალი „სამართალი“, 1992, №12, გვ. 42.

გულისხმობს ნორმის დასაწყისიდანაც ჩანს. რადგან ჯერ მოწამის მხრიდან აქვს ცილის დაწამებას ადგილი, ხოლო შემდეგ ხდება მოდავე მხარეთა, ცილდაწამებულის და ცილისმწამებლის წარდგომა მდგდელთა და მსაჯულთა წინაშე: „წარმო-თუ-დგეს ცრუ მოწამე რომლისავე კაცისათვის და იტყოდეს უსჯულოებასა, წარმოდგენ ორნივე კაცნი, და შეიყუნება წინაშე უფლისა და მდგელთა, წინაშე მსაჯულთა, რომელ იყენებ მათ უამთა.“⁴³ ამდენად, მსაჯულთა განხილვის საგანია უპპე არსებული ცილისწამება. როგორც ნორმის შემდგომი ტექსტიდან ჩანს, ცრუ მოწამე წარმოადგენს „უსჯულობის“⁴⁴ დამწამებელს, შემასმენებლს.⁴⁵ საქმის გარემოებების შესწავლის შედეგად თუ აღმოჩნდებოდა, რომ დაწამება ცრუ იყო, ე. ი. დამწამებელს შეცნობილი ჰქონდა, რომ უდანაშაულო პირს განზრახ სდებდა ბრალს მისი ქმედება მისი „სიბოროტის“ შესაბამისად უნდა დასჯილიყო: „გამოიკითხონ მათ ჭეშმარიტებით, და თუ იპოოს იგი წამებასა მას ზედა ცრუსა, სიცრუვით წამებდა მოყუასისა მიმართ და ვახად აღუდგა⁴⁶ მას, უყუედ მას მსგავსად სიბოროტისა მისისა, რომელთ-იგი ზრახა მოყუასისა თვისისათვის, მოსპერ ეგე, ვითარ ბოროტი თქუებ შორის, რაოთა ნეშტოთა მათ, რომელ დააშოენ, ეშინოდინ და არღარა შეასმინონ საქმედ ბოროტისა რაოთურთით.“⁴⁷ აღნიშნულ გარემოებაზე კანონმდებელი ხაზს უვამს, რაც შემადგენლობის აუცილებელ ელემანტად უნდა ჩაითვალოს. ამ შემთხვევაშიც ზღვარის გავლება შესმენას და ცილისწამებას შორის საკმაოდ რთულია. ერთი შეხედვით ეს მუხლი უფრო ცრუ დასმენად უნდა მიჩნეულიყო, რადგან მითითებულია, რომ ასეთი ქმედება უნდა დაისაჯოს, რათა შესმენას აღარ ჰქონდეს ადგილი. მაგრამ ნორმის დასაწყისის მიხედვით ჩანს, რომ ჯერ დაწამებას აქვს ადგილი, ხოლო შემდგომ, ორივე მხარე, როგორც დამწამებელი, ისე დაწამებული უნდა წარდგნენ მდგდელთა და მსაჯულთა წინაშე. ამდენად, მსაჯულთა განხილვის საფუძველი ხდებოდა არა დასმენა, არამედ არსებული ცილისწამება. ყოველშემთხვევაში ერთის თქმა ნამდვილად შეიძლება, რომ განზრახ უდანაშაულო ადამიანისათვის „უსჯულოების“ დაწამება მოსეს სამართლის მიხედვით დელიქტს წარმოადგენდა.

სომხური სამართლის 107-ე მუხლი პირობითად შეიძლება ორ ნაწილად გაიყოს. პირველ ნაწილში საუბარია მკვლელობის და „ავის მოქმედების“ დაწამებაზე: „თუ ვინ ვისი თქუას ავი ბოროტი ესე, თუ არის კაცის მკულელი და არის ავის მოქმედიო, წინაშე მოსამართლეთა რომ ვერ უყოს საბუთი და გამტყუნდეს მთქმელი, და სტყუოდეს, საკუდილის ღირსია.“⁴⁸ მკვლელობის დაწამების გარდა ნორმაში მითითებულია ავის მოქმედების დაწამება. შესაძლოა აქ იგულისხმებოდეს სხვა სახის

⁴³ ქართული სამართლის ქეგლები, ტ. I, გვ. 113.

⁴⁴ უსჯულოება – რჯულის გარდასვლა, უსამართლობა. ჩუბინაშვილი დ., დასახ. ნაშ., გვ. 1269.

⁴⁵ ქართული სამართლის ქეგლები, ტ. I, გვ. 113.

⁴⁶ ვახად – აღმდგომი – მართლის გამამტყუნებელი. სულხან-ხაბა თრბელიანი, ლექსიკონი ქართული, I, გვ. 259.

⁴⁷ ქართული სამართლის ქეგლები, ტ. I, გვ. 113.

⁴⁸ იქვე, გვ. 255.

დანაშაულის დაბრალება.⁴⁹ ტერმინის „ავის“ განმარტების მიხედვით შესაძლოა მოსაზრება გაჩნდეს, რომ „ავის მოქმედება“ უფრო ფართო ცნებაა ვიდრე მხოლოდ დანაშაულის ჩადენა და შეიძლება ისეთ ქმედებებსაც მოიცავდეს, რაც ზნეობრივად, ან რელიგიური თვალსაზრისით უარყოფითად ფასდება, მაგრამ კანონმდებლის მიერ დანაშაულად არ არის აღიარებული. მიუხედავად ამისა ამ მუხლში „ავის მოქმედება“ უფრო სხვა დანაშაულთა მნიშვნელობით უნდა იყოს გამოყენებული. ამ მოსაზრებას ამყარებს ის გარემოება, რომ ნორმაში სიკვდილით დასჯის გამოყენება, ყველა სახის დანაშაულის დაწამებისთვის საკმაოდ მკაცრი სასჯელი იყო, მითუმეტეს როველად წარმოსადგენია, რომ ამ სახის სანქცია ყოფილიყო გამოყენებული ისეთი ქმედების დაბრალებისათვის, რაც კანონით დასჯად ქმედებად არ ითვლებოდა. ამ მუხლითაც დამწამებელს ეკისრებოდა ვალდებულება თავისი ბრალდების დამტკიცების, მის მიერ მტკიცებულებების არ წარმოდგენა („ვერ უყოს საბუთი“⁵⁰) მოწმობდა, რომ ბრალდება ცილისმწამებლური იყო.

ამ მუხლის მეორე ნაწილით: „თუ ან კიდევ კაცმან თავის ამხანაგს ავი საქმე მოუგონოს და თავს ადებდეს შილთახობით, მასუკან ვერ უყოს საბუთი და გამტყუნდეს მთქმელი და მამგონი, მოსამართლეს როგორც რომ უნდოდეს და მართებდეს, ისრე გარდააჭდევინონ.“⁵¹ ამხანაგი მოყვასის მნიშვნელობით არის გამოყენებული.⁵² „შილთახი“ კი ცილისწამებას ნიშნავდა.⁵³ ამ შემთხვევაშიც მტკიცებულებების არ ქონა, პირის ცილისწამებისათვის ბრალდებას იწვევდა. მუხლის ამ ნაწილშიც საუბარია „ავი საქმის“⁵⁴ დაწამებაზე. ისევე როგორც პირველ ნაწილში, მეორეშიც საუბარი უნდა იყოს დანაშაულის დაბრალებაზე. განსხვავება მდგომარეობს იმ გარემოებაში, რომ ცილისწამება ამჯერად მიმართულია ახლობლის წინააღმდეგ.

პირის ბრლადებისას დამწამებლის მიერ მტკიცებულების წარმოადგენის აუცილებლობა უძველესი დროიდან იყო დამკვიდრებული. მსგავს დებულებას მაგალითად ხამურაბის კანონებში ვნახულობთ, რომლის მიხედვით, პირი ცილისმწამებლად ითვლებოდა, თუ მოწმეებს ვერ

⁴⁹ ავი – არა კეთილი. სულხან-ხაბა ორბელიანი, ლექსიკონი ქართული, I, გვ. 40; ავი – ჰავი – ცუდი, ავი. აბულაძე ი., ძველი ქართული ენის ლექსიკონი (მასალები), თბ., 1973, გვ. 575; ავი – ბოროტი, არაკეთილი, უკეთური, ცუდი, საძაგელი, მდარე ურიგო, ბედითი, ხენეში, უხმარი. ჩუბინა შვილი და, დასახ. ლექსიკონი, გვ. 8; მოქმედი – მქნელი. სულხან-ხაბა ორბელიანი, ლექსიკონი ქართული, I, გვ. 509.

⁵⁰ საბუთი – აღმოჩინება, სიტყვა ან წერილი სამართლისა. ჩუბინა შვილი და, დასახ. ლექსიკონი, გვ. 1048.

⁵¹ ქართული სამართლის ძეგლები, ტ. I, გვ. 255.

⁵² იხ. სულხან-ხაბა ორბელიანი, ლექსიკონი ქართული, I, გვ. 53; მოყვასი – მოყვარე, მეგობარი, მახლობელი, ამხანაგი. ჩუბინა შვილი და, დასახ. ლექსიკონი, გვ. 864.

⁵³ იხ. ჩუბინა შვილი და, დასახ. ლექსიკონი, გვ. 1520.

⁵⁴ საქმე – მოქმედება სიტყვიერი და რაიცა. სულხან-ხაბა ორბელიანი, ლექსიკონი ქართული, II, გვ. 61; საქმე – მოქმედება, ზმნობა, გარდასვლა ვისიმე, საქციელი. ჩუბინა შვილი და, დასახ. ლექსიკონი, გვ. 1131.

წარმოადგენდა და ამით ვერ დაამტკიცებდა თავის სიმართლეს (მუხ. 13).⁵⁵ მართალია, ბაგრატ კურაპალატის სამართლის ზემოთ განხილულ მუხლში დამწამებლის მიერ მტკიცებულების წარმოდგენა არ არის ნახსენები და არც მოწმის მოყვანაზე აქცენტი გაკეთებული, მაგრამ ნორმაში საუბარი იყო დამწამებლის მხრიდან დაფიცების სავალდებულოებაზე. ფიცი იმ მტკიცებულებას წარმოადგენდა, რომლის შეუსრულებლობა დამწამებელს ცილისმწამებლად აქცევდა. იუსტიციის ინსტიტუციების მიხედვითაც, მოსარჩელეს უნდა დაეფიცა, რომ იგი პირს ცილს არ სწამებდა.⁵⁶

ამდენად, მოყვანილი მაგალითებიდან იკვეთება საერთო ნიშანი, თუ დამწამებელი თავის ბრალდებას არ დაამტკიცებდა, მისი ქმედება ცილისწამებად ითვლებოდა და ნორმით განსაზღვრული სანქციების დაკისრებას იწვევდა.

სომხური სამართლის წიგნის 119-ე მუხლს რაც შეეხება, ცილისწამების როგორც დელიქტზე საუბარისას დასახელებულ ნორმა ვერ იქნება გამოყენებული, რადგან ის მოსამართლისადმი მოთხოვნას შეიცავს, არ გაითვლისწინოს იმ პირის ჩვენება, რომელიც ადრე მხილებული იყო ტყუილ დაბეზღებაში. „კაცმან ვინც ვისი მოსამართლესთან ავის სთქუას და იყოს ავის მოლაპარაკე, მოსამართლემ უნდა სწორედ და რაგინად გასინჯოს სიტყუა მისი მართლობისა და სიმტკიცებისა. თუ მრავალჯერ ტყუილი მოექსენებინოს და ტყუილი მობეზდარი იყოს, გაიშოროს კარისა მისისაგან.“⁵⁷

სუბიექტის მიხედვით ცილისწამების სპეციალურ შემადგენლობად უნდა ჩაითვალოს ბერძნული სამართლის 173-ე მუხლი, რომელიც ყმის მიერ ბატონის ცილისწამებას ეხება: „უკეთუ ვინმე შინაყმამ თავისის ბატონის ცილის წამებით ურიგო თქუას, ექსორია ექნას. “⁵⁸ ნორმაში არ არის დაკონკრეტებული რას შეეხებოდა ცილისწამება. თუ ზემოთ მოყვანილ ნორმებთან დაკავშირებით შეიძლება ითქვას, რომ საქმე ეხებოდა დანაშაულის დაწამებას, დასახელებულ მუხლთან მიმართებაში იგივეს თქმა როჟლია. „ურიგო“ უწესოს, უმართებულოს, უშესაბამოს ნიშნავდა.⁵⁹ ბატონის მიმართ ყმის სამართლებრივი ვალდებულებების არსებობა განაპირობებდა, მის მიმართ წაყენებულ განსაკუთრებულ მოთხოვნებს და ნებისმიერი ცილისმწამებლური ინფორმაცია, რომელიც შეიძლებოდა არც ყოფილიყო დაკავშირებული დანაშაულის დაწამებასთან, ბერძნული სამართლით დანაშაულად ითვლებოდა.

ბერძნული სამართლის შემდეგი მუხლი (174-ე) გააზატებულის მიერ ყოფილი ბატონის ცილისწამებას ეხება. „უკეთუ აზატნაქნარმა კაცმა

⁵⁵ ხამურაბის კანონები. აქადურიდან თარგმნა და კომენტარები დაურთოთ ზ. კიქაძემ, თბ., 1988, გვ. 12.

⁵⁶ I.4.16.1. „კორპუს იურის ცივილის“ იუსტიციის ინსტიტუციები, ლათინურიდან თარგმნა, წინასიტყვაობა, შენიშვნები, და სამიებლები დაურთოთ ნ. სურგულაძემ, თბ., 2002, გვ. 261.

⁵⁷ ქართული სამართლის ძეგლები, ტ. I, გვ. 258.

⁵⁸ იქვე, გვ. 171.

⁵⁹ იხ. ჩუბინა შვილი დ., დასახ. ლექსიკონი, გვ. 1267.

თავისი ბატონის ცილისწამებით ავი რამ თქმას, ექსორია იქმნას.⁶⁰ ამ შემთხვევაშიც არ არის დაკონკრეტებული რას შეეხმოდა ცილისწამება, წინა მუხლისაგან განსხვავებით „ურიგოს“ ნაცვალად „ავია“ გამოყენებული. ავი არა კეთილს ნიშნავდა.⁶¹ რამდენად იდენტურია შინაარსობრივად დასახელებულ მუხლში ცილისწამებით „ავის“ თქმა, სომხური სამართლის 107-ე მუხლში მითითებული „ავი ბოროტის“ თქმისა.⁶² თუ თანმიმდევრულები ვიქნებით, უნდა დავასკვნათ, რომ ამ შემთხვევაშიც ავის თქმა გულისხმობდა „ავის მოქმედების“ დაწამებას, ხოლო ავის მოქმედება – თავის მხრივ დანაშაულის დაწამებას. თუმცა უნდა გავამახვილოთ ყურადღება ერთ გარემოებაზე. გააზაგებულს, თავისუფლების მიუხედავად ყოფილი ბატონის წინაშე სამართლებრივი ვალდებულებები ეკისრებოდა. შესაძლოა, ეს ნორმაც ამ ვალდებულებების ერთგვარ გაგრძელებას წარმოადგენდა. დანაშაულის ცილისწამებისათვის ისჯებოდა პირი მიუხედავად ვინ იყო ცილისმწამებელი და ვის მიმართ იყო განხორციელებული ქმედება. თუ არა განსხვავებული პასუხისმგებლობის საკითხი გაურკვეველია რა დანიშნულება პქონდა ამ ნორმის არსებობას. ამასთან დაკავშირებით ორი ვარაუდის გამოთქმა შეიძლება: პირველი, ნორმაში „ავის თქმა“ უფრო ფართო ცნებაა ვიდრე დანაშაულის დაწამება და გულისხმობს ყოფილი ბატონის შესახებ ნებისმიერი სახის ცილისწამებისათვის პასუხისმგებლობას და მეორე, „ავის თქმა“ გულისხმობს დანაშაულის ცილისწამებას, ხოლო გააზაგებულის განსაკუთრებული ვალდებულება ყოფილი ბატონის წინაშე გამოხატულია სასჯელის ფორმაში. ის რომ ცილისმწამებლის, როგორც დანაშაულის სუბიექტის განსხვავებული ნიშნები განსაკუთრებული სანქციების გამოყენებას იწვევდა, ეს ბერძნული სამართლის ქართულ კერძის 289-ე მუხლშიც ჩანს. ნორმა ეხება მშობლის ცილისწამებისათვის და შეურაცყოფისათვის შვილისთვის სამკვიდროს ჩამორთმევას: „უკეთუ ვინმე თავის მამასა და დედასა სცეს და გააგდოს ანუ აგინოს, ანუ მშობელთა თვისთა ტყეილად ცილი შესწამოს მეფესთან ანუ მოსამართლესთან...⁶³ ეს ნორმა სხვა მხრივაც არის საყურადღებო. როგორც ტექსტიდან ჩანს კანონმდებლი არ მიჯნავს ერთმანეთისაგან ცილისწამებას ცრუ დასმენას. მართალია მუხლში საუბარია ცილისწამებაზე, მაგრამ ნორმის კონტექსტიდან გამომდინარე შეიძლება ითქვას, რომ ნორმა ცრუ დასმენას უფრო შეესაბამება, რადგან საუბარია მეფის და მოსამართლის წინაშე ცილისწამებაზე. ამ ნორმაშიც ასახვას პოვებს შვილის განსაკუთრებული ვალდებულებები მშობელთა მიმართ, რაც მის მიმართ დამატებითი სანქციის გამოყენებაში გამოიხატება.

გააზაგებულის ყოფილი ბატონისადმი, ან შვილის მშობლისადმი „გააზრდილი“ პასუხისმგებლობა გასაკვირი არ არის, რაც შესაძლოა ასახული იყო იმაში, რომ გააზაგებული ბატონის ცილისწამებისათვის

⁶⁰ ქართული სამართლის ძეგლები, ტ. I, გვ. 171.

⁶¹ იხ. სულხან-ხაბა თრბელიანი, ლექსიკონი ქართული, I, გვ. 40.

⁶² ქართული სამართლის ძეგლები, ტ. I, გვ. 255.

⁶³ ქართული სამართლის ძეგლები, ტ. I, გვ. 197.

უფრო მკაცრად უნდა დასჯილიყო, ხოლო ცილისმწამებლი შვილის მიმართ დამატებითი სანქცია უნდა ყოფილიყო გამოყენებული. მაგრამ ეს მხოლოდ ვარაუდია. სამწუხაროდ ბერძნული სამართლის ქართულ ვერსიაში არ არის ნორმა, რომელიც ცილისმწამების ზოგად შემადგენლობად შეიძლება ჩაითვალოს, რაც საშუალებას მოგვცემდა ამ საკითხთან დაკავშირებით ზუსტი დასკვნის გაკეთებას. საკითხის გარკვევის მიზნით თუ რომის სამართლიდან ამოვალთ, ცილისმწამების შემადგენლობის განსაზღვრა ამ შემთხვევაშიც ადვილი არ არის. პირის პატივის წინააღმდეგ მიმართულ ქმედებებს ინსტიტუციების მიხედვით ინიურია მოიცავდა: 1. „ხოლო „უკანონობას“ („ინიურიას“) ჩადიან არა მარტო მაშინ, როდესაც, მაგალითად ვინმე მუშტით ან კეტით ცემებს, ან კიდევ გაშოლტეს, არამედ იმ შემთხვევაშიც, თუ ვინმე გალანძდეს; ან თუ ერთი პირი მეორეს ქონებას ისე ეუფლება, თითქოს ეს უკანასკნელი მისი მოვალეა, [თუმცა] იცის, რომ ამ უკანასკნელს მისი არაფერი მართებს; ან თუ ერთმა პირმა მეორე პირის სახელის გასატეხად პასკვილი ან ლექსი დაწერა, შეთხზა, გამოსცა და ეს ბოროტი განზრახვით ჩაიდინა, რომ მეორე პირს რამე დაუშაოს; ან თუ ვინმე ოჯახის დედას ან არასრულწლოვანს ვაჟსა თუ ქალს ავიწოროვებს; ან თუ ითქვა, რომ ვინმეს უბიწოება ხელყოფილ იქნა, და ბოლოს, ცხადია, რომ „ინიურია“ (უკანონობა) კიდევ სხვა მრავალი სახით შეიძლება ჩაიდინონ.“⁶⁴ აქ პირის სახელის გატეხვა პასკვილის და ლექსის დაწერით გამოიხატება, რაც ჩადენილია ბოროტი განზრახვით, იმ მიზნით, რომ მეორე პირს რამე დაუშაოს. ტექსტში მითითება, რომ ინიურია მხოლოდ ამ ჩამონათვალით არ ამოიწურება მიანიშნებს, რომ პატივის ხელყოფა სხვა საშულებითაც შეიძლებოდა, რაც ასევე დასჯად ქმედებად ჩაითვლებოდა. პირის პატივის დაცვას XII დაფის კანონებიც ითვლისწინებდა. როგორც ციცერონი აღნიშნავს, „XII დაფის კანონებმა დაწესა სიკვდილით დასჯა მცირე რაოდენობის დანაშაულებრვი ქმედებისათვის და მათ შორის თვლიდნენ აუცილებლად მის გამოყენებას იმ შემთხვევაშიც, როცა ვინმე შეთხზა ან მდერის სიმდერას, რომელიც შეიცავს სხვის ცილისმწამებას ან შეურაცყოფას.“⁶⁵ მ. დუხოვსკის აზრით, რომის სამართალში ცილისმწამებისათვის, როგორც პირის პატივის ხელყოფისათვის, პასუხისმგებლობას ითვლისწინებდა რამდენიმე ქმედება: „convicium“, „infamia“, „liber famosus“.⁶⁶ ყველა ეს ქმედება განიხილებოდა შეურაცყოფად, რომელიც გამოხატული იყო ტერმინით – contumelia.⁶⁷ „convicium“, „infamia“, და „liber famosus“ ვერბალური შეურაცყოფის სახეები იყო. convicium- ხალხის წინაშე ხმამაღლა სალანდავი სიტყვების წარმოთქმაში გამოიხატებოდა, რაც ეწინააღმდეგებოდა კეთილ ზნე-ჩეულებებს და ცდილობდა დაემცირებინა პირი სხვათა თვალში, ან მიეყენებინა პირის პატივისათვის

⁶⁴ I.4.4.1. „კორპუს იურის ცივილის“, იუსტინიანეს ინსტიტუციები, გვ. 219.

⁶⁵ იხ. Хрестоматия по всеобщей истории государства и права, том. 1, под редакцией К. И. Батыра и Е. В. Поликарповой, М., 2003, ст. 84.

⁶⁶ იხ. Духовский М.В., დასახ. ნაშ., გვ. 20, 23, 24, 31.

⁶⁷ იხ. D.47.10.1. Дигести Юстиниана, том VII, полуторум 1, книга XLV-XLVI, ответственный редактор Л. П. Кофанов, М., 2005, ст. 483.

სხვა სახის ზიანი;⁶⁸ infamia⁶⁹ და convicium ძალიან მსგავს ქმედებებს წარმოადგენდა. ორივე შემთხვევაში მიზანს წარმოადგენს პირის დამცირება ხალხის თვალში. თუ convicium-ის აუცილებელი ნიშანია ყვირილით ხალხთა შეკრების ადგილას წარმოთქმა, იგივე ქმედების ჩადენა არა ხალხის შეკრების ადგილას და არა ყვირილით ითვლებოდა infamia-დ. liber famosus - სხვა სახის შეურაცყოფისაგან იმით განსხვავდებოდა, რომ ინიურიას ჩადენა ხდებოდა მაგალითად წერილით, ნახატით და ამგვარი საშუალებებით.⁷⁰ სამივე შემთხვევაში უშუალოდ ცილისწამებზე არ არის საუბარი, არამედ პატივის ხელყოფის დასახელებული შემთხვევები ცილისწამებასაც მოიცავდა. თუმცა რომის სამართალში ცილისწამება იქნებოდა ჩადენილი, თუ პირის პატივის წინააღმდეგ მიმართული სხვა ქმედება, მნიშვნელობა არ ჰქონდა, რადგან ყველა ასეთ შემთხვევაში ხდებოდა ერთი სახის სარჩელის – actio injuriarum aestimatoria-ს წარდგენა.⁷¹

სამართალგანვითარების შემდგომ ეტაპზეც სირთულეს წარმოადგენდა ცილისწამების შეურაცყოფისაგან გამოყოფა. როგორც აღნიშნავენ შეურაცყოფის და ცილისწამების ერთმანეთისაგან უფრო მკვეთრად გამიჯვნა ხდება ფოირბახის და გროლმანის შემდეგ. თუ ფოირბახი ცილისწამებას მხოლოდ მართლსაწინააღმდეგო ქმედების დაწამებით განსაზღვრავდა. გროლმანი უფრო აფართოვებს ცილისწამების ცნებას. მისი აზრით ცილისწამებას იმ შემთხვევაშიც აქვს ადგილი, თუ პირს სწამებენ ისეთ ქმედებას, რაც ადამიანს უდირსად წარმოაჩენს ხალხის თვალში.⁷² ზემოთ უკვე იყო საუბარი, რომ ძველი ქართული სამართლის ძეგლებში არსებული ცილისწამების ზოგადი შემადგენლობებით ცილისწამება მხოლოდ დანაშაულის დაწამებით არ შემოიფარგლებოდა. რაც შეეხება ცილისწამების და შეურაცყოფის ერთმანეთისაგან გამიჯვნის საკითხს. ნიკო ნიზანაშვილი ბექა-აღბუდას სამართლის განხილვისას აღნიშნავს, რომ „გინების გარდა სხვაფრივაც შეიძლებოდა სიტყვით შეურაცხება. ასეთი შეურაცხებაა ნაპარვის დაწამება და გრძნეულობის შეყივლება.“⁷³ მოყვანილი ციტატა მიუთითებს, რომ მეცნიერი ცილისწამებას შეურაცყოფის სახედ თვლიდა. ვახტან VI სამართლის წიგნთა კრებულის ზანდუკში ის. დოლიძეს ცალკე თავად აქვს გამოყოფილი ცილისწამება და შეურაცყოფა. შეურაცყოფის თავში რეალური შეურაცყოფის შემთხვევებია მითითებული.⁷⁴ ასევე გამიჯნულია ვერბალური შეურაცყოფა და

⁶⁸ ი. D.47.10.15.2-11. სტ. 501.

⁶⁹ ი. D.47.10.15.27. სტ. 503. .

⁷⁰ ი. დუხოვსკიй М.В., დასახ. ნაშ., გვ. 20, 23, 24, 31.

⁷¹ ი. Moosheimer T, Die actio injuriarum aestimatoria im 18. und 19. Jahrhundert, Eine Untersuchung zu den Gründen ihrer Abschaffung, Tübingen, 1997, S.4.

⁷² ი. Fälschner H., დასახ. ნაშ., გვ. 269.

⁷³ ხიზანაშვილი ხ. (ურბნელი), დასა. ნაშ., გვ. 490.

⁷⁴ სომხური სამართლის 183-ე მუხლი, აღბუდას სამართლის 126-ე და 144-ე მუხლები. ქართული სამართლის ძეგლები, ტ. I, გვ. 33, 34.

ცილისწამება ერთმანეთისაგან. გინების შესახებ არსებული მუხლები ცალკე არის გამოყოფილი.⁷⁵

ამ საკითხთან მიმართებაში ძველ რუსულ სამართალს თუ შევადარებთ, რუსებია პრავდა არ იცნობს პირის პატივის ხელყოფას, როგორც დამოუკიდებელ დანაშაულს. ამ პერიოდში პატივის ხელყოფას სხვა კატეგორიის დანაშაულები მოიცავდა (მაგ. ცემა, დაჭრა, დასახირება). სამართალგანვითარების შემდგომ ეტაპზე ცილისწამება, თუმცა დასჯად ქმედებას წარმოადგენდა, დამოუკიდებელ დანაშაულად გამოყოფილი არ იყო. ასევე 1649 წლის სჯულდებაშიც ცილისწამება არ არის მოცემული ცალკე შემადგენლობის სახით, მას მოიცავდა შეურაცყოფის ცნება. პეტრე I-ის არტიკულებში პირველად ჩნდება დაყოფა შეურაცყოფასა და ცილისწამებას შორის.⁷⁶

ამდენად, ის. დოლიძის მიერ ზანდუკის ცილისწამების თავში ქართული სამართლის ძეგლებიდან მითითებული მუხლები კონკრეტული ქმედებების ცილისწამებას ეხება.⁷⁷ ხოლო ნორმებს, რომლებიც „მუქარის თხოვნას“ ეხება შინაარსობრივი განმარტების მიხედვით ცილისწამებად ვერ ჩაითვლება. ქართულ სამართლის ძეგლებთან მიმართებაში ამ საკითხთან დაკავშირებით ზანდუკს ვერ დავეყრდნობით. აღნიშნული არ ნიშნავს, რომ ძველი ქართული სამართალი ცილისწამების ზოგად შემადგენლობას არ იცნობდა და ცილისწამების დელიქტები მხოლოდ კონკრეტული ქმდებების დაწამებით შემოიფარგლებოდა. ამას ადასტურებს ბაგრატ კურაპალატის სამართალი (ბექა-აღბუღას სამართლის 120-ე მუხლი). თუ დასახელებული ნორმა შესაძლოა ცრუ დასმენასაც გულისხმობდა, დავით ბატონიშვილის სამართალში მკვეთრი ზღვარია გავლებული ამ ორი სახის დაწამებას შორის. ამდენად, ძველი ქართული სამართლით დასჯადი იყო არ მარტო ცალკეული ქმედებების დაწამება, რისთვისაც დამოუკიდებული ნორმები არსებობდა, არამედ ზოგადად ცილისწამება დელიქტს წარმოადგენდა. ძველი ქართული სამართლის ზემოთ განხილულ ნორმებში, რომლებიც ცილისწამებას ეხება, დელიქტის იმ ნიშნებზე არის მინიშნება, რაც ზოგადად ამ ქმედებას ახასიათებს.

⁷⁵ ბერძნული სამართლის მე-18, 94-ე და 95-ე მუხლები; ხომხური სმართლის 114-ე და 238-ე მუხლები; ადბუღას სამართლის 129-ე, 130-ე და 131-ე მუხლები; ვახტანგ ბატონიშვილის 226-ე და 227-ე მუხლები. ქართული სამართლის ძეგლები, ტ. I, გვ. 33.

⁷⁶ იხ. ДУХОВСКИЙ М.В., დასახ. ნაშ., გვ. 107, 128, 139, 142.

⁷⁷ აღნიშნულ მუხლები შემდგომ თავში იქნება განხილული.

12 ცილისწამების ზოგადი შემადგენლობებით განსაზღვრული სასჯელთა სახეები

როგორც გიორგი ნადარეიშვილი აღნიშნავს, „სასჯელის გამოყენების არეალი, მათი სახეობები, სასჯელის მიზნები და ამოცანები მრავალ ფაქტორზე იყო დამოკიდებული, რომელთა შორისაც განსაკუთრებით უნდა გამოიყოს ქვეყნის სოციალურ ეკონომიკური და პოლიტიკური განვითარების დონე, სახელწიფოებრიობისა და სამართალგანვითარების ტენდენციები, წარსულიდან მიღებული სამართლებრივი მექანიზმები და რელიგიური გავლენა სამართალზე.“⁷⁸ დასახელებული საკითხები რა თქმა უნდა პატივისა და ღირსების წინააღმდეგ მიმართულ დელიქტებისათვის სასჯელთა დაწესებაზეც მოახდენდა გავლენას, თუმცა ამ შემთხვევაში უფრო კონკრეტული საკითხია საინტერესო, რა სახის სასჯელები გამოიყენებოდა ცილისწამებისათვის. გარდა ცილისწამების ზოგადი შემადგენლობისა, სამართლის ძეგლებში არის ასევე „სპეციალური“ ნორმები, რომლებიც კონკრეტული ქმედებების ცილისწამებას ეხება. შესაბამისად ჯერ განხილულ იქნება ზოგად შემადგენლობებში მითითებული სანქციები.

ბაგრატ კურაპალატის სამართალში ცილისწამების ნორმა პირობითად შეიძლება ორ ნაწილად გაიყოს (ბექა-აღბუღას სამართლის მუხ. 120): „ცილისა წამებისა ასრე არს: თუ მართალსა კაცსა ასმიოდეს, საყვედური განმრავლდეს, თუ მტერობით შეეყივლოს, მაშინ ფიცოს,—არა ზედააც. თუ არა ფიცოს სისხლი ზღოს“.⁷⁹ პირველ ნაწილში, როგორც ზემოთ უკვე იყო აღნიშნული ცილისწამებით გამოწვეულ შედეგებზეა საუბარი. ხოლო თუ ცილისწამება ბოროტი განზრახვით იყო ჩადენილი პირს ასეთი ქმედებისათვის უნდა „ეზლო“. ზღვევა დანაშაულის გარდაპდევინებას ნიშნავდა.⁸⁰ „გარდაპდევინება“ ამ შემთხვევაში სისხლის ფასის გადახდაში გამოიხატებოდა. გასარკვევია ვის სასარგებლოდ ხდებოდა სისხლის ფასის გადახდა, რაც საშუალებას იძლევა განისაზღვროს დელიქტის სახე. მეცნიერთა შორის არ არის ერთგვაროვანი შეხედულება, ეკუთვნოდა სახელმწიფოს გარკვეული წილი დამნაშავის მიერ გადახდილი სისხლის საფასურიდან თუ არა. ალ. ვაჩეიშვილის აზრით, ვახტან მეექსის კანონმდებლობა თითქმის საერთოდ არ იცნობს კომპოზიციის იმ ნაწილს, რომელიც ეკუთვნის ხელისუფლების წარმომადგენელს. ასევე ბექა-აღბუღას კანონების თანახმად დამნაშავე მთლიანად უხდიდა საზღაურს დაზრალებულს. გიორგი ბრწყინვალეს ძეგლის დადება აგრეთვე იზიარებს კერძო საწყისს. ამ მხრივ ერთადერთ გამონაკლიის წარმოადგენდა ვახტანგის სამართლის წიგნის 154-ე მუხლი, რომელშიც კანონმდებელი აღიარებს კომპოზიციის საჯარო ელემენტს, მაგრამ თავისი ძირითადი

⁷⁸ ნადარეიშვილი გ. „კერძო და საჯარო სასჯელები ფეოდალურ საქართველოში, უერნალი „აღმნახი“, 2000, №14, გვ. 100.

⁷⁹ ქართული სამართლის ძეგლები, ტ. I, გვ. 466.

⁸⁰ იხ. სულხან-ხაბა თრბელიანი, ლექსიკონი ქართული, I, გვ. 291.

საფუძვლების შესაბამისად აქაც ატარებს წოდებრივ ხაზს. ალ. ვაჩევიშვილს მოჰყავს აღნიშნულ საკითხთან დაკავშირებით პოლდაკის მოსაზრებაც, რომელიც ასევე უარყოფს ძველ ქართულ სამართალში სისხლის ფასის გადახდისას სახელმწიფოსათვის განსაზღვრული წილის არსებობას.⁸¹ ბ. ნადარეიშვილის შეხედულებით, ი. კარსტის და პოლდაკის მოსაზრებები, რომ ქართული სამართლის კომპოზიციების სისტემა არ იცნობდა სისხლის სამართლის საჯარო ხასიათის ჯარიმას და რომ სისხლის დაურვება მთლიანად კერძო საზღაურის ხასიათი ჰქონდა, არ შეიძლება მართებულად ჩაითვალოს და რომ მათ სრულყოფილად ვერ შეძლეს ყველა საჭირო წყაროსა და მასალის მოხმობა.⁸²

6. ურბნელი იკვლევს რა ბექა-აღბუღას სამართალს, აღნიშნავს, რომ „საათაბაგოში-კი სისხლი მთლიად ნაწყენს და მის სახლობას მიჰქონდა და არა ჩანს, ათაბაგს იმის მოხელეებს ჯარიმა მიეციო. ამის მიზეზი იქნება ისიც იყო, რომ საათაბაგოში დანაშაული კერძო საქმედ მიაჩნდათ და არა ისეთ ბოროტებად, რომელიც მთლიად საზოგადოებას შეეხება და მმართველობამ უნდა სდევნოს“.⁸³

ივ. ჯავახიშვილის აზრით, „სისხლი“ ქართულ სამართალში „სისხლთა ფასებ“ ნიშნავდა და ქონებრივ საზღაურს წარმოადგენდა, რომელიც დამნაშავეს კანონით განსაზღვრული სასჯელის გარდა დაზარალებულის ან მისი მემკვიდრისთვის უნდა გადაეხადა.“⁸⁴ ქართული სამართლის ძეგლებში საქმაოდ ძევრი მუხლია, რომლებიც ქონებრივ საზღაურთან ერთად, მაგალითად სისხლის ფასის გადახდასთან, სხვა სახის სასჯელსაც აწესებდა. მაგრამ დასახელებულ მუხლში სხვა სახის სასჯელზე მითითება არ არის, შესაბამისად კანონის ტექსტი ასეთი ვარაუდის გამოთქმის საშულებას არ იძლევა. განხილულ მუხლში არ არის ზუსტი მინიშნება ვის მიმართ უნდა მომხარიყო სისხლის ფასის გადახდა. განსხვავებით, მაგალითად ვახტანგ ბატონიშვილის სამართლის წიგნის 87-ე მუხლისა, რომელიც ასევე პირის პატივისა და ლირსების წინააღმდეგ მიმართულ დელიქტად შეიძლება ჩაითვალოს, სადაც მითითებულია, რომ „ბოზობისოდენი სისხლი წამდახებლის ქმარმა მისცეს.“⁸⁵ საიდანაც ჩანს, რომ „წამდახებლის ქმარს“ სისხლის ფასის გადახდა მხოლოდ დაზარალებულის სასარგებლოდ უხდებოდა.⁸⁶ ზოგადი დასკვნის გაკეთება

⁸¹ ვაჩევიშვილი ალ., ნარგვევები ქართული სამართლის ისტორიიდან, ტ. I, თბ., 1946, გვ. 43-44, 45.

⁸² იხ. ნადარეიშვილი გ., კერძო და საჯარო სასჯელები ფეოდალურ საქართველოში, ქურნალი „აღმანახი“, 2000, №14, გვ. 103.

⁸³ ხიზანაშვილი ხ. (ურბნელი), დასახ. ნაშ., გვ. 452.

⁸⁴ ივ. ჯავახიშვილი, ქართული სამართლის ისტორია, ტ.VII, თბ., 1984, გვ. 359.

⁸⁵ ქართული სამართლის ძეგლები, ტ. I, გვ. 503.

⁸⁶ გ. ნადარეიშვილის აზრით, „მართალია, ადრეფეოდალური ხანის დოკუმენტებმა „სისხლის“ შესახებ ჩვენამდე ვერ მოაღწია, მაგრამ ერთი შედარებით გვიანი, XIII საუკუნის, დოკუმენტიდან ჩანს, რომ „სისხლის“, როგორც ქონებრივი სასჯელის, განსაზღვრები ნაწილი ჯარიმის სახით ხელისუფლებას ეძლეოდა.“ ნადარეიშვილი გ., კერძო და საჯარო სასჯელები ფეოდალურ საქართველოში, ქურნალი „აღმანახი“, 2000,

ვის სასარგებლოდ უნდა მომხდარიყო სისხლის ფასის გადახდა რთულია და დამატებით კვლევას საჭიროებს. ამიტომ ცილისწამების კონკრეტული ნორმების ანალიზის საფუძველზე უნდა გაირკვეს, ამ შემთხვევაში ეკუთხოდა თუ არ გარკვეული წილი სახელმწიფოს დამნაშავის მიერ გადახდილი სისხლის ფასიდან. განხილული ნორმის კონტექსტიდან გამომდინარე ზუსტი დასკვნის გაკეთება აღნიშნულ საკითხთან დაკავშირებით არ შეიძლება. ზოგადად როცა საუბარია ხოლმე დაზარალებულისათვის სისხლის ფასის გადახდაზე, იხმარება ტერმინი „უზღოს“, რაც მიანიშნებს კონკრეტულ პირზე ვის სასარგებლოდაც უნდა მომხდარიყო საზღაურის გადახდა, ამ შემთხვევაში კი ტერმინი „ზღოს“ ნიშნავს, რომ დამნაშავემ სისხლის ფასი უნდა გადაიხადოს, მაგრამ დაკონკრეტებული არ არის ვის სასარგებლოდ. უნდა ამოვიდეთ ზოგადი პრინციპებიდან. თუ გაზიარებული იქნება შეხედულება, რომ ბექა-აღბულას სამართლისათვის უცხო იყო საჯარო საწყისი, მაშინ უნდა დავასკვნათ, რომ ამ შემთხვევაშიც სისხლის ფასის გადახდა დაზრალებულის სასარგებლოდ უნდა მომხდარიყო. იმის დაშვება, რომ „ზღვევა“ მხოლოდ სახელმწიფოს სასარგებლოდ ხდებოდა, სარწმუნოდ არ ჩანს, რადგან კომპოზიცია წარმოადგენს შურისძიების უფლების გამოსყიდვას.⁸⁷ შესაბამისად, სისხლის ფასის გადახდისას, მისი ნაწილით, თუ მთლიანად არა, უნდა მომხდარიყო დაზარალებულის დაკმაყოფილება. რადგან ნორმაში და არც ზოგადად ბექა-აღბულას სამართალში არ არის მინიშნება სახელმწიფოს წილზე სისხლის საზღაურიდან, ამ შემთხვევაშიც გადახდა უნდა მომხდარიყო დაზრალებულის სასარგებლოდ.⁸⁸

ბაგრატ კურაპალატის სამართლის დასახელებულ ნორმაში (ბექა-აღბულას სამართლის წიგნის 120-ე მუხლი) არ არის დაკონკრეტებული რა რაოდენობის სისხლის ფასის გადახდა უწევდა ცილისმწამებელს. შესაძლოა ასეთი ქმედებისათვის პირს მთელი სისხლის ფასი უნდა ეზღო. სისხლის ფასის სხვა რაოდენობისას ხდებოდა მისი დაკონკრეტება.⁸⁹ თუმცა არის ნორმები სადაც მითითებულია, რომ დამნაშავემ უნდა გადაიხადოს მთელი სისხლი,⁹⁰ რაც განხილულ მუხლში არ არის მითითებული, მაგრამ ამ მხრივ ბაგრატ კურაპალატის სამართლის ეს ნორმა გამონაკლის არ

№14, გვ. 106. (გ. ნადარეიშვილი სტატიაში არ უთითებს დოკუმენტს, რის საფუძველზეც დასკვნას აკეთებს.)

⁸⁷ იხ. ვაჩერიშვილი აღ., დასახ. ნაშ., გვ. 40.

⁸⁸ გ. ნადარეიშვილი, რომელიც იცავს პოზიციას, რომ სისხლის დაურგებას მხოლოდ კერძო ხასიათი არ ჰქონდა, აღნიშნავს, რომ იყო ისეთი დანაშაულობებიც, რომელთა ჩამდებნის აღბათ მხოლოდ ქონებრივი სასჯელი – „სისხლი“ გადახდებოდა. ნადარეიშვილი გ. კერძო და საჯარო სასჯელები უეოდალურ საქართველოში, შურნალი „აღმანახი“, 2000, №14, გვ. 103. სავარაუდოდ ამ კონტენტულ მუხლში აღნიშნულ შემთხვევასთან გვაქს საქმე.

⁸⁹ მაგ. ვახტანგ ბატონიშვილის 45-ე მუხლში მითითებულია, რომ დამნაშავემ სისხლის მესამედი უნდა ზღოს, ხოლო 50-ე მუხლში აღნიშნულია, რომ დამნაშავემ სამი სისხლი უნდა გადაიხადოს. ქართული სამართლის ძეგლები, ტ. I, გვ. 493, 495.

⁹⁰ მაგ. ვახტანგ ბატონიშვილის 38 და 39-ე მუხლები. ქართული სამართლის ძეგლები, ტ. I, გვ. 491, 492.

წამოადგენს.⁹¹ მაგრამ აღნიშნულ საკითხთან დაკავშირებით სხვა გარაუდიც ჩნდება. რადგან განსილული ნორმა ზოგად შემადგენლობას წარმოადგენს, დადგენილია რომ ცილისწამებისათვის სისხლის ფასი უნდა გადახდილიყო, ხოლო სისხლის ფასის მოცულობას განსაზღვრავენ ცილისწამების კონკრეტული შემადგენლობები. მაგრამ ამ შემთხვევაში უნდა გვევიქრა, რომ მხოლოდ იმ ქმედების ცილისწამება ისჯებოდა, რისთვისაც კანონმდებელმა სპეციალური ნორმები დააწესა. წინააღმდეგ შემთხვევაში გაუგებარი რჩება სხვა ქმედებების ცილისწამება როგორ უნდა დასჯილიყო, დამწამებელს სისხლის ფასის რა ნაწილი უნდა გადაეხადა.

სისხლის ფასის ზუსტი რაოდენობა დამოკიდებული იყო დაზარალებულის სოციალურ სტატუსზე.⁹² პირის სოციალური სტატუსის მიხედვით სასჯელის ფორმის, თუ მოცულობის განსაზღვრა უძველესი დროიდან იყო ცნობილი. მაგალითად მანუს კანონებით, საზოგადოების კასტური დაყოფა ასახვას პოვებდა ცილისმწამებლისათვის შერჩეულ ქონებრივი სანქციის მოცულობაზე.⁹³

პირის სტატუსი სასჯელის სანქციის ზომაზე გავლენას ახდენდა ასევე რომის სამართალშიც. რომის სამართალიც საკმაოდ მკაცრი იყო ცილისმწამებლთა მიმართ. XII დაფის კანონები აწესებდა, **(XII დაფის კანონები – ტაბულა VIII. 1 ციცერონი. რესპუბლიკის შესახებ. IV. 10, 12. XII) „სიკვდილით დასჯა მცირე რაოდენობის დანაშაულებრივი ქმედებისათვის და მათ შორის თვლილნებენ აუცილებლად მის გამოყენებას იმ შემთხვევაშიც, როცა ვინმემ შეთხზა ან მდერის სიმღერას, რომელიც შეიცავს სხვის ცილისწამებას ან შეურაცყოფს.“⁹⁴ შემდგომ პერიოდში ასეთი ქმედება ჯარიმით ისჯებოდა. ხოლო თორმეტი დაფის (ტაბულის) კანონებით დაწესებული სასჯელები: „სამართალდარღვევისათვის“ („ინიურია“) ხმარებიდან გამოვიდა. მაგრამ პრეტორის მიერ დაწესებული**

⁹¹ მაგ. ვახტანგ ბატონიშვილის 37-ე მუხლი. ქართული სამართლის ძეგლები, ტ. I, გვ. 491; უშუალოდ ბაგრატ კურაპალატის სამართალშიც (მუხ. 104, 105.) მითოთებულია, რომ მის სისხლს უნდა დაემატოს ნახევარი სისხლი, ორმოცი ათასი თეთრი. ქართული სამართლის ძეგლები, ტ. I, გვ. 465; ამ შემთხვევებშიც არ არის აღნიშნული, რომ სისხლის ფასის ათვლა ხდება მთელი სისხლიდან.

⁹² გ. ნადარევიშვილის განსაზღვრებით, სისხლი, როგორც ქონებრივი სასჯელი „დამნაშვე უნდა გადაეხადა დანაშაულის სიმძიმისა და დაზარალებულის გვარის, მამულისა და თანამდებობის მხედველობაში მიღებით.“ ნადარევიშვილი გ., კერძო და საჯარო სასჯელები ფეოდალურ საქართველოში, ეურნალი „აღმანახი“, 2000, №14, გვ. 103.

⁹³ თავი VIII. მუხლი 267. ქშატრია, რომელმაც ბრაჟამანს (ცილი დასწამა, უნდა გადაიხადოს ჯარიმა ასი (პანი - ფულის ერთეული), ვაიშამ- ასნახევარი ან ორასი, შედრა დაისჯება სხეულებრივი სასჯელით; მუხლი 268. ბრაჟამანი, რომელმაც ცილი დასწამა ქშატრიას უნდა დაჯარიმდეს ორმოცდაათი (პანით), ვაიშა- ოცდახუთით, შედრა - თორმეტით; მუხლი 269. იმავე ვარნის წევრის ორჯერ დაბადებულის ცილისწამებისათვის (უნდა დაჯარიმდეს) ასევე თორმეტი (პანით), იმ სიტყვისთვის, რაც არ უნდა ითქვას, ჯარიმა უნდა გაორმაგდეს. იხ. Хрестоматия по всеобщей истории государства и права, т. 1, под редакцией К. И. Батыра и Е. В. Поликарповой, М., 2003, ст. 42, 43, 44.

⁹⁴ იხ. Хрестоматия по всеобщей истории государства и права, т. 1. под редакцией К. И. Батыра и Е. В. Поликарповой, М., 2003, ст. 84.

სასჯელები კი, რომლებსაც „საპატიოსაც“ („პონორარია“) უწოდებენ, მოსამართლეების მიერ ხშირად გამოიყენება და [დაზრალებული პირის] დირსების ხარისხისა და პატიოსნების შესაბამისად იზრდება ან მცირდება [მიუენებული] ზიანის შეფასება.⁹⁵ ამდენად, პირის პატივის შეფასება ხდებოდა მისი სოციალური სტატუსის მიხედვით. სასჯელის დანიშვნის ეს პრინციპი არა მარტო ძველი ქართული სამართლისათვის იყო დამახასიათებელი.

მეორე ტენდენცია რაც ცილისწამებისათვის სანქციის განსზღვრას შეეხება, როცა გამოყენებული სასჯელი დამოკიდებულია დაწამებულ ქმედებაზე. სავარაუდოდ ცილისმწამებლის სასჯელი დავით ბატონიშვილის სამართლის წიგნით (მუხ. 130-ოდალოსათვის) მის მიერ დაწამებული დანაშულის, ან ცოდვის მიხედვით განისაზღვრებოდა. ნორმაში ზუსტად არ არის მითითებული სანქციის სახე, ხოლო ნორმის ტექსტის მიხედვით, რა სახითაც პირი დაადანაშულეს, იმ სახის იქნებოდა მისი უკმაყოფილება: „ვითარითავა სახითა ბრალეულ-უყვიეს, ეგრეთითა სახითა ნაგულსავსე იქმნას შეწამებული იგი, ამად ვინადგან სააჯმნოდ დამდებელნი ამათა თვისთანი ჯერ-არიან სააჯმნო-ყოფად.“⁹⁶ ამ შემთხვევაში ტალიონის პრინციპი უნდა ყოფილიყო გამოყენებული. ცილისწამებისათვის ტალიონის პრინციპის გამოყენება ძველი ქართული სამართლის თავისებურებას არ წარმოდგენს და მას სხვა სამართლის ძეგლებშიც ვხვდებით.

მოსეს სამართალიც ცილისწამებისთვის ტალიონის პრინციპს იყენებს, ამას გარდა მუხლში იკვეთება სასჯელის ზოგადი პრევენციის პრინციპი. ცილისმწამებლის მკაცრ დასჯას დამაშინებელი გავლენა უნდა მოეხდინა სხვებზე: „უყვედ მას მსგავსად სიბოროგისა მისისა, რომელთ-იგი ზრახა მოყუასისა თვისთავის, მოსპერ ეგე, ვითარ ბოროგი თქუენ შორის, რათა ნეშტოა მათ, რომელ დააშოენ, ეშინოდინ და არღარა შეასმინონ საქმედ ბოროგისა რათურთით. ნუ პრიდებს თუალი შენი ეგევითარსა მას: სული სულის[ა] წილ, თუალი თუალისა წილ, კბილი კბილისა წილ, კელი კელისა წილ, ფე[რ]გი ფე[რ]გისა წილ, რაცა ვინ უყოს მოყუასსა, ეგრეთვე მიეგოს მას.⁹⁷ ცილისწამებისას ტალიონის პრინციპი გამოიხატებოდა ცილისმწამებლისათვის იგივე სასჯლის დაკისრებით რაც ცილდაწამებულს მოელოდა.⁹⁸ როგორც ალ. ვაჩეიშვილი აღნიშნავს: ებრაელთა სამართალში

⁹⁵ I.4.4.7. „კორპუს იურის ცივილის“ იუსტინიანეს ინსტიტუციები, გვ. 220-221.

⁹⁶ სამართალი ბატონიშვილი დავითისა, გვ. 76.

⁹⁷ ქართული სამართლის ძეგლები, ტ. I, გვ. 11

⁹⁸ ადნიშნულ საკითხს ეხება ალ. ვაჩეიშვილი: „ვახტანგის კოდექსი იცნობს ტალიონის თავისებურ სახეებს, რომელთაც ჩვენ სხვა ქვეყნების კანონმდებლობაშიც ვხვდებით; ამის მაგალითს წარმოადგენს შემთხვევა, როცა ბრალდებულს უფარდებენ იმ სასჯელს, რაც ბრალდებულისათვის იყო გათვალისწინებული. ვახტანგის კოდექსის 227 მუხლი ითვალისწინებს იმ შემთხვევას, როდესაც ვინმე დააბეზღებს მეორე პირს მოსამართლესთან და წაუყენებს მას ბრალდებას რაიმე დანაშაულის ჩადენაში. „სისხლის სამართლის ისტორიამ იცის ტალიონის რამდენიმე სახე. მატერიალური ტალიონი მოითხოვს დამნაშავისათვის იმავე სახის ზიანის მიყენებას, რაც მან დაზარალებულს მიაყენა; მატერიალური ტალიონის გვერდით და, რა თქმა უნდა, იმავე იდეის ზეგავლენით

მკვეთრად გამოხატული ტალიონის პრინციპს ქართული კანონმდებლობა არ იცნობს. თუმცა შენიშვნავს, რომ ვახტანგის კოდექსში ასახულია მხოლოდ მასთან დაახლოებული, მონათესავე მოვლენები (227-ე, 253-ე⁹⁹ მუხლები) და „სიმბოლური ტალიონის“ შემთხვევები (220-ე, 242-ე, 259-ე მუხლები).¹⁰⁰ ტალიონის პრინციპის არსებობა ებრაულ სამართალში, ან ქართულ სამართალში გასაკვირი არ არის, რადგან სამართალგანვითარების დასაწყის და შემდგომ ეტაზზეც სასჯელის შეფარდების ეს წესი, მაგალითად ცილისჭამებასთან დაკავშირებით სხვა ქვეყნების სამართალშიც გვხვდება. ხამურაბის კანონებით დანაშაულის მოწმე თუ თავის ნათქვამს ვერ დაამტკიცებდა, ნიშნავდა რომ მისი ბრალდება ცრუ იყო და მას „ამ საქმის სასჯელი უნდა დაედოს.“ შესაბამისად, სასჯელი დამოკიდებული იყო დაწამებული დანაშაულის სასჯელზე.¹⁰¹ სიმბოლურ ტალიონის გამოყენების მაგალითს ვხვდებით, ალფრედის სამართლში (მეფე ალფრედი 871-901წ), ეს ქმედება ენის მოჭრით ისჯებოდა. თუმცა დამნაშავეს შეეძლო ენა გამოესყიდა (მუხლი 32).¹⁰² ამ შემთხვევაში კანონმდებელი ალტერნატიულ სანქციას იყენებს ცილისჭამებლის მიმართ, ან სიმბოლური ტალიონი, ან ქონებრივი საზღაურის გადახდა, რაც პირის სოციალურ სტატუსზეა დამოკიდებული. მსგავსი სასჯელია გათვალისწინებული ცილისჭამებისათვის კნუტის კანონებში.¹⁰³

აღმოცენებულია სისხლის სამართლის პასუხისმგებლობის ის სახე, რომელიც დაეკისრებოდა ტყუილად დამსმენებლ პირებს: მათ უფარდებდნენ იმ სასჯელს, რაც დასმენილი პირისათვის იყო გათვალისწინებული; როგორც პირველ შემთხვევაში, ისე ამ უკანასკნელშიაც კანონმდებლის აზრი ხელმძღვანელობს მეტად მარტივი მოსაზრებით: იგი ცდილობს სასჯელის გადაწყვეტის დროს გაატაროს სამართლიანობა ტლანქი არითმეტიკული პროპორციით და წმიდა მექანიკური, გარეგანი თანაზომიერების საფუძველზე. მაგრამ ძველი კანონები გვაძლევენ კიდევ თავისებური სახის დადგენილებებს, სადაც გათვალისწინებულია სხვაგვარი შემთვევებიც: ასეთია ის შემთხვევა, როცა სპობენ სხეულის იმ ორგანოს, რომლითაც ჩადენილია დანაშაულებირივი ქმედება. აშკარაა, რომ ყველა ამგვარ შემთხვევაში უკვე ნამდვილ ტალიონთან საქმე არა გვაქვს. მართალია, იგი გარეგნულად თითქოს ტალიონს ჰგავანან, მაგრამ თავის შინაარსით მისგან მაინც არსებითად განსხვავდებიან. შეცნიერებაში მას ჩვეულებრივ „ანალოგიურ“ ანუ „სიმბოლურ ტალიონს“ უწოდებენ.“ ვაჩიშვილი აღ., დასახ. ნაშ., გვ. 95, 96-97.

⁹⁹ ქართული სამართლის ქვეყნები, ტ. I, გვ. 540, 545.

¹⁰⁰ იხ. ვაჩიშვილი აღ., დასახ. ნაშ., გვ. 100.

¹⁰¹ § 3. უკეთუ კაცი სასამართლოში დანაშაულის მოწმედ გამოვიდა და თავისი ნათქვამი ვერ დაამტკიცა, თუკი ეს სიცოცხლის საქმეა, ეს კაცი სიკვდილით უნდა დაისაჯოს; § 4. უკეთუ ხორბლის ანდა ვერცხლის საქმეზე გამოვიდა მოწმედ, ამ საქმის სასჯელი უნდა დაეკისროს; § 13. უკეთუ ამ კაცის მოწმები ახლოს არ არიან, მოსამართლეებმა ექვენი თვის გადა უნდა დაუნიშნონ. თუკი ექვენი თვეშიც ვერ მოიყვანს მოწმებს, ეს კაცი ცრუ არის და ამ საქმის სასჯელი უნდა დაედოს. ხამურაბის კანონები. აქადურიდან თარგმა და კომენტარები დაურთო ზ. კიბაძე, თბ., 1988, გვ. 10, 12.

¹⁰² იხ. Хрестоматия памятников феодального государства и права стран европы, под редакцией В. М. корецкого, М, 1961, ст. 74.

¹⁰³ მუხ. 16. თუ ვინე ტყუილად ბრალს დასდებს სხვას, ისე რომ ბრალდებულს ქონებას ან მის მდგომარეობას ზიანი მიადგა და თუ მან მეორემ შემდგომ შეძლო ბრალდების გაბათილება, მაშინ ჩვენ ვადგენთ, მან პასუხი აგოს თავისი ენით, თუ ვერ გამოისყიდის მას

ცილისწამებისას სიმბოლური ტალიონის ამ სახეს ძველი ქართული სამართალი არ იყენებს.

ქართული სამართლის ძეგლებისაგან განსხვავებით საკმაოდ მკაცრია სომხეური სამართალის 107-ე მუხლი. პირველი ნაწილით დანაშაულის დაბრალებისათვის, როდესაც მკვლელობის და „ავის მოქმედების“ დაწამებაზეა საუბარი კანონმდებელი აღნიშნავს, რომ ასეთი ქმედება სიკვდილით დასჯის ღირსია.¹⁰⁴ ისეთი დანაშაულის დაწამებისათვის, რისთვისაც ცილდაწამებულს სიკვდილით დასჯა მოელოდა, დამწამებლის მიმართ ამ სახის სასჯელის გამოყენება გასაკვირი არ არის,¹⁰⁵ თუმცა ყველა სახის დანაშაულის დაწამების შემთხვევაში სიკვდილით დასჯის გამოყენება, ნიშნავს, რომ ცილისწამებასთან დაკავშირებით ტალიონის პრინციპს სომხეური სამართალი არ იყენებს.

მუხლის მეორე ნაწილით ზუსტად იმის თქმა რა სასჯელი გამოყენებოდა ამ შემთხვევაში არ შეიძლება, რადგან ნორმაში სანქცია არ არის განსაზღვრული: „მოსამართლეს როგორც რომ უნდოდეს და მართებდეს, ისრე გარდაა გდევინონ.“¹⁰⁶ მოსამართლისათვის უფლების მინიჭება, სასჯელი თავისი შეხედულების მიხედვით აირჩიოს, მიანიშნებს, რომ მას შეეძლო ეხელმდგანელა იმ პრინციპით, რაც მუხლის პირველ ნაწილშია მოცემული, ან თავისი შეხედულებით შეერჩია სასჯელის სახე. მიუხედავად იმისა, რომ ნორმაში აბსოლიტურად განუსაზღვრელი სანქციაა გამოყენებული, მოსამართლეს კანონმდებელი გარკვეულ ჩარჩოებში აქცევს, ამაზე მიანიშნებს ტერმინის „მართებდეს“¹⁰⁷ გამოყენება. ტერმინის განმარტებიდან გამოდინარე იკვეთება, რომ მოსამართლეს დანაშაულის შესაბამისი და სამართლიანი სასჯელი უნდა შეერჩია. შეიძლება ვივარუდოთ, რომ „გარდა გდევინებ“-ის ერთ-ერთი განმსაზღვრელი ფაქტორი იქნებოდა რა დანაშაულის დაწამებას ჰქონდა ადგილი. თუმცა შესაძლოა

თავისი ვერგილდით. იხ. Хрестоматия памятников феодального государства и права стран европы, под редакцией В. М. корецкого, М., 1961, ст. 86-87.

¹⁰⁴ ქართული სამართლის ძეგლები, ტ. I, გვ. 255.

¹⁰⁵ ცილისმწამებლის იმავე სასჯელით დასჯა, რაც ცილდაწამებულს მოელოდა უძველი დროიდან იყო გავრცელებული და შეა საუკუნების ევროპაშიც გვხვდება. მაგ. კაროლინაში (1532)¹⁰⁸ „ცრუ მოწმეთა შესახებ – მოწმეები, რომლებსაც ამხელენ იმაში, რომ ისინი ცრუ და ბოროტი განზრახვით მოწმეთა ჩვნებებით ცდილობდენენ სისხლის სამართლებრივი სასჯელი დაკისრებოდათ უდანაშაულო პირს, უნდა დაისაჯნონ იმ სასჯელით, რომელიც მათ უნდოდათ რომ თავიანთი ჩვნებებით დაკისრებოდა უდანაშაულო პირს.“ იხ. Хрестоматия памятников феодального государства и права стран европы, под редакцией акад. В. М. Корецкого, М. 1961, ст. 451; ცილისწამებისათვის სასჯელის დანიშვნის ამ პრინციპს გამოყენებას ვხვდებით ასევე ქართული სამართლის ძეგლებში, მაგალითად ვახტანგ ბატონიშვილის 236-ე, 253-ე მუხლებში. ქართული სამართლის ძეგლები, ტ. I, გვ. 542, 545.

¹⁰⁶ ქართული სამართლის ძეგლები, ტ. I, გვ. 255.

¹⁰⁷ მართებული – ჯეროვანი, სამართლიანი, შესაფერი, ზრდილი, თავაზიანი, პატიოსანი. ჩუბინა შვილი და დასახ. ლექსიკონი, გვ. 671.

სადათ იყოს ტერმინ „გარდაკდევინების“ მნიშვნელობა. ის სულხან-საბასთან განმარტებულია როგორც დანაშაულის ზღვევინება.¹⁰⁸ ხოლო ზღვევინება საზღაურის მიცემა.¹⁰⁹ საზღაური კი გარდასახადს, ჯარიმას ნიშნავდა.¹¹⁰ თუ ამ ტერმინთა განმარტებას მივყვებით უფრო საფიქრებელია, რომ „გარდაკდევინებაში“ იგულისხმება ქონებრივი საზღაური. მაგრამ „გარდაკდევინება“ დასახელებულ მუხლში უფრო ზოგადად დასჯის მნიშვნელობით უნდა იყოს გამოყენებული. ამის დამაჯერებელი არგუმენტირება რთულია, რადგან წინააღმდეგობაში მოვდივართ სიტყვის განმარტებასთან. მაშინ რას ემყარება ვარაუდი? მაგალითად უნდა მოვიყვანოთ ნორმა ბაგრატ კურაპალატის სამართლიდან (ბექა-აღბულას სამართლის 103-ე მუხლი), რომელშიც საუბარია სასულიერო პირის შეცოდებაზე: „თუ მოძღვარმან ან მღდელმან, ანუ მონაზონმან მეფესა ანუ ებიკოპოზსა შესცოდოს, ანუ სჯულსა, ანუ ეკლესიას შესცოდოს, პელთა არავისგან შეიკვრობის. გაკითხვავ უნდა, და რადცა მიზეზი დასწამონ, მას მიზეზსა უნდა გამონახვავ და გარდაკდევინებავ.“¹¹¹ ნორმაში სასულიერო პირის მიერ შეცოდებათა მმიმე სახეზეა აქცენტი გაკეთებული, ამ სახის შეცოდებათა მიმართ ვერ გამოვრიცხავთ, რომ ქონებრივი სასჯელიც ყოფილიყო გამოყენებული, მაგრამ ის რომ ამ შეცოდების დასჯა მხოლოდ ქონებრივი სანქციებით არ შემოიფარგლებოდა აშკარად. ვახტანგ ბატონიშვილის ვ. ნუსხის 227-ე მუხლი მოსამართლის წინაშე დაბეზღებას ეხება.¹¹² „ვინც ვინ სძრახოს და მოსამართლესთან დააბეზღოს, „ესე და ეს კაცი ამ საქმის ქინელია და გარდააკდევინეო, მოწამე დაისწროს და სიტყვა დასწეროს ამ კაცმა: ამა და იმ კაცმა ასე სძრახაო“, ის კაცი მოაყვანინონ, მარტო კითხონ, თუ თავი იმართლა, პირს დაუყენონ.“¹¹³ მუხლში დაკონკრეტებული არ არის დანაშული რასაც შეიძლება დაბეზღება ეხებოდეს, შესაბამისად ნორმა ზოგადი ხასიათისაა, ხოლო ყველა სახის დანაშაულისათვის ჩადენისათვის დამბეზღებელს ქონებრივი სასჯელი ვერ დაეკისრებოდა. რაც ვარაუდს აჩენს, რომ დასახელებულ მუხლშიც „გარდაკდევინება“ დასჯის მნიშვნელობით უნდა იქნეს გაგებული.

ბერძნული სამართლის 173-ე (ყმის მიერ ბატონის ცილისწამება) და 174-ე (გააზატებულის მიერ ბატონის ცილისწამება)¹¹⁴ მუხლებით ცილისწამებისათვის დაწესებულია ექსორია. ექსორია ბერძნული სიტყვაა

¹⁰⁸ იხ. სულხან-საბა თრბელიანი, ლექსიკონი ქართული, I, გვ. 148.

¹⁰⁹ ზღვევინება-საზღაურის მიცემა. სულხან-საბა თრბელიანი, ლექსიკონი ქართული, I, გვ. 291.

¹¹⁰ საზღაური – გარდასახადი, ჯარიმა. ჩუბინაშვილი დ., დასახ. ლექსიკონი, გვ. 1070; საზღაური – ზღვევინების მონაცემი. სულხან-საბა თრბელიანი, ლექსიკონი ქართული, II, გვ. 39.

¹¹¹ ქართული სამართლის ძეგლები, ტ. I, გვ. 465.

¹¹² დასახელებული მუხლი დაწვრილებით შემდეგ თავში არის განხილული.

¹¹³ ვახტანგ VI სამართლის წიგნი, ტექსტი გამოსაცემად დაამზადა, გამოკვლევა და ტერმინთა საძიებლები დაურთო თიხა ენციკლიკა, თბ., 1955, გვ. 107–108.

¹¹⁴ ქართული სამართლის ძეგლები, ტ. I, გვ. 171.

და გაძევებას ნიშნავს.¹¹⁵ როგორც ივ. ჯავახიშვილი აღნიშნავს, სახელმწიფოდან გაძევება გამოუსწორებელ პოლიტიკურ დამნაშავეების მიმართ იყენებდნენ, როდესაც დანაშაული მიმდე არ იყო.¹¹⁶ ქართული სამართლისაგან განსხვავებით ბერძნულ სამართალში დასახელებული სასჯელი შინაარსობრივად სრულიად განსხვავებულ დანაშაულებისათვის გამოიყენებოდა.¹¹⁷ დასახელებული ორივე მუხლი ერთნაირ სასჯელს აწესებს, მიუხედავად იმისა, რომ ერთ შემთხვევაში დანაშაულის სუბიექტად ყმა გვევლინება, ხოლო მეორეში-გააზტებული.¹¹⁸ ბერძნული სამართლის ამ მუხლებში როგორც ჩანს ასახვას პოვებს ნორმები რომის სამართლიდან, რომლითაც ლიბერტი მებარონის მიმართ სხვადასხვა ვალდებულებების შესრულებისაგან არ თავისუფლდებოდა. როგორც დიგესტებშია აღნიშნული შეურაცყოფა შეიძლება მძიმედ ჩაითვალოს ადამიანის, ან დროის, ან თავად ქმედების გამო. ადამიანის გამო ქმედება მძიმე შეურაცყოფად ჩაითვლება, თუ შეურაცყოფა მიაყენეს მაგისტრატს, მშობელს ან პატრონს.¹¹⁹

სასჯელის შერჩევისას დანაშაულის სუბიექტი იყო განმსაზღვრელი ასევე ბერძნული სამართლის ქართული ვერსიის 289-ე მუხლები. როგორც ზემოთ იყო აღნიშნული, საუბარია შვილის მიერ მშობლის მიმართ განსხვავებულ ქმედებებზე. შვილისთვის სამკვიდროს მიღების უფლების ჩამორთმევა, დამატებით სანქციას უნდა წამოადგენდეს და მის გარდა სხვა სასჯელიც უნდა ყოფილიყო გამოყენებული. ცილისწამების გარდა ნორმაში სხვა ქმედებებიც არის ჩამოვლილი. „უკეთუ ვინმე თავის მამასა და დედასა სცეს და გააგდოს ანუ აგიონს, ანუ მშობელთა თვისთა ტყუილად ცილი შესწამოს მეფესთან ანუ მოსამართლესთან, ანუ მწამლელთაგან განიზარდოს ვინმე და მათის სიბოროტის წესი ისწავლონ,

¹¹⁵ ექსორია – სხუაგან წარგზავნა პატიმრად. ბერძნულია. სულხან-ხაბა ორგელიანი, ლექსიკონი ქართული, I, გვ. 247; ექსორია – განდევნა, გაძევება, გადასახლება. აბულაძე ი., ძველი ქართული ენის ლექსიკონი (მასალები), თბ., 1973, გვ. 65; ექსორია – განძება, პატიმრად გაგზავნა სხვაგან. ჩუბინაშვილი დ., დასახ. ლექსიკონი, გვ. 497.

¹¹⁶ ივ. ჯავახიშვილი მიუთითებს ასევე, რომ ექსორიის გარდა სასჯელად გაძევებაც არსებობდა, რომელიც შეიძლება დროებითაც ყოფილიყო და მთელი სიცოცხლის განმვალობაშიც. ასეთი გაძევება „მამულის დაჭირვა“-სთან იყო დაკავშირებული. „გაძევება“ ხშირი სასჯელი იყო საკორპორაციო სამართალში და დაწესებულებაში. ექსორია უდრის რომაულს exilium-ს. იხ. ჯავახიშვილი ივ., დასახ. ნაშ., გვ. 368-369.

¹¹⁷ ექსორიას გ. ნადარევიშვილიც ეხება. იგი ექსორიას და გაძევებას ერთმანეთისაგნ გამოყოფს. ივ. ჯავახიშვილის მსგავსად, აღნიშნავს, რომ „ექსორია ძირითად სასჯელად გამოიყენებოდა იმ პოლიტიკურ დამნაშავეთა მიმართ, რომელთა დანაშაულიც უმძიმესად არ ითვლებოდა. ვევდებით შემთხვევას, როდესაც ის გამოიყენება სისხლის სამართლის დამნაშავის მიმართაც. ექსორიობა და გადასახლება მთლიანად არ ემთხვეოდა ერთმანეთს. გადასახლება გულისხმობდა მსჯავრდებულის მოშორებას რომელიმე ადგილიდან მისი სხვაგან სავალდებულო დასახლებით განსხენით განსაზღვრული ვადით. ექსორიობის დროს, როგორც წესი, ვადა არ იყო განსაზღვრული. გარდა ამისა ექსორიობის შემთხვევაში დამნაშავეს სახელმწიფოს საზღვრებს გარეთ აძვებდნენ. იხ. ნადარევიშვილი გ., კერძო და საჯარო სასჯელები ვეოდალურ საქართველოში, ურნალი „აღმანახი“, 2000, №14, გვ. 121.

¹¹⁸ გააზაგებულის ბატონისადმი ვალდებულებებს ეხება ბერძნული სამართლის ქართული ვერსიის 169 და 170 მუხლებიც. ქართული სამართლის ძეგლები, ტ. I, გვ. 171.

¹¹⁹ D.47.10.7.8. ც. 493.

ან თვისთა მშობელთა საწამლავი გაუკეთოს, მათთვის ვბრძანებთ, რამეთუ ამათ ყოველთა თვისთა მშობელთა სამკვიდრებელთაგან არაფერი არ მიეცემათ რა.“¹²⁰ ხოლო „მხარეთა მორიგება“ სასჯელის შემსუბუქებას არ იწვევდა: „„უკათუ მშობელთა თვისთა შეიწყალოს, მისთანა შვილსა გელმწიფე ნუ შეიწყნარებს, ამათს მოქმედსა.“¹²¹ ცილისწამებასთან ერთად ჩამოთვლილია სხვა ქმედებებიც, მათ შორის მშობლების მკვლელეობის მცდელობაც. ცხადია, რომ მკვლელობის მცდელობა მხოლოდ სამკვიდროს მიღების უფლების ჩამორთმევით არ შემოიფარგლებოდა, მითუმეტეს, რომ მშობლის მკვლელობა მკვლელობათა კვალიფიციურ შემადგენლობას მიეკუთვნებოდა.¹²² რაც გვაფიქრებინებს, რომ როგორც მშობლის მკვლელობის მცდელობისათვის, ისე მშობლის ცილისწამებისათვის ძირითადი სასჯელის გარდა დამნაშავისათვის სამკვიდროს მიღების უფლებაც უნდა ჩამორთმეოდა. აღნიშნული სანქციის გამოყენება მხოლოდ სუბიექტის სპეციალურ ნიშანზე იყო დამოკიდებული და იგი რა თქმა უნდა ცილისწამების ყველა შემთხვევაში ვერ იქნებოდა გამოყენებული.

ამდენად, სასჯელთა მიმართებაში შეიძლება ითქვას, რომ ქართული სამართლის ძეგლებში, ცილისწამების ზოგად შემადგენლობებში სასჯელის განსაზღვრისას აქცენტი გაკეთებულია კომპოზიციათა სისტემაზე (ბაგრატ კურაპალატის სამართლი), ხოლო დავით ბატონიშვილის სამართლებში, სავარაუდო ტალიონის პრინციპი უნდა იყოს გამოყენებული. ტალიონის პრინციპი ვახტანგ ბატონიშვილის სამართლის წიგნთა კრებულის სხვა ძეგლებშიც კვედებით, საუბარია მოსეს სამართლზე. სომხურ სამართლს რაც შეეხება, კანონმდებელი პირველ ნაწილში სიკვდილით დასჯაზე აკეთებს აქცენტს, თუმცა როგორც უკვე იყო აღნიშნული ყველა სახის დანაშაულის დაწამებისათვის სიკვდილით დასჯის გამოყენება ეჭვს იწვევს. მეორე ნაწილით გათვალისწინებული ცილისწამების შემთხვევაში მოსამართლე თავისუფალი იყო სასჯელის არჩევანში, რაც არ გამორიცხავს მისი მხრიდან ტალიონის გამოყენებას. სომხურ სამართლის ამ ნორმაში განსაზღვრული სასჯელის არარესებობა მხოლოდ ვარაუდების გამოთქმის საფუძველს იძლევა. რადგან ბერძნული სამართლის ქართული ვერსიის ცილისწამების ხორმები სპეციალურ შემადგენლობებს წარმოადგენს სუბიექტის მიხედვით, მათ ში მითითებული სანქციები ცილისწამების ყველა შემთხვევებზე არ გავრცელდებოდა.

¹²⁰ ქართული სამართლის ძეგლები, ტ. I, გვ. 197.

¹²¹ იქვე, გვ. 197.

¹²² კათალიკოზთა სამართლით (მუხ. 4) მმის და მამის მკვლელი ხელის მოგვეთით და „მამულისაგან განვარდით“ ისჯებოდა. ქართული სამართლის ძეგლები, ტ. I, გვ. 394; ამ ნორმაშიც ხელის მოკეთასთან ერთად დამატებითი სასჯელია გამოყენებული. მეფე გიორგის სამართლში (მუხ. 15) მშობლის მკვლელობას იმდენად მძიმე დანაშაულად ითვლებოდა, რომ მისი ჩადენისათვის კანონმდებელი სისხლის ფასს არ აწესებდა. ხოლო დამნაშავეს მოელოდა: „პირიანი გაპატიუება, გაძება შეუნდობლად, შემოუშვებლობა, აღმოფხურა და ამოწყვეტა.“ ქართული სამართლის ძეგლები, ტ. I, გვ. 408-409; ვახტანგ ბატონიშვილის სამართლიც მამის მკვლელეობისათვის სისხლის ფასს არ განსაზღვრავს და კანონმდებლის აზრით საქმე რჯულის კანონით უნდა გადაწყვეტილიყო (მუხ. 78). ქართული სამართლის ძეგლები, ტ. I, გვ. 501.

თავი II. ცრუ დასმენა, როგორც ცილისწამების ერთ-ერთი ფორმა

2.1 ცრუ დასმენის შემადგენლობები

ძველ ქართულ სამართალში დასმენის მნიშვნელობით იხმარება შესმენა, დაბეზღება. ორივე სიტყვას ერთნაირი შინაარსობრივი დატვირთვა აქვს.¹²³ ცრუ დასმენა უდანაშაულო პირისათვის დანაშაულის დაწამებას წარმოადგენს. ძველ ქართულ სამართალში არ არის მკვეთრი მიჯნა გავლებული ტყუილი დაბეზღებასა და ცილისწამებას შორის, მიუხედავად იმისა, რომ სამართლის ნორმებში, რომელიც შესმენას ეხება კანონმდებელი ხაზს უსვამს, რომ ტყუილი დაბეზღება კერძო ინტერესის ხელყოფის გარდა ხელყოფს ხელისუფლების ინტერესსაც, რის შესახებაც კონკრეტული ნორმების განხილვისას უფრო დაწვრილებით იქნება საუბარი. ცილისწამების საერთო ნიშანი, რომ პირს სწამებენ ისეთი ქმედების ჩადენას რაც არ ჩაუდენია ასევე ცრუ დასმენის აუცილებელ ნიშანს წარმოადგენს, მაგრამ ის რა თქმა უნდა განსხვავდება ცილისწამების სხვა ფორმებისაგან. ამ განსხვავებაზე ძველი ქართული სამართლის ძეგლებში არსებული ნორმებიც მეტყველებენ. როგორც უკვე იყო აღნიშნული ზანდუში ცალკე თავებია გამოყოფილი ცილისწამებისათვის და დაბეზღებისათვის (რომელიც მოიცავს ნორმებს ტყუილი დაბეზღების შესახებ) ასევე დავით ბატონიშვილის სამართალში სხვადასხვა მუხლებით არის გათვლისწინებული პასუხისმგებლობა ცილისწამებისათვის¹²⁴ და შესმენისათვის.¹²⁵ ცრუ დასმენის განმასხვავებელ ნიშანს წარმოადგენს ის გარემოება, რომ შესმენა ხორცილდება არა სახალხოდ, არამედ კონკრეტულ პირთან, მეფესთან, მოსამართლესთან, პატრონთან, მათთან ვისაც მართლმსაჯულების განხორცილების უფლება აქვთ შესმენილის მიმართ.¹²⁶ აბოს წამებაში ნერსე ერისთავი შესმენის საფუძველზე ჩაუსვია საპყობილები ამირას: „ხოლო შესმენითა ბოროტა კაცთავთა საპყობილესა შეაგდო მან ნერსე, ერისთავი ქვეყანისა ამის ქართლისად. და პყობილ იყო იგი მუნ ქამადმდე სამისა წლისა, კიდრემდის ბრძანებითა დმრთისათვა

¹²³ დაბეზღება – დავასმენ, ბრალს დავდებ, დავსწამებ. ჩუბინაშვილი დ., დასახ. ლექსიკონი., გვ. 348; შესმენა – დაბეზღება, ბოლოს ჩხრეკით ასე იქნებათ. სულხან-ხაბა თრბულიანი, ლექსიკონი ქართული, II, გვ. 293; შესმენა – <<სასმენელ ქმნა>> გაგონება, დაბეზღება, ჩივილი, ძვირის თქმა. აბულაძე ი., დასახ. ნაშ., გვ. 488.

¹²⁴ გუბ. 130. დავით ბატონიშვილის სამართალი, გვ. 76.

¹²⁵ გვ. 208. დავით ბატონიშვილის სამართლი, გვ. 118.

¹²⁶ სალიკურ სამართლში საუბარია მეფის წინაშე ცრუ ბრალდებაზე. უდანაშაულო პირისთვის დანაშაულის დაწამება ორ ნაწილად არის გაყოფილი, დიფერენციაცია გაკეთებულია დაწამებული დანაშაულის სიმძიმის მიხედვით: XVIII იმის შესახებ, ვინც მეფის წინაშე ბრალს დასდებს უდანაშაულო ადამიანს. – § 1. „უკეთუ ვინმე მეფის წინაშე ბრალს დასდებს უდანაშაულო ადამიანს ამ უკანასკნელის დაუსწრებლად, გადაიხდის 2500 დენარს, რაც შეადგენს 63 სოლიდს.“ დამ. 1-ლი. „ხოლო თუ მას ისეთ ბრალს დასწამებს, რომლისთვისაც ბრალდების დადასტურების შემთხვევაში, სიკვდილით დასჯაა დაწესებული, ბრალმდებელს გადახდება 8000 დენარი, რაც შეეადგენს 200 სოლიდს.“ დოლიძე ის., ადრინდელი ფეოდალური სამართლის ქვეყნები, თბ., 1950, გვ. 15.

მოკვდა აბდილა ამირა მუმნი და დაჯდა მის წილ ძევ მისი მაჟდი. ¹²⁷ ისტორიულ წყაროებში არსებულ შესმენათა შესახებ ცნობათა სიმრავლის მიუხედავად ჩვენთვის მაინც უპირველესად სამართლის ძეგლების განხილვაა მთავარი, რადგან ისინი გვაძლევენ საფუძველს ვიმსჯელოთ დასჯადი იყო თუ არა ტყუილი დაბეზღება.

საქართველოში ცრუ დასმენა ძალიან ყოფილა გავრცელებული, ამაზე იოანე ბატონიშვილიც საუბრობს. „იყოს ორი კაცი გამორჩეული: ერთი ქართლით, ერთი კახეთით – ავ-ენა კაცების უფროსი; ამისთვის რომელ, ვინათღან ხშირად არის ბეზღება მებატონებთან ერთმანერთისა, ზოგი შურით და მტერობით, ზოგი გამორჩომისათვის.“ ¹²⁸ ქმედების გავრცელებულობის საფუძველზე იოანე ბატონიშვილი საჭიროდ თვლის სპეციალური თანამდებობის შემოღებას, რისი საშუალებითაც დაბეზღების ფაქტები იქნებოდა შესწავლილი და რის შედეგადაც ბევრი უდანაშაულო პირის ბრალდება და დასჯა თავიდან იქნებოდა აცილებული. იოანე ბატონიშვილის სჯულდების საფუძველზე შეიძლება ითქვას, რომ პირდაპირი განზრახვის არსებობა ცრუ დასმენის აუცილებელ ნიშანს წარმოადგენდა. ნორმა საინტერესოა იმ მხრივაც, რომ კანონმდებელი დანაშაულის მოტივებზე ამახვილებს უურადღებას. ქმედება, რომელიც იმდენად გავრცელებულია, რომ ამ საქმეების შესწავლა სპეციალური თანამდებობის შემოღებას საჭიროებს, რა თქმა უნდა სამართლებრივი რეგულირების მიღმა არ იქნებოდა დარჩენილი და უნდა არსებობდეს ნორმები, რომლებიც ტყუილი დაბეზღებისათვის დააწესებდა კასუებისმგებლობას.

ცრუ დასმენის განხილვა ცილისწამების ერთ-ერთ ფორმად მეცნიერთა შორის კამათს იწვევს. მ. დუხოვსკი არასწორად თვლის შეხედულებას, რომ ცილისწამებას და ცრუ დასმენას ბევრი საერთო ნიშანი აქვს, რომ ორივე შემთხვევაში დამნაშავე ცდილობს პირი დაამციროს სხვათა თვალში და მსგავსია მათი ჩადენის საშუალება. მისი აზრით განსხვავებულია ამ ორ დანაშაულს შორის მიზანი და ქმედების ჩადენის საშუალება. ცრუ დასმენის მიზანი არ არის საზოგადოების თვალში პირის დამცირება, არამედ მიზნად ისახავს მისთვის სხვა სახის, უფრო მეტი ბოროტების მიყენებას, მის მიმართ სისხლისსამართლებრივი დევნის დაწყებას. მისი აზრით, ყველა სახის დანაშაულში ბრალდება პირის პატივის დამცირება არ ხდება, რადგან არის დანაშაულები, რომელთა მიმართ საზოგადოება არ უკავშირებს პირის პატივის ხელყოფას, მაგრამ თუ პირის პატივის ხელყოფას ადგილი აქვს, მაშინ ეს მეორეხარისხოვანია, მთავარია პირის სისხლისსამართლებრივი დასჯადობა. მ. დუხოვსკის

¹²⁷ წამებად წმიდისა და ნეტარისა მოწამისა ქრისტისისა ჰაბოსი, ძევლი ქართული აგიოგრაფიული ლიტერატურის ძეგლები, წიგნი I (V-Xსს), დასაბეჭდად მოამზადეს ილ. აბულაძემ, ნ. ათანელიშვილმა, ნ. გოგუაძემ, ლ. ქაჯაიამ, ც. ქურციკიძემ, ც. ჭანკიევმა და ც. ჯლაძიამ ი. აბულაძის ხელმძღვანელობით და რედაქტორობით, თბ., 1963, გვ. 56.

¹²⁸ იოანე ბატონიშვილი, სჯულდება (ქართლ-კახეთის სამეფის სახელმწიფო უნივერსიტეტი), ტექსტი გამოსაცემად მოამზადა, შესავალი, ლექსიკონი და საძიებლები დაურთო ივ სურგულაძემ, თბ., 1957, გვ. 21.

შეხედულებით, განსხვავებულია ასევე ამ ორის დანაშაულის ჩადენის საშუალება. ცილისწამების დროს ზიანი ადგება პირს სხვა მოქალაქეთა თვალში, ხოლო ცრუ დასმენისას მის მიმართ სისხლისსამართლებრივი დევნის დაწყების საშუალებით. ამიტომ თვლის, რომ ცრუ დასმენი არ შეიძლება მიეკუთვნოს ზოგადად კერძო დანაშაულთა კატეგორიას. თუმცა იქვე აღნიშნავს, რომ ისტორიული მიმოხილვისას შეიძლება კანონმდებლობაში შეგვხვდეს ბევრი ისეთი შემთხვევა სადაც ცრუ დასმენა და ცილისწამებასთან არის აღრეული.¹²⁹

მ. დუხოვსკის მოსაზრებას, ცილისწამებას და ცრუ დასმენის განსხვავებასთან დაკავშირებით უნდა დავეთანხმოთ. მაგრამ ვიკლევთ რა სამართლის ისტორიის საკითხებს, კერძოდ კი ამ შემთხვევაში ცილისწამების ნორმებს, მიზანს წარმოადგენს საკითხის შესწავლა იმ კუთხით რა სახის ქმედებები მოიაზრებოდა კანონმდებლის მიერ ცილისწამებად და არა ის, როგორ უნდა ყოფილიყო რეალურად გაგებული ცილისწამებით პირის პატივის ხელყოფა. თავად მკვლევარი იხილავს, რა რომის სამართალში არსებულ ცილისწამების ნორმებს, ასეთად მიიჩნევს პასკილებს (*liber famosus*), მაგრამ *liber famosus* ერთ-ერთ სახეს, რომელიც გამოიხატებოდა იმპერატორისათვის პირის დანაშაულში ბრალდების წერილის წარდგენაში, თვლის, რომ არ შეიძლება მიეკუთვნებოდეს პატივის წინააღმდეგ მიმართულ ქმედებათა კატეგორიას, რადგან ის წარმოადგენს ცრუ დასმენის ერთ-ერთ სახეს და ასეთი წერილის მიზანი იყო სისხლისსამართლებრივი დევნის დაწყება.¹³⁰ კანონმდებლის მიერ ერთ ცნებაში (*liber famosus*) ცილისწამების და ცრუ დასმენის გაერთიანება მიანიშნებს, რომ რომის სამართალშიც მკვეთრი ზღვარი არ არსებობდა ამ ორ ქმედებას შორის.

მ. დუხოვსკი განიხილავს რა ავსტრიის 1803 წლის კანონმდებლობას, აღნიშნავს, რომ ცილისწამება აქ განმარტებულია როგორც პირის ცრუ ბრალდება მის მიმართ სასამართლო დევნის აღმვრის მიზნით.¹³¹ აღნიშნული კი ადასტურებს, რომ XIX-საუკუნის დასაწყისშიც ცრუ დასმენა კანონმდებლობით ცილისწამებად ითვლებოდა. ამის მაგალითად შეიძლება მოყვანილ იქნეს ბერძნული სამართლის ქართული ვერსიის 140-ე მუხლიც, რომელსაც „სამდღელოს კაცი ცილის წამებისათვის“ ეწოდება, თუმცა მუხლში შესმენაა განხილული. ცრუ დასმენა პირის პატივის წინააღმდეგ მიმართულ ქმედებად რომ მიიჩნეოდა ამას მუხლის ტექსტი ადასტურებს: „თუ შესმენა იგი მართლა არ გამოაჩინოს და მივიდეს კლმწიფესთან ანუ მოსმართლესთანა, გინა კრებაშია მივიდეს, შეასმინოს, შესმენა მისი შეწყნარებაი არა არს და ნურცავის შეიწყნარებს, ამისთვის რომე ებისკოპოზი უპატიო ყო, აგინა კრებასა და წმიდათა ეკლესიათა მოწესენი აღრეულ ყო.“¹³² ასევე დიდი სჯულის კანონში შეინიშნება, რომ შესმენა

¹²⁹ იხ. *Духовский М.В.*, დასახ. ნაშ., გვ. 7.

¹³⁰ იხ. *Духовский М.В.*, დასახ. ნაშ., გვ. 33.

¹³¹ იქვე, გვ. 67.

¹³² ქართული სამართლის ქეგლები, ტ. I, გვ. 166.

ცილისწამებად ითვლებოდა.¹³³ საეკლესიო სამართლის ძეგლებში ცრუ შესმენის ცილისწამებად განხილვა გასაკვირი არ უნდა იყოს გამომდინარე იქიდან, რომ მეცხრე მცნება – არა ცილ სწამო მოყვასსა შენსა, მოიცავდა ასევე ცრუ დასმენასაც. აღნიშნული ტენდენცია შეინიშნება ასევე არსებულ საერო სამართლის ძეგლებშიც. დავით ბატონიშვილი „სუბუქი საქმის“ შესმენისათვის საუპატიოს გადახდას აწესებს.¹³⁴ ამ სახის სანქციის გამოყენება მიანიშნებს, რომ კანონმდებელი ცრუ დასმენას პირის პატივის წინააღმდეგ მიმართულ დელიქტად მიიჩნევდა. აღნიშნულ მუხლს ეხება გიორგი ნადარეიშვილი, რომელიც აღნიშნავს, რომ დავით ბატონიშვილის სამართლი შესმენასა და ცილისწამებას ერთმანეთისაგან ვერ მიჯნავს.¹³⁵ რადგან კვლევის მიზანია არა ის გარემოება როგორ უნდა ყოფილიყო ცილისწამება გაგებული, არამედ სამართლის ისტორიაში რა სახის ქმედები ითვლებოდა ასეთად, შესაბამისად გვერდს ვერ აკუვლით ცრუ დასმენის განხილვას როგორც ცილისწამების ერთ-ერთ ფორმის, რადგან ასეთ ქმედება კანონმდებლობით ასევე ცილისწამებად ითვლებოდა.

ის. დოლიძეს ზანდუკის დაბეზდების თავში ძველი ქართული სამართლის ძეგლებიდან მითითებული აქვს სამი მუხლი. ერთი ბექა-აღბუდას სამართლიდან (მუხ. 40), რომელიც პატრონის წინაშე შესმენას ეხება.¹³⁶ მეორე მუხლი ბაგრატ კურაპალატის სამართლიდან არის და ეხება ბატონთან ცრუ დასმენას (ბექა-აღბუდას სამართლის 132-ე მუხლი).¹³⁷ ბოლო მუხლი ვახტანგ ბატონიშვილის სამართლის წიგნის 253-ე მუხლია, რომელიც ტუუილი დაბეზდების ზოგად შემადგენლობას წარმოადგენს.¹³⁸

ბერძნული სამართლის ქართული ვერსიიდან მითითებულია 140-ე, 192-ე და 214-ე მუხლი. 140-ე მუხლი, როგორც ზემოთ უკვე იყო აღნიშნული, ეხება სასულიერო პირის ცილისმწამებლურ დაბეზდებას.¹³⁹ რაც შეეხება 192-ე მუხლს, მასში მართალია საუბარია დაბეზდებაზე, მაგრამ არ არის მინიშნება, რომ ეს დაბეზდება ცილისმწამებლურია: „ბრძანება არს ლეონ ბრძენისა: რომელმანც კაცმან მოსამართლესთან კაცი დააბიზდოს და თვითან იქ ადარ მოიცადოს, თუ დიდი რამე საქმე იყოს, მოსამართლემ იმ კაცს სამჯერ კითხოს წიგნითა და თვითოს სიტყუისათვის თვითო თვე მოიცადოს. თუ დამბიზდებული კაცი მოვიდეს, კარგია, და თუ არა, რომელიც მართებული სამართალი იყოს, ისი ქნას.“¹⁴⁰ საქმის გარემოებების შესწავლისას შესაძლოა აღმოჩენილიყო, რომ დაბეზდება უსაფუძვლო იყო.

¹³³ დიდი სჯულის კანონი (ძველი ქართულ ენაზე), გამოსაცემად მოამზადეს კ. გაბიძაშვილმა, კ. გიურაშვილმა, მ. დოლიძემა, გ. ნინუაძ. თბ., 1975, გვ. 261-263.

¹³⁴ დავით ბატონიშვილის სამართალი, გვ. 118.

¹³⁵ ის. ნადარეიშვილი გ., ადამიანის პატივისა და დირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, ურნალი „ალმანახი“, 2000, №14, გვ. 66-67.

¹³⁶ ქართული სამართლის ძეგლები, ტ. I, გვ. 439.

¹³⁷ იქვე, გვ. 467.

¹³⁸ იქვე, გვ. 545.

¹³⁹ იქვე, გვ. 166.

¹⁴⁰ იქვე, გვ. 174.

ასეთ შემთხვევაში როგორი იქნებოდა ტყუილი დამბეზღებლის პასუხისმგებლობა დასახელებულ ნორმაში საუბარი არ არის.

შემდეგი მუხლი რომელიც ზანდუქში არის მითითებული ბერძნული სამართლის ქართული კერძიდან ეხება ასევე ცილისმწამებლურ დაბეზღებას (მუხ. 214), თუმცა ცრუ დასმენის როგორც დელიქტის განხილვისას ის არ გამოდგება, რადგან მუხლი პროცესუალური შინაარსისაა: „უკეთუ კაცსა ცილი შესწამოს ცოდვის ქმნისათვის ხოლო ცილშეწამებულთაგან კაცმა იმისა თქვას, თუ იმან უფროსი ცოდვა ქნაო, მოსამართლემ კარგად გასინჯოს და, რომელსაც ცოდვა უფრო დიდი იყოს, პირველად ის განიკითხოს და მერმე მეორე.“¹⁴¹ კანონმდებელი მოსამართლის მიმართ აკეთებს მითითებს, ორივე მხარის მხრიდან ცილისწამებისას რომელი საქმე უნდა განიხილოს პირველად.

სომხური სამართლიდან მითითებულია ასევე სამი მუხლი (115-ე, 116-ე და 310-ე მუხლები). 115-ე მუხლი ცრუ დასმენის ზოგად შემადგენლობად შეიძლება ჩაითვალოს.¹⁴² მომდევნო მუხლი (116-ე) ცრუ დასმენის სპეციალური შემადგენლობას წარმოადგენს, აქცენტი გაკეთებულია ცილისწამების ადგილზე, კერძოდ საუბარია ჯარში ცილისწამებაზე.¹⁴³ მესამე მუხლი (310-ე) ასევე სპეციალურ ნორმას წარმოადგენს, იგი ეხება ეპისკოპოსის ცილისწამებას.¹⁴⁴

ცრუ დასმენის საუბრისას ყურადღება უნდა გამახვილდეს იმ თავისებურებაზე, რაც ამ სახის ცილისწამების ახასიათებს, სხვა სახის დაწამებისაგან განსხვავებით და რამდენად იკვეთება ეს თავისებურება ძველ ქართულ სამართალში. რამდენად მსგავსია შინაარსობრივი და პასუხისმგებლობის თვალსაზრისით ტყუილი დაბეზღების შესახებ ქართულ სამართლის ძეგლებში არსებული ნორმები; თუ ახდენდა ეს თავისებურება დელიქტის ტიპზე და რა სახის სასჯელები იყო დაწესებული.

ცრუ დასმენის შესახებ თავდაპირველად ძეგლი ქართული სამართლის ძეგლებში არსებული ნორმები, ხოლო შემდგომ ვახტანგ ბატონიშვილის სამართლის წიგნთა კრებულში შესული სხვა სამართლის ძეგლები იქნება განხილული.

ბექა-ადბუდას სამართლის მე-40 მუხლს განიხილავს ის. დოლიძე ავტორი აღნიშნავს, რომ „ბექას სამართალი პატრონის წინაშე ცილისმწამებლურ დასმენის მმიმე დანაშაულად თვლის, „რადგან დასმენის შედეგად პატრონი დასმენილ კაცს მამულს ართმევდა, აძევებდა და არბევდა. მაგრამ როცა გამოირკვეოდა, რომ პატრონის მიერ დასჯილი კაცი უდანაშაულო იყო, დამბეზღებელს სასჯელად ედგა „რაცა კაცისაგან ავი საზიანო მოიგონების“. ასეთ შემთხვევაში „პატრონმან პატიჯითა გარდააჭდევინოს“ დამნაშავეს, რადგან „ამისთანა საქმე პატრონისა დალატი

¹⁴¹ ქართული სამართლის ძეგლები, ტ. I, გვ. 179.

¹⁴² იქვე, გვ. 257.

¹⁴³ იქვე, გვ. 258.

¹⁴⁴ იქვე, გვ. 336.

და შეცოდება უფროა“-ო, ამბობს კანონმდებლელი.¹⁴⁵ მაშასადამე, ცრუ დასმენას კანონი თვლის პატრონის წინააღმდეგ მიმართულ ბოროტმოქმედებად.“¹⁴⁶

ბექა-აღბუდას სამართლის მე-40 მუხლი პირობითად შეიძლება ორ ნაწილად გაიყოს: პირველ ნაწილში დასმენაზე საუბარი, ხოლო მეორე ნაწილი ცრუ დასმენას ეხება. შესმენა შეიძლებოდა ყოფილიყო როგორც ცილისმწამებლური, ისე არაცილისმწამებლურიც. შესაბამისად, როცა ცრუ დასმენაზეა საუბარი სამართლის ძეგლებში ყოველთვის არის ამ გარემოებაზე მითითება. შეიძლება აღნიშნული იყოს, რომ პირმა ცილი დასწამა და დასმინა (მაგალითად ბერძნული სამართლის ქართული კერძის 140-ე მუხლი),¹⁴⁷ ან მითითებული იყოს რომ დამნაშავემ ეს მოიგონა, ან რომ დასმენა უსამართლო იყო (ბაგრატ კურაპალატის სამართლი). ბექა-აღბუდას სამართლის 132-ე მუხლი).¹⁴⁸ ასეთი მითითება ამ მუხლის პირველ ნაწილში არ არის, საუბარია, რომ შესმენის საფუძველზე პატრონს უფლება აქვს შესმენილი პირის მიმართ სხვადასხვა სასჯელი გამოიყენოს: „თუ უმტერომან, შეუბმელმან, მოურბეველმან და გაუგინებელმან პატრონსა წინა შეასმინოს და დააჯეროს, რაცა ავი იქმნების, ყველა უყოს პატრონმან შეზახებულთა კაცთა: გელითა მორბევა, მამულისა წადება და გაძება, და დიდხან დარიბობას ყოფა და ბედითად სიარული.“¹⁴⁹ როგორც ნორმაშია მითითებულია დასმენი პატრონის წინაშე ხორციელდება. პატრონი უფალს, მფარველს, მფლობელს ნიშნავდა.¹⁵⁰ „პატრონი“ ხოციალური იერარქიის სხვადასხვა საფეხურზე მდგომი პირი შიძლებოდა ყოფილიყო.¹⁵¹ ამ შემთხვევაში კი ათაბაგი უნდა იგულისხმებოდეს. პატრონს უფლება ჰქონდა განეხორციელებინა

¹⁴⁵ დალატის ცნების შესახებ შემდეგ პარაგრაფში იქნება საუბარი. ნორმაში დალატის და შეცოდების ერთად გამოყენება მიანიშნებს, რომ დანაშაულსა და ცოდვას შორის ჯერ კიდევ არ არის გავლებული მკვეთრი ზღვარი. შეცოდება – ცოდვის ქნა. სულხან-ხაბა თრბულიანი, ლექსიონი ქართული, II, გვ. 297.

¹⁴⁶ დოლიძე ის., ძველი ქართული სამართლი, თბ., 1953, გვ. 212.

¹⁴⁷ ქართული სამართლის ძეგლები, ტ. I, გვ. 165.

¹⁴⁸ იქვე, გვ. 467.

¹⁴⁹ ქართული სამართლის ძეგლები, ტ. I, გვ. 439.

¹⁵⁰ იხ. სულხან-ხაბა თრბულიანი ლექსიონი ქართული, I, გვ. 617; ჩუბინაშვილი დ., დასახ. ლექსიონი, გვ. 1008; განიხილავს რა ბექა-აღბუდას სამართლას, ნ. ხიზანაშვილი „პატრონის“ შესახებ შემდეგ განმარტებას აკეთებს: „მეცეს მოსდევს ათაბაგი, რომელსაც სამცხის „პატრონობა“ აქვს მინიჭებული. ეს „პატრონობა“ თითქმის სრულ დამოუკიდებლობას უდრის, რადგანაც პატრონი ჯაყელი თავისუფლად განაცეს სამთავროს. მეცესთან ათაბაგს მარტო გარეგანი კავშირი აქვს და სამათვროში ყოველგვარი გამგეობა და ქვეყნის მეურნეობა „პატრონის“ სახელით წარმოებს. . . სამთავროს „პატრონის“ შეეძლო ყოველგვარი სასჯელი პირად თვითონებე მიესაჯა ბრალებულისათვის –მამულის ჩამორთმევა, გარდახვეწა. ამ უფლებას უნდა დაგუმატოთ დირსებისა და სხვა რაიმე უპირატესობის ბოძება.“ ხიზანაშვილი ნ. (უბნელი), დასახ. ნაშ., გვ. 380.

¹⁵¹ 1620 წლის განჩინებაში დიდი მოურავისა და ქაიხოსრო ჯავახიშვილის საქმეზე მევე ლუარსაბი ბატონად არის მოხსენიებული, ასევე მევე თემურაზიც. ქართული სამართლის ძეგლები, ტ. IV, სასამართლო განჩინებები (XVI–XVIIIსს), ტექსტები გამოსცა, შენიშვნები და საძიებლები დაურთო ისლოლიძე, თბ., 1972, გვ. 56.

მართლმსაჯულება თავისი მფარველობის, ან მფლობელობის ქვეშ მყოფი პირის მიმართ. ამ უფლების შესახებ აღნიშნულ მუხლშიც არის მითითებული: „რაცა ავი იქმნების, ყველა უყოს პატრონმან შეზახებულთა კაცთა“, ამის გარდა მას შეწყალების უფლებაც ჰქონდა.¹⁵² ნორმაში არ არის აღნიშნული რა დანაშაულთა დასმენისას შეიძლებოდა მიემართა „პატრონს“ ჭელითა მორბევისათვის, მამულისა წაღებისათვის და გაძევებისათვის, დიდხანს დარიბობას ყოფისათვის და ბედითად სიარულისათვის. შესაბამისად, ნორმა დასმენის ზოგად შემადგენლობად შეიძლება ჩაითვალოს. იგივე შეიძლება ითქვას ცრუ დასმენასთან დაკავშირებით. ამას ადასტურებს ზოგადი მინიშნება: „რაცა კაცისაგან ავი¹⁵³ [და] საზიანო მოიგონების..“¹⁵⁴ დასახელებულ ნორმაში სიტყვები, რომ ცრუ დასმენა „პატრონისა დალატი და შეცოდება უფროა,“¹⁵⁵ მიანიშნებს, რომ ეს ქმედება ხელყოფდა როგორც კერძო პირთა ინტერესს, ისე „პატრონისას“. კანონმდებელი უპირატესობას „პატრონის“ ინტერესებს ანიჭებდა. განხილულ მუხლში ცრუ დასმენისას სახელმწიფო ხელისუფლების ინაგერესის წინა პლანზე წამოწევა შემთხვევითი არ უნდა იყოს, არამედ როგორც ჩანს ზოგადად ძველი ქართული სამართლისათვის იყო დამახასიათებელი. ცრუ დასმენის ხელყოფის ობიექტი ასევეა განსაზღვრული ვახტანგ ბატონიშვილის სამართლის წიგნის 253-ე მუხლში, რის შესახებაც ქვემოთ იქნება საუბარი.

ასევე პატრონის წინაშე ცილისმწამებლურ დასმენას ეხება ბაგრატ კურაპალატის სამართლი (ბექა-აღბუღას სამართლის 132-ე მუხლი): „თუ უსამართლოდ პატრონსა წინა შეასმინოს, სრული სისხლი მართებს, ამად რომე მისით გამოიმეტა.“¹⁵⁶ ნორმაში არ არის გამოყენებული „ცილისწამება“, ან ტყუილი შესმენა. შესმენა რომ ცილისმწამებლური იყო ამაზე მიანიშნებს ტერმინი „უსამართლო“. უსამართლო სამართლის გარეგანს, არა მართალს, არასამართალს ნიშნავდა.¹⁵⁷ ე. ი. „უსამართლო“ სამართლის საპირისპირო ცნებაა. „მისით გამოიმეტა“ კი მიანიშნებს, რომ

¹⁵² ქართული სამართლის ძეგლები, ტ. I, გვ. 439. ვახტანგ ბატონიშვილის სამართლის წიგნში (მუხ. 95) ვხვდებით ბატონთა მიერ დაკისრებულ სასჯელთა შეზღუდვის მცდელობას, უკრძალავს რა მათ სიკილით დასჯის და გახეიბრების გამოყენებას, რაც სახელმწიფო ხელისუფლების პრეორგატივა უნდა იყოს. ქართული სამართლის ძეგლები, ტ. I, გვ. 505. ალ. ვახტანგის აზრით, დასახელებულ ნორმაში გამოხატულია დიდი სახელმწიფოებრივი მნიშვნელობის იდეა, რომლის ცხოვრებაში გატარება იმდროინდელ პოლიტიკურ პირობებში შეუძლებელ ამოცანას წარმოადგენდა. იხ. ვახტანგის ალ., დასახ. ნაშ., გვ. 34.

¹⁵³ ავი-არა კეთილი. სულხან-ხაბა თრბელიანი, ლექსიკონი ქართული, I, გვ. 40; ავი- პავი-ცუდი, ავი. აბულაძე ი., დასახ. ლექსიკონი, თბ., 1973, გვ. 575; ავი-ბოროტი, არაკეთილი, უკეთური, ცუდი, საძაგელი, მდარე ურიგო, ბედითი, ხენეში, უხმარი. ჩუბინაშვილი დასახ. ლექსიკონი, გვ. 8.

¹⁵⁴ ქართული სამართლის ძეგლები, ტ. I, გვ. 439.

¹⁵⁵ იქვე, გვ. 439.

¹⁵⁶ იქვე, გვ. 467.

¹⁵⁷ იხ. ჩუბინაშვილი დასახ. ლექსიკონი, გვ. 1270; სულხან-ხაბა თრბელიანი, ლექსიკონი ქართული, II, გვ. 169.

ქმედება განზრახ არის ჩადენილი. როგორც ნორმის შინაარსიდან ჩანს, ქმედების დასჯადობას განაპირობებს პირის „უსამართლოდ“ განზრახ ცრუ დასმენა. ამდენად, განზრახვის არსებობა ცრუ დასმენის აუცილებელ ნიშანს წარმოადგენდა. ბექა-ალბუდას სამართლის წიგნის მე-40 მუხლის მსგავსად ნორმა ზოგადი ხასიათისაა, თუმცა მისგან განსხვავებით „პატრონის“ ინტერესის ხელყოფა არ იკვეთება.

განხილული მუხლის მსგავსი ნორმაა სასისხლო განჩინებაში სიმონ I-ისა მაღალაძეებისადმი [1592წ.] „თუ პატრონსა წინა უსამართლოდ შეასმინოს, ოციათასი თეთრი დაეურვოს.“¹⁵⁸ ცრუ დასმენის ქმედების აღწერილობისათვის სიმონ I-ის სასისხლო განჩინება დამატებით მასალას არ იძლევა. ნორმის „თავისებურება“ მხოლოდ ზუსტად განსაზღვრულ სისხლის ფასში გამოიხატება.

შემდგომი ქართული სამართლის ძეგლი, რომელიც ცრუ დასმენისათვის ითვალისწინებს პასუხისმგებლობას ვახტანგ ბატონიშვილის სამართლის წიგნია. ალ. ვაჩევიშვილი 253-ე მუხლის გარდა ტყუილ დაბეზღებად განიხილვას 227-ე მუხლსაც.¹⁵⁹ ასევე თ. მონიავაც (227-ე მუხლი ბ ნუსხით).¹⁶⁰ ის. დოლიძის მიერ გამოქვეყნებულ ქართული სამართლის ძეგლებში 227-ე მუხლი ეხება წაძრახვას. „ვინც ვისაც წასძრახოს, იმით სისხლი და რაც ჩხუბი მოკდეს, ნახევარი წამძრახავმან გარდიჭადოს და ნახევარი მქნელმან. და თუ იმ წაძრახვით ჩხუბი არა მოკდეს რა და გულის მოწყვეტისათვის უთხრას, გულის მოწყვეტა და თავის გატეხა ერთგან ჩაგვიგდია, –რასაც გვარისა იყოს, იმ წესით თავის გატეხასთან ჩაიგდება და იმთონი გარდაუჭადოს.“¹⁶¹ წაძრახვა დ. ჩუბინაშვილის განმარტებული აქვს როგორც დაყვედრება, დამატება.¹⁶² ხოლო დაყვედრება – როგორც საყვედურს ვეტყვი.¹⁶³ არც ტექსტის შინაარსიდან და არც სიტყვის განმარტების მიხედვით შეიძლება ითქვას, რომ ნორმა ცრუ დასმენას ეხება. შესაძლოა ვარაუდი გამოთქმულიყო, რომ მუხლში ცილისწამებაზეა საუბარი, ნორმაში მითითებული რომ ყოფილიყო „წაძრახვის“ სიცრუეზე, როგორც ეს სომხური სამართლის 114-ე, 115-ე და 116-ე მუხლებშია აღნიშნული.

¹⁵⁸ ქართული სამართლის ძეგლები, ტ. II, საერო კანონმდებლობის ძეგლები (X-XIXსს) ტექსტი გამოსცა, შენიშვნები და სამიებლები დაურთო ის. დოლიძემ თბ., 1965, გვ. 206.

¹⁵⁹ „ვახტანგის კოდექსის 227 მუხლი ითვალისწინებს იმ შემთხვევას, როდესაც ვინმე დააბეზღებს მეორე პირს მოსამართლესთან და წაუკენებს მას ბრალდებას რაიმე დანაშაულის ჩადენაში.“ ვაჩევიშვილი ალ., დასახ. ნაშ., გვ. 95.

¹⁶⁰ ის. მონიავა პ. (თუმცუ), დასახ. ნაშ., გვ. 79-80.

¹⁶¹ ქართული სამართლის ძეგლები, ტ. I, გვ. 540.

¹⁶² ის. ჩუბინაშვილი დ., დასახ. ნაშ., გვ. 1665.

¹⁶³ იქვე, გვ. 438; უშუალოდ წაძრახვის განმარტება სულხან-საბა ორბელიანის ლექსიკონში მოცემული არ არის. წაძრახვა ნაწარმოები უნდა იყოს „ძრახვა“-ისაგან. რაც შეეხება ძრახვას განმარტებულია როგორც ზრახვა, ნაძრახი, სძრახავს. სულხან-საბა ორბელიანი, ლექსიკონი ქართული, I, გვ. 357.

ვახტანგ ბატონიშვილის სამართლის სამსესხის 227-ე მუხლი ასევე ძრახვით¹⁶⁴ იწყება, თუმცა განსხვავებულია შემდგომი ტექსტი: „ვინც ვინ სძრახოს და მოსამართლესთან დაბეზღოს, „ესე და ეს კაცი ამ საქმის მქნელია და გარდააპდევინეო, მოწამე დაისწროს და სიტყვა დასწეროს ამ კაცმა: ამა და იმ კაცმა ასე სძრახაო“, ის კაცი მოყვანილონ, მარტო კითხონ, თუ თავი იმართლა, პირს დაუყენონ. თუ გამტყუფნოს, მთქმელი უბრალო იყოს, და თუ გამტყუფნდეს მთქმელი, რაც იმ კაცისათვის გარდასაჭელი მართებს, ამ მთქმელს უნდა გარდაპდეს.“¹⁶⁵ ვახტანგ ბატონიშვილის სამართლის წიგნში კიდევ ერთი მუხლია (253-ე), რომელიც ტყუილ დაბეზღებას ეხება. ორივე მუხლი ზოგადი ხასიათისაა და შესაბამისად არაცერთში არ არის საუბარი კონკრეტული დანაშაულის დაბეზღებაზე. ვახტანგის 227-ე მუხლი წინააღმდეგობაში არ მოდის 253-ე მუხლთან, ამაზე მიანიშნებს ტყუილი დაბეზღებისათვის სასჯელის განსაზღვრის პრინციპი. 227-ე მუხლის ტექსტიდან გამომდინარე შეიძლება ითქვას, რომ დასახელებულ მუხლი უფრო დაბეზღების პროცესუალურ მხარეს ეხება, რის გამოც ნორმაში არ არის აქცენტი გაკეთებული ტყუილი დაბეზღების ხელყოფის ობიექტზე, აღნიშნული უნდა განაპირობებდეს ამავე სამართლის წიგნში 253-ე მუხლის, უშუალოდ ტყუილი დაბეზღების ნორმის არსებობას.

ვახტანგ ბატონიშვილის სამართლის წიგნის 253-ე მუხლით: [ტყულიად დამბეზღებლობისათვის] „ტყუილად დამბეზღებელსა ორი დანაშაული აქუს: არც კელმწიფის დოკუმენტისათვის სჯობს, [და] ვისაც დაბეზღებს, ის მკუდარი არის იმ მობეზღარისაგან.“¹⁶⁶ მოყვანილ მუხლში ორი ობიექტი იკვეთება, ხაზია გასმული, რომ ცრუ დამსმენი ორ დანაშაულს ჩადის. წინ არის წამოწეული სახელმწიფო ინტერესი, დასმენილი უკანა პლანზეა გადაწეული. სახელმწიფო ინტერესის ხელყოფა მისი დოკუმენტის ზარალში გამოიხატებოდა. დოკუმენტი გნმარტებულია, როგორც ბედნიერება, სიმდიდრე, შემძლებლობა.¹⁶⁷ მაგრამ რა სახით უნდა დაზარალებულიყო სახელმწიფო დოკუმენტი ტყუილი დაბეზღებისას, იგულისხმება აქ ზოგადად სახლმწიფოებრივი კეთილდღეობა, თუ მატერიალურ ზარალზეა აქცენტი გაკეთებული? შესაძლოა ამ კითხვის პასუხი გარკვეულწილად ნორმის შემდეგ ტექსტში მოიძებნოს, სადაც აღნიშნულია, რომ ცილდაწამებული მკვდარი არის მობეზღარისაგან.

ეველა სახის ტყუილ დაბეზღებას რა თქმა უნდა არ შეიძლებოდა ცილდაწამებულის სიკვდილი მოჰყოლოდა. მეცნიერთა შეხედეულებით, სიკვდილით დასჯა იშვიათი სასჯელი იყო საქართველოში და ქართული სისხლის სამართლით ასეთი უმაღლესი სასჯელს იყენებდნენ მეფისა და

¹⁶⁴ ძრახვა – განგვიცხავ, განვაქიქბ, განგუკიცხავ, არ მოვუწოებ. ჩუბინაშვილი დ., დასახ. ლექსიკონი, გვ. 1645; ძრახვა – ზრახვა. სულხან-საბა თრბელიანი, ლექსიკონი ქართული, II, გვ. 357; ზრახვა – სიტყვის ლაპარაკი. იქვე, გვ. 285.

¹⁶⁵ ვახტანგ VI სამართლის წიგნი, ტექსტი გამოსაცემად დაამზადა, გამოკვლევა და ტერმინთა საძიებლები დაურთო თიხა ენციქლოპედია, თბ., 1955, გვ. 107–108.

¹⁶⁶ ქართული სამართლის ძეგლები, ტ. I, გვ. 545.

¹⁶⁷ იხ. ჩუბინაშვილი დ., დასახ. ლექსიკონი, გვ. 480.

სახელმწიფოს დალატისათვის, ასევე მეფის პირადი საჯარო სიტყვიერი შეურაცყოფისათვის და მეკობრეობისათვის.¹⁶⁸ რადგან მეფის პირადი შეურაცყოფა ისჯებოდა სიკვდილით, მისი დასმენა გამორიცხული იყო. შესაბამისად ვახტანგ ბატონიშვილის სამართლის წიგნის 253-ე მუხლში მითითება იმ გარემოებაზე, რომ „ვისაც დააბეზღებს, ის მკუდარი არის იმ მობეზღარისაგან“¹⁶⁹ შეიძლება ეხებოდს მხოლოდ მეფის და სახელმწიფოს დალატის და მეკობრეობის დაწამებას. სასამართლო პრაქტიკითაც დასტურდება, რომ მეფის დალატის ცილისწამებას შეიძლება მოჰყოლოდა დასმენილის სიკვდილი. სოლომონ II-ის სასისხლო განჩინებაში (1789-1810წ) მიუხედავად იმისა, რომ მეფეს დასმენა არ გაუთვალისწინებია, დასმენილი სახლოუხუცესი ზურაბ წერეთელი მაინც აღნიშნავს, რომ „სასიკვდილო ვიყავი, დმერთმან დაუმადლოს, არ მომკლა, თორემ შენიო მეც მომკალი.“¹⁷⁰ ამ შემთხვევაში შემდეგი ვარაუდის გამოთქმა შეიძლება, „სასიკვდილი ვიყავი“ უნდა აღნიშნავდეს, რომ სოლომონ მეფეს დამბეზღებლისათვის, რომ დაეჯერებინა ზურაბ წერეთელს სიკვდილი მოელოდა, ხოლო „შენიო მეც მომკალი“ შეიძლება ნიშნავდეს, რომ დამსმენამა სასიკვდილოდ გაიმეტა ზურაბ წერეთელი.

განსახვებულ კონტექსტშია ნახმარი ეს სიტყვა სიმონ II-ის 1620 წლის სასისხლო განჩინებაში, სადაც დიდი მოურავი უყენებს ბრალდებას ქაიხოსრო ჯავახიშვილს, რომ „ეს უუელა უკაცრაული და სიკუდილი და ამოწყვეტა, ყუელაკა ქაიხოსროსაგან დამემართა.“-ო.¹⁷¹ მოყვანილ ციტატაში სიკვდილის ხმარება არ ნიშნავს, რომ დიდი მოურავი ქაიხოსროს მკვლელობაში დებდა ბრალს. „უკაცრაული“, „სიკუდილი“ და „ამოწყვეტა“ გამოიხატა იმაში, რომ დიდმა მოურავმა ბატონის გულისწყრომა დაიმსახურა, ცოლ-შვილით მოუხდა საკუთარი მამულიდან გადახვეწა, იძულებული გახდა რჯული შეეცვალა, ქონება კი დაეკარგა.¹⁷² როგორც ჩანს, ტერმინი სიკვდილი ყოველთვის პირდაპირი მნიშვნელობით არ არის გამოყენებული. იგივე შეიძლება ითქვას ვახტანგ ბატონიშვილის სამართლის წიგნის 253-ე მუხლზეც.

ამდენად, დასახელებულ მუხლში მითითებულ სახელმწიფოსათვის მიუენებულ ზარალთან დაკავშირებით, შეიძლება ორი ვარაუდი გამოითქვას: ტყუილ დაბეზღებას შესაძლოა ცილდაწამებულის სიკვდილი მოყოლოდა, ამით სახლმწიფო მოქალაქეს კარგავდა, რაც მისი „დოვლათისათვის“ საზიანო იყო და მეორე, ცილდაწამებული თუ დაისჯებოდა ცრუ დასმენის შედეგად, ეს გამოიწვევდა მის სამოქალაქო სიკვდილს და სახელმწიფო „დოვლათი“ ამ სახით განიცდიდა ზარალს. მეორე მოსაზრების სასარგებლოდ მეტყველებს ის გარემოება, რომ ვახტანგ ბატონიშვილის 253-ე მუხლი ზოგადი ხასიათისაა, იგი არ არის კაზუისტური, ხოლო

¹⁶⁸ იხ. ჯავახიშვილი ივ., დასახ. ნაშ., გვ. 372; ვახტანგიშვილი ალ., დასახ. ნაშ., გვ. 91.

¹⁶⁹ ქართული სამართლის ძეგლები, ტ. I, გვ. 545.

¹⁷⁰ ქართული სამართლის ძეგლები, ტ. VI, სასამართლო განჩინებები (XVIII-XIX სს). ტექსტი გამოსცა, შენიშვნები და საძიებლები დაურთო იხ. დოლიძემ, თბ., 1977, გვ. 435.

¹⁷¹ ქართული სამართლის ძეგლები, ტ. IV, გვ. 57.

¹⁷² იქვე, გვ. 56.

ნებისმიერი დანაშაულის ცრუ დასმენისას ცილდაწამებულის სიკვდილით დასჯის საშიშროება არ არსებობდა. თუმცა ზუსტ დასკვნის გაკეთება, რას გულისხმობდა კანონმდებელი ამ შემთხვევაში რთულია.

ტყუილი დაბეზღების მაგალითებს ისტორიულ წყაროებშიც ვხვდებით (მაგ. ბერი ეგნატაშვილი გიორგი სააკაძის დაბეზღების შესახებ).¹⁷³ მიუხედავად ამისა განსახილველი საკითხის კვლევისას ეს ცნობები არ გვადება, რადგან გარდა ფაქტის აღნიშვნისა, რომ ტყუილ დაბეზღებას ჰქონდა ადგილი, არ არის საუბარი ტყუილ დამბეზღებლთა დასჯის შესახებ.

სპეციალური მუხლი არსებობს ასევე დავით ბატონიშვილის სამართალში, მას ეწოდება „შესმენისათვის“ (მუხ. 208), რომლის მიხედვით: „ვინცა ვინ ტყუილად შეასმინოს, მებრ მიხედვისა გუამისა მიუხდოს სისხლი ამად რომელ მან სიცრუითა და მტერობითა მმაი თავისი მისცა სიკუდილად.“ მუხლს თან ახლავს განმარტება: „შესმენასა რა ვიტყვი, არათუ სუბუქისა საქმისა, რომლის ნაცვლად მიეზღვის საუპატიო, არამედ ორგულებასა საზოგადოებასა, გინა მეფისასა.“¹⁷⁴

ვახტანგ ბატონიშვილის სამართლის წიგნის 253-ე მუხლისაგან განსხვავებით დავით ბატონიშვილის სამართლის წიგნის 208-ე მუხლში მითითება არ არის სახელმწიფო ინტერესის ხელყოფაზე. თუმცა მსგავსება ამ ორ ნორმას შორის შეინიშნება. შესმენილთან დაკავშირებით ვახტანგ ბატონიშვილთან აღნიშნულია: „ვისაც დაბეზღებს, ის მკუდარი არის იმ მობეზღარისაგან.“¹⁷⁵ დავით ბატონიშვილთან ხაზია გასმული, ცრუ დამსმენმა „მმაი თავისი მისცა სიკუდილად.“¹⁷⁶ ორივე მუხლში ერთნაირი კონტექსტით უნდა იყოს გამოყენებული „მკუდარი“ და „სიკუდილად“. სავარაუდოდ როგორც უკვე ზემოთ, 253-ე მუხლის დახასიათებისას ითქვა, აქ პირის სამოქალაქო სიკვდილი შეიძლება იგულისხმებოდეს, თუმცა პირდაპირი მნიშვნელობითაც შეიძლება იყოს გამოყენებული.

რაც შეეხება განმარტებას, რომელიც 208-ე მუხლს ახლავს. ცრუ დასმენაზე როცაა საუბარი კანონმდებელი გულისხმობს არა მსუბუქ დანაშაულთა დაწამებას, რისთვისაც საუპატიოს გადახდა არის დაწესებული, არამედ მეფის, საზოგადოების დალატის დაწამებას.¹⁷⁷ გარკვეულ სირთულეს წარმოადგენს განმარტებაში არსებული დებულების ასხნა, იქიდან გამომდინარე, რომ ადგილი შეიძლება ჰქონოდა სხვა სახის დანაშაულების ტყუილ დაბეზღებას, რატომ კეთდება აქცენტი მხოლოდ სახელმწიფო დანაშაულების ჩადენის დაბეზღებაზე? რა თქმა უნდა სხვა სახის დანაშაულების შესმენაც შეიძლებოდა და ასეთი ქმედებებიც რომ

¹⁷³ ქართლის ცხოვრება, ტ. II, ტექსტი დადგენილი ყველა ძირითადი ხელნაწერის მიხედვით ხ. ყაუხესიშვილის მიერ, თბ., 1959, გვ. 389.

¹⁷⁴ სამართალი ბატონიშვილი დავითისა, გვ. 117-118.

¹⁷⁵ ქართული სამართლის ძეგლები, ტ. I, გვ. 545.

¹⁷⁶ სამართალი ბატონიშვილი დავითისა, გვ. 117.

¹⁷⁷ იქვე, გვ. 118.

დელიქტად ითვლებოდა, ამას მიუთითებს „საუპატიოს“ გადახდის დაკისრება ტყუილი დაბეზღვისათვის. სისხლის ფასის გადახდა კი დაწესებული იყო მეფის და საზოგადოების დალატის დაწამებისათვის, შესაბამისად ნორმაში მითითება, რომ ცილისმწამებელმა „მა თვისი მისცა სიკვდილად“ დასახელებულ დანაშაულთა დაწამებასთან მიმართებაში უნდა იყოს გამოყენებული. შესაძლოა ასეთი სახის დანაშაულთა ჩადენა დაკისრებული სასჯელის გარდა პირისათვის სამოქალაქო უფლებების ჩამორთმევას იწვევდა. თუ ვახტანგ ბატონიშვილის 253-ე მუხლის და დავით ბატონიშვილის სამართლის 208-ე მუხლის ამ საერთო ნიშნიდან ამოვალთ შეიძლება ვივარაუდოთ, რომ ვახტანგ ბატონიშვილის სამართალშიც ტყუილი დაბეზღვის ნორმა მოიცავს მეფისა და საზოგადოების ორგულობის ცრუ დასმენას. ამ შემთხვევაში უფრო მარტივი იქნება აიხსნას, რატომ არის მითითებული, რომ ცილდაწამებული მკვდარი არის მობეზღარისაგან.

დავით ბატონიშვილის სამართალში შეწამება მოხსენიებულია 245-ე მუხლშიც (ჯაჯისათვის, ესე იგი ტანჯვისა). მუხლში განმარტებულია როდის უნდა იქნეს „ტანჯვა“ გამოყენებული შესმენილის მიმართ: „ტანჯვა იქნების მაშინ, როეს მსაჯული, რომელსაცა ზედა იქუმულობს და შესმენილი არა მწარენელ არს აღსარებად დანაშაულისა და არცა ტვირთვად მისა, მაშინ ჯერ-არს ტანჯვითა გამოკითხვად და გამოცდად, რათამცა ზედმიწევნილ იქმნეს საქმე მართალი.“¹⁷⁸ კანონმდებელი ჩამოთვლის ვის მიმართ არ შეიძლება ამ გზით ბრალის აღიარების მოპოვება, თუმცა აკონკრეტებს იმ დანაშაულებს, რომელთა დაწამებისას შეიძლებოდა ამ დათქმისათვის გვერდის ავლა: „მცირისა საქმისათვის არა მოიყვანებიან ტანჯვად თავადი, აზნაური, მოხელენი, სალდათნი, მონაზონნი, მოხუცებულნი, მსახური, დედანი, უასაკონი, ხუცესნი და დიაკონნი, თვინიერ¹⁷⁹ მეფის ორგულებისა და მამულისა, ეკლესიისა გატეხისა, საკელმწიფოსა ამბრისა და საჭურველოთა სახლთა, და ციხის განცემისა, და მტერთა პირობის მიცემისა და ანუ გამოლაპარაკებისა.“¹⁸⁰ მეფის და ქვეყნის დალატი, ეკლესიის და სახელმწიფო ქონების ხელყოფა უმძიმეს დანაშაულად ითვლებოდა. მუხლი პროცესუალური ხასიათისაა, ამავე დროს ითვალისწინებს პასუხისმგებლობას ცრუ დაწამებისათვის: „და უკეთუ შეწამებელმანც შესწამა ცრუდ, რომელსაცა ჭეშმარიტებრსაცა აღილსა არა ეხილვა, მაშინ მიეხადოს სისხლი მრთელი და მიეცეს შეწამებულსა მას.“¹⁸¹

შესაძლებელია ის რაც ვახტანგ ბატონიშვილის სამართალში არსებული 227-ე (B ნუსხის) და 253-ე მუხლთან მიმართებაში იყო ნათქვამი, დავით ბატონიშვილის სამართლის წიგნის 208-ე და 245-ე მუხლებზეც

¹⁷⁸ სამართალი ბატონიშვილი დავითისა, გვ. 145-146.

¹⁷⁹ თვინიერ – თვინიერ. სულხან-საბა თრბელიანი, ლექსიკონი ქართული, I, გვ. 305; თვინიერ – უამისოდ. სულხან-საბა თრბელიანი, ლექსიკონი ქართული, I, გვ. 314; თვინიერ – გარდა, გარეში, კიდეგან. ჩუბინაშვილი დ., დასახ. ლექსიკონი, გვ. 562.

¹⁸⁰ სამართალი ბატონიშვილი დავითისა, გვ. 147.

¹⁸¹ იქვე, გვ. 147.

გავრცელდეს. 245-ე მუხლით დაწესებული სასჯელი (ისევე როგორც 208-ე მუხლში) მძიმე სახელმწიფო დანაულების დაწამებას შეეხებოდა, ტექსტის შინაარსიდან გამომდინარე შეიძლება ითქვას, რომ წამებას მსუბუქი დანაულის ჩადენის აღიარებისათვის არ მიმართავდნენ.

ვახტანგ ბატონიშვილის სამართლის წიგნთა კრებულში შესულ სხვა სამართლის ძეგლებს რაც შეეხება, ბერძნული სამართლის ქართული კერძოსის 140-ე მუხლი სასულიერო პირის ცრუ დასმენის ეხება. „უკეთუ ვინმე ცილი დასწამოს ეფისკოპოზსა ანუ სამდევლოსა კაცსა ვისმე და დააბეზღოს...“¹⁸² ნორმაში ცალკე არის გამოყოფილი ცილის დაწამება და დაბეზღება. ამ შემთხვევაში შეიძლება ორი მოსაზრება გაჩნდეს: ცილისწამება წინ უსწრებს დაბეზღებას, ის თავიდან სხვა ფორმით განხორციელდა, ხოლო შემდგომ ამას მოჰყვა დაბეზღება. და მეორე – დაბეზღება შეიძლებოდა ყოფილიყო როგორც ცილისმწამებლური ისე ნამდვილად ჩადენილი ქმედების ფაქტზე. ამ შემთხვევაში კანონმდებელი აქცენტს უნდა აკეთებდეს იმ გარემოებაზე, რომ მუხლი ცილისმწამებლურ დაბეზღებას ეხება.¹⁸³ მიუხედავად იმისა რას შეეხებოდა შესმენა, იქნებოდა ეს „საქონლის“ გამო,¹⁸⁴ გინებას ან რაიმე სხვა ამგვარ საქმეს, ნებისმიერ შემთხვევაში დაბეზღება უპირობოდ არ იქნებოდა მიღებული და მოსამართლეს საქმის გარემოებები უნდა გამოეკვლია. ეპისოკოპოსის ცრუ შესმენა, ნიშნავდა მისთვის პატივის ახდას,¹⁸⁵ მის შეურაცყოფას.¹⁸⁶

ბერძნული სამართლის ქართული ვერსიის დასახელებული მუხლი იმ მხრივაც არის საინტერესო, რომ მასში ჩამოთვლილია ის პირები ვისი დაბეზღებაც არ იქნებოდა მხედველობაში მიღებული: „ეგების ის კაცი ეკლესიათა ზედა დამნაშავენი იყუნენ და ეშინოდეს ებისკოპოზისა მიერ შეჩერებისა და მისთვის დაგაბიზღა კარგად გასინჯეთ, შემასმენელნი იგი კაცნი უკეთუ იყუნენ მწვალებელნი, ანუ სჯულის გამსველნი, ანუ მეფეთაგან ექსორია ქმნილნი, ანუ ებისკოპოზთაგან, ანუ იყუნენ მემრუშენი, ანუ კაცის მკულელენი, გინა სარგებლით თეთრის ამღებელნი, ანუ

¹⁸² ქართული სამართლის ძეგლები, ტ. I, გვ. 165.

¹⁸³ ამავე ნიშანზეა მითითება ბერძნული სამართლის წიგნის ქართული ვერსიის 156-ე მუხლშიც: „უკეთუ ცილის წამებით დააბიზღოს ვინმე მდდელი, ერისკაცი მდდელს ვერ განიკითხავს და უკეთუ დ-თი შერისხდეს მდდელსა და კაცი მოკლას, მაშინ მისთვის განიკითხვის მოსამართლის ერისკაცისაგან და სხვის საქმისათვის ვერ განიკითხავს.“ ქართული სამართლის ძეგლები, ტ. I, გვ. 168.

¹⁸⁴ საქონელი განმარტებულია როგორც მონაგარი ნიგო ან თეთრი, საფასე, საგაჭრო, შინაური ხვასტაგი. ჩუბინაშვილი დ., დასახ. ლექსიკონი, გვ. 1132; თუმცა საქონლის განმარტება ნორმაშიც არის დაკონკრეტებული, რომ იგი მოიცავდა უძრავსა და მოძრავს. ქართული სამართლის ძეგლები, ტ. I, გვ. 165.

¹⁸⁵ როგორც დასახელებულ მუხლშია აღნიშნული ცილისმწამებლური შესმენით პირმა: „ებისკოპოზი უპატიო ყო, აგინა კრებასა და წმიდათა ეკლესიათა მოწესენი აღრეულ ყო.“ ქართული სამართლის ძეგლები, ტ. I, გვ. 166; უპატიო, უპატიური ნიშნავდა პატივ ახდილს, უშესბამოს, უპატიოს. ჩუბინაშვილი დ., დასახ. ლექსიკონი, გვ. 1264.

¹⁸⁶ გინება განმარტებულია, როგორც შეურაცხ-ყოფა, <<უპატიოება>> ლანაძლვა. აბულაძე ი., დასახ. ლექსიკონი, გვ. 93.

მემთურალენი, ამისთანას საქმის მოქმედნი იყუნებ დამბიზღებელნი იგი ებისკოპოზისა და სამღდუელოს კაცისაგან, მათსა სიტყუასა ნუ შეიწყნარებენ, ნურცა გაუგონებენ.“¹⁸⁷ დამბეზღებლის პიროვნების შესწავლის შემდგომ მოსამართლეს საქმის გარემოებები უნდა გამოეკვლია, ხოლო თუ დადგინდებოდა, ორმ ცრუ დასმენას ჰქონდა ადგილი დამებზღებელს იგივე სასჯელი უნდა დაკისრებოდა რაც ეპისკოპოს მოელოდა ამ დაბეზღების შედეგად.

ის. დოლიძის მიერ ზანდუკის დაბეზღების თავში შეტანილი სომხური სამართლის 115-ე მუხლიც შინაარსობრივად მსგავსია ამავე სამართლის წიგნის 107-ე მუხლისა (აღნიშნული მუხლი ზანდუკში ცილისწამების თავშია მითითებული.) ორივე მუხლი მკვლელობის და „ავის მოქმედების“ დაწამებას ეხება. „ავის მოქმედების“ მნიშვნელობის შესახებ 107-ე მუხლის განხილვისას უკვე იყო საუბარი, სავარაუდო 115-ე მუხლშიც ეს ტერმინი სხვა დანაშაულთა მნიშვნელობით არის გამოყენებული. მაშინ რაში მდგომარეობს განსხვავება ამ ორ ნორმას შორის? თუ 115-ე მუხლში თავიდან საუბარია „სძრახვაზე“ და შემდგომ მოსამართლესთან დაბეზღებაზე, 107-ე მუხლში ჯერ „ავის თქმაზეა“ აქცენტი გაკეთებული, ხოლო მერე მოსამართლესთან ნათქვამის დაუმტკიცებლობაზე. „ძრახვის“ მნიშვნელობიდან გამომდინარე არსებითი სხვაობა არ არის „თქმასთან“ მიმართებაში, ერთადერთი, შესაძლოა „სძრახვა“ მეტ შეფასების მომენტს შეიცავს პირის ვითომდა ჩადენილი ქმედების მიმართ. შემდგომ 115-ე მუხლში საუბარია მოსამართლესთან დაბეზღებაზე, ხოლო 107-ე მუხლში მოსამართლესთან პირის მიერ თავისი დაწამების დაუმტკიცებლობაზე. ამ ორ მუხლს შორის განსხვავებაზე შეიძლება შემდეგი ვარაუდის გამოთქმა, 107-ე მუხლით შესაძლოა გათვლისწინებულია ისეთი შემთხვევები, როცა პირი ცილისწამებს, მაგრამ არა მოსამართლესთან. პირს თავისი ბრალდების მტკიცება უწევს მოსამართლესთან არა თავისი დაბეზღების გამო, არამედ თუნდაც დაწამებული პირის საჩივრის გამო. თუმცა ეს მხოლოდ ვარაუდია და არსებითი განსხვავების მოძებნა აღნიშულ საკითხთან დაკავშირებით ამ ორ მუხლს შორის საკმაოდ რთულია. 115-ე მუხლის მეორე ნაწილში აღნიშნულია, რომ ამაზე პასუხის გაცემა¹⁸⁸ არ შეუძლია, თუმცა აქ გამონაკლისი შემთხვევებიც არის ჩამოთვლილი: „მიგება სიტყუისა: არ შეუძლია, აბა, ამის მეტი, თუ მოკლული მისგან მამა მისი არ იყოს ან სხვა ნათესავი მისი.“¹⁸⁹ ამ გამონაკლისი შემთხვევების ჩამოთვლის შემდეგ კანონმდებელი განმარტავს, „თუ სხვამან სხვისათვის სძრახოს და შეაბეზღოს, მისცეს თავდები მას საქმისა გამართლებისათვის.“¹⁹⁰ „თავდების მიცემა“ წარმოადგენდა პირის დაბეზღების სიმართლის დადასტურებას. „თავდების“ განმარტებიდან გამომდინარე ეს უნდა ყოფილიყო პირი, რომელიც დამსმენის საანდოობას ადასტურებდა საკუთარ თავზე.

¹⁸⁷ ქართული სამართლის ქეგლები, ტ. I, გვ. 165-166.

¹⁸⁸ მიგება – პასუხის მიცემა. სულხან-საბა თრბელიანი, ლექსიკონი ქართული, I, გვ. 479.

¹⁸⁹ ქართული სამართლის ქეგლები, ტ. I, გვ. 257.

¹⁹⁰ იქვე, გვ. 257.

პასუხისმგებლობის აღებით.¹⁹¹ ხოლო თუ პირს უსინდისოდ¹⁹² დაუსმენია და თავის დაწამებას ვერ დაამოწმებდა, ეს ტყუილ დაბეზღებას ნიშნავდა. ნორმის მიხედვით დამსმენს უხდებოდა მტკიცება, რომ მისი დაწამება სიმართლე იყო, ხოლო დაუმტკიცებლობა მის ქმედებას ტყუილ დაბეზღებად აქცევდა, რისთვისაც სასჯელი იყო დაწესებული.

შემდეგი მუხლი რომელიც ზანდუქში დაბეზღების თავშია მითითებული სომხური სამართლის 116-ე მუხლია. ეს ნორმა სპეციალურ ნორმად შეიძლება ჩაითვალოს, რადგან აქცენტი გაკეთებულია ჯარში განხორციებულ „ძრახვაზე“. „ვინც კაცმან სძრახოს ვინცა ავსაქციელობით, შეუძლია, ვინც სძრახა, მანაც სძრახოს იგი ავის სიტყუით იქივ ჯარში. მასუკან მართებს მოსამართლეს მათის სიტყუის გასინჯავა და სამართლის ქნა-აბა, რომელი იყოს მტყუანი, გარდააჭდევინოს.“¹⁹³ „ავსაქციელობა“ ამ შემთხვევაში ისევე როგორც „ავისმოქმედება“ 115-ე მუხლში დანაშაულის მნიშვნელობით შეიძლება იყოს გამოყენებული. თუმცა იმის გამორიცხვაც არ შეიძლება, რომ კანონმდებელი ნებისმიერი საქციელის ბრალდებაზე საუბრობდეს, რაც პიროვნების პატივსა და ლირსებას ხელყოფდა. ბრალდება როგორც ჩანს ორივე მხარიდან მომდინარეობდა, მოსამართლის ვალდებულებას კი წარმოადგენდა დადგენა რომელი მხარე იყო ცილისმწამებელი, ხოლო ამის განსაზღვრის შემდეგ კი მას სათანადო გადაწყვეტილების გამოტანა ევალებოდა. ამ მუხლში აღწერილი ქმედების ცრუ დასმენად ჩათვლა ცოტა საეჭვოა. ნორმაში არ არის საუბარი დაბეზღებაზე, არამედ მხოლოდ „ძრახვაზე“ აქცენტი გაკეთებული.

სომხური სამართლის 114-ე მუხლის ბოლო ნაწილი ტყუილად ძრახვისათვის აწესებს პასუხისმგებლობას: „და თუ მთქმელი და მძრახავი სტყუოდეს, და ვინცა სძრახა, მქნელი არ იყოს, მას დამძრახავს კაცსა სცენ და წაკრან კისერში, და გარდააჭდევინონ ტყუილად ძრახვისათვის.“¹⁹⁴ როგორც ვახტანგ ბატონიშვილის სამართლის წიგნის 227-ე მუხლზე საუბრისას ავდნიშნეთ ძრახვა გაკიცხვას,¹⁹⁵ განქიქებას,¹⁹⁶ არ მოწონებას¹⁹⁷ ნიშნავდა. ნორმის სწორად გასაგებად უნდა მოვიყვანოთ სულხან-საბას მიერ „ტყუილის“ განმარტება: „ტყუილი – ტყუილი განიყოფის სამად:

¹⁹¹ თავდები – თავს-მდები, საქმე თავს დაიდვას. სულხან-საბა თრბელიანი, ლექსიკონი ქართული, I, გვ. 295; თავდები – თავსმდები, ვინც სხვის მაგივარად პასუხს გაჰცემს. თავდებობა – თავს-მდებობა, თავზე აღება რისამე პასუხის გაცემით, დადგომა თავდებად, თავდებად უუდგები. ჩუბინაშვილი დ., დასახ. ლექსიკონი, გვ. 537.

¹⁹² უპირის-წყლო – უსვინდისო, ვისაც პირის წყალი არ აქვს. უპირის-წყლობა – უსვინდისობა. ჩუბინაშვილი დ., დასახ. ლექსიკონი, გვ. 1265.

¹⁹³ ქართული სამართლის ძეგლები, ტ. I, გვ. 257-258.

¹⁹⁴ იქვე, გვ. 257.

¹⁹⁵ განკიცხვა – სასაცილოდ აგდება. სულხან-საბა თრბელიანი, ლექსიკონი ქართული, I, გვ. 139; გაკიცხვა – განცეკირდავ, ავიგდებ. ჩუბინაშვილი დ., დასახ. ლექსიკონი, გვ. 156.

¹⁹⁶ განქიქება – დიდად გავაწილებ, გავაითახებ, უპატიოდ ვახსენებ. ჩუბინაშვილი დ., დასახ. ლექსიკონი, გვ. 220; განქიქება – დიდად უკუწილება. სულხან-საბა თრბელიანი, ლექსიკონი ქართული, I, გვ. 143; ხოლო გახიახება გაპქირდვას, სახელის გატეხვას ნიშნავდა. ჩუბინაშვილი დ., დასახ. ლექსიკონი, გვ. 309.

¹⁹⁷ იხ. ჩუბინაშვილი დ., დასახ. ლექსიკონი, გვ. 1645.

ცრუობად, ცილად და ჭორად. სიცრუე არს სრულიად ტყუილი იყოს; ცილი არს შეწამებული და მსგავსი ტყუილისა; ხოლო ჭორი არს, რა ამბავი გაისმას და პამბ(ვ)ისა მომდები არა საცნაურ იყოს და არცა ვინ პამბ(ვ)ისა მის ჭეშმარიტობა იცოდეს.“¹⁹⁸ ტერმინთა განმარტებიდან გამომდინარე ნორმა რომ პირის პატივისა და ღირსების წინააღმდეგ მიმართულ დელიქტებს მიეკუთვნება, სადაო არ არის.¹⁹⁹ შესაძლოა საკამათო იყოს, წარმოდგენს თუ არა აღწერილი ქმედება ტყუილ დაბეზღებას. მითუმეტეს, რომ დასახელებული მუხლი ვახტანგ ბატონიშვილის სამართლის წიგნის 227-ე მუხლის მსგავსად ზანდუკში გინების თავშია მითითებული. მაგრამ ვახტანგ ბატონიშვილის 227-ე მუხლისაგან განსხვავებით სომხური სამართლის 114-ე მუხლი ტყუილად ძრახვისთვისაც განსაზღვრავს სასჯელს. რადგან სომხური სამართლის ამ მუხლში არ არის მითითებული ეს ტყუილი ძრახვა ცილისწამებლური იყო, თუ ჭორის გავრცელებას ჰქონდა ადგილი, შეიძლება ვარაუდი გამოითქვას, რომ ნორმა მოიცავს როგორც ერთ, ისე მეორე, ან მესამე შემთხვევას. თუ ჩავთვლით, რომ 114-ე მუხლი ცილისწამების შემთვევებსაც მოიცავდა, მაშინ რითია განპირობებული სომხურ სამართალში 107-ე მუხლის არსებობა, რომელიც ცილისწამებისათვის აწესებს პასუხისმგებლობას? ცილისწამების განხორცილების ფორმები მრავალნაირი შეიძლება იყოს. ამავე დროს სხვადასხვა ქმედების დაწამებას შეეხებოდეს. ამ თვალსაზრისით კი ეს ორი ნორმა მნიშვნელოვნად განსხვავდება ერთმანეთისგან. თუ 107-ე მუხლში მკვლელობის და „ავის მოქმედების“ დაწამებაზეა საუბარი, ამგვარი მინიშნება 114-ე მუხლში არ არის. შესაბამისად, ეს ნორმა შეიძლება მოიცავდეს ისეთ ქმედებათა დაწამებას, რაც დანაშაულს არ წარმოადგენდა, თუმცა პირის პატივს ხელყოფდა. ხოლო თუ შევადარებთ სომხური სამართლის 114-ე და 116-ე მუხლებს ერთმანეთს, ორივე მუხლი ტყუილად ძრახვისთვის აწესებს პასუხისმგებლობას, გასხვავება მათ შორის იმაში მდგომარეობს, რომ 116-ე მუხლში ჯარში ძრახვაზეა საუბარი. მიუხედავად ამისა, ერთი მუხლი ზანდუკში გინების თავში მითითებული, ხოლო მეორე დაბეზღების. 114-ე მუხლის მეორე ნაწილი და 116-ე მუხლი შეიძლება ცილისწამებად უფრო ჩაითვალოს, ვიდრე გინებად, ან ტყუილ დაბეზღებად.

სომხური სამართლის 310-ე მუხლი ბერძნული სამართლის ქართული ვერსიის 140-ე მუხლის მსგავსად ეპისკოპოსის ცილისწამებას ეხება. „თუ ვინც ებისკოპოზი დასძრახოს და დაემდურონ, და მისთვის ავი უნდოდესთ, და დანაშაული არა ქონდეს რა და წინ უდგნენ უ-მის-კრებულოდ შემძლებელთა, ზოგნი მათ შიგან მის სიწმიდესა და კაის ამბობდენ და ზოგნი აძაგებნენ, გარდაიცვალოს ყოვლის საქმით მტერნი ყოვლის მტრობით ნებითა წმიდის კრებითა, დედაქალაქთ და სიახლოვეთ ებისკოპოზო შეძლებითა დაუძახონ მათ, რომელთაც ფარისევლობით ებისკოპოზო მტრობა ქონდა, და რჯოდენ, გააშორონ, და რაც იმათ შეძლებით გაარიგონ, დამტკიცდეს. და კათალიკოზმან უნდა გასინჯოს

¹⁹⁸ იხ. სულხან-საბა თრბელიანი, ლექსიკონი ქართული, II, გვ. 151.

¹⁹⁹ ზანდუკის კლასიფიკაციას ზუსტად ვერ მივყვებით და ზოგიერთ შემთხვევაში საკამათოც არის ამა თუ იმ ქმედების გარევაულ დანაშულთა კატეგორიისათვის მიკუთვნება.

სამართლის სიმრუდე და სიმართლე, და არ უნდა იყოს ვერცხლთა მოყუარე და სამართლისა გამრუდებელი.²⁰⁰ ნორმაში არ არის ნახსენები არც შესმენა, არც დაბეჭდება, მაშინ რა განაპირობებს, რომ აღნიშნული მუხლი ზანდუქში იმ ნორმებთან ერთად არის მითითებული, რომლებშიც დასმენაზეა საუბარი? ნორმა ცილისწამებას რომ ეხება ეს აშკარაა, რადგან საუბარია უდანაშაულო ეპისკოპოსისათვის ბრალის დადებაზე, „ავის“ სურვილით „დაძრახვაზე“. ²⁰¹ ხოლო საქმის განსჯა ეპისკოპოსის ცილისწამების შესახებ რა თქმა უნდა სასულიერო ხელისუფლებას ეკუთვნოდა. ბრალდება კი „კრებულობის“²⁰² წინაშე ხდებოდა. ის რომ ცილისწამების აუცილებელ ნიშანს პირდაპირი განზრახვა წარმოადგენდა ამ ნორმიდანაც ჩანს, ხაზია გასმული, რომ ცილისდამწამებელნი ფარისეველნი²⁰³ იყვნენ და ეპისკოპოსის მიმართ მტრობა ჰქონდათ. შესაძლებელია ნორმის შინაარსიდან გამომდინარე ეს თუ ის მუხლი ცრუ დასმენად ჩაითვალოს მიუხედავად იმის, რომ მუხლში ტერმინი „დასმენა“ არ არის ნახსენები.

ამდენად, ბექა-აღბუდას სამართლის მე-40 და ბაგრატ კურაპალატის სამართლიდან (ბექა-აღბუდას სამართლის 132-ე მუხლი) გამომდინარე შეიძლება ითქვას, რომ პატრონის, როგორც უმაღლესი ხელისუფალის წინაშე, დანაშაულის ჩადენის დაწამება ცრუ დასმენის აუცილებელ ნიშანს წარმოადგენდა. ხელისუფალის წინაშე ცილის დაწამება ცრუ დასმენის მახასიათებელ თვისებას წარმოადგენდა, იმ თვისებას, რაც მას ცილისწამების სხვა შემთხვევებისგან განასხვავებს.²⁰⁴

ისევე როგორც ბექა-აღბუდას სამართლში (მუხ. 40) და ვახტანგ ბატონიშვილთან (მუხ. 253) ცილდაწამებულის ინტერესი უკანა პლანაზეა გადაწეული. კიდევ ერთხელ უნდა აღინიშნოს, რომ ეს გარემოება ნიშნავს კანონმდებლთა მხრიდან ცრუ დასმენის ხელყოფის ობიექტის სწორად

²⁰⁰ ქართული სამართლის ძეგლები, ტ. I, გვ. 336.

²⁰¹ დაძრახვა – განვიკითხავ, განვაქიქბ, გავჰკიცხავ. ჩუბინაშვილი დ., დასახ. ლექსიკონი, გვ. 452.

²⁰² კრებული – შეერილნი. სულხან-ხაბა ორბელიანი, ლექსიკონი ქართული, I, გვ. 388; კრებული – შეერტილება, ყრილობა. ჩუბინაშვილი დ., დასახ. ლექსიკონი, გვ. 628.

²⁰³ ფარისეველი – ორპირი კაცი, ოვალომაქცი; ფარისევლობა – ორპირობა, მზაკურობა, ცბიერობა. ჩუბინაშვილი დ., დასახ. ლექსიკონი, გვ. 1297.

²⁰⁴ ძველი ქართული სამართლის გარდა სალიკური სამართლიდანც შეიძლება მაგალითის მოყვანა, სადაც საუბარია მეფის წინაშე უდანაშაულო პირისათვის დანაშაულის დაბრალებაზე. XVIII იმის შესახებ, ვინც მეფის წინაშე ბრალს დასდებს უდანაშაულო ადამიანს. – § 1. უკათუ ვინმე მეფის წინაშე ბრალს დასდებს უდანაშაულო ადამიანს ამ უკანასკნელის დაუსწრებლად, გადაიხდის 2500 დენარს, რაც შეადგენს 63 სოლიდს. დამ. 1-ლი. ხოლო თუ მას ისეთ ბრალს დასწამებს, რომლისთვისაც ბრალდების დადასტურების შემთხვევაში, სიკვდილით დასჯაა დაწესებული, ბრალმდებელს გადახდება 8000 დენარი, რაც შევადგენს 200 სოლიდს. დოლარი ის, ადრინდელი ფეოდალური სამართლის ძეგლები, თბ., 1950, გვ. 15. როგორც მოყვანილი ტექსტიდან ჩანს მეფის წინაშე უდანაშაულო პირის დაწამება ორ ნაწილად არის გაყოფილი. გამოყენებული სასჯელის მოცულობა დამოკიდებულია იმ გარემოებაზე დაწამებულს სიკვდილით დასჯა მოედოდა, თუ არა.

გაგებას. დავით ბატონიშვილის სამართალში ცრუ დასმენისას სახელმწიფო ინტერესის ხელყოფაზე არაფერია ნათქვამი. დავით ბატონიშვილის სამართლისაგან განსხვავებით ვახტანგ ბატონიშვილის სამართლის წიგნის 253-ე მუხლში არ არის დაკონკრეტებული რა სახის დანაშაულთა ტკუნდ დაბეზღებას მოიცავს ნორმა, შეიძლება ვარაუდი გამოითქვას, რომ ამ შემთხვევაშიც შესაძლოა სახლემწიფო დანაშაულთა ცრუ დასმენა იგულისხმებოდეს, რადგან ორივე ნორმაში მითითებულია, რომ ცრუ დამსმენმა ცილდაწამებული „სასიკვდილოდ მისცა.“

2.2 ლალატის ცრუ დასმენა

არსებულ სასამართლო განჩინებებში, რომლებშიც მეფის წინაშე ცრუ დასმენაზეა საუბარი არ არის დაკონკრეტებული ქმედებები რასაც დაბეზღება შეეხება, არამედ ზოგადად დალატზეა მითითება. მიუხედავად ძევლი ქართული სამართლის ძეგლების კაზუისტური ხასიათისა, მათში ვერ ვნახულობთ ნორმებს, რომლებიც უშუალოდ დალატის დაწამებისათვის ადგენდნენ სასჯელს. მეფის და მამულის დალატი მძიმე დანაშაულად ითვლებოდა. ამავე კატეგორიას მიაკუთვნებს დავით ბატონიშვილი მეფის დალატის ცილისწამებას: „მძიმედ საქმედ შეირაცხებისა, ოდეს სწამოს ვისთვამე ცრუდ ორგულებად მეფის, ანუ წიგნისა, ანუ ქურდობისა, ანუ ციხეთა განცემისა, ანუ მტერთა თანა აქუს მიწერ-მოწერად და ესევითარი.“²⁰⁵ მოყვანილ ციტატას თუ დავეყრდნობით, ორგულობის²⁰⁶ დაწამება ციხის გაცემას, მტერთან მიწერ-მოწერის დაწამების გარდა სხვა ქმედებებსაც მოიცავდა. ეს ჩამონათვალი როგორც ტექსტიდან ჩანს სრული არ არის.²⁰⁷ დალატის ცილისწამების მრავალგვარობა გასაკვირი არ არის, იქიდან გამომდინარე, რომ თავად დალატი გულისხმობდა ერთმანეთისგან სრულიად განსხვავებულ ქმედებებს. „დალატი“ ის. დოლიძის განმარტებით სახელმწიფო დანაშაულია, რომელიც უმაღლესი საერო და საეკლესიო ხელისუფლების წინააღმდეგ არის მიმართული. მაგრამ „დალატი“ ამავე დროს მეტად ფართო მნიშვნელობის დანაშაულია. „დალატი“ მაღვით, მუხლის დაუნდობლობით, ჩადენილი ბოროტმოქმედებაა. მკვლელობა, ორგულობა, ციხისა და და მამულის წართმევა, ცილისმწმებლური დასმენა, თავდასხმა, მკრეხელობა, ეკლესიის შეურაცეოვა და მთელი რიგი დანაშაულობანი დალატს წარმოადგენენ.²⁰⁸ დალატის ცნება ძველ ქართულ სამართალში, ქმედებათა ფართო წრეს მოიცავდა.²⁰⁹ დალატი შეიძლებოდა პირს ჩაედინა, როგორც მეფის, ისე ბატონის, ან კერძო პირის მიმართაც. თუ პირველ შემთხვევაში დალატის ჩადენა სახელმწიფო დანაშაულად ითვლებოდა და შესაბამისად საჯარო დელიქტად შეიძლება ჩაითვალოს, სხვა შემთხვევებში კერძო პირთა ინტერესია წინ წამოწეული. თუმცა მეფის, ან ბატონის მიმართ ჩადენილი დალატისას საერთო ნიშანი ის არის, რომ პირს მათ მიმართ გარკვეული სამართლებრივი ვალდებულებები გააჩნდა. ერთიანი საქართველოს დაშლის შემდეგ მთავრები „პატარა მეფეებად“ იქცნენ თავიანთ სამთავროებში. ამ შემთხვევაში კი მთავარი იყო ის, რომ ცილისწამება უმაღლესი ხელისუფალის დალატს თუ ეხებოდა.

საქართველოს ისტორიას მრავლად ახსოვს დალატის მაგალითები და ასევე არცოუ იშვიათი იყო დალატის ცილისწამების შემთხვევები. ბერი ეგანატაშვილის ცნობით, თავად-აზნაურობა დიდ მოურავის აღზევებას შურით და მტრობით შეხვდა, ისინი ყველანაირად ცდილობდნენ ბეზღებით

²⁰⁵ სამართალი ბატონიშვილი დავითისა, გვ. 154.

²⁰⁶ ორგულება – ორპირობა, გაუტანლობა, დაუნდობლობა, დალატი. ჩუბინაშვილი დ., დასახ. ლექსიკონი, გვ. 995.

²⁰⁷ ესევითარობა – ამგვარობა. სარჯელაძე ზ., დასახ. ლექსიკონი, გვ. 79.

²⁰⁸ ის. დოლიძე ის., ქველი ქართული სამართალი, თბ., 1953, გვ. 245.

²⁰⁹ სულხან-ხაბა ორბელიანის განმარტებით, დალატი მუხლის დაკვლას ნიშნავდა. სულხან-ხაბა ორბელიანი, ლექსიკონი ქართული, II, გვ. 246.

მეფე ლუარსაბი მისადმი ცუდად განეწყოთ, ამ მხრივ ყველაზე მეტად შადიმან ბარათაშვილი აქტიურობდა.²¹⁰ ლუარსაბ მეფესთან დიდი მოურავის ცილისწამების ფაქტს ვხვდებით სასამართლო პრაქტიკაშიც, სვიმონ II-ის სასისხლო საქმეზე დიდ მოურავსა და ქაიხოსრო ჯავახიშვილის საქმეზე (1620წ. 15 აპრილი). დიდი მოურავის განცხადებით, ბერუკა, რომელიც მას როგორც შვილი ისე ყავდა გაზრდილი, მაგრამ იგი „გარდამიბრუნდა და ბატონს ლუარსაბთან ბეზდობა დამიწყო, ამის გულისათვის, რომე ქაიხოსროს დამოყრებისარო; . . . ამაზედ ჩამამეკიდა ბერუკა და ჩემი მწყალობელ ბატონი გამიწყრომა და ამ ალაგიდამ ცოლითა და შვილით დამკარგა, სასაფალავო და მონასტერი დამაკარგუინა და რჯულიდამ შემცუალა. სახლი, კარი და საქონელი, რაც მამა-პაპათვან და ან ჩუენი მოგებული იყო, ყუელა წამიჭდა და დამიფორაქეს, და ამაოჭრეს.“²¹¹ მართალია დიდი მოურავი ბერუკას ცრუ დაბეზდებაში დებს ბრალს, მაგრამ იგი უჩივის არა ბერუკას, არამედ ქაიხოსრო ჯავახიშვილს, რადგან „ბერუკა შვილისავით გაზრდილი, კელიდამ გაუში და ქიხოსროს მოყურად დავიჭირე, მერმე გამწირა და ბერუკასა მიუდგა. და ყველა ეს უკაცრაული და სიკუდილი და ამოწყუება, ყუელაკა ქაიხოსროსაგან დამემართა.“²¹² მართალია, აღნიშნული დოკუმენტი ტყუილი დაბეზდების ბრალდებას ეხება, მაგრამ ამის გარდა განსახილველი საკითხის ირგვლივ სხვა ინფორმაციას არ გვაწვდის.

დიდი მოურავი ქაიხოსრო ჯავახიშვილს ედავება იმ შედეგებს, რაც ბერუკას დაბეზდებას მოყვა: „ეს ყუელა უკაცრაული²¹³ და სიკუდილი და ამოწყუება, ყუელაკა ქაიხოსროსაგან დამემართა.“²¹⁴ ქაიხოსროს განცხადებით დიდ მოურავს მისი მიზეზით არცარა დამარცხებია, „არც ბერუკას ჩემის თავისათუის უგმიხარ.“ რადგან ბრალდება ბერუკას მიმართ არ იყო წარდგენილი შესაბამისად, სასამართლო არც იკვლევს საკითხის ამ მიმართებით.

ივ. სურგულაძის აზრით, რადაც დასაბუთება ბერუკას მეფისათვის, ალბათ წარუდგენია. ჩვენ არა გვაქვს ცნობები იმის შესახებ, თუ რას უმზადებდა სააკამე მეფეს. შეიძლება რაიმე განზრახვა მართლაც ჰქონდა მას მეფის წინააღმდეგ, ყოველ შემთხვევაში, ბერუკას მეფე ამაში დაურწმუნებია.²¹⁵ შეესაბამებოდა თუ არა ბერუკას დაბეზდება სიმართლეს ამის შესახებ შეიძლება მხოლოდ ვარაუდის გამოთქმა. ყოველ შემთხვევაში დიდი მოურავის მიერ სარჩელის წარდგენა იმაზე მეტყველებს, რომ სააკამეს მტკიცებით ბერუკას დაბეზდება ცრუ იყო.

²¹⁰ ქართლის ცხოვრება, ტ. II, გვ. 389.

²¹¹ ქართული სამართლის ძეგლები, ტ. IV, გვ. 56.

²¹² იქვე, გვ. 56-57.

²¹³ უკაცრაული – კაცთა უკადრისი. სულხან-ხაბა ორბელიანი, ლექსიკონი ქართული, II, გვ. 158.

²¹⁴ ქართული სამართლის ძეგლები, ტ. IV, გვ. 57.

²¹⁵ იხ. სურგულაძე ივ., ნარკვევები საქართველოს სახელმწიფოსა და სამართლის ისტორიიდან, თბ., 1963, გვ. 75-76.

იგივე განჩინებაში სხვა დაბეზღების ბრალდებასაც უკენებს დიდი მოურავი ქაიხოსრო ჯავახიშვილს: „ხუთი წემი მსახური აზნაურიშვილი და[ა]ბეზღა ბატონს თეიმურაზთან: ერთი ცალქალმნიძე, მეორე ჩივაძე მახარაბელი, მესამე ხოსირა. მეოთხე ადოლა და მეხუთე ქულივიძე მათია; და[ა]ჭირვინა ცოლითა და შვილითა და და[ა]ტყობინა და, რაც ებადა, წა[ა]რთმევინა.“²¹⁶ (საუბარია თეიმურაზ I-ზე) დიდი მოურავი ამჯერად თავისი აზნაურების „ინტერესების“ დაცვას ცდილობს. საჩივარში არ არის მითითებული კონკრეტულად რას ეხებოდა დაბეზღება. რახან მეფესთან დაბეზღებაზეა საუბარი, სავარაუდოდ მის ორგულებას დასწამებდენენ, რადგან სხვა დანაშაულში ამ პირთა მეფესთან ბრალდება აზრს მოკლებული იქნებოდა. სასამართლოს საქმე გამოუკვლევია, რომ, „მსახურებსა არცარა სიკუდილითა სჭირდა და არცარა გახეიბრებითა.“²¹⁷ ქაიხოსროს დაეკისრა თავის მართლება ფიცით: „წა[ა]ყენოს ქაიხოსრო[მ] ექუსი მისი შესახლებული მსახური— ორი ცალქალმნიძისათუის და ოთხი იმ ოთხისათუის და შეაფიცოს, რომ არაფერს შუა არ ყოფილიყოს.“²¹⁸

იმავე განჩინებაში საუბარია ცალქალამნიძეს და მოურავის ოთხი მსახურის მიერ წარდგენილ სახივარზე ქავახიშვილის მიერ ჩადენილი დაბეზღებისათვის: „კიდევვა, ცალქალამნიძე და ოთხი მოურავის მსახური ამას სარჩლობდეს, რომე დაგუაბეზღა და მისის ენით წაგუაპდინა და ასთენი საქონელი წაგუაპდა.“²¹⁹ აღნიშნულ სასისხლო განჩინებაში, ტყუილი დაბეზღების ბრალდებისას არ არის გამოკვეთილი კონკრეტულად რა ქმედებების დაბეზღებას ჰქონდა ადგილი, ამის საპირისპიროდ საჩივრის წარმდგენი ყოველთვის საუბრობს იმ შედეგებზე, რაც დაბეზღებას მოჰყვა.

ორგულობის დაწამებას ეხება ურეკლე II 1770 წლის განჩინება: „ჩვენ მეფემან ირაკლიმ ქართლისა და კახეთისა მპყობელმან ესე განაჩენი გიბოძეთ შენ, ქსნის ერისთავს დავითს ასე, რომე: რომელსაც ყულარადასი გიორგი შეწამებდა ბატონის მამის ჩვენის ორგულობასა, იმ სიტყვას არჯევან ფიცისა და გამართლებისა შემდგომად ბეზღობით ჩვენთან და ჩვენს შვილთან ამტკიცებდა.“²²⁰ ორგულობის ცილისწამებაში არჯევანთან ერთად მისი ძმა რამინიც იყო ბრალდებული: „ამისთან მის ძმას რამინსაც კვითხეთ: ამ შენის ძმის საქმეში თანაზიარი ხარ, თუ არაო. პირველად ასე თქვა: ჩემს ძმას ვერ წაუვალ ავში და კარგშიცაო; და მეორეთ კვითხეთ და ასე თქვა: მაგ საქმეში კი არ ვრევივარ და სხვა რიგად ჩემს ძმას არ მოვშორდებიო არც ავში, არც კარგშიო.“²²¹ მეორე დღეს, როცა სასამართლოში უნდა გამოცხადებულიყვნენ არჯევანი და რამინი, აღმოჩნდა, რომ ისინი გაპარულიყვნენ, „ამით საცნაურ იქმნა, რომ როგორადაც არჯევან, ასრე ის რამინ ყოფილა დაბეზღებაში.“²²²

²¹⁶ ქართული სამართლის ძეგლები, ტ. IV, გვ. 59.

²¹⁷ იქვე, გვ. 59.

²¹⁸ იქვე, გვ. 59.

²¹⁹ იქვე, გვ. 64.

²²⁰ იქვე, გვ. 599.

²²¹ იქვე, გვ. 599.

²²² იქვე, გვ. 599.

დასახელებულ განჩინებაშიც ზოგადად ორგულობის დაწამებაზე საუბარი, და არ არის აღნიშნული, კონკრეტულად რას წამებდნენ არჯევანს და რამინს.

სოლომონ II სასიხლო განჩინებით (1789-1810წ) სახლოუბუცესი ზურაბ წერეთელი როსტომ ნიუარაძეს უჩიოდა მეფის დალატის დაწამებას: ჩვენს ხელმწიფეს მეფეს დამასმინე სახლოუცესი გლალატობსო, ასე რიგათ დამასმინე და დაჯერე; სასიკვდილო ვიყავი, ღმერთმან დაუმადლოს, არ მომკლა, თორემ შენით მეც მომკალი; ჩემი თავის ტოლ შვილიც ჩემთან დაასმინე, ისეც მოკალი; ჩემს ოჯახს რომ მისდღემშიდ ხელმწიფის ერთგულობის მეტი არაფერი სოქმია, შენ მოღალატეთ და მკვლელათ გამომაჩინე, ოჯახობით ამომაგდე, რას მემართელობოდი არ ვიცი.“²²³ მეფის დალატისთვის პირს სიკვდილი მოელოდა, თუმცა ამ სასჯელის გამოყენება ალბათ მეფის კეთილგონიერებაზე იყო დამოკიდებული. როსტომ ნიუარაძის მტკიცებით, მის დასმენაში მისი მოგონილი არაფერი ყოფილა, არამედ მეფეს სხვისგან გაგონილი მოახსენა: „რაც იმ კაცმა მითხრა, ჩემს ხელმწიფეს მოვახსენეო და თავისი მოგონებით და დასმენის აშორო უთხრა.“²²⁴ როგორც განჩინებიდან ჩანს როსტომ ნიუარაძეს, მუხედავად იმისა რომ მეფეს მხარეები მოურიგებია სახლოუბუცესის მტრობა არ მოუშლია და ზურაბ წერეთელი სოლომონ II-სთან ისევ დაუსმენია. თუ პირველ შემთხვევაში არ ჩანს რაში მდგომარეობდა დალატის დაწამება, მეორე შემთხვევაში სახლოუბუცესი ამ გარემოებას აკონკრეტებს: „პირველათ დასმენას აქეთ ბატონმა მეფეშ ერთმანეთს შეგვაფიცა, გაგვარიგა და მასუკან კიდევ მეორეთ დამასმინე, ბატონს შეწყალებული ვყავდი პირველსავით სანდო ყმათ ლეჩხუმს მაგზავნიდა და ბააკა ჩიქუანთან ლეჩხუმს აძლევდნენ ბატონს. შენ მოახსენე ბატონს: სახლოუბუცეს ასრე რატომ მიენდევე, რომ იქ აგზავნი ბააკას, იქ ლეჩხუმშიდ ისევე გელოვანთ გაიკეთებს, იმერეთშიდ ეს იქნება პირველათ და როდესაც უნდა, როგორც მოინდომენ, ისე გიღალატებენო. მე შენზედ დანდობილი ვიყავი და შენ კიდევ მომკალი, მოღალატეთ გამომაჩინე. და ბატონმა ისევე მისი მწყალობლობა მომაკლო, აღარც მენდო და აღარც გამაგზავნა.“²²⁵ როგორც განჩინებიდან ჩანს, როსტომ ნიუარაძის დაწამება უკვე ჩადეხილ დალატს კი არ ეხება, არამედ დალატის ჩადენის განზრახვას. ამ სახის დაწამების მაგალითებს ისტორიულ წყაროებშიც ვნახულობთ. ჟამთააღმწერელის ცხობით, „მაშინ შეიშურვეს სხუათა ვიეთამე და მოაჭინებს მესა: „აშ მეფობაცა სარგისს მიეც; ვინათგან ყაენმან ეზომ განადიდა, არდარა იქნების მორჩილი მეფობისა თქუენისა.“ მაშინ დაიჯერა მეფემან, რამეთუ იყო უმანკო და მალე-მრწმენი სიტყუათა კეთილთა და ბოროტა, ორთავე, და წარვიდა დამით ელგონ ნოინის წინაშე და მოაჭინენა: „უკეთუ ყაენი სარგისს კარნუქალაქს მისცემს, მეფობაცა მისცეს.“ განკურდა ელგონ ნოინი და პრქუა: „ყაენმან შენი მდგომისათვის მისცა და, თუ შენ გიმმიმს, არდარა მისცემს. თქუენ ქართველნი არას კეთილს უყოფთ მცნედ მბრძოლათა

²²³ ქართული სამართლის ძეგლები, გ. VI, გვ. 435.

²²⁴ იქვე, გვ. 435.

²²⁵ იქვე, გვ. 435.

წყობათა შინა. არა უწყია, ყაენი სარგის დაარჩინა მტერთაგან, ძლიერი და სახელოვანი ომი ყო.“ წარვიდა ნოინი და მოაგსენა ყაენს ყოველი იგი თქმული, და არღარა მოსცეს კარნუ ქალაქი. ცან ესე სარგის, და შეიქმნა გულკლებით და ქუეგამხედვარედ პატრონისაგან. ხოლო მას ზამთარს დაიჭირა მეფე ბარდავს თავისა თვისისა თანა, და სარგის წარვიდა გულკლებული სამცხეს.“²²⁶

დალატის ჩადენის განზრახვის დაწამება, ცილდაწამებულისთვის „სავალალოდ“ რომ მთვარდებოდა ამას ისტორიული წყაროებიც აღასტურებს. ახალი ქართლის ცხოვრების მესამე ტექსტი - „ხოლო უამსა მას გარდაცვალებულ იყო ქაიხოსრო ათაბაგი, და იპყრობდა ძე მისი შცირე მანუჩარ. მაშინ წინააღმრჩევითა ხოლოფასშვილს სალთხუცისათა წარავლინეს კაცი და მიუწერეს დედისიმედსა, ცოლსა ქაიხოსრო ათაბაგისსა, ესრეთ, ვითარმედ: „შალიკაშვილს ვარაზს ნებავს დალატი შენოგს და ძისა შენისა მანუჩარისათგს, რამეთუ მაგას ნებავს დაპყრობა საათაბაგოსი, და მოჰყავს ყაენი სპიო ურიცხვთა საათაბაგოსა ზედა. და აწ, უკეთუ ძალ-გიძს, შეიპყარ უგე და მოკალ, ვითარცა ორგული და მკვლელი ძისა შენისა, და არღარა მოვალს შაპ-თამაზ და წარვალს და სახიდ თვისად, და უმეტესად მტკიცედ იპყრობ ქუეყანასა მაგას.“ ხოლო ესე დედისიმედი იყო ჭკუთ სულელი და უღ-თო. ვითარცა ესმა საქმე ესე, ვერ გულიესჭმა ჰყო მზაკუარება იგი კახთა და სარწმუნო-ქმნილმან სიტყუასა ამას ზედა შეიპყრა დალატად შალიკაშვილი ვარაზა და მოკლა იგი, დასთხია სიხლი უბრალო, რამეთუ ესე ვარაზა იყო ძე ოთარ შალიკაშვილისა, მრავალგუარად ერთგული და ნამსახური ქაიხოსრო ათაბაგისა ცოლის-ძმა შაპ-თამაზისა.“²²⁷ ახალი ქართლის ცხოვრების ამ ცნობის საფუძველზე შეიძლება ითქვას, რომ დალატისათვის პირს სიკვდილი მოელოდა, ხოლო ცილიდაწამებულის ბედი მისი ბატონის კეთილგონიერებაზე იყო დამოკიდებული. სამთავროს გამგებელი კი თავის უფლებით მეფეს უთანაბრდებოდა.

ზემოთ მოყვანილი ცნობები, ადასტურებს, რომ არა მხოლოდ ჩადენილი დალატი, არამედ დალატის ჩადენის განზრახვაც სასჯელს დაკისრებას იწვევდა. რის გამოც ბეჟან წულუკიძე გოგია ავალიანს უჩიოდა: „ბაბუაჩემი ხოსია წულუკიძე თავის ძმას მერაბ წულუკიძეს საყვარლათ ახლდა და მამაშენმა ზაუსტამ დაასმინა თავის ძმას მერაბს ურჩია: ხოსია წულუკიძე დაიჭირე, თუ არა წაგახდენსო. დააჭირვინა ბაბუაჩემი, ბეჟან დადიანს თვალების დასათხრელათ მიაბარა. ღმერომან დაუმადლოს, თვალები კი აღარ დაუთხრია; და თავის მამაულისა და ყოფისაგან იმ დღეს აქეთ გარდმოყრილი ვართ.“ (განჩინება ბეჟან წულუკიძის და გოგია ავალიანის საქმეზე (1784-1796წ)²²⁸ წახდენა გაპრყვნას, გაფუჭებას, დაღუპვას, გაოხრებას ნიშნავდა.²²⁹ სიტყვის

²²⁶ ქართლის ცხოვრება, ტ. II, გვ. 250.

²²⁷ იქვე, გვ. 516.

²²⁸ ქართული სამართლის ძეგლები, ტ. V, სასამართლო განჩინებები (XVIIIb), ტექსტი გამოსცა და შენიშვნები დაურთო იხ. დოლიძემ, თბ., 1974, გვ. 693.

²²⁹ იხ. ჩუბინაშვილი დ, დასახ. ლექსიკონი, გვ. 1667.

განმარტებიდან გამომდინარე ამ შემთხვევაში, როცა „წახდენის“²³⁰ დასმენას ჰქონდა ადგილი, იგულისხმებოდა ნებისმიერი ქმედება, რასაც შეიძლებოდა პირის ინტერესებითვის მოეტანა ზიანი.

ქაიხოსრო ათაბაგის ცოლის დედისიმედისგან განსხვავებით გიორგი XI დიდი სიფრთხილით ეკიდებოდა დასმენას და საქმის გარემოებების გამორკვევის გარეშე პირისთვის განაჩენი არ გამოჰქონდა. გიორგი XI-ის წყალობის წიგნში ბეგთაბეგ შენშეან მარტიროზისშვილისადმი (გიორგი XI კარის მდივანი) (1685წ.) აღნიშნულია, რომ მეფე გიორგის მისი „უჯერო“ მსახურება მოქსენა. უჯერო – უხამს, უშესაბამოს, ურიგოს ნიშნავდა.²³¹ თუ იმ მოსახრებას დავეურდნობით, რომ დალატის ცნება მრავლმხრივ დანაშაულებს გულისხმობდა, რაც ზოგადად მეფის ბატონის ინტერესების საწინააღმდეგო იყო, მაშინ წყალობის წიგნში მოხსენიებული „უჯერო მსახურების“ შესახებ დასმენა დალატის დაწამების დელიქტთა კატეგორიაში უნდა იქნეს შეკვანილი. სიგელი ადასტურებს შეხედულებას, რომ შესმენილი პირის ბედი დამოკიდებული იყო იმ გარემოებაზე, რამდენად შეეძლო მეფეს ადვილად დაუჯერებინა შემასმენელისათვის. გასამართლების, საქმის გარემოებების გამოკვლევის გარეშე შესმენილი პირის დასჯა რომ ხდებოდა, ამის მაგალითები ისტორიულ წყაროებშიც მოგვეპოვება.²³² როგორც ჩანს, შესმენა ამ შემთხვევაში ერთჯერადი არ იყო. „გზასა შინა მოგვეხსენა თქვენი უჯეროდ მსახურება ჩვენზედა და არ ჯერ ვიქმენით. და არც იყო ჩვეულება ჩვენი რომე სიტყვანი დამსმენელთა წარმდგარიყო წინაშე ჩვენსა.²³³ მაგრამ მრავალგზის შესმენამ როგორც ჩანს იმოქმედა მეფეზე. „მაგრა ფარულითა შურითა მრავალგზის გამოაქანდაკეს ენოანება და მცირეთ განაწყრომეს გული ჩვენი თქვენზედა, და თქვენი მკვდრი და ნასყიდი სოფელი ნაბახტევი წაგართვით და გაგიციეთ.“²³⁴ მაგრამ მიუხედავად ამისა, მეფე მაინც არ გამოაქვს საბოლოო განაჩენი.

ზემოთ მოყვანილ მაგალითებზე დაყრდნობით შეიძლება ითქვას, რომ თუ ცილისწამების სხვა შემთხვევაში დაწამების ფორმები შეიძლებოდა განსხვავებული ყოფილიყო, მაგალითად მრუშობის დაწამება შეიძლებოდა შეყვალებით, წაძახებით. ყველა განჩინებაში, რომელიც დალატის დაწამებას ეხება დასმენაზე საუბარი. შეიძლება ვარაუდი გამოითქვას, რომ მხოლოდ დალატის მოგონება, თუ ის მიწოდებული არ იქნებოდა მისადმი ვის დალატსაც სწამებდნენ, დელიქტს არ წარმოადგენდა. ხოლო რაც შეეხება

²³⁰ წახდენა – გავპრყვნი, გავაფუქებ, დავდუავ, გავაოხერებ. ჩუბინა შვილი დ., დასახ. ლექსიკონი, გვ. 1667.

²³¹ იხ. ჩუბინა შვილი დ., დასახ. ლექსიკონი, გვ. 1290.

²³² ზემოთ უკვე იყო განხილული ქაიხოსრო ათაბაგის ცოლის დედისიმედის მიერ ვარაზა შალიკაშვილისათვის თავის მოკვეთა. ქართლის ცხოვრება. ტ. II. გვ. 250; ქართლის ცხოვრება გვამცნობს ასევე, დავით ულუს მიერ დასმენილის ისნის ციხედან გადაგდებას. ქართლის ცხოვრება, ტ. II, გვ. 238.

²³³ ქართული სამართლის ძეგლები, ტ. II, გვ. 228.

²³⁴ იქვე, გვ. 228.

მეფის ორგულობას, მისი დაწამება დელიქტად ითვლებოდა, თუ იგი მოხდებოდა მეფის, ან ზოგადად ხელისუფლების წინაშე. მოყვანილი ყველა მაგალითი სასამართლო პრაქტიკიდან და ისტორიული წყაროებიდანაა. ამ შემთხვევაში საჭიროა დადგინდეს, რამდენად შეესაბამება პრაქტიკა სამართლის ძეგლების ნორმებს. სპეციალური ნორმები, რომლებიც უშუალოდ დალატის დაწამებას შეეხებოდა ძველი ქართული სამართლის ძეგლებში არ არის. მაგრამ აღნიშნული არ ნიშნავს, რომ სასამართლოს მიერ ისჯებოდა ისეთი ქმედება, რომელიც კანონმდებლობის მიერ დანაშაულად არ იყო გამოცხადებული. რადგან დალატის ცილისწამება მხოლოდ ცრუ დასმენის ფორმით არის მოცემული, შესაბამისად ძველ ქართულ სამართალში არსებული ტყუილი დაბეზდებისათვის გათვლისწინებული ნორმები უნდა მოიცავდეს სახელმწიფო დალატის დაწამებისათვის პასუხისმგებლობას.

ტყუილი დაბეზდების ნორმა, როგორც უკვე იყო მითითებული, მოცემულია ვახტანგ ბატონიშვილის სამართალში (მუხ. 253). რა თქმა უნდა მოყვანილ მუხლში კერძოდ სახელწიფო დანაშაულის დასმენაზე არ არის საუბარი, მაგრამ ის ზუსტად ერგება დალატის დაწამებას, რადგან როგორც მოყვანილი მაგალითებიდან ჩანს დალატის ცილის შეწამება ყოველთვის დასმენის ფორმით არის მოცემული. დავით ბატონიშვილის სამართლის წიგნის 208-ე მუხლის განმარტებაშიც აქცენტი გაკეთებულია საზოგადოების და მეფის ორგულობის შესმენაზე.²³⁵

ამდენად, სპეციალური ნორმის არარსებობა, რომელიც დააწესებდა პასუხისმგებლობას დალატის ცილისწამებისათვის არ ნიშნავს, რომ დასახელებული ქმედება დელიქტს არ წარმოადგენდა, ამაზე მეტყველებს არსებული სასამართლო განჩინებები. დალატის ცილისწამების დასჯადობაზე საუბრისას უნდა დავეყრდნოთ ცრუ დასმენის მუხლს, რომელიც სრულად მოიცავს დალატის დაწამების შემთხვევებს, რის გამოც შესაძლოა კანონმდებელმა ასეთი დელიქტისათვის დამოუკიდებელი ნორმის შექმნა საჭიროდ აღარ ჩათვალა. ამ მოსაზრებას ამყარებს დავით ბატონიშვილის სამართლის წიგნის 208-ე მუხლის განმარტებაც. ამას გარდა, როგორც მოყვანილი მაგალითებიდან ჩანს, უმეტეს შემთხვევაში არ არის დაკონკრეტებული თუ დალატის რა ქმედებების დაწამებას ჰქონდა აღგილი, შესაძლოა აქ ასახვას პოულობს, ის გარემოება, რომ თავად დალატის ცნება მრავალგვარ დანაშაულებს მოიცავდა, თუმცა ამ მრავალგვარობას ის საერთო ნიშანი აქვს, რომ ყველა ეს ქმედება მიმართულია უმაღლესი ხელისუფალის ინტერესების წინააღმდეგ.

²³⁵ სამართალი ბატონიშვილი დავითისა, გვ. 118.

2.3 ცრუ დასმენისათვის დაწესებული სასჯელთა სახეები

ივ. სურგულაძე 1685 წლის გიორგი XI-ის წყალობის წიგნის (ბეგთაბეგ შანშეან მარტეროზისშვილისადმი) ანალიზის საფუძველზე აკეთებს დასკვნს, რომ დასმენა საერთოდ აუგ, დასაძრახის საქმედ ითვლებოდა საქართველოში.²³⁶ სამართლის ძეგლებში გვხვდება ნორმები, რომლებიც აწესებენ პასუხისმგებლობას დასმენისათვისაც იმ შემთხვევაშიც კი, როცა დასმენა სიმართლეს წარმოადგენდა. ბერძნული სამართლის ქართული ვერსიის 167-ე მუხლში საუბარია ყმის მიერ ბატონის დასმენაზე: „უეკოუ ნასყიდი ყმა მივიდეს და თვისი ბატონი დააბიზდოს მოსამართლესა, მართალიც რომ იყოს, სამართლი იმავ კაცს სტანჯავს, ამისთვის რამეთუ თავის ბატონს ემტერება.“ გამონაკლის წარმოადგენდა მკვლელობის დასმენა. ამ შემთხვევაში ყმა არ დაისჯებოდა თუ დაბეზღება მართალი აღმოჩნდებოდა. ხოლო „სხვა საქმისათვის, რასაც ფერისათვის რომ დააბიზდოს თავისი ბატონი, არც დაუჯერება და კიდეც იტანჯება.“²³⁷ მოყვანილი მუხლში სასჯელის სახის მიუთითებლობა საშუალებას არ იძლევა, ცრუ დასმენისათვის დაწესებულ სასჯელზე მსჯელობის. ბერძნული სამართლის ქართული ვერსიის 167-ე მუხლი, ისევე როგორც 173-ე (რომელიც ყმის მიერ ბატონის ცილისწამებას ეხება)²³⁸ სპეციალურ შემადგენლობას წარმოადგენს. ამ მუხლშიც გამოხატულებას პოულობს ყმის ვალდებულებები ბატონის წინაშე. უნდა აღინიშნოს, რომ მიუხედავად დასმენისადმი ცუდი დამოკიდებულებისა ბერძნული სამართლისაგან განსხვავებით ძველი ქართული სამართლით მხოლოდ ცრუ დასმენა ისჯებოდა, დამსენის სტატუსი პასუხისმგებლობისათვის განმსაზღვრელი არ იყო.

ბექა-აღბუდას სამართლის მე-40 მუხლში არის ჩამოთვლილი რა სახის სასჯელების გამოყენება შეეძლო „პატრონს“ დასმენილი პირის მიმართ. ხოლო რაც შეეხება ცრუ დამსმენს, აღნიშნულია: „პატრონმან პატიჟითა გარდააკდევინოს.“²³⁹ ამ შემთხვევაში გასარკვევია „პატიჟის“ ცნება.²⁴⁰ პატიჟი პატიგის საპირისიპირო სიტყვას წარმოადგენდა და განმარტებულია როგორც „უპატიჟრად და შეჭირვებით პერობა(ი).“²⁴¹ „პატიჟის“ განამარტების მიხედვით ვერ ვიტყვით, რომ ის კონკრეტულ

²³⁶ იხ. სურგულაძე ივ., ქართული სამართლის ისტორიის წყაროები, თბ., 2002, გვ. 106.

²³⁷ ქართული სამართლის ძეგლები, ტ. I, გვ. 171.

²³⁸ იქვე, გვ. 171.

²³⁹ იქვე, გვ. 439.

²⁴⁰ პატიჟება – სასჯელი მცოდველთა პატიჟებისა აღმატებად და დაკუეთებად. პატიჟებულ-ყოფა-დ დასჯა თუმცა ენება ღმერთსა მისთვისად ხოლო პატიჟეულ-ყოფა- შენი. პატიჟის-მიკდა-დ დასჯა ყოვლისა ცოდვისა ზედა შესატყქსად ცოდვისა მის აღსძრვიდე რისხევასა თვის განჩინებითა პატიჟის-მიკდისათა. პატიჟი სასჯელი მიეკადოს პატიჟი. სარჯეველებულ, დასახ. ლექსიკონი გვ. 167.

²⁴¹ იხ. სულხან-ხაბა მრბელიანი, ლექსიკონი ქართული, I, გვ. 616-617.

სასჯელს წარმოადგენდა. ამის თქმის საფუძველს იძლევა ასევე დ. ჩუბინაშვილის განმარტებაც.²⁴²

„პატიქს“ ვხვდებით ისტორიულ წყაროებშიც, მაგალითად, ბასილ ეზოსმოძღვარი წერს: „დღეთა შინა თამარისათა არავინ გამოჩნდა მიმდავრებული მეცნიერებითა მისითა, არც-ვინ დასჯილი, თვინიერ ძუელისა სჯულისა, რომელი ძეს ავაზაკთა ზედა ძელსა ზედა ჩამორჩობა, თუ არც-ვის დირსსა სიკუდილისასა და არცა პატიქისასა მიეკადა თანანადები, არცა-ვინ ბრძანებითა მისითა ასო-მოკვეთილ იქმნა, და არცა სიბრძითა დაისაჯა, თვინიერ გუზან, დირსი სიკუდილისა, რომელი ორგულებით განდგა და კოლას სადმე მთათა შინა ავაზაკობდა მალეით. ესე შეიძყრეს მთიბავთა თვისათა, და დავით მეფისა წინაშე მოიყვანეს. ხოლო მან იცოდა დიდი მოწყლაება თამარისი, ამისთვის მისსა შეკითხვამდის თუალნი დასწუნა, ნაცვლად მრავალთა სისხლთა ქრისტიანეთასა.“²⁴³

ივ. ჯავახიშვილის აზრით, „განპატიქება“, ან „გაპატიქება“, თუ „გაპატიჯება“ თავდაპირველად დასჯის ზოგადი აღმნიშვნელი ტერმინი იყო, მაგრამ შემდეგში ამ ტერმინს განსაკუთრებული მნიშვნელობა მინიჭებია და ყოველგვარ სასჯელად ადარ იგულისხმებოდა. „განპატიქება“ ისეთი დამსახირებელი სასჯელების აღმნიშვნელი ზოგადი ტერმინი უნდა ყოფილიყო, როგორიც არის „ასოთ-მიღება“, „მბნელობლობა“, „გამოყვერვა“ და სხვა.²⁴⁴ მის მოსაზრებას არ ეთანხმება ის. დოლიძე: „გაპატიჯება“ ძველად და უფრო გვიანდელ პარიოდშიც დასჯას ნიშნავდა საერთოდ. „პატიქი“ ბექა-ალბუდას და ბაგრატ კურაპალატის კანონებში სასჯელის ზოგადი მნიშვნელობით იხმარება, მაგრამ უმეტეს შემთხვევაში იგი სისხლის სამართლის განსაკუთრებული ჯარიმაა, რომელიც დამნაშავებუნდა გადაიხადოს საერო, ან სასულიერო ხელისუფლების წარმომადგენელთა სასარგებლოდ.²⁴⁵ ამ დასკვნას ის. დოლიძე აკეთებს ბექა-ალბუდას სამართლის პირველი მუხლის მიხედვით. აღნიშნულ მუხლში, ისევე როგორც მე-40 მუხლში „პატიქითა გარდაპატდევინ“-ებაზეა საუბარი. ამ სამართლის ძეგლში „პატიქის“, როგორც ქონებრივ საზღაურის სასჯელზე მიანიშნებს „პატიქთან“ „გარდაპატდევინ“-ების ხმარება. „გარდაპატდევინება“ კი განმარტებულია, როგორც დანაშაულის ზღვევინება.²⁴⁶ ხოლო ზღვევინება – საზღაურის მიცემა.²⁴⁷ ე. ი. დანაშაულის ჩადენისათვის დაწესებული საზღაურის მიცემა. შესაბამისად, განსახილველ მუხლთან დაკავშირებით ის. დოლიძე აკეთებს დასკვნას, რომ „ცილისწამებას კანონი თვლის პატრონის წინააღმდეგ მიმართულ ბოროტმოქმედებად. ამიტომ დამნაშავეს ძირითად

²⁴² პატიქი – პატიფის მიხდა, უპატიობა, დასჯა, გარდახდევინება, ჭირი, განსაცდელი, სასჯელი. ჩუბინაშვილი დ., დასახ. ლექსიკონი, გვ. 1003.

²⁴³ ქართლის ცხოვრება, ტ. II, გვ. 141.

²⁴⁴ ის. ჯავახიშვილი ივ., დასახ. ნაშ., გვ. 369.

²⁴⁵ დოლიძე ის., ძველი ქართული სამართლი, თბ., 1953, გვ. 210.

²⁴⁶ ის. სულხან-საბა მრბელიანი, ლექსიკონი ქართული, I, გვ. 48.

²⁴⁷ იქვე, გვ. 291; ხოლო საზღაური განმარტებულია, ზღვევინების მონაცემი. სულხან-საბა მრბელიანი, ლექსიკონი ქართული, II, გვ. 39; გარდასახადი, ჯარიმა. ჩუბინაშვილი დ., დასახ. ლექსიკონი, გვ. 1070.

სასჯელს გარდა აკისრებს პატრონისა და მაწყვერლის პატივის შელახვისათვის სპეციალური ჯარიმას, „პატიუის“ გადახდას. ფორმულა „პატრონმან პატიუითა გარდააჭდევინოს“ ნიშნავს განსაზღვრული ქონებრივი ჯარიმის გადახდას, რომელიც განკუთვნილია საჯარო ხელისუფლების სასარგებლოდ.“²⁴⁸

„პატიუის“ როგორც ქონებრივი საზღაურის საკითხი საკამათოა, რადგან, როგორც ზემოთ იყო ნათქვამი, ეს ტერმინი ზოგადად დასჯის მნიშვნელობითაც გამოიყენებოდა. მაგალითად შეიძლება მოყვანილ იქნეს ადარნასე აშოგ კურაპალატის ძის მიერ დედოფლის დასჯა მრუშებაში ცილისწამების გამო, რაც გრიგოლ ხანძთელის ცხოვრებაშია მოთხრობილი: „მაშინ მამამან გრიგოლ უწინავსწარმეტყველა ბრალთა მათთვის, რად-იგი შემთხვევად იყო მისდა მიშვებითა დმრთისათა. და პრქვა ესრეთ: არა სმენისათვის სიგყვათა ჩემ გლახაგისათა მიეცე ბოროტთა სენთა. და რომელ აწ ძენი გესხნენ, იგვემნენ ეშმაკთაგან. და ვერ განიკურნო შენ და ვერცა შვილნი იგი შენი, ვიდრე არ შეინდოთ დედუფლისა მისგან, სამართლოდ განპატიუებულის მხევლისა მის დმრთისა.“²⁴⁹ როგორც ავტორი მოგვითხრობს, დედოფლის მიმართ არ ყოფილია გამოყენებული არც ფიზიკური და მითუმეტეს არც ქონებრივი სასჯელი, ხოლო მისი დასჯა გამოიხატა გაყრაში და მისი აფხაზეთში გაგზავნაში.

შესმენასთან დაკავშირებით ტერმინ „განპატიუებას“ ვხვდებით 1722 წლის სარუსთველო დროშის განწესებაში: „უკუთუ ამისისა დროშისა დიდი, ანუ მცირე, საღმრთო, გინა საერო, თავადი, ანუ მოურავი და ერისთავი სხვასა დროშასა ზედა მიებაროს, ანუ ბატონსა, ანუ ქიზიკის ჯარსა შინა დგბებოდეს, რაოდენ ბალ-ედვას, ბატონთან შეასმინოს და ბატონებმა მამაულისა წართმით განპატიუოს და რუსთაველთაცა ძლიერად სპათა თვისთა საგვემელად მისარჩლოს ამათგანი ყმანი და საჯელონი ყოველნივე.“²⁵⁰ ამ შემთხვევაშიც განპატიუება ზოგადად დასჯის მნიშვნელობით არის გამოყენებული, ხოლო სასჯელის ფორმა არც სხეულებრივი სასჯელია და არც ჯარიმა, არამედ მამულის ჩამორთმევაში გამოიხატება. დავით ბატონიშვილის სამართალშიც „განპატიუება“ დასჯის მნიშვნელობის მატარებელია.²⁵¹ როგორც მოყვანილი მაგლითებიდან ჩანს „პატიუი“ სხვადასხვა მნიშვნელობით გამოიყენებოდა. ბასილ ეზოსმოძღვარი პატიუთან ერთად ჩამოთვლის სხვა მძიმე სასჯელებს და თუ ჩავთვლით, რომ ამ შემთხვევაში ეს სასჯელი მაგალითად თვალთდაწვას ნიშნავდა, ეს

²⁴⁸ დოლიძე ის., ძელი ქართული სამართლი, თბ., 1953, გვ. 212.

²⁴⁹ შრომად და მოღუწებად დირსად ცხოვრებისათ წმიდისა და ნეტარისა მამისა ჩუქნისა გრიგოლისი არქიმანდრიტისათ, ხანცოისა და შატბერდისა აღმაშენებელისათ, ძველი ქართული აგიოგრაფიული ლიტერატურის ძეგლები, წიგნი I (V-Xსს), გვ. 298.

²⁵⁰ ქართული სამართლის ძეგლები, ტ. II, გვ. 384.

²⁵¹ „აზანურნი ნუ განიპატიუებიან კვერთხითა და ნურცა ნასაღითა, თუნიერ მძიმისა შემთხვევისა დანაშაულისა, ხოლო განპატიუება მათი იქმნებოდეს პატიმრობითა და განსწავლითა შეპრულებათა შორის, და ნურცა მიეღების ყმად და მამაული.“ სამართალი ბატონიშვილი დავითისა, გვ. 153.

ტერმინი იგივე მნიშვნელობით არ უნდა იყოს მითითებული ბექა-აღბუღას სამართლის მე-40 მუხლშიც, რადგან დანაშაულის სიმბიმედან გამომდინარე კანონმდებელი ასეთ სასტიკ სასჯელს არ გამოიყენებდა ცრუ დამსმენის მიმართ. დასახელბულ მუხლში „პატიუ“ ზოგადად დასჯის მნიშვნელობითაც არ უნდა იყოს გამოიყენებული, რადგან როგორც ზემოთ მოყვანილი მაგალითებიდან ჩანს, ასეთ შემთხვევაში ტერმინ „პატიუთან“ ერთად მითითებულია კონკრეტული სასჯელის სახე, მაგალითად მამულის ჩამორთმევა. შესაძლოა დასახელბულ მუხლში „პატიუ“ ქონებრივი საზღაურს გულისხმობდა. ამაზე მიანიშნებს პატიუთან ტერმინის „გარდებულების“ გამოიყენება. ის, რომ პატიუს ქონებრივი საზღაურის მნიშვნელობაც ჰქონდა ადასტურებს ქართულ სამართლის სხვა ძეგლებში არსებული ნორმებიც.²⁵² მაგრამ ეჭვს იწვევს აღნიშნულ მუხლთან დაკავშირებით, ქონებრივი საზღაურის გადახდა მაწყვერელის სასარგებლოდ. ნორმაში ხაზია გასმული, რომ ცრუ დასმენა პატრონის დალატს და შეცოდებას უფრო წარმოადგენს²⁵³ შესაბამისად გარდახდევინება უნდა მომხდარიყო მის სასარგებლოდ, მაგრამ არავითარ მინიშნება არ ჩანს მაწყვერელთან დაკავშირებით. ბექა-აღბუღას სამართლის წიგნის პირველ მუხლში, პირდაპირი მითითება არის, რომ პატიუს გადახდა უნდა მოხდეს პატრონისა და მაწყვერელისადმი. რადგან მე-40 მუხლში მხოლოდ პატრონის ინტერესების ხელყოფაზე საუბარი და ნორმაში მაწყვერელი საერთოდ არ არის მოხსენიებული, შესაბამისად მოსაზრება, რომ ამ ნორმაში აღწერილი ქმედების ჩადენისას მის სასარგებლოდაც ხდებოდა ჯარიმის გადახდა საფუძველს მოკლებულია. პატრონის სასარგებლოდ საზღაურის გადახდა მიანიშნებს, რომ ცრუ დასმენა ბექა-აღბუღას სამართლით კერძო დელიქტს არ წამოადგენდა და იგი დანაშაულად უნდა იქნეს განხილული.

თუ „პატიუ“ ქონებრივი სანქციაა მაშინ ისმევა კითხვა, რა რაოდენობის ფულადი ჯარიმა უნდა გადაეხადა დამნაშავეს? კანონიკური სამართლის 170-ე მუხლში „პატიუის“ ზუსტი რაოდენობაა მითითებული, თუმცა სხვა მუხლებში „პატიუის“ რაოდენობა არ არის დაკონკრეტული (კათალიკოზთა სამართალი, მუხლები 168, 169).²⁵⁴ კანონიკურ სამართლში (ბექა-აღბუღას სამართლის წიგნის 170-ე მუხლში) ეკლესიის ქონების დაწვისათვის დამნაშავეს „საყდრის პატიუად ოცდათორმეტი ათასისა თეთრისა დაუურვოს.“²⁵⁵ ამ საკითხთან დაკავშირებით ხ. ურბნელი აღნიშნავს, რომ „ყველა ეკლესია თანასწორი დირსებისა არ ყოფილა და თითოეულ მათგანს სისხლი „გვარს ზედა“ ეურვებოდა. სისხლის რაოდენობა დამოკიდებული იყო ხატის გინაობაზე. როცა „ხატი სამცველოდ ქვეყნისა ესვენა“ და მაშასადამე, სამათვაროს საკუთრებად ითვლებოდა,

²⁵² მაგ. კანონიკური სამართლის მუხ. 170. „ვინც გინდა კაცმან რაისა გინდა საქმისა და მტერობისთვეს საყდარისა საქონებელსა მაღვითა ანუ ცხადად ცეცხლი შეუდვას, დაწუას რა გინდა ცხადად გამოჩნდეს, საყდრის პატიუად ოცდათორმეტი ათასისა დაუურვოს.“ ქართული სამართლის ძეგლები, ტ. I, გვ. 472.

²⁵³ ქართული სამართლის ძეგლები, ტ. I, გვ. 439.

²⁵⁴ იქვე, გვ. 472.

²⁵⁵ იქვე, გვ. 472.

მაშინ ერთი და იგივე საეკლესიო დანაშაული განსხვავდებოდა იმისდაგვარად, თუ რომელს ხატს შეურაცყოფდნენ. აღბუდა ამბობს, მაცხოვრის ხატი ყველა ხატზე მაღალ სდგასო, „საუპატიოდ“ ოც-და-ათი გლეხი მართებს, ხოლო სხვა ხატს, მაგალითად დვოის-მშობლისას, ნათლის-მცემლისას, წმიდა გიორგისას – თორმეტი გლეხით. რადგანაც ხატთა შორის „ზემო-ქვემოება“ დაარსდა, ეკლესიასაც უნდა დაურვებოდა, „როცა დაწესებული პატიუი ეწეროს და გაჩენილ იყოს“. დაწესებული და გაჩენილი პატიუი იმის მაჩვენებელია, რომ ზოგიერთს ეკლესიას საკუთარი სამართლის გუჯარი პქონდა ნაბოძები და სამარათლის ქმნას განთვისებით აწარმოებდა.“²⁵⁶

რადგან ბექა-აღბუდას სამართლის მე-40 მუხლში ზუსტად განსაზღვრული რაოდენობა არ არის დასახელებული, შეიძლება პატრონი თავისუფალი იყო „პატიუის“ რაოდენობის განსაზღვრაში, ან „პატიუის“ რაოდენობა დამოკიდებული იყო პირის სისხლის ფასის რაოდენობაზე. უფრო მისადებია მეორე მოსაზრება, რადგან მიაჩნიათ, რომ „პატიუის“ მნიშვნელობით გხვდება აგრეთვე მეორე სიტყვა „საუპატიო“.²⁵⁷ საუპტიოს გამოთვლა კი სისხლის ფასის მიხედვით ხდებოდა.

ბაგრატ კურაპალატის სამართლის ნორმა (ბექა-აღბუდას სამართლის 132-ე მუხლი), რომელიც პატრონის წინაშე ცრუ დასმენას ეხება, დავას არ იწვევს რა სახის სასჯელი უნდა ყოფილიყო გამოყენებული, მუხლში პირდაპირ არის მითითებული, რომ ასეთი დასმენისათვის პირს სრული სისხლის ფასი უნდა გადაეხადა. როგორც მუხლშია აღნიშნული შემასმენებლს „სრული სისხლი მართებს.“²⁵⁸ მართება ნიშნავდა „ვალად ედვას“²⁵⁹ მაგრამ ამ შემთხვევაში დასაზუსტებელია ვის მიმართ ედვა ვალად შემასმენებლს სისხლის ფასის გადახდა? აღნიშნული საკითხის გადასაწყვეტად მნიშვნელობა ენიჭება ხელყოფის ობიექტის განსაზღვრას. რაიმე მინიშნება ამ საკითხთან დაკავშირებით არ არის. გამოყენებული სასჯელის მიხედვით შეიძლება ქმედება კერძო დელიქტად ჩაითვალოს, შესაბამისად დამსმენს საზღაურის გადახდა დაწამებულის სასარგებლოდ „ვალად ედვა.“

სისხლის ფასის გადახდას აწესებს ცრუ დასმენისათვის ასევე სიმონ I-ის სიგელი მაღალაძეებისადმი [1592წ.], მისი რაოდენობა ზუსტად არის განსაზღვრული, რაც შეადგენდა ოციათას თეთრს.²⁶⁰ სიგელის მიხედვით სიმონ მეფესთან მისულან „მაღალის ძე ქადაგი გედეონ და ძე მათი რომანზ.“ მათ მეფისთვის მოუხსენებიათ და უთხოვნიათ „რათამცა მოკითხული გუექმნა საქმე სახლისა მათისა და სანაცულოდ სასმახურისა მათისა, სიგლითა ამით შეგუეწყალნეს.“ სიმონს მეფეს „გაუჩენია

²⁵⁶ ხიზანაშილი 6. (ურბნელი), დასახ. ნაშ., გვ. 509.

²⁵⁷ იხ. დოკლიდე იხ., ძველი ქართული სამართლი, თბ., 1953, გვ. 215.

²⁵⁸ ქართული სამართლის ძეგლები, ტ. I, გვ. 467.

²⁵⁹ იხ. სულხან-საბა რაბეგლიანი, ლექსიკონი ქართული, I, გვ. 439.

²⁶⁰ ქართული სამართლის ძეგლები, ტ. II, გვ. 206.

სამართლი სისხლისა.²⁶¹ სიგელის შინაარსიდან გამომდინარე „დაურვება“ (დაურვოს) უსამართლოდ შესმენილის სასარგებლოდ უნდა მომხდარიყო.²⁶²

ვახტანგ ბატონიშვილის სამართლის წიგნში (მუხ. 253) ტყუილი დაბეზღებისათვის სასჯელი შემდეგნაირად არის განსაზღვრული: „რაც მობეზღარის პირითა ამოსულიყოს და ტყუილი იყოს, იმ მობეზღარს უნდა გარდაჭდეს.“²⁶³ თ. მონიავას განმარტებით, „თუ დამბეზღებელი გამტყუნდებოდა მას უნდა გადაეხადა შესაბამისი ფულადი თანხა, რაც უწინარეს ყოვლისა დაზარალებულისათვის შეების მომტანი უნდა ყოფილიყო და წარმოადგენდა მიყენებული ზიანისათვეის მორალურ კომპენსაციას.“²⁶⁴

მოყვანილი მუხლის მეორე ნაწილის მიხედვით, ტყუილ მობეზღარის სასჯელი, „გარდაჭდევინება“ დამოკიდებული იყო დაწამებული დანაშაულისათვის დადგენილ სანქციაზე. ამდენად კანონმდებლი ტალიონის პრინციპს იყენებს. ტყუილი დაბეზღებისათვის სასჯელის განსაზღვრის ამ პრინციპს უთითებს ასევე ვახტანგ ბატონიშვილის სამართლის წიგნის B ნუსხის 227-ე მუხლი: „რაც იმ კაცისათვის გარდასაჭდელი მართებს, ამ მოქმედს უნდა გარდაჭდეს.“²⁶⁵ შესაბამისად, იმ დანაშაულის დაბეზღებისათვის თუ დაწამებულს სისხლის ფასის გადახდა მოელოდა, დამბეზღებელიც ვალდებული იყო შესაბამისი სისხლის ფასი გადაეხადა. თუ კანონმდებელი 253-ე მუხლში ტალიონის პრინციპს იყენებს ტყუილად დამბეზღებელთა მიმართ, მიუხედავად იმისა, რომ ძველ ქართულ სამართლში სისხლის ფასი უფრო გავრცელებული სასჯელი იყო, ყოველგვარი დანაშაულის ტყუილი დაბეზღებისას დამნაშავეს ეს სანქცია არ უნდა დაკისრებოდა.

კათალიკოზთა სამართლით (მუხ. 16) მეფის დალატი სიკვდილით უნდა დასჯილიყო, მიუხედავად დამნაშავეს სოციალური სტატუსისა: „გისაც პატრონის მეფის დალატი გამოჩნდეს, ანუ დიდსა, ანუ თავადსა, ანუ აზნაურსა, ანუ ვისაც, მართლით განკითხვით და გამოწულილვითა, რარიგადაც წმიდათა კრებათა და წმიდათა მოციქულთაგან გაჩენილი იყოს და სჯულისა კანონსა შიგან ეწეროს, სიკუდილით განიპატიჟოს.“²⁶⁶ თუ ვახტანგ ბატონიშვილის სამართლის წიგნის 253-ე მუხლს დავეყრდნობით²⁶⁷ ამ ნორმებს თითქოს ლოგიკურ დასკვნამდე მიგყენართ, რომ მეფის

²⁶¹ ქართული სამართლის ქეგლები, ტ. II, გვ. 205.

²⁶² დაურვოს – სისხლის მოსცეს. ხულხან-ხაბა ორბეჭლიანი, ლექსიკონი ქართული, I, გვ. 204.

²⁶³ ქართული სამართლის ქეგლები, ტ. I, გვ. 545.

²⁶⁴ მონიავა პ. (თემურ), დასახ. ნაშ., გვ. 79-80. აღნიშნული მოსაზრება გასაზიარებელია, უფრო არა მოცემული მუხლიდან გამომდინარე, არამედ სასამართლო განჩინებების საფუძველზე.

²⁶⁵ ვახტანგ VI სამართლის წიგნი, ტექსტი გამოსაცემად დამზადა, გამოკვლევა და ტერმინთა საძიებლები დაურთო თინა ენუქიძე, თბ., 1955, გვ. 107–108.

²⁶⁶ ქართული სამართლის ქეგლები, ტ. I, გვ. 395.

²⁶⁷ იქვე, გვ. 545.

დალატის ცილისმწამებელსაც სიკვდილი მოელოდა. მაგრამ ეს თეორიული ვარაუდია. ხოლო ამ ვარაუდის სისწორეს, თუ მცდარობის დადასტურება ისტორიული წყაროებზე და სასამართლო პრაქტიკის მაგალითების საფუძველზე უნდა მოხდეს. თუმცა, როგორც გ. ნადარეიშვილი აღნიშნავს, რამდენად გამოიყენებოდა, კათალიკოზთა სამართალში დაწესებული სასჯელები, ამის შესახებ სასამართლო პრაქტიკის მასალებსა და სხვა ცნობებს ჩვენებდე არ მოუღწევიათ.²⁶⁸

მეფის დალატი სიკვდილით რომ ისჯებოდა ადასტურებს ისტორიული წყაროებიც. ივ. ჯავახიშვილს მოჰყავს მეფის დალატისათვის სიკვდილით დასჯის მაგალითად დემეტრე I-ის მიერ იოანე აბულეთის ძისთვის თავი მოკვეთა, ასევე გიორგი III-ის დროს ორბელი დაისაჯნენ დემნას განდგომილების მოწყობისათვის.²⁶⁹ ამდენად, კათალიკოზთა სამართალში მოხსენიებულ სასჯელს (მუხ. 16), პრაქტიკულადაც მიმართავდენენ. მაგრამ, მეფეთა ორგულობის, დალატის ჩადენისას სხვა სახის სასჯელებსაც იყენებდნენ: თვალთა დაწვას და სხვა დამასახირებელ სასჯელებს.²⁷⁰ თუმცა შედარებით მსუბუქი სასჯელიც შეიძლებოდა გამოეყენებინათ, მაგალითად ექსორია. „ექსორია ბერძნული სიტყვაა და გაძევებას ჰნიშნავს. ამ სასჯელს უნიშნავდნენ ხოლმე იმათ, ვინც „მინდობით გამოიყვანეს“ (მაგიინე ქართლისა) და ვისაც განდგომაში მცირედი მონაწილეობა ჰქონდა მიღებული, აგრეთვე განდგომილებისა და დალატის მეორეგზისა განზრახვისა და დაპირებისათვის. პირველად ამისთანა დანაშაულებისათვის მხოლოდ საპურობილები ამწყვევდნენ, მეორედ-კი შეპურობისა და დამწყვდევის შემდგომ ექსორია-ჰყოფდენ ხოლმე.“²⁷¹

გ. ნადარეიშვილს მოჰყავს ომან მდივანბეგის ცნობა, თუ როგორ სასტიკად დასაჯა ერეკლე II-ზ შეთქმულნი: „შეკრბენ ქართველნი და მოჰყოფეს პატარას თავი და დაწვეს ცეცხლსა შინა თაქთაქის შვილი ელიზბარ და დიმიტრი პატიმარ ჰყვეს და შეურაცხეყვეს აღჯდომითა მისითა კარაულსა ზედა და მოჰყეთეს ძესა მისსა ალექსანდრესა ცხვირი და გლასასაც მოჰყეთეს ენა.“ ასევე ჯაშუშობისათვის სიკვდილით დასჯის შემთხვევა, რომლიც მოხდა XVII საუკუნის ოთხმოციან წლებში, ყაენის სასარგებლოდ ჯაშუშობისათვის, სახელმწიფო დალატისათვის სიკვდილით დასაჯეს სომხეთის მალიქი ქამარ ბეგი. უფრო გვიან მსგავსი დანაშაულის ჩადენისათვის მოღალატე ქამარ ბეგის შვილი მეფემ „დახვრიტა თოფითა.²⁷² შესაძლოა კათალიკოზთა სამართალის გამოყენება არ დასტურდება, მაგრამ მეფის ორგულობა სიკვდილით რომ ისჯებოდა ეს ისტორიული წყაროებითაც ჩანს. ასევე გხვდება დამასახირებელი სასჯელები. თამარ მეფის ისტორიკოსის ცნობით, თამარ მეფეს დამსახირებელი სასჯელები

²⁶⁸ იხ. ნადარეიშვილი გ., კერძო და საჯარო სასჯელები ფეოდალურ საქართველოში, ქურნალი „აღმანახი“, 2000, №14, გვ. 122.

²⁶⁹ იხ. ჯავახიშვილი ივ., დასახ. ნაშ., გვ. 216.

²⁷⁰ იქვე, გვ. 216.

²⁷¹ იქვე, გვ. 216.

²⁷² იხ. ნადარეიშვილი გ., კერძო და საჯარო სასჯელები ფეოდალურ საქართველოში, ქურნალი „აღმანახი“, 2000, №14, გვ. 122.

აუკრძალია, მაგრამ ერთ შემთხვევას იხსენიებს, როცა გუზან ტაოსკარელს თვალები დაუწეს. თუმცა ეს გაპეტებულა დავით სოსლანის თანხმობით, რადგან იცოდნენ, რომ თამარ მეფეს შეეძლო შეეწყნარებინა.²⁷³

მოღალატეების მიმართ გამაწბილებელ სასჯელსაც მიმართვადნენ. ჟამთაადმწერელის ცნობით, „შალვა ქვენიფლეველი განუდგა დავით VI-ს. 1301 წელს მეფეს მოღალიტასთვის გამაწბილებელი სასჯელი მიუსჯია. მეფეს მოუთხოვია – ჩევეულებითი სამართლის ნორმების მიხედვით, ქვენიფლეველს საჯაროდ თავზე ნაცარი დაეყარა და თავისი დანაშაული ედიარებინა. შალვაც ასე მოქცეულა: „გარდიუარა თავსა ნაცარი შალვა და იტყოდა: „ესემცა არს მისაგებელი ორგულთა მეფეთასა.“²⁷⁴ არცერთი ზემოთ ჩამოთვლილი სასჯელის გამოყენება დალატის ტყუილი დაბეზღებისას არსებული ცნობებით არ დასტურდება.

ვახტანგ ბატონიშვილის სამართლის წიგნის 227-ე და 253-ე მუხლით დადგენილი ტალიონის პრინციპის გამოყენება ისეთი ქმედებების ცილისწამებისათან მიმართებაში, რისთვისაც პირს სიკვდილით დასჯა, ან დამასახირებელი სასჯელი მოელოდა სასამართლო განჩინებებით არ დასტურდება. ისეთი მძიმე დანაშაულთა ცრუ დასმენისას, როგორიც მაგალითად მეფის დალატი იყო სასამართლო სისხლის ფასის გადახდას აკისრებს დამნაშავეს.²⁷⁵ ცილისწამებისას ტალიონის პრინციპის გამოყენება უძველესი დროიდან იყო გარცელებული²⁷⁶ და სასჯელის დანიშვნის ეს პრინციპი საუკუნეების შემდეგაც შენარჩუნდა. მაგალითად, ეპლოგაში ვხვდებით სასჯელის განსაზღრის ამ პრინციპს.²⁷⁷ კაროლინაში (1532წ) აღნიშნულია, რომ თუ პირს ამხელდნენ, რომ ის ცრუ და ბოროტი განზრახვით მოწმის ჩვენებით ცდილობდა სისხლის სამართლებრივი სასჯელი დაკისრებოდა უდანაშაულო პირს, უნდა დაისაჯოს იმ სასჯელით, რომელიც მას უნდოდა რომ თავისი ჩვენებით დაკისრებოდა უდანაშაულო პირს.²⁷⁸ სასჯელის დანიშვნის ამ პრინციპს ნაწილობრივ მიყვება

²⁷³ ქართლის ცხოვრება, ტ. II, გვ. 141.

²⁷⁴ ნადარეიშვილ გ., კერძო და საჯარო სასჯელები ფეოდალურ საქართველოში, უკრნალი „ალმანახი“, 2000, №14, გვ. 125-126.

²⁷⁵ განჩინება ერეკლე II-ისა დაბეზღებისათვის არჯევანისა და რამინის დავით ქსნის ერისთავისათვის მიცემის შესახებ. 1770წ. 4 სექტემბერი. ქართული სამართლის ძეგლები, ტ. IV, გვ. 599.

²⁷⁶ „ძველი ეგვიპტური სამართლის მიხედვით ცილისმწამებელი იმავე სასჯელით ისჯებოდა, რაც ცილდაწამებულს მოელოდა იმ შემთხვევაში, თუ მის ცილისწამებას სინამდვილედ ჩათვლიდნენ. როგორც ცნობილმა ეგვიპტოლოგმა ი. ა. ლურიემ გამოარკვია, ეგვიპტეში ცრუმოფიცარი, ე. ი. კაცი, რომელიც სასამართლო პროცესზე ტყუილი ფიცით ცდილობდა თავის მართლებას ან სხვისათვის ბრალის დადგებას, იმავე სასჯელით ისჯებოდა, რა სასჯელიც ფიცის ფორმულის თვითწყვევლით ნაწილში იყო გათვლისწინებული.“ ნადარეიშვილი გ., სახელმწიფოსა და სამართლის ისტორია, თბ., 2008, გვ. 20. ხამურაბის კანონებში ცალკე მუხლი აქვს დათმობილი მკვლელობის დასმენას (მუხ. 1), ასეთ შემთხვევაში ცრუ დამსმენი სიკვდილით უნდა დასჯილოუთ. ხამურაბის კანონები, გვ. 9.

²⁷⁷ Эклога, византийский законодательный свод VIII века, Вступительная статья, перевод, комментарий Е. Э. Липшиц, М. 1965. ст. 70.

²⁷⁸ იხ. Хрестоматия памятников феодального государства и права стран европы, под редакцией В. М. корецкого, М., 1961, ст. 451.

საფრანგეთის 1810 წლის სისხლის სამართლის კოდექსი: „თუ, ბრალდებულს მიუსაჯეს უფრო მძიმე სასჯელი, ვიდრე გამასწორებელი (**смирителъный**) სახლი, მაშინ ასეთივე სასჯელი გამოიყენება მის წინააღმდეგ გამოსული ცრუ მოწმის მიმართაც.“²⁷⁹ ამდენად, ვახტანგ ბატონიშვილის სამართლის წიგნში ტყუილი დაბეზდების მუხლში მითითებული სასჯელის განსაზღვრის პრინციპი არ წარმოადგენდა ძველი ქართული სამართლის თავისებურებას. თუმცა საქართველოში რამდენად ნიშნავდნენ სასჯელს ამ პრინციპის მიხედვით გარკვეულ კითხვებს იწვევს. თუ ვამბობთ, რომ ნორმაში მითითებული სასჯელის დანიშვნის ტალიონის პრინციპი რეალურად არ გამოიყენებოდა, ერთადერთ მტკიცებულებად სასამართლო განჩინებები რჩება იმაზე სამსჯელოდ, როგორ შეიძლებოდა დასჯილიყო ტყუილი დაბეზდება.

ისტორიულ წყაროებში არსებული მეფესთან უსამართლოდ შესმენის მაგალითებში ძნელად თუ მოიძენება ისეთი შემთხვევები, რომ შემასმენელი დასჯილიყვნენ. უმეტესად ცილისმწამებელნი თავიანთ მიზანს აღწევდნენ. ეამთაადწერებული მოგვითხრობს დავით ულუს მიერ შესმენილი მესტუმრე ჯიქურის დასჯაზე: „და ბრძანა წინაშემოყვანება მისი და სახლისა მისისა იავარ ყოფად. . და ვითარ აღსრულეს მსახურთა მეფისათა, და წარადგინეს წინაშე მეფისა ჯიქური, დამით „რამეთუ მეფე ჯდა ისანთა მხედველი მტკუარისა, და არა სიტყუა ყო მის თანა, არამედ განუკითხავად ბრძანა შთაგდებად მტკუარისა.“²⁸⁰ როგორც ტექსტიდან ჩანს, მესტუმრე ჯიქურის შესმენა მტრობით მომხდარა, უამთაადმწერებული – „ამის გუანცას დედოფლობა მძიმედ უჩნდა მესტუმრესა ჯიქურს, რამეთუ მტერ იყვნეს. ამისთვის განზრახვითა სუმბატ ორბელისათა შესმენილ იქმნა.“²⁸¹ მაგრამ უამთაადმწერებულის ეს ცნობა, იმის მაგალითად უფრო გამოდგება, თუ როგორ შეიძლებოდა დასჯილიყო მეფის მოღალატე, რადგან ცრუ შემასმენელის დასჯის შესახებ ცნობები არ არის ამდენად, დალატის ცილისწამებისათვის გათვლისწინებულ სასჯელებზე მსჯელობისას სასამართლო პრაქტიკას უნდა დავეყრდნოთ.

სიმონ II-ის განჩინებაში მოურავისა და ქაიხოსრო ჯავახიშვილის სასისხლო საქმეზე ცრუ დასმენის ბრალდების რამდენიმე მაგალითია. უშუალოდ დიდი მოურავის მიმართ განხორციელებული ტყუილი დაბეზდებისათვის ქაიხოსროს დაევალა დაფიცება, იგი „სამის შესახელებულის უმტეროს მოურავის ყადარის კაცითა და ოთხის შეუსახელებელის კაცითა“ უნდა წამდგარიყო. წინააღმდეგ შემთხვევაში მოურავისათვის „დაუდვას რვა კუამლი გლეხი და ან მიართოს ოთხმოცი თუმანი თეთრი“.²⁸² სანქცია ამ შემთხვევაში კერძო ხასიათისაა, რადგან განჩინებიდან ჩანს, რომ ფულადი საზღაურის გადახდა მომჩივანის სასარგებლოდ ხდებოდა. მაგრამ ქონებრივი სახის სასჯელის გამოყენება

²⁷⁹ იხ. Хрестоматия по всеобщей истории государства и права, Т 2, под редакцией К. И. Батыра и Е. В. Поликарповой, М., 2003., ст. 64.

²⁸⁰ ქართლის ცხოვრება, ტ. II, გვ. 238.

²⁸¹ იქვე გვ. 238.

²⁸² ქართული სამართლის ქეგლები, ტ. IV, გვ. 57.

სასამართლოს მიერ, თუ ამ განჩინებაში მეფის დალატის დაწამებაზეა საუბარი, მაინც წინააღმდეგობაში მოდის გამოთქმულ ვარაუდთან, რომ მეფის დალატის ცილისმამებელი ისევე უნდა დასჯილიყო, როგორც დალატის ჩამდენი დაისჯებოდა, მაგალითად სიკვდილით.

რა უნდა იქნეს უფრო მხედველობაში მიღებული, სამართლის წიგნში მოცემული დებულება სასჯელის დანიშვნის შესახებ, თუ სასამართლო განჩინება? მოყვანილი განჩინება XVII საუკუნის დასაწყისშია შედგენილი, შესაბამისად ის ვახტანგ ბატონიშვილის სამართლის წიგნს დროში წინ უსწრებს, აქედან გამომდინარე, არ არის გამორიცხული, რომ ვახტანგ ბატონიშვილს განსხვავებულად დაერეგულირებინა აღნიშნული საკითხი, მაგრამ ვახტანგ ბატონიშვილის სამართლის წიგნის 253-ე მუხლში სასჯელის დანიშვნის პრინციპი უფრო არქაული ფორმისაა, ვიდრე განჩინებით განსაზღვრული სასჯელი. შესაძლოა სასამართლომ გაითვალისწინა პირთა სოციალური სტატუსი. როგორც მოყვანილი ციტატიდან ჩანს ქაიხოსრო ჯავახიშვილი მოურავის „ყადარი“²⁸³ მოფიცრებით უნდა წარდგენილიყო, შესაბამისად აღნიშნული გარემოება სასჯელის განსაზღვრაზეც მოახდენდა გავლენას.

დიდი მოურავის ტყუილი დაბეზღების შემდეგი ბრალდება ქაიხოსრო ჯავახიშვილისადმი ეხებოდა მეფე ოეიმურაზთან თავისი აზნაურების დაბეზღებას (1620 წლის სასისხლო განჩინება). ამ შემთხვევაში მხოლოდ ქაიხოსროს ექვს შესახელებულ მსახურს უნდა დაუფიცა, თუ ვერ დაიფიცებდნენ მის მიმართ დაბეზღების ბრალდება დამტკიცებული იქნებოდა და ქაიხოსრომ „ასი მარჩილი თარჯიმანად მიართოს.“²⁸⁴ მხარეთა სოციალურ სტატუსთა სხვაობა ამ შემთხვევაშიც მკვეთრად იკვეთება როგორც მოფიცართა შერჩევისას, ისე სასჯელის დანიშვნისას. სასისხლო განჩინებაში მითითებული სანქცია „სიმკაცრით“ არ გამოირჩევა. გარდა გამოთქმული ვარაუდისა სასჯელის შერჩევისას სასამართლომ გაითვალისწინა ის გარემოებაც, რომ: „მოკითხული ვქენით და იმ მსახურებასა არცარა სიკუდილითა სჭირდა და არცარა გახეიბრებითა.“²⁸⁵ ამ შემთხვევაშიც ქონებრივი საზღაურის გადახდა დაბეზღებულთა სასარგებლოდ ხდება.

ქაიხოსრო ჯავახიშვილისადმი სარჩელი დაბეზღებაში დიდი მოურავის მსახურებსაც წარუდგენიათ. სასამართლომ ამ საკითხთან დაკავშირებით ჯავახიშვილს დააკისრა: „თვისი ყმანი შეაფიცოს, არა ზედა-აც. და თუ ვერ და[ა]ფიცონ, რაც წაკდომოდეს მოურავის აზნაურისშვილისა და მსახურსა და გამოიფიცოს, ნახევარი უზღვოს და ნახევარი ჩაგვუირონინებია, ამისთუის რომე მის ქელთ არა არის რა.“²⁸⁶ სასამართლო ისევ ქონებრივ სანქციას

²⁸³ ყადარი, ყადრი – დირებულება, ფასი, დირსება. ჩუბინაშვილი დ., დასახ. ლექსიკონი, გვ. 1370.

²⁸⁴ ქართული სამართლის ქეგლები, გ. IV, გვ. 59.

²⁸⁵ იქვე გვ. 59.

²⁸⁶ იქვე, გვ. 64.

იუნებს და გადახდა დაზარალებულთა სასარგებლოდ ხდება. ხოლო საზღვრის რაოდენობა მიუწებული ზიანის მიხედვით განისაზღვრა.

როგორც ვახტანგ ბატონიშვილის სამართლის წიგნის 253-ე მუხლშია აღნიშნული, ტყუილი დაბეზდებით პირი ხელყოფდა როგორც სახელმწიფო, ისე კერძო პირის ინტერესს. თუ სისხლის ფასის გადახდა სახელმწიფოს სასარგებლოდ ხდებოდა, მაშინ გამოდის რომ ეს თანხა ჯარიმად იქცევა. რადგან 253-ე მუხლში კერძო პირის ინტერესის ხელყოფაზეც არის საუბარი სასამართლო არ დანიშნავდა ისეთ სასჯელს, რომლითაც რამენაირად არ ყოფილიყო კერძო პირის ინტერესი დაქმაყოფილებული. თუ ცილისმწამებელს სასჯელი უნდა დაკისრებოდა, როგორც სახელმწიფოს, ისე ცილდაწამებულის სასარგებლოდ, მაშინ ისმის კითხვა როგორც უნდა განაწილებულიყო მის მიერ გადახდილი საზღვრი. აღნიშნულის შესახებ ამ მუხლში რაიმე მითითება არ არის. ამ შემთხვევაში დასკვნის გასაკეთებლად უნდა დავეყყრდნოთ ისევ სასამრთლო განჩინებებს, რომლებიც ტყუილ დაბეზდებას ეხებიან. მეფის ორგულობის დაწამებისას დროსაც კი, დამნაშავეს სასჯელი ეკისრებოდა არა სახელმწიფო ხაზინის სასარგებლოდ, არამედ ცილიდაწამებულის მიმართ (მაგალითად, დიდი მოურავისა და ქაიხოსრო ჯავახიშვილის სასისხლო განჩინება, ასევე განჩინება ერეკლე II დაბეზდებისათვის არჯევანისა და რამინის დავით ქსნის ერისთავისათვის მიცემის შესახებ. 1770წ. 4 სექტემბერი).²⁸⁷ ამდენად, ამ განჩინებების მიხედვით იმის თქმა არ შეიძლება, რომ სასჯელის გასაზღვრისას სახელმწიფო ინტერესის ხელყოფას ექცეოდა ყურადღება.

მეფეთა ორგულობის დაწამებისათვის ერეკლე II-ს დავით ქსნის ერისთავის სასარგებლოდ დაუდგენია: „და სამართალმა არჯევან და მისი ძმა რამინ შენ მოგცა იმათს ყმასა და მამულს გარდა. და სადაც არჯევან და მისი ძმა მისულან, ხელთ უნდა მოგეცესთ; თუ ეკლესიაში შესულან სადმე, ჩვენის ბრძანებით და ჩვენის ძმის კათალიკოზის პატრიარქის ბრძანებით და შენდობით, რომელსაც ეკლესიაში შესულიყვნენ, იმ ეკლესის ეპისკოპოზმა, თუ წინამდგარმა, თუ დეკანოზმა უნდა გამოიყვანონ და ხელთ მოგცენ რამინ თავისის სიტყვით და გაქცევით, როგორადაც არჯევან ერგო სამართლით ერისთავს, ისე ესე მოგეცა.“²⁸⁸ განჩინებიდან ჩანს, რომ მართალია დამნაშავეები ცილდაწამებულს უნდა გადასცემოდა, მაგრამ მათი ქონება ხელშეუხებელი იყო, სანქცია ქონებაზე არ ვრცელდებოდა. ერთის თქმა ზუსტად შეიძლება, რომ მეფის ორგულობის დაწამებისას დამნაშავე საკუთარი თავით აგებდა პასუხს ცილდაწამებულის მიმართ. ხელთ მიცემას, როგორც სასჯელს ვხვდებით ბექა-აღბუღას სამართალში (36-ე მუხლი) და ვახტანგის სამართლის (მთხოობელის მიერ მკვლელობის დაწამებისას) წიგნში. ის. დოლიძის განმარტებით, როცა დამნაშვე, ანუ „ავის მქნელი“, რომელიც დაზარალებულს, ანუ „გაუპატივებულს“, გადაეცა, სრულიად უუფლებო მდგომარეობაში ვარდება. იგი არავითარი დაცვით არ სარგებლობს. დაზარალებულის ნათესავებს

²⁸⁷ ქართული სამართლის ძეგლები, ტ. IV, გვ. 599.

²⁸⁸ იქვე, გვ. 599.

შეუძლიათ, ხელთა დამნაშავეს „რაცა უნდა, უყოს“. კანონის ასეთი მითითება, ცხადია, სიკვდილ-სიცოცხლის უფლებასაც გულისხმობს, უკეთეს შემთხვევაში, დამნაშავე მონობაშიც ვარდებოდა და ყოველგვარ პირად და ქონებრივ უფლებებს კარგავდა.²⁸⁹ ცოტა სადაოდ ქონებრივი უფლებების ჩამორთმევის საკითხი ზემოთ მოყვანილი განჩინების მიხედვით. ბექა მანდატურთუხეცესის სამართალში (მუხ. 36), რასაც ის. დოლიძე ეყრდნობა, ხელთ მიცემა ხდებოდა მამულთან ერთად: „მამულითურთ მას გაუპატივებულსა, პელთ მისცემს, რა უნდა იყოს, სისხლსა არას ემართლებისლა, ამად რომე უბრალოა. ავის მქნელთ მამაულითურთ მიუცემა, მართალი იქნება.“²⁹⁰ შესაძლებელი იყო ასევე ხელთ მიცემის გამოყენება ოგორც ალტერნატიული სანქციის, როცა დამნაშავეს სისხლის ფასის გადახდის შესაძლებლობა არ ჰქონდა.²⁹¹ პელთ მიცემა ყოველთვის არ გულისხმობდა ქონებრივი უფლებების ჩამორთმევას, შეიძლებოდა ერთ შემთხვევაში პირი დაზარალებულს გადასცემოდა თავისი ქონებით, ხოლო სხვა შემთხვევაში კი ყმისა და მამულის გარეშე. შესაძლებელია ასევე მესამე ვარიანტიც, ამ სახის სასჯელის გამოყენება ალტერნატიული სანქციის სახით.

სისხლის დაურვებას ვხვდებით მეფის დალატის დაწამებისათვის სოლომონ I-ის

სასისხლო განიჩნებაში. როსტომ ნიუარაძე თუ ვერ დაიფიცებდა ცილდაწამებულის, სახლთუხეცესი ზურაბ წერეთლის მიმართ უნდა გადაეხადა: „დიდებულის თავადის მთელი სისხლი-ათას ხუთას ოცდათექვსმეტი თუმანი და ერთო ამოდენი სახლთუხეცესობის სისხლი ზედ დაუდვას და ისე სახლთუხეცეს როსტომმა მისცეს.“²⁹² მოყვანილი განჩინების საფუძველზე შეიძლება ითქვას, რომ მეფის დალატის ცილისწამება, კერძოდ კი ტყუილი დასმენა, ისევე ისჯებოდა, როგორც მკვლელობა. სასამართლოს მიერ გამოყენებული სისხლის ფასი კი, სრულ შესაბამისობაშია ვახტანგ ბატონიშვილის სამართალთან (მუხ. 26): „დიდებულის თავადის მთელი სიკუდილის სისხლი— ათას ხუთას ოცდათექვსმეტი თუმანი.“²⁹³ ამას გარდა დამატებით უნდა გადაეხადათ სისხლის ფასი, თუ პირს რაიმე თანამდებობა ეკავა: „ვისაც უაშში მოკდეს, გვარობის სისხლის გარეთად საკელოს სისხლიც ზედ დაურთონ და ისრე გაუჩინონ.“ (ვახტანგ ბატონიშვილის სამართალი, მუხ. 34)²⁹⁴ სოლომონ II-ს დამატებით სახლთუხეცესის სისხლის გადახდაც დაუკისრებია. ზემოთ მოყვანილი განჩინება, ადასტურებს, რომ ვახტანგ VI-ის სამართლის წიგნით ხელმძღვანელობდნენ არა მარტო აღმოსავლეთ საქართველოში. როგორც განჩინებებიდან ჩანს დალატის ცილისწამება კერძო-სამართლებრივ

²⁸⁹ იხ. დოლიძე იხ., ძველი ქართული სამართალი, თბ., 1953, გვ. 250-251.

²⁹⁰ ქართული სამართლის ძეგლები, ტ. I, გვ. 438.

²⁹¹ ვახტანგ ბატონიშვილის სამართლის წიგნი, 39-ე მუხლი. ქართული სამართლის ძეგლები, ტ. I, გვ. 492.

²⁹² ქართული სამართლის ძეგლები, ტ. VI, გვ. 435-436.

²⁹³ ქართული სამართლის ძეგლები, ტ. I, გვ. 489.

²⁹⁴ იქვე, გვ. 490.

დელიქტად არის ჩამოყალიბებული, ამას გვაფიქრებინებს სისხლის დაურვების გამოყენება სასჯელად. მოსაზრება, რომ სისხლის ფასი გულისხმობდა არა მარტო დაზარალებულის სასარგებლოდ თანხის გადახდას, არამედ საჯარო ელემენტსაც, ასეთი დასკვნის გაკეთების საშულებას დასახელებული სასისხლო განჩინება არ იძლევა. როგორც განჩინების ტექსტიდან ჩანს სისხლის ფასი და სახლოუცესობის სისხლი როსტომს ზურაბ წერეთლისათვის უნდა მიეცა.²⁹⁵ დავით ბატონიშვილის სამართალის (მუხ. 208) მიხედვითაც, ცრუ დამსმენს ცილდაწამებულისათვის სისხლის ფასი უნდა გადაეხადა მისი სტატუსის მიხედვით: „ვინცა ვინ ტყუილად შეასმინოს, მებრ მიხედვისა გუამისა. მიუზღოს სისხლი.“²⁹⁶ მაგრამ ერთ გარემოებას უნდა მიექცეს ყურადღება. ერეკლე II-ის და სოლომონ II-ის განიჩნება ერთნაირ დელიქტს ეხება, ორივე შემთხვევაში საუბარია მეფის დალატის დაწამებაზე, ორივე განჩინება დაახლოებით ერთ პერიოდშია შედგენილი პირველი 1770 წელს, ხოლო მეორე 1789-1810 წლებში, მაგრამ პირველ შემთხვევაში თუ ხელთ მიცემაზეა საუბარი, მეორეში სისხლის დაურვებას იყენებენ. ისმის კითხვა რატომ არ იყენებს სასამართლო ერთნაირ სასჯელს. იმის თქმა, რომ აღმოსავლეთ საქართველოში აღნიშნული დელიქტი განსხვავებულად ისჯებოდა, ხოლო დასავლეთ საქართველოში სხვანაირად საფუძველს მოკლებული უნდა იყოს, ამაზე ერთნაირი მოცულობის სისხლის ფასიც მეტყველებს. მაშინ რა ახსნა უნდა მოეძებნოს ამ გარემოებას? სავარაუდოდ სასჯელის დანიშვნისას შეიძლებოდა განმსაზღველი ყოფილიყო ის თუ კონკრეტულად რას სწამებდენენ, რადგან დალატი, როგორც უკვე იყო აღნიშნული ფართო ცნება იყო და სხვადასხვა ქმედებებს მოიცავდა.

ამავე პერიოდს ეხება (1784-1796წწ. განჩინება) ბეჟან წულუკიძისა და გოგია ავალიანის საქმეზე. ბეჟან წულუკიძე თუ დაიფიცებდა, ეს გოგია ავალიანის დანაშაულს, დალატის ცილისწამებას დაადასტურებდა, „თუ ასე უფიცა, ან მთელი სისხლი მისცეს წულუკიძეს ავალიანმა და ან როგორც სამართლის წიგნშიდ ეწეროს, ისე მიეცეს ავალიანი წულუკიძეს ხელთ მქნედო.“²⁹⁷ ისევე როგორც სოლომონ II-ის განჩინებაში, ამ შემთხვევაშიც სრული სისხლის გადახდაა დაწესებული დაზარალებულის სასარგებლოდ. ხოლო სისხლის ფასის რაოდენობა დამოკიდებული იყო რა თქმა უნდა დაზარალებულის სოციალურ სტატუსზე. განჩინების მიხედვით მოსამრთლე თავისუფალი არ იყო სისხლის ფასის დაღენისას, არამედ სამართლის წიგნით დადგენილი მოცულობით უნდა ეხელმდგვანელა. სისხლის ფასის გარდა სასამართლოს სხვა სასჯელის გამოყენების ალტერნატივაც აქვს, საუბარია ხელთ მიცემაზე. განჩინებაში არ არის დაკონკრეტებული რა შემთხვევაში უნდა ყოფილიყო აღნიშნული სასჯელი გამოყენებული და გულისხმობდა თუ არა ხელთ მიცემა „მამულით“, თუ მის გარეშე პირის გადაცემას. შესაძლებელია ამ ალტერნატივისათვის იმ შემთხვევაში მიემართათ, თუ დამნაშავეს სისხლის ფასის გადახდის შესაძლებლობა არ

²⁹⁵ ქართული სამართლის ქეგლები, ტ. VI, გვ. 435-436.

²⁹⁶ სამართალი ბატონიშვილი დავითისა, გვ. 117.

²⁹⁷ ქართული სამართლის ქეგლები, ტ. V, გვ. 693.

ჰქონდა. განხილულ განჩინებაში ორივე სასჯელის მითითება მიანიშნებს, რომ დალატის დაწამებისათვის სასჯელის დანიშვნასთან დაკავშირებით ერეკლე II-ისა და სოლომონ II-ს განჩინებებს შორის წინააღმდეგობა არ არის. სასამართლოს შეიძლება დალატის დაწამებისათვის გამოეყენებინა როგორც ხელო მიცემა, ისე სისხლის დაურვება. სახელმწიფოს სასარგებლოდ რაიმე სანქციის დაკისრება არც ამ შემთხვევაში ხდება. სისხლის დაურვება თუ მოხდებოდა ის მთლიანად დაზრალებულის სასარგებლოდ ხდებოდა, ხოლო ხელო მიცემაც საჯარო სასჯელად არ ითვლება.

სამართლის ძეგლებში ქონებრივი საზღაურის დაწესება ცრუ დასმენისას სხვადასხვა ნიშნით შეიძლება განისაზღვროს. ვახტანგ ბატონიშვილის სამართლის წიგნის 253-ე მუხლში ქონებრივი საზღაურის რაოდენობის დადგენისას ორი გარემოება უნდა ყოფილიყო გათვლისწინებული: დაწამებული დანაშაულისათვის დადგენილი სისხლის ფასი და თავად ცილდაწამებულის სოციალური სტატუსი.

დავით ბატონიშვილის სამართლითაც (მუხ. 208) ცრუ დასმენისათვის სისხლის ფასის გადახდა დაწესებული. სისხლის ფასის ოდენობის ზუსტი მიუთითებლობა არ ნიშნავს, რომ მოსამართლე თავისუფალი იყო მისი განსაზღვრისას. ამაზე მიანიშნებს შემდეგი სიტყვები: „მებრ²⁹⁸ მიხედვისა გუამისა²⁹⁹ მიუზღოს³⁰⁰ სისხლი...“³⁰¹ ამდენად, მოსამართლეს სისხლის ფასი უნდა განესაზღვრა ცილდაწამებული პირის სტატუსის მიხედვით, იმ დროინდელ ქართულ სამართალში დადგენილი სისხლის ფასის მიხედვით. სავარაუდოდ ნორმაში მთელი სისხლის ფასი უნდა იგულისხმებოდეს. დასახელებულ მუხლში კანონმდებელი აღნიშნავს, რომ დასმენით პირმა „მძაო თვისი მისცა სიკუდილად“. თუ „სიკვდილად“ მიცემა პირდაპირი მნიშვნელობით არის გამოყენებული, მაშინ ცრუ დასმენის სანქცია მკვლელობისათვის დაწესებული სასჯელის ანალოგიური უნდა ყოფილიყო, რაც მთელ სისხლის ფასს წარმოადგენდა. ცრუ დასმენისათვის მთელი სისხლის ფასი რომ იყო დაწესებული ადასტურებს ბაგრატ კურაპლატის სამართალი (ბექა-აღბუდას სამართლის 132-ე მუხლი).³⁰² ცრუ დასმენისათვის

²⁹⁸ მებრ – მსგავსადსავით. სულხან-ხაბა ორბელიანი, ლექსიკონი ქართული, I, გვ. 458; მებრ – მსგავსად, ხაზად, წესისამებრ. ჩუბინაშვილი დ., დასახ. ლექსიკონი, გვ. 695;

²⁹⁹ გუამი – ესე არს მარტივად მყოფი განთვისებული თვისაგან თავით თვისით შემტკიცებით მდგომარე და განყოფილი მისთანათა მათგან რიცხვათა. სულხან-ხაბა ორბელიანი, ლექსიკონი ქართული, I, გვ. 172; გვამი – ტანი, სეული, პირი. ჩუბინაშვილი დ., დასახ. ლექსიკონი, გვ. 316.

³⁰⁰ მიზანება – მიუზღვევა, მაგიერს გარდვებდი, მაგიერი გარდვებდები. ჩუბინაშვილი დ., დასახ. ლექსიკონი, გვ. გვ. 731; მიუზღო – ნაცვალ(ი) უგო, ნაცვალი მისცა. სულხან-ხაბა ორბელიანი, ლექსიკონი ქართული, I, გვ. 486.

³⁰¹ სამართალი ბატონიშვილი დავითისა, გვ. 117.

³⁰² „თუ უსამართლოდ პატრონება წინა შეასმინოს, სრული სისხლი მართებს, ამად რომე მისით გამოიმეტა“. ქართული სამართლის ძეგლები, ტ. I, გვ. 467.

სისხლის ფასის გადახდა 208-ე მუხლით ცილდაწამებულის სასარგებლოდ უნდა მომხდარიყო, რადგან მიზღვა ხდებოდა პირის მიმართ. შესაბამისად, ცრუ დასმენი დავით ბატონიშვილის სამართლის მიხედვით კერძო დელიქტს წარმოადგენდა. როგორც მუხლის განმარტებაშია მითითებული, სისხლის ფასის გადახდა დაწესებული იყო დალატის დაწამებისათვის, იქნებოდა ეს საზოგადოების თუ მეფის დალატი. აქვე წამოიჭრება საკითხი სხვა სახის დანაშაულის დაწამების დასჯადობის შესახებ, რისთვისაც ცილისმწამებულს საუპატიოს იხდიდა: „შესმენისა რა ვიტყვი, არათუ სუბუქისა საქმისასა, რომლისა ნაცვლად მიეზღვის საუპატიო, არამედ ორგულებასა საზოგადოებისა, გინა მეფისასა.“³⁰⁴ საუპატიო განმარტებულია, როგორც საუკადრისო, გარდასახადი უპატიობისათვის, ანუ თვით უპატიობა.³⁰⁵ ხოლო რაც შეეხება, სანქციის სახეს, „საუპატიოსთან“ დაკავშირებით სამართლის ისტორიის მეცნიერებაში დამკვიდრებულია შეხედულება, რომ ის საჯარო სასჯელს წარმოადგენდა. ამის ერთ-ერთ მაგალითად მოჰყავთ შემთხვევა ჩვეულებითი სამართლიდან, როცა ქალის მოტაცებისათვის, რომელიც არა მარტო ქალის ოჯახის, არამედ მთელი სოფლის შეურაცყოფად ითვლებოდა, დაწესებული იყო ჯარიმა საუპატიო – ერთი ცხვარი და ერთი ხარი, – დამნაშავის ოჯახისაგან გამოგზავნილი, დაზარალებულთან ერთად მთელ სოფელს ეკუთვნოდა.³⁰⁶ განიხილავენ რა საუპატიოს ეყრდნობიან ბაგრატ კურაპალატის 115-ე, 121-ე და 141-ე მუხლებს, ასევე ვახტანგ ბატონიშვილის სამართლის წიგნის 267-ე მუხლს. ბოლო მუხლში საუბარია, სასამართლოში საქმის გარჩევის დროს მომჩინენის მიერ მოპასუხისათვის შეურაცყოფის მიუენებაზე, რის გამოც შეურაცყოფელს მოსამართლის სასარგებლოდ ეკისრებოდა საუპატიოს გადახდა: „საუპატიო მიართვას, რომე ურიგო უკადრებია.“³⁰⁷ რის საფუძველზეც ის. დოლიძე აკეთებს დასკვნას, რომ „საუპატიო“ საჯარო ხელისუფლებისათვის განკუთვნილი ჯარიმას წარმოადგენდა.³⁰⁸ ხოლო ბაგრატ კურაპალატის სამართლის დასახელებული მუხლები ეხება დანაშაულის ჩადენას „საპატიურ“ ადგილას, რის გამოც დამნაშავეს საუპატიო-ჯარიმა უნდა გადაეხადა ეკლესის, როგორც „საპატიურ“ და მოსარიდებული ადგილის მიმართ უპატიური და შეურაცხმყოფელი მოქმედებისათვის.³⁰⁹

³⁰³ განჩინება ბეჭან წულუკიძისა და გოგია ავალიანის საქმეზე. ქართული სამართლის ძეგლები, ტ. V, სასამართლო განჩინებები (XVIIIს), ტექსტი გამოსცა და შენიშვნები დაურთო ის. დოლიძე, თბ., 1974, გვ. 693.

³⁰⁴ სამართალი ბატონიშვილი დავითისა, გვ. 118.

³⁰⁵ ის. ჩუბინაშვილი დ., დასახ. ლექსიკონი, გვ. 1124.

³⁰⁶ ის. ქართული ჩვეულებითი სამართალი, ნაწ. 3, თბ., 1991, გვ. 140.

³⁰⁷ ქართული სამართლის ძეგლები, ტ. I, გვ. 551.

³⁰⁸ ის. დოლიძე ის. ქველი ქართული სამართალი, თბ., 1953, გვ. 215-216.

³⁰⁹ იქვე, გვ. 215.

გ. ნადარეიშვილის საუპატიოსთან დაკავშირებით უთითებს კათალიკოზთა სამართალის მე-17 მუხლს: „ვინცა კათალიკოზსა და ებისკოპოზსა აგინოს და უპატიურობა პკადროს რარიგადაც სჯულის კანონში ეწეროს, იმრიგად განიპატიუროს.“³¹⁰ „დიდ სჯულის კანონში“ გინებისა და უპატიურობისათვის გათვლისწინებული იყო საეკლესიო სასჯელი საერო პირთათვის.³¹¹ ამ შემთხვევაში გ. ნადარეიშვილი უნდა ეყრდნობოდეს დიდ სჯულის კანონისათვის დართულ ლექსიკონში უპატიურობის განმარტებას: „უპატიობა კი საეკლესიო სასჯელი იყო საერო პირისათვის. ეს სასჯელი მდგრმარეობს საეკლესიო უპირატესობის და უფლებაუნარიანობის სრულ ან ნაწილობრივ დაკარგვაში. ამ სასჯელს დიდი მნიშვნლობა ჰქონდა ბერძნულ-რომაულ სამართალში, რადგანაც მის შედეგად გარკვეული პირი კარგავდა მოქალაქეობის უფლებებს. კიდევ უფრო დიდი მნიშვნელობა მოიპოვა ამ სასჯელმა საეკლესიო სამართალში. უპატიობით დასჯილი პირი განიცდიდა დიდ ზიანს თავის უფლებებში, მაგ. კარგავდა სასამართლოზე დაცვის უფლებას, შეზღუდული იყო მემკვიდრეობის უფლებებში და სხვა. უპატიობა იწყებოდა ან უშუალოდ რაიმე უპატიოსნო საქციელის ჩადენისთანავე ფორმალური სასამართლო მოქმედების გარეშე ან შუალობით – სასამართლო გადაწყვეტილების შემდეგ.“³¹² ამ შემთხვევაში უნდა მოვიყვანოთ ის ადგილი, რის საფუძველზეც არის უპატიობის განმარტება გაკეთებული. დიდი სჯულის კანონში – საუბარია იმ პირებზე, რომელთა შესმენა მხედველობაში არ მიიღებოდა. ესენი იყვნენ მონები და გააზარებული პირი. ასევე „ყოველნი, რომელთა შესმენისა დირსთა ბრალთათვის საერონი სჯული არა შეიწყნარებენ, რომელნი-იგი ჯერეთ მწიკულითა უპატიოებისათვა ბიწიან არიან, რომელ არიან მიმოსნი, და რაოდენიცა ვითარ-სახეთაცა უშუერებათა და ბილწებათა თანამდებ იყვნენ პირი.“³¹³ ამათ გარდა მწვალებელი, წარმართნი, ჰურიანი, „გარნა ეგრეთცა ესე ყოველნი, რომელთა შემასმენლობად მიუთუალველად აღსაარებულ არს, თუსთა მიზეზთა შინა შესმენისა ფლობად არა მოღებულ არს მათგან.“³¹⁴ იმ ჩამონათვალიდან, რომელთა შესმენა მხედველობაში არ მიიღებოდა, მითითებულია პირები, რომელნიც შეცოდების გამო პატივ ახდილნი, მანკიერნი არიან („მწიკულითა³¹⁵ უპატიოებისათვა³¹⁶ ბიწიან³¹⁷ არიან“). უპტიობის ცნება, როგორც ეს დიდი სჯულის კანონში ჩანს საპირისპიროა

³¹⁰ ქართული სამართლის ძეგლები, ტ. I, გვ. 396.

³¹¹ იხ. ნადარეიშვილი გ., ადამიანის პატივისა და დირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, უერნალი „ალმანახი“, 2000, №14, გვ. 60.

³¹² დიდი სჯულის კანონი. გვ. 603.

³¹³ იქვე, გვ. 352.

³¹⁴ იქვე, გვ. 352.

³¹⁵ მწიკული – უწმინდურება. ჩუბინაშვილი დ., დასახ. ლექსიკონი., გვ. 930.

³¹⁶ უპატიებო – პატივის ახდა. ჩუბინაშვილი დ., დასახ. ლექსიკონი., გვ. 1264.

³¹⁷ ბიწიანი – მანკიერი. ჩუბინაშვილი დ., დასახ. ლექსიკონი, გვ. 109.

პატივის ცნებისა.³¹⁸ თუ უპატიობა, ნიშნავდა პირისთვის უფლებების ჩამორთმევას, პატივი პირიქით მეტ უფლებებს ანიჭებდა პირს. მაგალითად, ვახტანგ ბატონიშვილის სამართლის წიგნის 24-ე მუხლით, დარბაისლობა პირს პატივს მატებდა: „დარბაისლობა პატივი დაედების გასინჯვით, თუ როგორი საქმე არის. ნდომით მომზდარა ის საქმე, თუ უნდობლად, კარგად გამონახვა უნდა.“³¹⁹ როგორც ვხედავთ „პატივი“ და „უპატიობა“ პირის სამართლებრივ სტატუსის მნიშვნელობით არის ნახმარი. კათალიკოზთა სამართლის მე-17 მუხლში მოხსენიებული „უპატიურება“³²⁰ კი ქმედების მნიშვნელობით არის გამოყენებული. ხოლო „საუპატიო“ მათგან შინაარსობრივად განსხვავებული ცნებაა, რადგან იგი სასჯელის ერთ-ერთი ფორმას წარმოადგენდა. კავშირი ამ ცნებებს შორის იმ მიმართებითაც არ ვლინდება, რომ იმ ქმედების ჩადენისათვის, რისთვისაც საუპატიოს გადახდა იყო დაწესებული, რაც როგორც უკვე იყო აღნიშნული ქონებრივ საზღაურს წარმოადგენდა, ასევე არ გულისხმობდა პირისათვის სამოქალაქო უფლებების ჩამორთმევასაც. ხოლო უპატიობა, პატივის ახდა ყოველთვის არ ითვალისწინებდა დასახელებულ სანქციას. ამის მაგალითია, თუნდაც კათალიკოზთა სამართლის ზემოთ მოყვანილი ნორმა, როცა სასულიერო პირის „უპატიობისათვის“ საუპატიოს გადახდა არ არის დაწესებული.

უნდა ითქვას, რომ ძველ ქართულ სამართალში ტერმინს უპატიოს, უპატიურს ფართო მნიშვნელობით იყენებდნენ და მოიცავდა ისეთ ქმედებებს, რომელთაც ერთი შეხედვით არაფერი აკავშირებს ადამიანის პატიობან. 1772 წლის ერეკლე მეორის ერთ-ერთ განჩინებაში, აღნიშნულია, რომ როსტომ თუხარელს ბევრი უპატიო საქმე დაემართა ბიჭირმე ბერისგან, კერძოდ კი ბიჭირმე ბერს ვაზი გაუკაფია, როსტომის ბიჭი ცხენიდან გადმოუგდია, ცხენი და იარაღი წაურთმევია. ამ უპატიობისათვის კი სასამართლოს ბიჭირმე ბერს აკისრებს საუპატიოს გადახდას. ხოლო საუპატიოს გადახდას რაც შეეხება განჩინებაში, კარგად ჩანს, რომ იგი პირს გადახდებოდა დაზარალებულის სასარგებლოდ: „ბიჭირმე ბერისაგან როსტომ თუხარელს შვიდი თუმანი საუპატიოთ უნდა მიეცეს.“³²¹ სასამართლოს გარდა საუპატიოსი სხვა სახის სანქციებიც დაუწესებია ბიჭირმე ბერისათვის, რომელიც მას ასევე დაზარალებულის სასარგებლოდ უნდა გადაეხადა. რაიმე მინიშნებას, რომ ბიჭირმე ბერს სახელმწიფოს სასარგებლოდ ედებოდა სახდელი განჩინებაში არ ჩანს. რის საფუძველზეც შეიძლება დასკვნის გაკეთება, რომ უპატიობა, ამ შემთხვევაში კერძო დელიქტს წარმოადგენდა.

³¹⁸ პატივი – კეთილის მიპყრობა სიტყვით და საქმით. სულხან-საბა ორბელიანი, ლექსიკონი ქართული, ტ. I, გვ. 616; პატივი – მართლ-სულობა, კეთილი სვინდისიანობა, ლირსება, ჩინქულება, სახელოვნება. ჩუბინაშვილი დ., დასახ. ლექსიკონი, გვ. 1007.

³¹⁹ ქართული სამართლის ძეგლები, ტ. I, გვ. 488.

³²⁰ უპატიურება – პატივის ახდა. ჩუბინაშვილი დ., დასახ. ლექსიკონი, გვ. 1264.

³²¹ საქართველოს სახელმწიფო საისტორიო არქივი, ძველ საბუთოა დედნების კოლექცია, ფონდი 1448, საქმე 866.

რაც შეეხება ბაგრატ კურაპალატის სამართლს (ბექა-აღბუღას სამართლის 115-ე, 121-ე, 141-ე მუხლები³²²) პირს საუპატიოს გადახდა ეკისრება ეკლესიის სასარგებლოდ როგორც საუპატიო ადგილის ხელყოფისათვის. ასევე ქსნის ერისთავის 1470 წლის სიგელი ლარგვისის მონასტრისადმი, რომლის მიხედვით, ქურდს შვიდმაგი ღირებულების გადახდევინების გარდა, უნდა გადაეხადა კიდევ მონასტრის – „საუპატიო“, რომლის რაოდენობას სასამართლო განსაზღვრავდა.³²³ ხოლო ვახტანგ ბატონიშვილის სამართლის წიგნის 267-ე მუხლით,³²⁴ პირს საუპატიოს გადახდა მოსამართლის სასარგებლოდ ეკისრებოდა. თითქოსდა წინააღმდეგობრივია, რომ ერთი სანქცია სხვადასხვა შემთხვევაში საჯარო სასჯელსაც წარმოადგენდეს და კერძოსაც. რატომ უნდა მიენიჭოს უპირატესობა საჯარო ელემენტს, როცა სამართლის ძეგლებიდან და სასამართლო პრაქტიკიდანც ჩანს, რომ საუპატიოს გადახდა შეიძლება მომხდარიყო პირის მიმართ და სახელმწიფოს ამ შემთხვევაში წილი არ ერგებოდა. დელიქტთა დაყოფა საჯაროდ და კერძოდ პირობითია და ასეთ დაყოფას ძველი ქართული სამართალი არ იცნობს. რადგან უპატიობა პირს შეიძლებოდა ჩაედინა როგორც კერძო პირის, ისე ეკლესიის, ან მოხელის მიმართ, შესაბამისად საუპატიო უნდა გადაეხადა მის მიმართ, ვინ ან რა შეურაცყო თავის ქმედებით, აღნიშნული გარემოება კი დელიქტის სახეს განსაზღვრავდა. თუ კერძო პირის პატივი იქნებოდა ხელყოფილი და სასამართლო საუპატიოს გამოიყენებდა სასჯელად ქმედება შეიძლება კერძო დელიქტად ჩაითვალოს, ხოლო მოსამართლის ან ეკლესიის პატივის ხელყოფა საჯარო დელიქტას წარმოადგენდა.

არცერთ ზემოოფუვანილ მუხლში არ არის დაკონკრეტებული საუპატიოს რაოდენობა. გიორგი ბრწყინვალის სამართალში (მუხ. 31)³²⁵ გვხვდება ტერმინი „უარზანგობა“, რაც ნიშნავდა საუპატიოს, უპატიობის საზღაურს და რაც სისხლის ერთ მეორმოცვედს შეადგენდა.³²⁶ ვახტანგ ბატონიშვილის სამართლის წიგნის 267-ე მუხლით, მოსამართლისადმი „ურიგოს“ კადრებისათვის დამნაშავემ „მოსამართლე რასაც გვარისა იყოს, იმის ერთის ქერის მარცვლის ნახევრის სისხლისოდენა საუპატიო მიართვას.“³²⁷ კანონმდებელი მოსამართლის საუპატიოს მისი სისხლის

³²² ქართული სამართლის ძეგლები, ტ. I, გვ. 466, 468.

³²³ ქსნის ერისთავის 1470 წლის სიგელი ლარგვისის მონასტრისადმი ბოძებული. სურგულაძე ივ., ნარკვევები საქართველოს სახელმწიფოსა და სამართლის ისტორიიდან, თბ., 1963, გვ. 44.

³²⁴ ქართული სამართლის ძეგლები, ტ. I, გვ. 551.

³²⁵ [უარზანგობისა საქმე ამ წესით გაგზენია] 31. „მამულისა ანუ სხვა რისამე ესე არის: ვისიც თორმეტი ათასი თეთრია სისხლის ფასი, მას ერთი უარზანგობა სამასი თეთრი არის. აზნაურთა, გვევისბერთა ასორმოცდათი თეთრი არის ერთი უარზანგობა; ჰეროვნათა-ოცდაათი თეთრი. და ამ წესით გაგზენია: ვისიც სისხლი უფროსი იყოს ანუ უმცროსი, უარზანგობაც ამ გაჩენით იყოს.“ ქართული სამართლის ძეგლები, ტ. I, გვ. 415.

³²⁶ იხ. ნადარეუშვილი გ., ადამიანის პატივისა და ღირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, უერნალი „ალმანახი“, 2000, №14, გვ. 60.

³²⁷ ქართული სამართლის ძეგლები, ტ. I, გვ. 551.

ფასის მიხედვით განსაზღვრავს. დავით ბატონიშვილის სამართლის 208-ე მუხლში საუპატიოს გამოთვლის წესის შესახებ მითითება არ არის. სავარაუდოდ მისი რაოდენობა დამოკიდებული უნდა ყოფილიყო პირის სოციალურ სტატუსზე და გამოთვლა სისხლის ფასის მიხედვით მოხდებოდა. ამაზე მიანიშნებს გიორგი ბრწყინვალის სამართლის 31-ე მუხლიც. ამას გარდა, ეკლესიის მიმართ გადახდილი საუპატიო რაოდენობაც არ იყო ზუსტად განსაზღვრული, არამედ იცვლებოდა ეკლესიის ხატის პატივის მიხედვით (ბაგრატ კურაპალატის სამართალი, ბექა-აღბულას სამართლის 121-ე მუხლი).

დავით ბატონიშვილის სამართლის 208-ე მუხლშიც საუპატიოს გადახდა ცილდაწამებულის სასარგებლოდ უნდა მომხდარიყო, ამაზე მიანიშნებს ნორმის ტექსტი. ამას გარდა, თუ ისეთი მძიმე დანაშაულის ცრუ დასმენისათვის, როგორიც არის მეფის და საზოგადოების დალატი კანონმდებლი სისხლის ფასის გადახდას ცილდაწამებულის სასარგებლოდ აწესებს და შესაბამისად ჩამოყალიბებულია როგორც კერძო დელიქტი, ნაკლები სიმძიმის დანაშაულის ცრუ დასმენისათვის მითუმეტეს არ იქნებოდა საჯარო სახის სასჯელი გამოყენებული.

საუპატიოს ვხვდებით დავით ბატონიშვილის სამართლის წიგნის პირველ მუხლში, რომელშიც საუბარია მტერთან მიწერ-მოწერის დაწამებაზე. ასეთ ქმედებას კანონმდებელი მძიმე დანაშაულთა კატეგორიას მიაკუთვნებს.³²⁸ „ხოლო უკეთუ ცრუდ ჰსწამოს, რომელ ამანათი გამატანაო მან სხვასთან, და არა მართალ იყოს, საუპატიო მისცეს შემწამებელსა მას.“³²⁹ საუპატიო რომ ქონებრივი გადასახადი იყო, ამაზე მეტყველებს ტერმინ „მიცემის“ გამოყენება. რადგან საუპატიო უპატიოებისათვის დაწესებულ სახდელს წარმოადგენდა, აღნიშნული ადასტურებს, რომ ცილისწამება პატივის წინააღმდეგ მიმართულ დელიქტს წარმოადგნდა. ცრუ დაწამებისათვის დაწესებული საუპატიო კერძო-სამართლებრივი ხასიათის სანქცია იყო. ამაზე მეტყველებს ნორმის შინაარსი, რადგან მისი გადახდა ხდებოდა ცილდაწამებულის სასარგებლოდ. ამდენად, სახელმწიფო დალატის ამ „ფორმით“ დაწამება კერძო-სამართლებრივ დელიქტს წარმოადგენდა. დალატის ცილისწამებისას სასჯელის დადებისას კერძო ინტერესია წინ წამოწეული. თავად დალატის ჩადენა კერძო დელიქტად ვერ ჩაითვლება.

ცრუ დასმენას ეხება იოანე ბატონიშვილიც. სჯულდებაში მითითებულია, რომ ასეთი ქმედება უნდა დაისაჯოს. „ვინც ვინ შესმინოს, დაწეროს მის შესმენილსა დანაშაული და მიუტანოს იმ ავ-ენების უფროსთა, ხოლო მათ მიართონ მეფესა. მეფემან უბოძოს მდივანბეგთა, რათ გმოიძიონ იგი და მაშინ შესმენილიც და შემსამენელიც განიკითხნებ მდივანბეგთანა.

³²⁸ სამართალი ბატონიშვილი დავითისა, გვ. 154.

³²⁹ იქვე, გვ. 154.

თუ შერით იყოს შესმენილი და განმართლდეს, მას წყალობა³³⁰ რამე ებოძოს მეფისაგან, და იგი შემასმენელი დაისაჯოს, ვითარცა განაჩინოს მსაჯულთა, და უკეთუ მართლად აღმოჩნდეს შემასმენელი, შესმენილი დაისაჯოს საქმისამებრ მისისა.“³³¹ სჯულდებაში კონკრეტული სასჯელი არ არის დასახელებული და მხოლოდ ზოგადი მითითებაა მსაჯულთა შეხედულების მიხედვით სასჯელის დანიშვნის შესახებ. აღნიშნული არ უნდა ნიშნავდეს, რომ დასახელებული ნორმა აბსოლიტურად განუსაზღვრელ სანქციას ითვლისწინებს, რადგან ნორმა პროცესულური ხასიათისაა. მისი მიზანია დაადგინოს შესმენის შედეგად პროცესის წარმოება და არა ცრუ დასმენისათვის კონკრეტული სასჯელის დაწესება. სავარაუდოდ მოსამართლის თავისუფლება სასჯელის არჩევის საკითხში არსებული სამართლის წიგნებში ცრუ დასმენისათვის გათვლისწინებული სანქციებით უნდა შეზღუდულიყო.

უურადღება მისაქცევია ერთი გარემოებაც, ცილდაწამებულს მეფისაგან წყალობა ეკუთვნოდა. დამნაშავის მხრიდან ცილდაწამებულის სასარგებლოდ ქონებრივი საზღაურის გადახდა გასაკვირი არ არის, რადგან მან პირის პატივი ხელყო, მაგრამ სახელმწიფო რატომ იღებს ვალდებულებას ცილდაწამებულის მიმართ? ითანე ბატონიშვილის სჯულდების ამ მუხლში ჩამოყალიბებული ეს დებულება სიახლეს რომ არ წარმოადგენს და ძველ ქართულ სამართალში ნამდვილად გამოიყენებოდა ამას წყალობის წიგნიც ადასტურებს. საუბარია გიორგი XI-ის წყალობის წიგნზე ბეგთაბეგ შანშეან მარტეროზისშვილისადმი (1685წ). გიორგი XI-ზ ცილდაწამებულს უწყალობა დედოფლის მუვრდობა³³² და „კელის-ჩამრთმევნელობა.“³³³ მეფის მიერ ჩამორთმეული სოფლის (საუბარია სოფელ ნაბახტევზე) დაბრუნება ტყუილად ბრალდებული პირისათვის გასაგებია. მაგრამ ამის გარდა გიორგი XI-ს ცილდაწამებული შანშეან მარტიროზისშვილს უბოძა „დედოფლის მუვრდარობა³³⁴ და კელის-ჩამრთმევნელობა, ყოვლის კაცის უცილებლად.“³³⁵ ცილისმწამბელ ამირეჯიბ რევაზს თუ რაიმე სასჯელი დაედო დოკუმენტიდან არ ჩანს, ეს გასაკვირი არ არის, რადგან დასახელებული დოკუმენტი წყალობის წიგნს წარმოადგენს და არა სასისხლო განჩინებას. შესაბამისად ცრუ დამსმენის დასჯის მიუთითებლობა არ ნიშნავს, რომ მას პასუხისმგებლობა არ დაეკისრებოდა ჩადენილი ქმდებისთვის.

³³⁰ წყალობა – არს მწუხარება სხვისა ბოროტსა ზედა. ხულხან-ხაბა ორბელიანი, ლექსიკონი ქართული, II, გვ. 392; წყალობა – მოწყალება – ლმობიერად მიხედვა, ნიჭი, საბოძვარი. ჩუბინაშვილი დ., დასახ. ლექსიკონი, გვ. 1697.

³³¹ ბატონიშვილი ითანე, სჯულდება (ქართლ-კახეთის სამეფის სახელმწიფოგბრივი რეფორმის პროექტი), გვ. 21.

³³² მურდარი – ბეჭდის მცველი. ჩუბინაშვილი დ., დასახ. ლექსიკონი, გვ. 907.

³³³ ქართული სამართლის ძეგლები, ტ. II, გვ. 329. რაც შეეხება ტერმინს „კელის-ჩამრთმევნელობა“-ს, ის ხელის მოწერას უნდა ნიშნავდეს. ჩუბინაშვილი დ., დასახ. ლექსიკონი, გვ. 1735.

³³⁴ მურდარი – ბეჭდის მცველი. ჩუბინაშვილი დ., დასახ. ლექსიკონი, გვ. 907.

³³⁵ ქართული სამართლის ძეგლები, ტ. II, გვ. 229.

მეფის წყალობა ამ შემთხვევაში ცილდაწამებულისათვის თანამდებობის ბოქებაში გამოიხატებოდა. შესაძლოა ამ შემთხვევაში სახელმწიფო ცილდაწამებულისათვის წყალობის გაცემით ცდილობს გარკვეული „მორალური კომპენსაცია“ მოახდინოს იმის გამო რომ ეჭვი შეიტანა პირის პატიოსნებაში. სხვა არგუმენტის მოტანა ამ შემთხვევაში საკმაოდ რთულია.

ბერძნული სამართლის ქართული ვერსიის 140-ე მუხლში, სასჯელის დანიშნის პრინციპი მსგავსია ვახტანგ ბატონიშვილის სამართლის წიგნის 253-ე მუხლში მითითებული სანქციის განსაზღვისას. დასახელებული მუხლი სასულიერო პირის დასმენას ეხება: „და უწინვე შემსამენელსა მას ერთი წიგნი გამოართვან მოსამართლეთა, თუ სტყუოდეს, რაც ებისკოპოზს გარდააკდევინონ, ის იმას გარდააკდეინონ.“³³⁶ ცრუ დამსმენის სასჯელი დამოკიდებული იყო ცილდაწამებული სასულიერო პირის მიმართ გამოყენებულ სასჯელზე. აღნიშნულის საფუძველზე შეიძლება ითქვას, რომ ცილისწამებისას სასჯელის დანიშნისას ტალიონის პრინციპის გამოყენება ქართული სამართლის თავისებურებას არ წარმოადგენდა, არამედ ზოგადად გავრცელებული სასჯელის დანიშნის პრინციპი იყო. ამას გარდა უნდა ისევ შევხეოთ „გარდაკდევინების“ ტერმინის მნიშვნელობას, რის შესახებ ზემოთ უკვე იყო საუბარი. სიტყვის განმარტება იმის საფუძველს იძლევა, რომ „გარდაკდევინებაში“ ქონებრივი საზღაური იგულისხმებოდა. მაგრამ შესაძლოა „გარდაკდევინება“ ამ შემთხვევაშიც ზოგადად დასჯის მნიშვნელობით იყოს მოხსენიებული. ბერძნული სამართლის ქართული ვერსიის 140-ე მუხლში, საუბარია რა სასულიერო პირის დაბეზღებაზე, მითითებულია მაგალითად გინების დაბეზღება. თუ 140-ე მუხლის სასჯელის დანიშნის პრინციპს მივყვებით, მაშინ ასეთი ქმედების ტყუილი დაბეზღებისათვის ქონებრივი სასჯელის გამოყენება უნდა გამოირიცხოს. შესაბამისად დასახელებულ მუხლში ტერმინი „გარდაკდევინება“ ზოგადად დასჯის მნიშვნელობით უნდა იყოს გამოყენებული.

„გარდაკდევინება“-ს ვხვდებით სომხურ სამართალშიც. სომხური სამართლის წიგნის 114-ე მუხლი კუმულაციურ სასჯელს აწესებს: „და თუ მოქმედი და მძრახავი სტყუოდეს, და ვინცა სძრახა, მქნელი არ იყოს, მას დამძრახავს კაცსა სცენ და წაკრან კისერში, და გარდააკდევინონ ტყუილად ძრახვისათვის.“³³⁷ ვიზიკური სასჯელი მსუბუქ ფორმაში გამოიხატებოდა, ხოლო დამატებითად ფულადი საზღაური უნდა გადახდილიყო. 107-ე მუხლის მეორე ნაწილში და 114-ე მუხლშიც „გარდაკდევინებაა“ მოხსენიებული. შესაბამისად ორივე ნორმაში ეს ტერმინი ერთიდაიგივე კონტექსტშია მოხსენიებული, მაგრამ გარკვეულ წინააღმდეგობას ვაწყდებით შემდეგი თვალსაზრისით. თუ ჩავთვლით, რომ 107-ე მუხლში „გარდაკდევინება“ ქონებრივი საზღაურის მნიშვნელობით არის მითითებული, მაშინ გაუგებარია, რატომ უნდა ისჯებოდეს დანაშულის

³³⁶ ქართული სამართლის ძეგლები, ტ. I, გვ. 166.

³³⁷ ქართული სამართლის ძეგლები, ტ. I, გვ. 257

დაწამება ამ შემთხვევაში უფრო მსუბუქად,³³⁸ რადგან 114-ე მუხლში გარდა „გადაჭდევინებისა“-როგორც ქონებრივი საზღვრისა კანონმდებელი ფიზიკურ სასჯელსაც აწესებს. „გარდაჭდევინებასთან“ ერთად სხვა სასჯელის მითითება გვაფიქრებინებს, რომ ამ შემთხვევაში ეს ტერმინი ზოგადად დასჯის მნიშვნელობით არ უნდა იყოს გამოყენებული. ამას გარდა მომდევნო მუხლშიც ძრახვაზეა საუბარი და იქაც დასახელებული ტერმინია მითითებული, ხოლო მუხლის შინაარსიდან აშკარად იკვეთება, რომ ქონებრივ სახელზეა საუბარი.³³⁹ ნორმაში არ არის მითითება ხდებოდა თუ არა ქონებრივი საზღვრის გადახდა დაზარალებულის სასარგებლოდ. 115-ე მუხლში ტყუილ დამბეზღებელსაც გარდაჭდევინება ეკისრება, საიდანც დაზარალებული მისაღებს იდებს. თუ ცრუ დასმენისას, სადაც უფრო იკვეთება სახელმწიფო ინტერესის ხელყოფა, დაწამებულს ეკუთვნის საზღვრის რადაცა ნაწილი მაინც, შეიძლება დაგასკვნათ, რომ ტყუილად ძრახვისათვის მით უფრო მიიღებდა პატივის ხელყოფისათვის ფულად საზღვრს.

სომხეური სამართლის 115-ე მუხლით ტყუილი დაბეზღებისათვის დაწესებული სასჯელი გაურკვეველია, მითითებული არ არის კონკრეტულად რა სასჯელი ეკისრებოდა ცილისმწამებელს. ნორმის მიხედვით, დამბეზღებელმა უნდა „მისცეს თავდები³⁴⁰ მას საქმისა გამართლებისათვის.“ თავდების არსებობა პირის დაბეზღებას სანდოს ხდიდა, მაგრამ თუ აღმოჩნდებოდა, რომ დამებზღებელს „უპირისწყლობით³⁴¹ უთქუამს მას კაცზე, ის საქმე ვერ გაამართლა და სტყუებულა მთქმელი, - რაც რომ იმაზე მოსამართლესაგან მისაღები იყოს, ახლა მიიღონ, ამ ტყუილად დამბეზღებელსა და მძრახავს გარდააჭდევინონ.“³⁴² ერთადერთი „ხელჩასაჭიდ“ ტერმინს სასჯელთან დაკავშირებით მსჯელობისას წარმოადგენს „გარდააჭდევინონ“. ამ შემთხვევაშიც ისმის კითხვა, „გარდააჭდევინ“-ებაში იგულისხმება ქონებრივი საზღვრი, თუ ეს ტერმინი ზოგადად დასჯის მნიშვნელობით არის გამოყენებული? სავარაუდოდ ამ მუხლში „გარდააჭდევინება“ უფრო ფულად საზღვრს უნდა ნიშნავდეს, თუმცა ამ შემთხვევაშიც ჭირს გარკვეული არგუმენტაციის მოყვანა მოსაზრების დასასაბუთებლად. რადგან წინააღმდეგ შემთხვევაში გაურკვეველი იქნება ერთი და იგივე სიტყვა რატომ გვესმის განსხვავებული მნიშვნელობით. მუხლში საუბარია მოსამართლისაგან მისაღების მიღებაზე, რაც დამბეზღებელს უნდა „გარდააჭდევინონ“. რადგან საუბარია

³³⁸ ორივე მუხლის შინაარსიდან გამოდინარე იმის თქმა დანმდვილად შეიძლება, რომ 107-ე მუხლში აღწერილი დანაშაული უფრო მძიმეა, ვიდრე 114-ე მუხლში მოცემული ქმედება, რაც გვაფიქრებინებს, რომ ეს გარემოება სასჯელის დანიშვნაშიც უნდა ასახულიყო.

³³⁹ სომხეური სამართლი. მუხ. 115. ქართული სამართლის ძეგლები, ტ. I, გვ. 257.

³⁴⁰ თავდები – თავს-მდები, საქმე თავს დაიღვას. სულხან-საბა თრბელიანი, ლექსიკონი ქართული, I, გვ. 295. თავდები – თავსმდები, ვინც სხვის მაგივარად პასუხს გასცემს. თავდებობა – თავს-მდებობა, თავზედ აღება რისამე პასუხის გაცემით, დადგომა თავდებად, თავდებად ვუდგები. ჩუბინაშვილი დ., დასახ. ლექსიკონი, გვ. 537.

³⁴¹ უპირის-წყლო – უსვინდისო, ვისაც პირის წყალი არ აქვს. უპირის-წყლობა – უსვინდისობა. ჩუბინაშვილი დ., დასახ. ლექსიკონი, გვ. 1265.

³⁴² ქართული სამართლის ძეგლები, ტ. I, გვ. 257.

ცილდაწამებულის მიერ მოსამართლისგან მისაღების მიღებაზე ეს ნიშნავს, რომ საუბარია ქონებრივ საზღაურზე, რაც თავის მხრივ ტყუილად დამბეზღელს უნდა გადაეხადა. ამდენად, თუ 115-ე მუხლშო ქონებრივ საზღაურზეა საუბარია, მაშინ სხვა კითხვებიც ისმება, რა მოცულობის უნდა ყოფილიყო ჯარიმა და ვის სასარგებლოდ უნდა მომხდარიყო მისი გადახდა. პირველ კითხვას რაც შეეხება, მასზე პასუხს დასახელებულ მუხლში ვერ ვნახულობთ, რაც შეეხება მეორე კითხვას, შეიძლება ითქვას, რომ ჯარიმა მთლიანად სახელმწიფოს არ ეკუთვნოდა, რადგან საუბარია ცილდაწამებულის მიერ მოსამართლის მხრიდან იმ მისაღების მიღებაზე, რასაც ცილისმწამებლი იხდიდა. რითაც მოხდებოდა პირის ხელყოფილი პატივის დაკმაყოფილება.

სომხური სამართლის მომდევნო მუხლი (მუხ. 116) ჯარში განხორცილებული „ძრახვას“ ეხება.³⁴³ ამ შემთხვევაშიც აღნიშნულია, რომ მოსამართლემ მტყუან მხარეს უნდა გარდაახდევინოს. თუ 115-ე მუხლში გარდახდევინება ქონებრივი სანქციის მნიშვნელობით არის გამოყენებული, იგივე უნდა ითქვას 116-ე მუხლთან დაკავშირებით. ამ შემთხვევაშიც საზღაურის რაოდენობაზე რაიმეს თქმა არ შეიძლება. ხოლო თუ ანალოგიის პრინციპი იქნება გამოყენებული, სავარუდოდ 115-ე მუხლის მსგავსად საზღაურის ნაწილი დაზარალებულს ეკუთვნოდა.

310-ე მუხლით ეპისკოპოსის ცილისმებისას დამბეზღებელთა მიმართ გამოყენებული სასჯელი არ არის დაკონკრეტული. „გააშორონ, და რაც იმათ შეძლებით გაარიგონ, დამტკიცედეს. და კათალიკოზმან უნდა გასინჯოს სამართლის სიმრუდე და სიმართლე, და არ უნდა იყოს ვერცხლთა მოყუარე და სამართლისა გამრუდებელი.“³⁴⁴ „გაშორება“-ში³⁴⁵ შესაძლოა იგულისხმებოდეს ეკლესიდან გაძევება როგორც სასჯელი, მაგრამ შესაძლოა ამ სასჯელის გარდა ცილისმწამებლთა მიმართ სხვა სანქციებიც ყოფილიყო გამოყენებული, რადგან ტექსტში „გაშორების“ შემდეგ აღნიშნულია, რომ „რაც იმათ შეძლებით გაარიგონ“. გარიგების განმარტებიდან გამომდინარე შეიძლება ითქვას, რომ მსაჯულებს გარემოებიდან გამომდინარე უნდა გადაეჭყვიტათ საქმე, რაც რა თქმა უნდა სასჯელის დანიშნასაც გულისხმოდა.³⁴⁶

ზემოთ მოყვანილ ნორმებში მითითებული სანქციების მიხედვით შეიძლება დავასკვნათ, რომ ცრუ დასმენისათვის ძველ ქართულ სამართალში ქონებრივი სანქციები გამოიყენებოდა, ეს შეიძლებოდა გამოხსატულიყო ჯარიმის, საუპატიოს ან სისხლის ფასის სახით. სასამართლო განჩინებებში არ ჩანს, რომ ცილისმწამებელს რაიმე საჯარო სასჯელიც ეკისრებოდა. ამ მხრივ განსხვავებულია ვახტანგ ბატონიშვილის

³⁴³ ქართული სამართლის ძეგლები, ტ. I, გვ. 258.

³⁴⁴ იქვე, ტ. I, გვ. 336.

³⁴⁵ გაშორება – შორად დავადგენ ან გაფჰერი, გავაცალკევებ. ჩუბინაშვილი დ., დასახ. ლექსიკონი, გვ. 290.

³⁴⁶ გარიგება – რიგს მივსცემ, დავაწესებ, განვაგებ, აღვასრულებ, საქმეს გამოვიტან. ჩუბინაშვილი დ., დასახ. ლექსიკონი, გვ. 258.

სამართლის წიგნის 253-ე მუხლი, რომელშიც სასჯელის სახეს განსაზღვრავდა დაწამებული დანაშაულის სასჯელის მიხედავით. ოუმცა სასამართლო განჩინებებიდან ჩანს, რომ სასჯელის დანიშვნის ეს პრინციპი არ გამოიყენებოდა, ყოველშემთხვევაში მძიმე სახის სასჯელებთან მიმართებაში. ტალიონის პრინციპს ვხვდებით მოსეს სამართალში (მუხ. 14) და ბერძნულ სამართალშიც (მუხ. 140). სომხურ სამართალში ტყუილი დაბეზღებისათვის სავარაუდოდ ქონებრივი სანქციები უნდა ყოფილიყო გამოყენებული. რაც შეეხება სომხური სამართლის 310-ე მუხლს, მითითებული „გაშორებ“-ის გამოყენება სპეციალური სუბიექტის ნიშნებს უკავშირდება, რაც დამატებით სანქციად უნდა ჩაითვალოს, რის გარდა ცილისმწამებელს ძირითადი სასჯელიც უნდა დადებოდა.

მიუხედავად იმისა, რომ 253-ე მუხლში კანონმდებლის მითითებული აქვს, რომ ტყუილი დაბეზღება სახელმწიფო ინტერესებს ხელყოფს, რაც ცრუ დასმენის ხელყოფის ობიექტის სწორად გაგებას ნიშნავს, სასჯელის დანიშვნის პრინციპიდან გამომდინარე ვერ ვიტყვით, რომ ტყუილი დაბეზღება საჯარო დელიქტს შეიძლება მიეკუთვნოს. მითუმებეს, რომ დავით ბატონიშვილის სამართალიც (მუხ. 208) ცრუ დასმენისათვის სისხლის ფასის გადახდას აწესებს.

თავი III. ტყუილი მთხოვნელობა

3.1 ტყუილი მთხოვნელობის ცნება

მთხოვნელობის როგორც ტერმინის, ისე ქმედების შინაარსობრივი მხარის გარკვევის შემდეგ შესაძლებელი იქნება განისაზღვროს რას ნიშნავდა ტყუილი მთხოვნელობა და რატომ ხდება მისი შესწავლა განსახილველ საკითხთან დაკავშირებით. ტყუილი მთხოვნელობაც ცილისწამების ერთ-ერთ ფორმაა, რაც დანაშაულის დაბრალებაში გამოიხატებოდა.

დანაშაულის დაბრალება, „ცილის შეწამება“ შეიძლებოდა მომხდარიყო, როგორც მთხოვნელით, ისე „უმთხოვნელოდ“. ვახტანგ ბატონიშვილის სამართლის წიგნის მე-10 მუხლში, რომელიც ფიცის დადების წესს ეხება, აღნიშნულია: „ერთის ჭარის შეწამებაზე, უმთხოვნელად რომ შესწამოს, ერთი შეუგდებელი მოწამე არის. და თუ მთხოვნელით სწამობს, შეგდებული მოფიცარი უნდა.“³⁴⁷ დანაშაულის დაწამება რომ მთხოვნელით, ან მთხოვნელის გარეშე შეიძლებოდა ამას დასახელებული სამართლის წიგნის სხვა მუხლებიც ადასტურებენ (მუხლები 37-40)³⁴⁸. თუ მთხოვნელით ხდება დაწამება, ეს გარემოება ყოველთვის სპეციალურად არის აღნიშნული (მუხ. 37): „თუ მკულელი არა ჩანდეს და ერთს კაცს მთხოვნელით თუ ცილით შესწამოს.“³⁴⁹ ზოგჯერ ერთ მუხლშია მოცემული ცილის „შეწამება“ მთხოვნელით და მის გარეშე (მუხ. 39): „თუ დიდებულის სისხლი შუას თავადს შეეთქუას, გასინჯე თუ ცილის წამებით არის, უნდა ან მოწმით, ან ფიცით, ან შანთით გამართდეს. და თუ ეს შეწამება მთხოვნელით არის, ასრე უნდა იქნას თუ რომ მთხოვნელის დარი ყმა ყუანდეს, კმალში გაჲყუეს, თუ არადა თვითონ გაჲყვეს.“³⁵⁰

ისტორიულ წყაროებში ან სასამართლო პრაქტიკაში მოხსენიებული დანაშაულის დაწამების ყველა შემთხვევა მთხოვნელით დაწამების მაგალითად არ გამოდგება. როგორც უკვე იყო აღნიშნული, თუ მთხოვნელით ხდებოდა დაწამება, ამის შესახებ უმეტესად სპეციალურად ხდებოდა მითითება.

მთხოვნელით „შეწამება“ დანაშაულის დაბრალების უფრო რთულ ფორმას წარმოადგენდა. ამაზე მეტყველებს მოფიცართა შერჩევის წესიც. თუ მაგალითად, დაწამება მთხოვნელის გარეშე ხდებოდა „შეუგდებელი“ მოწამე უნდა მოეყვანათ, ხოლო ასეთი დაწამება თუ მთხოვნელით მოხდებოდა, „შეგდებული მოფიცარი უნდა.“ (ვახტანგ ბატონიშვილის სამართალი, მუხ. 10).³⁵¹ შეგდებულ მოფიცარს ბრალმდებელი ან მოსარჩელე ასახელებდა, შეუგდებელი მოფიცრის მოყვანა კი შეეძლო ბრალდებულს ან მოპასუხეს.³⁵²

³⁴⁷ ქართული სამართლის ძეგლები, ტ. I, გვ. 483.

³⁴⁸ იქვე, 491-492.

³⁴⁹ იქვე, გვ. 491.

³⁵⁰ იქვე, გვ. 491.

³⁵¹ იქვე, გვ. 483.

³⁵² იხ. სურგულაძე ივ., ნარკვევები საქართველოს სახელმწიფოსა და სამართლის ისტორიიდან, თბ., 1963, გვ. 80.

მთხოვბლის ბრალდების გაქარწყლება, ბრალდებულისათვის უფრო რთული იყო.

„მთხოვბელი“ „მთქმელს“, „მომთხოვბს“³⁵³ ნიშნავდა. ხოლო რაც შეეხება „მთხოვბლობას“, დავით ჩუბინაშვილის ლექსიკონში განმარტებულია როგორც ბეზღება, მახარობლობა.³⁵⁴ ქველ ქართულ სამართალში გვხვდება ტერმინები, როგორც დაბეზღება, ისე დასმენა, შესმენა, მთხოვბლობა. კველა ეს ტერმინი მსგავსი შინაარსობრივი დატვირთვისაა. მაგრამ მთხოვბლის, როგორც დაბეზღების ტერმინის გამოყენება გვაფიქრებინებს, რომ იგი დაბეზღების უფრო „სპეციალურ“ სახეს წარმოადგენდა. თუმცა აუცილებელი იქნება ზემოთ დასახელებული ტერმინებს შორის განმასხვავებელი ნიშნის მოძებნა, რის გარეშეც ვერ მოხდება ტყუილ მთხოვბლობის და ცრუ დასმენის გამიჯვნა.

გ. ნადარეიშვილის აზრით, თუ „მთხოვბელი“ ცილისმწამებელი იყო, ის ამავე დროს დამსმენის როლშიც გამოდიოდა.³⁵⁵ დასმენა განმარტებულია, როგორც დაბეზღება, ბრალის დადება.³⁵⁶ დასმენა შეიძლება მოხდეს როგორც უშუალოდ დანაშაულის მოწმე პირის მიერ, ისე სხვა პირის მიერაც, რომელმაც ამა თუ იმ სახით შეიტყო დანაშულის და დამნაშავის შესახებ. მთხოვბელი დამბეზღებელს, ბრალის დამდებს წარმოადგენდა, ხოლო ტყუილი მთხოვბელი იქცევა ცილისმწამებელად.

ვახტანგ ბატონიშვილის სამართლის C ნუსხის 236-ე მუხლით, მთხოვბელი ინფორმაციას დაზარალებულს აწვდიდა, რისთვისაც იგი სამთხოვბლოს იდებდა, მაგრამ ამავე დროს უნდა ეკისრა ვალდებულება საჭიროების შემთხვევაში, კერძოდ მოსამართლესთან თავის მიერ მიწოდებული ინფორმაცია დაედასტურებინა. „მთხოვბელმან როდისაც უთხრას კაცსა და სამათხოვბლო გამოართვას, მაშინვე ის პირობა უნდა დაიდოს, რომ, თუ გაჭირდეს, პირს დაუდგებიო. რომელიც ამის პირს ვერ მისცემს, იმაში ტყუილი ურევია.“³⁵⁷ მთხოვბლის მხრიდან ასეთი პირობის მიუცემლობა მის მიერ მიწოდებული ინფორმაციის სიცრუეს ადასტურებდა. დასახელებული სამართლის წიგნის 38-ე მუხლიც გვაძლევს ამის თქმის საშუალებას, სადაც საუბარია მკვლელობის დაწამებაზე: „თუ მთხოვბლით სწამობდეს...“³⁵⁸ ეს ნიშნავს, რომ არა უშუალოდ მთხოვბელი აყენებს ბრალდებას სასამართლოს წინაშე, არამედ, დაზარალებული მთხოვბელის მიერ წინასწარ მიწოდებული ინფორმაციის საფუძველზე და დაყრდნობით. თუმცა მთხოვბელს კველა შემთხვევაში უწევს თავისი სიმართლის

³⁵³ იხ. სულხან-საბა თრბულიანი, ლექსიკონი ქართული, I, გვ. 478; აბულაძე ი., დასახ. ლექსიკონი, გვ. 241.

³⁵⁴ ჩუბინაშვილი დ., დასახ. ლექსიკონი, გვ. 723.

³⁵⁵ იხ. ნადარეიშვილი გ., ადამიანის პატივის და დირსების დაცვა ფეოდალური სამართლის ძეგლებისა და სასამართლო პრაქტიკის მასალების მიხედვით, ქურნალი „ალმანახი“, 2000, №14, გვ. 67.

³⁵⁶ იხ. ჩუბინაშვილი დ., დასახ. ლექსიკონი, გვ. 415.

³⁵⁷ ქართული სამართლის ძეგლები, ტ. I, გვ. 541.

³⁵⁸ იქვე, გვ. 491.

მტკიცების გალდებულება სასამართლოს წინაშე, თუ ბრალდებული დანაშაულის ჩადენას არ აღიარებდა.

დასმენის აუცილებელ ნიშანია პირის მიერ ჩადენილი დანაშაულის შესახებ განაცხადის გაკეთება ხელისუფლების წარმომადგენელთან, სასამართლოში. მთხოვნელი კი უმეტეს შემთხვევაში დაზარალებულს მიმართავდა და დაზარალებული მთხოვნელის ნათქვამის შეძლებ ბრალს დებდა დამნაშავეს. რაც შეეხება „საღვთო წარახედის“ და „სახელმწიფო ორგულების“ შესახებ მთხოვნელობას, ასეთი დანაშაულების შესახებ სავარაუდოდ მეფისთვის, ან მთავრისთვის, ან სასამართლოსთვის უნდა მიემართოთ. მთხოვნელობასა და დასმენას შორის საერთო ნიშნები ბერძნულ სამართალში უფრო იკვეთება. 331-ე მუხლში აღნიშნულია: „კაცმან რომ კაცისაგან გაიგონოს სიტყუა რამე, წავიდეს და უმათხოვნელოს, სიტყუა იგი უთხრას მთავარსა მის ალაგისასა, მართებულია.“³⁵⁹ ბერძნული სამართალის მიხედვით მთხოვნელის მიერ დაწამება ხდება მთავართან, როგორც ხელისუფლების წარმომადგენელთან, ამ შემთხვევაში არ აქვს მნიშვნელობა დანაშაულის სახეს.

მოსაზრება, რომ ტყუილი მთხოვნელი ცრუ ჩვენების მიმცემი მოწმეა და ამით განსხვავდება ის დამბეზღებლისაგან, რომელიც წარმოადგენდა დანაშაულის შესახებ ცრუ დამსმენს, დაზუსტებას საჭიროებს. თუ ტყუილი მთხოვნელი განაცხადს სასამართლოში გააკეთებდა, მაშინ იგი ცრუ დამსმენს ემსგავსება. თუ დაზარალებულს მიმართავდა და პირობას დებდა რომ პროცესზე გამოვიდოდა, მაშინ ცრუ ჩვენების მიმცემ მოწმეს უფრო შეესაბამება. მაგრამ, ძელ ქართულ სასამართლო პრაქტიკაში იყო ისეთი შემთხვევებიც, როცა ტყუილი მთხოვნელი, არც ცრუ დამსმენად შეიძლება ჩაითვალოს, და არც ტყუილ მოწმედ. მანუჩარ ჭყონიასა და სისონიკა მელიას ცხენის საქმეზე (1818 წლის 13 სექტემბრის განჩინება), მანუჩარ ჭყონია სისონიკა მელიას ტყუილ მთხოვნელობაში დებდა ბრალს.³⁶⁰ განჩინების მიხედვით ცრუ დასმენას ადგილი არ ჰქონია, რადგან სისონიკა მელიამ უშუალოდ დაზარალებულს მიმართა და არა სასამართლოს. მას ვერც ცრუ მოწმედ განვიხილავთ, რადგან სისონიკა მელია არც სასამართლოში გამოსულა ცრუ ჩვენების მისაცემად. ტყუილი მთხოვნელი, ზოგიერთ შემთხვევაში შეიძლება ატარებდეს ცრუ დამსმენის ნიშნებს, სხვა შემთხვევაში შესაძლოა უფრო ცრუ მოწმეს ემსგავსებოდეს, ხოლო სხვა დროს შესაძლოა განსხვავდებოდეს როგორ ერთისგან ისე მეორისგან. ეს ადასტურებს, რომ ტყუილ მთხოვნელობას ვერც ცრუ დასმენასთან და ვერც ცრუ მოწმეობასთან ვერ გავაიგივებთ და რომ, მას თავისებური შინაარსობრივი დატვირთვა ჰქონდა.

ტერმინები მთხოვნელობა, მთხოვნელი ძელ ქართულ სამართალში ხანგრძლივი პერიოდის განმავლობაში იყო დამკვიდრებული. მოხსენიებულია ქართული სამართლის ძეგლებში (ამ ტერმინს ვხვდებით ბექა-აღბულას სამართალში (მუხ. 92)³⁶¹, ვახტანგ ბატონიშვილის სამართლის წიგნში (37-40,

³⁵⁹ ქართული სამართლის ძეგლები, ტ. I, გვ. 204.

³⁶⁰ ქართული სამართლის ძეგლები, ტ. VI, გვ. 544.

³⁶¹ ქართული სამართლის ძეგლები, ტ. I, გვ. 461.

236-ე მუხლები)³⁶², დავით ბატონიშვილის სამართალში (მუხ. 94),³⁶³ გამოიყენებოდა სასამართლო პრაქტიკაში.³⁶⁴ ბექა-აღბუღას სამართალში (მუხ. 92), მთხოვბელი მოხსენიებულია დაკარგულის პოვნასთან დაკავშირებით, ცნების განმარტების საშუალებას დასახელებული სამართლის ძეგლი არ იძლევა. ამ მუხლის ბოლო ნაწილის მიხედვით, შეიძლება მხოლოდ ერთი დასკვნის გაკეთება, რომ მთხოვბლის გამო დამკარგავს შეეძლო ვინმესოფის „მრუდი დაეწამა“: „ეს კარგად მონახონ, მთხოვბელი, მპოვნელი, მეკობრე, ერთად არ იყოს, ანუ მან დამკარგავმან მრუდი არა დასწამოს რა.“³⁶⁵ როგორც ჩანს, მთხოვბელს შეუძლია ინფორმაციის მიწოდება დანაშაულის და დამნაშავის შესახებ და ამ გზით პირისთვის დანაშაულის დაწამება.

იგივე შინაარსით ვხვდებით ამ ოქრომინს ვახტანგ ბატონიშვილის სამართლის წიგნში „მთხოვბლით“ მკვლელობის დაბრალებისას (მუხ. 37), „მოსამართლემ შემოიკითხოს, თუ რას გზით სწამობენ და რას არის მიზეზი, როგორც უქნიათ, რაგვარათ მოუკლავთ, – ესეები ათქმევინონ. და თუ ამგვარის გამოკითხვით და ძებნით შეაჩნიონ, როგორც გვითქვამს, ისრე უნდა გარდაიჭადოს.“³⁶⁶

დასახელებული სამართლის წიგნის 38-ე მუხლშიც ასევე საუბარია მთხოვბლით მკვლელობის დაწამებაზე: „თუ მთხოვბლით სწამობდეს და დაწამებულს მთხოვბელის ტოლი ყმა ყუანდეს, გმალში გაატანოს“.³⁶⁷ თუ დაგუკვირდებით ვახტანგ ბატონიშვილის სამართლის ამ ორ მუხლს, შევამჩნევთ, რომ ორივე შემთხვევაში პირის დადანაშაულების საფუძველს წარმოადგენს მთხოვბლის მიერ დამნაშავეზე მიწოდებული ცნობები.

ვახტანგ ბატონიშვილის სამართლის წიგნის B ნუსხის 236-ე მუხლში, უფრო ზუსტად არის მთხოვბლის ცნება ჩამოყალიბებული: „მთხოვბელი იმას ქვიან, რომელსაც უნახავს თვალითა, როგორც მოუპარავს ან დაუმალავს.“³⁶⁸ მოყვანილ მუხლში საკუთრების წინაამდეგ მიმართულ დანაშაულზე აქცენტი გაკეთებული, აღბუღას სამართალშიც მოხსენიებულია მთხოვბელი ქურდობის დაწამებასთან დაკავშირებით (მუხ. 92).³⁶⁹ მაგრამ აღნიშნული არ ნიშნავს, რომ მთხოვბლობას და შესაბამისად ტყუილ მთხოვბლობასაც, მხოლოდ საკუთრების წინააღმდეგ მიმართულ დანაშაულების შემთხვევაში ჰქონდა აღგილი.

ვახტანგ ბატონიშვილის სამართალის წიგნის სხვა მუხლებში მთხოვბელი მოხსენიებულია მკვლელობასთან (მუხლები 37-40),³⁷⁰ „საღ-თოს

³⁶² ქართული სამართლის ძეგლები, ტ. I, გვ. 491-492; 541.

³⁶³ სამართალი ბატონიშვილი დავითისა, გვ. 58.

³⁶⁴ ქართული სამართლის ძეგლები, ტ. VI, გვ. 544; ქართული სამართლის ძეგლები, ტ. IV, გვ. 395.

³⁶⁵ ქართული სამართლის ძეგლები, ტ. I, გვ. 461.

³⁶⁶ იქვე, გვ. 491.

³⁶⁷ იქვე, გვ. 491.

³⁶⁸ ვახტანგ VI სამართლის წიგნი, ტექსტი გამოსაცემად დაამზადა, გამოკვლევა და ტერმინთა საძიებლები დაურთო თიხა ენციქლოდემ, თბ., 1955, გვ. 112.

³⁶⁹ ქართული სამართლის ძეგლები, ტ. I, გვ. 461.

³⁷⁰ იქვე, გვ. 491-492.

წანაგედისა“, და კელმწიფის ორგულობასთან დაკავშირებით (მუხ. 236).³⁷¹ მაგრამ რა უნდა იგულისხმებოდეს „საღ-თოს წანაგედში“? საღმთოში დგომისადმი საკუთნავი იგულისხმებოდა,³⁷² ხოლო წანახედი დასაკლის ნიშნავდა.³⁷³ შესაძლოა „საღვთო წანაგედი“ რელიგიური დანაშაულებს მოიცავდა.

ბერძნული სამართლის ქართული ვერსიაში მთხოობლობას რამდენიმე მუხლი აქვს დათმობილი. ბერძნული სამართლის მთხოობელის განმარტება ქართულს რომ შევადაროთ, დავინახავთ, რომ ორივე სამართლის ძეგლში „მთხოობელს“ ერთნაირი შინაარსობრივი დატვირთვა აქვს. ბერძნული სამართალი (მუხ. 332) – „უკეთუ იცოდეს ვინმე, რომ იმ კაცმა კარგი ქნა თუ ავი, კიდეც ნახოს, დამალავს თავის სარგებელის გულისათვის, არ გამოაჩენს, ხოლო ის საქმე სხვამ არავინ იცის, არამედ იმან, რომელმანცა ქმნა რამე, და იმან, ვინც ნახა. პირველად ვინც თქვას, რომ ეს საქონელი იმ კაცს აქუსო, მივიდეს და ის სიტყუა მოსამართლეს მოაჯსენოს, მისი მიტანილი ამბავი არ ირწმუნების, არამედ, რომელმანცა იცოდეს მართალი და თქვას, ის იქნება მთხოობელი.“³⁷⁴

სამართლის ძეგლებზე დაყრდნობით შეიძლება ითქვას, რომ მთხოობელი არის დანაშაულის თვითმხილველი პირი. ამ განმარტებას უმატებენ სხვა ნიშანსაც, რომ მთხოობელი გასამრჯელოს მიღების მიზნით აცხობებს დაზარალებულს დამნაშავის ვინაობას და პირობას დებდა, რომ აუცილებლობის შემთხვევაში სასამართლო პროცესში მიიღებდა მონაწილეობას, როგორც ბრალდების მოწმე. ამ განმარტებისას გიორგი ნადარეიშვილი ეყრდნობა ვახტანგ ბატონიშვილის სამართლის წიგნის B ნუსხის 236-ე მუხლს.³⁷⁵

მსგავს განმარტებას გვაძლევს თ. მონიავაც: „მთხოობელი“ ერქვა იმ პირს ვინც საკუთარი თვალით ნახა, თუ „ვინ და როგორ მოიპარა ან დამალა რაიმე ნივთი.“ მასვე ევალებოდა ჩადენილი დანაშაულის შესახებ მოსამართლისათვის ჩვენების მიცემა და დამნაშავესთან დაპირისპირება, თუ ეს უკანსკნელი უარყოფდა დანაშაულის ჩადენას. ამდენად, მთხოობლად არ ჩაითვლებოდა პირი ვინც საქმის არაპირდაპირი მოწმე იყო და ჩვენების მიცემა შეეძლო მხოლოდ სხვა პირთაგან მიღებული ინფორმაციის საფუძველზე.“³⁷⁶

მთხოობელის ცნების განმარტების საფუძველზე, შეიძლება ითქვას, რომ ტყუილი მთხოობელი არის პირი, რომელიც აცხადებს, რომ არის ჩადენილი დანაშაულის უმუალო შემსწრე და ცილისწამებს იმ პირს ვისაც დანაშაული არ ჩაუდენია.

³⁷¹ ქართული სამართლის ძეგლები, ტ. I, გვ. 541.

³⁷² იხ. ჩუბინაშვილი დ., დასახ. ლექსიკონი, გვ. 1096.

³⁷³ იქვე, გვ. 1645.

³⁷⁴ ქართული სამართლის ძეგლები, ტ. I, გვ. 205.

³⁷⁵ იხ. ნადარეიშვილი გ., ადამიანის პატივის და ლირსების დაცვა უეოდალური სამართლის ძეგლებისა და სასამართლო პრაქტიკის მასალების მიხედვით, ჟურნალი „ალმანახი“, 2000, №14, გვ. 67.

³⁷⁶ მონიავა პ. (ოქმურ), დასახ. ნაშ., გვ. 76.

ინტერესს მოკლებული არ უნდა იყოს საკითხის გარკვევა ვინ სდებდა ბრალს სასამართლოში ტყუილ მთხოვბელს ცილისწამებისთვის. 1818 წლის განჩინებით, (მანუჩარ ჭყონიას და სისონიკა მელიას საქმეზე), რამდენად უცნაურად არ უნდა მოგვეჩვნოს საჩივარი წარადგინა მან ვისაც უმთხოვბლეს და არა მან ვისაც დანაშაული დაბრალეს.³⁷⁷ რითია განპირობებული აღნიშნული გარემოება. პირის დანაშაულში ცრუ ბრალდება ბრალმდებლის მხრიდან საუპატიოს გადახდას იწვევდა. „რადგან შენგან ასე წერილი ავიდე და სამოქმედო გამომართვი და მე გული თამამად მქონდა და იმ კაცს ვემტერე და რომ ვემტერე, მოდი და მერმე შენ და იმ კაცს დამთხოვე და მისი საუპატიო დამდევი და აღარც შენ მაძლევ ჩემს ცხენს, და რას, მემართლები არ ვიცი.“³⁷⁸ როგორც უკვე იყო აღნიშნული საუპატიო ნიშნავდა საუკადრისოს, გარდასახადს უპატიობისათვის, ანუ თვით უპატიობას, ხოლო უპატიობა პატივის ახდას.³⁷⁹ ამ შემთხვევაში დავის საგანია ის მატერიალური ზარალი, რაც ბრალმდებელმა განიცადა სამოხრობლოს გადახდით და იმ „საუპატიოს“ სახით, რაც დაეკისრა ცილდაწამებულის მიმართ. როგორც დოკუმენტიდან ჩანს, პირს ქურდობაში ბრალს დებს არა ტყუილი მთხოვბელი, არამედ ცხენის დამკარგავი ტყუილი მთხოვბელის მიერ მიწოდებული ინფორმაციის საფუძველზე. შესაბამისად საუპატიოს გადახდის ვალდებულება ეკისრებოდა არა ტყუილ მთხოვბელს, არამედ ბრალმდებელს. თავის მხრივ შეცდომაში შეყვანილი ბრალმდებელი წარადგენდა საჩივარს ტყუილი მთხოვბლობისათვის.

თუ მთხოვბელი განაცხადს მაგალითად მთავართან გააკეთებდა ბრალმდებლად ტყუილი მთხოვბელი გვევლინება, შესაბამისად პასუხისმგებლობა დაწამებისათვის მასვე დაეკისრებოდა.³⁸⁰

ვახტანგ ბატონიშვილის სამართლის წიგნის 39-ე მუხლით, მიუხედავად იმისა რომ დაზარალებული მთხოვბლის მიერ მიწოდებული ინფორმაციის საფუძველზე დებს ბრალს დამნაშავეს სასამართლოს წინაშე სისხლის ფასს მკვლელობის დაბრალებისათვის იხდის ტყუილი მთხოვბელი: „თუ, ვინ იცის, მთხოვბელს გარდამგდებლის სისხლის მიცემა არ შეეძლოს...“³⁸¹

ტყუილი მთხოვბლობის ცნება მსგავსია რომის სამართალში არსებული ტერმინის-calumnia. 6. სურგულაძის განმარტებით „რომის სამართალის მიხედვით calumnia „ცილისწამება“ ნიშნავს შეგნებულად ცრუ მოთხოვნას, ბრალდებას, სასამართლო პროცესზე ცილისმწამებლურ

³⁷⁷ ქართული სამართლის ძეგლები, ტ. VI, გვ. 545.

³⁷⁸ იქვე, გვ. 544.

³⁷⁹ იხ. ჩუბინაშვილი დ., დასახ. ლექსიკონი, გვ. 1124, 1264.

³⁸⁰ ბერძნული სამართლის ქართული ვერსია მუხ. 331. ქართული სამართლის ძეგლები, ტ. I, გვ. 204.

³⁸¹ ქართული სამართლის ძეგლები, ტ. I, გვ. 492.

განცხადებას.³⁸² რომის სამართლით ყველა შემთხვევა, როცა პირი ვერ ახერხებს თავისი ბრალდების დამტკიცებას, არ ნიშნავს, რომ ცილისწამებას პქონდა ადგილი. უნდა გამოკვლეული ყოფილიყო რა მიზნით მოხდა ბრალდება. თუ პირი კეთილსინდისიერად შეცდა ბრლადებისას, ეს მას გაამართლებს, მაგრამ თუ დადგენილი იქნება, რომ აშკარად ცილს წამებდა, მაშინ ტყუილი ბრალმდებელი უნდა დასჯილიყო.³⁸³ მეცნიერთა შორის არ არის ერთიანი შეხედულება რომის სამართლში *calumnia*-ს არსის შესახებ, ამ ქმედებით პირის პატივის ხელყოფა ხდებოდა, თუ სახელმწიფო ინტერესების. არსებობს ასევე შუალედური მოსაზრება, რომ *calumnia* როგორც სახელმწიფო, ისე კერძო პირის წინააღმდეგ მიმართულ ქმედებას წარმოადგენდა. ³⁸⁴

ამდენად, ტყუილი მთხოვობლობა, როგორც ცილისწამების ერთ-ერთი ფორმა დანაშაულის დაბრალებაში გამოიხატებოდა. მიუხედავად იმისა რომ ტყუილი მთხოვობლობა და ცრუ დასმენა შინაარსობრივად მსგავსია, სამართლის ძეგლებში ერთმანეთისგან დამოუკიდებელი ნორმების არსებობა, რომლებიც პასუხისმგებლობას აწესებენ ცალკე ტყუილი მთხოვობლობისათვის და ცალკე ტყუილი დაბეზღდებისათვის, უკვე საკმარის არგუმენტად გამოდგება იმისთვის, რომ ტყუილი მთხოვობლობა ცრუ დასმენასთან არ იქნეს გაიგივებული და ჩაითვალოს ცალკე დელიქტად.

³⁸² ოუსტინიანეს დიგესტები, წიგნი მესამე, წიგნი მეოთხე, გამოსცა ნ. სურგულაძემ, თბ., 2013, გვ. 371. ცილისმწამებლის შესახებ არის საუბარი დიგესტების მესამე წიგნში (D.6.1): „გისტეც ამბობენ, რომ მან ფული აიღო, რათა მას ვინმეს „ცილისწამებისათვის“ რაიმე საქმე შეესრულებინა ან არ შეესრულებინა, იგი ერთი წლის განმავლობაში ვაქტიდან (ქმედებიდან) გამომდინარე სარჩელით მიღებული ფულის ოთხმაგი ოდენობით აგებს პასუხს, ერთი წლის შემდეგ კი – ერთმაგი ოდენობით. § 1. ხოლო პომპონიუსი წერს, რომ ეს სარჩელი ეხება არა მარტო ფულთან დაკავშირებული, არამედ, ასევე, საჯარო დანაშაულებთან დაკავშირებულ საქმეებს, რადგან, ქრისტიანული კანონითაც, ყველაზე მეტი პასუხისმგებლობა იმას ეკისრება, ვინც ცილისწამების მეშვეობით რაიმე საქმის შესრულების თუ არშესრულებისათვის ფული მიიღო.“ D.3.6.1.1. ოუსტინიანეს დიგესტები, წიგნი მესამე, წიგნი მეოთხე, გამოსცა ნ. სურგულაძემ, თბ., 2013, გვ. 89, 90. ტერმინ „calumnia“-ს ეხება ჰაინც სიმონი. Heinz S., Das Wesen der falschen Anschuldigung in der geschichtlichen Entwicklung und im ausländischen sowie geltenden und kommenden deutschen Strafrecht, Breslau- Neukirch, 1939, s. 3-5

³⁸³ D.48.16.1.3. Дигести Юстиниана, том VII, полуторум 2, книга XLVIII-L, ответственный редактор Л. Л. Кофанов, ст., 131, М., 2005.

³⁸⁴ ი. Heinz S., Das Wesen der falschen Anschuldigung in der geschichtlichen Entwicklung und im ausländischen sowie geltenden und kommenden deutschen Strafrecht, Breslau- Neukirch, 1939, s. 7-8

3.2 ტყუილი მთხოვნელისა და ცრუ მოწმის ერთმანეთისაგან გამიჯვნა

მთხოვნელის განმარტების მიხედვით, იგი წარმოადგენს დანაშაულის შემსწრე პირს. ალ. ვაჩევიშვილის აზრით, მთხოვნელი ბრალის მდებელ მოწმეს უნდა ნიშნავდეს.³⁸⁵ ძველ ქართულ სამართალში „მთხოვნელი“ და „მოწმე“ შინაარსობრივად იდენტური ცნებები არ არის. მოწმის და მთხოვნელის ცნებების ერთმანეთონ შედარება გაადვილებს ტყუილი მთხოვნელის და ცრუ მოწმის გამიჯვნას.

ვახტანგ ბატონიშვილის სამართალის წიგნის მე-13 მუხლში მოხსენიებულია როგორც მთხოვნელი, ისე მოწმეც. თუ შინაარსობრივად ეს ორივე ცნება იდენტურია, მაშინ გაუგებარია რატომ დასჭირდა კანონმდებელს ერთი და იგივე მუხლში ორივე ტერმინის გამოყენება. ასევე სასამართლო განხინებებში მთხოვნელი და მოწმე ცალ-ცალკე იხსენიება. ამ საკითხთან დაკავშირებით შეიძლება ვარაუდის გამოთქმა, რომ „მთხოვნელი“ არის პირი რომელიც დანაშაულის ჩადენის უშუალო შემსწრეა და კონკრეტულ პირს დებს ბრალს. ხოლო „მოწმეს“ შეეძლო ბრალდებულის ინტერესების დამკველიც ყოფილიყო, დანაშაულთან დაკავშირებით რაიმე ფაქტი დაედასტურებინა, ან პირიქით. ვახტანგ ბატონიშვილის სამართალის მე-13 მუხლში ვკითხულობთ: „მაგრამ მოსამართლემ თუ ტყუილი მოწმობა და მთხოვნელობა შეამჩნია ვისმე, დიად ნასაღი უნდა უყოს, რომე სხვამ აღარავინ მოინდომოს.“³⁸⁶ როგორც ჩანს საუბარია, როგორც ტყუილი მოწმის, ისე ტყუილი მთხოვნელის დასჯაზე, რაც ამ ცნებების იდენტურობას გამორიცხავს. ამასვე ადასტურებს ბერძნული სამართალიც, სადაც ცალკე თავიდ გამოყოფილი მთხოვნელისათვის (331-335 მუხლები), და ცალკე „მოწმეთა მოწმობისათვის“ (336-338 მუხლები).³⁸⁷

დავით ბატონიშვილის სამართლის მიხედვით, მთხოვნელი დანაშაულის თვითმხილველი თუ არის (მუხ. 94),³⁸⁸ მოწმე შეიძლება არც იყოს დანაშაულის უშუალო შემსწრე (მუხ. 245). ასეთი მოწმის ჩვენება კი კანონმდებლის მიერ არასაკმარის მტკიცებულებად ითვლებოდა: „ოდესცა მოწამედ არა არ არ თვითმხილველ საქმისა, არამედ შესმენილი იგი იპოვა საეჭოსა ადგილსა, სადაცა იქმნა სიბოროტე ესევითარი, მაშინ მოწმობა არა კმა არს.“³⁸⁹

მთხოვნელს და მოწმეს სხვადასხვა პროცესუალური ბუნების მატარებლად მიიჩნევს ქ. კეპელია. მისი განმარტებით, „თვითმხილველ მოწმესა და „მთხოვნელს“ შორის ის განსხვავებაა, რომ მთხოვნელი მეტ აქტივობას იჩენს დამნაშავის მხილებაში. ასევე თვითმხილველი მოწმე გასამრჯელოს არ დებულობს, მთხოვნელი კი დაზარალებულისათვის დამნაშავეზე ცნობის მიწოდებისა, თუ ეჭვმიტანილთან დაპირისპირებისათვის ყოველთვის იღებს საზღაურის სახით —

³⁸⁵ იხ. ვაჩევიშვილი ალ., ნარკვევები ქართული სამართლის ისტორიიდან, ტ. II, თბ., 1948, გვ. 71.

³⁸⁶ ქართული სამართლის ქეგლები, ტ. I, გვ. 485.

³⁸⁷ იქვე, გვ. 204-206.

³⁸⁸ სამართალი ბატონიშვილი დავითისა, გვ. 58.

³⁸⁹ იქვე, გვ. 146.

„სამთხოობლოს.“³⁹⁰ შესაბამისად ტყუილმა მთხოობელმა შეიძლება აიღოს სამთხოობლო, განსხვავებით ცრუ მოწმისაგან. მაგრამ რაც მთავარია, ტყუილი მთხოობლის აუცილებლ ნიშანს წარმოადგენს უდანაშაულო პირის დანაშაულის ჩადენის დაწამება, ხოლო ცრუ მოწმის ჩვენებები შეიძლებოდა არც ყოფილიყო დაკავშირებული დანაშაულის დაბრალებასთან. ამას გარდა, თუ მოწმეთა რაოდენობა ორი მაინც უნდა ყოფილიყო, რომ მოსამართლეს დაეჯერებინა (ვახტანგ ბაგონიშვილის სამართლის წიგნი, მუხ. 13),³⁹¹ მთხოობელთან დაკავშირებით ასეთ მოთხოვნას ვერ ვხვდებით და სასამართლო განჩინებებზე დაყდრნობით ერთი მთხოობელის ბრალდება საკმარისი საფუძველი იყო, რომ საქმე სასამართლოს განეხილა.

ამ დეტალების გარდა უნდა აღნიშნოს კანონმდებლის უარყოფითი დამოკიდებულება ზოგადად მთხოობლისადმი: „მთხოობლობა საქმით ხომ მართალიც ცოდვა არის და ტყუილი მესისხლობა არის.“³⁹² მართალი მთხოობლის ცოდვად ჩათვლა, არ უნდა ნიშნავდეს ამ ქმედების დასჯადობას, როგორც ეს დამბეჭდებელი ყმის მიმართ არის მითითებული ბერძნულის სამართლის ქართული ვერსიის 167-ე მუხლში,³⁹³ არამედ უნდა გამოხატავდეს იმ დამოკიდებულებას რაც საქართველოში არსებობდა დასმენასთან დაკავშირებით.

³⁹⁰ ქვეყლია ქ., სასამართლო ორგანიზაცია და პროცესი საქართველოში რუსეთთან შეერთების წინ, წ. II, თბ., 1981, გვ. 195.

³⁹¹ ქართული სამართლის ქეგლები, გ. I, გვ. 486.

³⁹² იქვე, გვ. 541.

³⁹³ იქვე, გვ. 171.

3.3 ტყუილი მთხოვობისათვის გათვალისწინებული სასჯელები

კანონმდებლის მოთხოვნით ტყუილი მთხოვობის უნდა დასჯილიყო და თანაც ძალიან მკაცრად, რომ მას პრევენციული ეფექტი ჰქონდა სხვებზე (ვახტანგ ბატონიშვილის სამართლის მე-13 მუხლი): „მაგრამ მოსამართლემ თუ ტყუილის მოწმობა და მთხოვობის შეამჩნია ვისმე, დიდი ნასაღი უნდა უყოს, რომე სხვამ აღარავინ მოინდომოს.“³⁹⁴ ეს არის ზოგადი მოთხოვნა მოსამართლეთა მიმართ, მაგრამ კონკრეტულად რა სანქციები შეიძლებოდა ყოფილიყო გამოყენებული ტყუილ მთხოველთა მიმართ, ან რა გარემოებებზე იყო დამოკიდებული სასჯელის სახე, თუ ზომა?

ნასაღი აკლებას, აფორიაქებას ნიშნავდა.³⁹⁵ ალ. ვაჩეიშვილის აზრით, ეს სიტყვა ნიშნავდა არა ქონებრივ ხასიათის სანქციას, არამედ იგი იყო დამასახიჩრებელი სასჯელი.³⁹⁶ რადგან ვახტანგ ბატონიშვილის სამართლში დამასახიჩრებელ სასჯელებს „გახეიბრება“ ეწოდება, ეს მეცნიერებს აფიქრებინებს, რომ შესაძლოა „ნასაღი“ სხვა შინაარსის შემცველი სასჯელი იყოს და დამნაშავის კარმიდამოს დარბევას, აკლებასა და აფორიაქებას ნიშნავდეს.³⁹⁷

თავად სიტყვის განმარტებიდან გამომდინარე, არ შეიძლება ითქვას, რომ „ნასაღი“ დამასახიჩრებელ სასჯელს წარმოადგენდა. ამას გარდა, ნაკლებად საგარაულო ტყუილი მთხოვობის ყველა შემთხვევაში, მიუხედავად იმისა რა დანაშაულის ჩადენას სწამებდა მთხოველი, ასეთი მძიმე სასჯელი გამოყენებინათ. ამ ვარაუდს ამყარებს, ისიც, რომ თავად ვახტანგ ბატონიშვილის სამართლის წიგნის იმ მუხლებში, სადაც კონკრეტული დანაშაულის მთხოვობაზეა საუბარი, დამასახიჩრებელი სასჯელი საერთოდ არ არის მოხსენიებული. სასამართლო პრაქტიკაშიც არ ვხვდებით ტყუილი მთხოვობისას ამ სახის სასჯელს. თუ კარმიდამოს აკლებაზეა საუბარი, უფრო საფიქრებელია, რომ კანონმდებელს ქონებრივი სანქციები ეგულისხმა, მით უმეტეს, რომ ტყუილი მთხოვობისას სისხლის დაურვებას და ჯარიმას უფრო მიმართავდნენ. ამას გარდა, ვახტანგ ბატონიშვილის სამართლის წიგნის 236 მუხლის მიხედვით ტყუილ მთხოველს ის სასჯელი უნდა დაკისრებოდა რა დანაშაულსაც სწამებდა: „თუ ტყუილად კაცმა კაცს უმთხოვობს და მთხოველი გამტყუნდეს, რაც იმის ენით მართალს კაცს ედებოდეს, იმთონი მოსამართლემ გარდაუგდევინოს.“³⁹⁸ ეს კი გამორიცხავს, რომ ტყუილ მთხოველის მიმართ სასამართლოს ყოველთვის დამასახიჩრებელი სასჯელი გამოყენებინა, რადგან პირდაპირ არის ხაზი გასმული, რომ სასჯელი სახე და ზომა დამოკიდებულია იმაზე, თუ რა დანაშაულს სწამებდა ტყუილი მთხოველი.

³⁹⁴ ქართული სამართლის ძეგლები, ტ. I, გვ. 485.

³⁹⁵ იხ. ჩუბინაშვილი დ., დასახ. ლექსიკონი, გვ. 960.

³⁹⁶ იხ. ვაჩეიშვილი ალ., ნარკვევები ქართული სამართლის ისტორიიდან, ტ. I, თბ., 1946, გვ. 110-111.

³⁹⁷ იხ. დოლიძე იხ., ძველი ქართული სამართლი, თბ., 1953, გვ. 247-248.

³⁹⁸ ქართული სამართლის ძეგლები, ტ. I, გვ. 542.

გვემით სასჯელს გხვდებით ვახტანგ ბატონიშვილის სამართლის ნუსხის 236-ე მუხლში: „თუ ქურდი ვერ გატეხა და თვითან გამტკუნდა, სცენ, ჯარიმა წაართვან ისე გააგდონ.“³⁹⁹ ამ შემთხვევაში გვემითი სასჯელი ჯარიმასთან ერთად გამოიყენებოდა, ქურდობის ტყუილი მთხოვბლობისას. ცემას მსუბუქ დანაშაულთა ჩადენის შემთხვევაში მიმართავდნენ.⁴⁰⁰ სავარაუდოდ ცემის ფორმა არ უნდა ყოფილიყო მკაცრი. როცა სასჯელის სიმკაცრეზე უნდოდა კანონმდებელს ხაზის გასმა, როგორც მაგალითად ზემოთ მოყვანილ შემთხვევაში, როცა „ნასაღზეა“ იყო საუბარი, სპეციალურად არის მითითება, რომ მოსამართლემ „დიდი ნასაღი“ უნდა უყოს დამნაშავეს.

ვახტანგ ბატონიშვილის სამართლის წიგნის 236-ე მუხლი სხვადასხვა ხელნაწერებით განსხვავებულ სანქციებს აწესებს ტყუილი მთხოვბლობისათვის. ც ნუსხით სასჯელის დანიშვნის წესი მსგავსია ამავე სამართლის წიგნით ტყუილი დაბეზღებისათვის (მუხ. 253) დაწესებული სასჯელისა. ამ შემთხვევაში შეიძლება ითქვას, რომ დანაშაულის დამწამებელთა დასჯადობის მიმართ კანონმდებელს ერთნაირი მიდგომა აქვს ჩამოყალიბებული. მაგრამ ვ ნუსხის 236-ე მუხლით კონკრეტული სასჯელებია მითითებული. გამოყენებული სასჯელების მიხედვით ვ ნუსხით ტყუილი მთხოვბლობა საჯარო დელიქტს წარმოადგენდა, თუმცა ეს სასჯელები მხოლოდ ქონებრივ დანაშაულთა მთხოვბლობას ეხება. ვახტანგ ბატონიშვილის სამართლის წიგნში მკვლელობის დაწამების მუხლები (38-40) ტყუილი მთხოვბლის პასუხისმგებლობასაც ითვალისწინებენ, შესაბამისად მათი დასჯადობა ამ შემთხვევებში ამ მუხლების მიხედვით განისაზღვრებოდა, მიუხედავად იმისა რომელი ნუსხის ტყუილი მთხოვბლობის დასჯადობა უფრო სარწმუნოდ ჩაითვლება.

ტყუილი მთხოვბელი იმავე სასჯელით რომ უნდა დასჯილიყო, რაც დაწამებულს მოელოდა ქართული ჩვეულებითი სამართლითაც დასტურდება.⁴⁰¹ იგივე დებულებას იმეორებს დავით ბატონიშვილის სამართალი (მუხ. 94): „გარნა ემკაცრნენ, რათა არა ცრუდ იმთხოვბლონ, რომელნიცა დაისჯებიან, რაოდენსაცა ზედა უმთხოვბლიეს, ეგოდენითა, რომელსაცა მიეცემის ნახევარი, ვინცა შეუსმენიეს მას, და ნახევარი დაიდების ჯურუმად მეფისათვის.“⁴⁰²

დავით ბატონიშვილის სამართალში (მუხ. 94) ცრუ მთხოვბლობა საჯარო დელიქტად წარმოგვიდგება, რადგან ჯარიმა, რომელიც პირს ცრუ მთხოვბლობისათვის გარდახდებოდა ნახევარი მეფეს ეპუთვნოდა, მეორე ნაწილი კი ცილდაწამებულს ეძლეოდა. როგორც ჩანს, ტყუილი მთხოვბლობისას სანქცია მხოლოდ ქონებრივი ხასიათის შეიძლებოდა ყოფილიყო. დავით ბატონიშვილის სამართლის 94 მუხლი⁴⁰³ და ვახტანგ

³⁹⁹ ვახტანგ VI სამართლის წიგნი. ტექსტი გამოსაცემად დაამზადა, გამოკვლევა და ტერმინთა საძიებლები დაურთო თინა ენუქიძე, თბ., 1955, გვ. 112.

⁴⁰⁰ იხ. ჯავახიშვილი ივ., დასახ. ნაშ., გვ. 361.

⁴⁰¹ იხ. კუპრიაშვილი ქ., დასახ. ნაშ., გვ. 206.

⁴⁰² სამართალი ბატონიშვილი დავითისა, გვ. 58.

⁴⁰³ სამართალი ბატონიშვილი დავითისა, გვ. 58.

ბატონიშვილის სამართლის წიგნის C ნუსხის 236 მუხლიც,⁴⁰⁴ ერთნაირ მოთხოვნას შეიცავს სასჯელის დანიშვნის ზოგადი პრინციპის შესახებ, რომ ტყუილი მთხოვობელი ისევე უნდა დასჯილიყო, რაზეც იმთხოვობლა. მაგრამ თუ დავით ბატონიშვილის სამართალით ტყუილ მთხოვობელს აკისრებს ნახევარი ჯარიმის გადახდას მეფის სასარგებლოდ, მსგავს მოთხოვნას ვერ ვნახულობთ ვახტანგ ბატონიშვილის სამართლის დასახელებულ მუხლში. მიუხედავად იმისა, რომ ეს გარემოება დაკონკრეტული არ არის, მაინც არ შეიძლება ითქვას, რომ აღნიშნული საკითხი ყველა შემთხვევაში მსგავსად უნდა გადაწყვეტილიყო. იმავე სამართლის წიგნის 38-ე, 39-ე და მე-40 მუხლებით,⁴⁰⁵ მკვლელობის ტყუილი მთხოვობლობისას ცილდაწამებულს ერგებოდა მთელი სისხლი. სასჯელის დაკისრება ხდებოდა დაზარალებულის სასარგებლოდ და არა სახელმწიფოსი, ვინაიდან კანონმდებელი ამ შემთხვევაში კომპოზიციას მიმართავს. რის საფუძველზეც შეიძლება დასკვნის გაკეთება, რომ ტყუილი მთხოვობლობის ყველა შემთხვევა ვახტანგ ბატონიშვილის სამართლით არ შეიძლება განხილულ იქნეს როგორც საჯარო-სამართლებრივი დელიქტი. რაც შეეხება იმავე სამართლის წიგნის B ხელნაწერის 236 მუხლს, მასში მოხსენიებულია, როგორც უკვე იყო აღნიშნული, ცემასთან ერთად ჯარიმაც.⁴⁰⁶ B და C ნუსხების დებულებები ერთმანეთთან წინააღმდეგობაში არ მოდის, რადგან B ხელნაწერში აქცენტი გაკეთებულია არა ზოგადად ტყუილ მთხოვობლობის დასჯაზე, არამედ კერძოდ ქურდობის დაბრალებაზე და ამ ორივე ნუსხით შევავსებთ მონაცემებს შეიძლება გამოითქვას ვარაუდი, რომ ქურდობის დაბრალებისას ცილისწამების ამ ფორმას კანონმდებელი საჯარო დელიქტად თვლიდა, ეს გასაკვირი არ არის, რადგან თვითონ ქურდობა განხილულია როგორც საჯარო დელიქტი (ვახტანგ ბატონიშვილის სამართალი, მუხ. 154),⁴⁰⁷ თუმცა ქურდობის ყველა შემთხვევა არა. ხოლო რაც შეეხება სხვა დანაშაულის ტყუილი მთხოვობლობას, სანქცია დამოკიდებული იყო დაწამებულ დანაშაულზე. მაგრამ სასამართლო პრაქტიკაში, ქურდობის ტყუილი მთხოვობლობისას აქცენტი გაკეთებულია ისევ კერძო ინტერესის დაკმაყოფილებაზე.⁴⁰⁸

თ. მონიაგას მოსაზრება, თუ ქურდი ვალს ვერ გადაიხდიდა შვიდმაგი ოდენობით, მაშინ მთხოვობელი და ქურდი დაზარალებულს უნდა გადასცემოდა, საფუძველს მოკლებულად ჩანს.⁴⁰⁹ თავად ტერმინის, ვალის, ხმარება ამ შემთხვევაში მიუღებელია, რადგან ქურდის მიერ გადასახდელი „შვიდეული“ სასჯელის ფორმას წარმოადგენდა. თუ ქურდს სასამართლოს მიერ საზღვრის გადახდა დაეკისრა, მაშინ გაუგებარია მთხოვობლის პასუხისმგებლობის საკითხი დაზარალებულის მიმართ, ვინაიდან არ არსებობს ტყუილი მთხოვობა. ქურდის გამტყუნება მთხოვობელის მიერ

⁴⁰⁴ ქართული სამართლის ძეგლები, ტ. I, გვ. 542.

⁴⁰⁵ იქვე, გვ. 491, 492.

⁴⁰⁶ ვახტანგ VI სამართლის წიგნი. ტექსტი გამოსაცემად დაამზადა, გამოკვლევა და ტერმინთა საძიებლები დაურთო თინა ენციკლიკა, თბ., 1955, გვ. 112.

⁴⁰⁷ ქართული სამართლის ძეგლები, ტ. I, გვ. 519.

⁴⁰⁸ ქართული სამართლის ძეგლები, ტ. VI, გვ. 545.

⁴⁰⁹ იხ. მონიაგა პ. (თემურ), დასახ. ნაშ., გვ. 78-79.

მიწოდებული ინფორმაციის სისტორებს ადასტურებდა. როგორც ვახტანგ ბატონიშვილს აქვს აღნიშნული (მუხ. 150), „ქურდობა, დიალ, ბევრი რიგი არის და მრავალფერი არის.“⁴¹⁰ ამ მრავალფეროვნი ქურდობებიდან კანონმდებელი მხოლოდ ერთ შემთხვევაში მიუთითებს, როცა ქურდი საკუთარი თავით და ოჯახით აგებს პასუხს (ვახტანგ ბატონიშვილის სამართალი, მუხ. 151): „თუ ცოლსა და ქმარს, ერთს სახლში ერთად მწოლს, შეეპარა ქურდი და ისრე ან კაცის იარადი და ან ტანისამოსი, გინა სხვა რამ მოიპარა, ანუ ქალის სამკაული და ტანისამოსი მოიპარა, ის ნაქურდალიც შვიდეულად უზღოს, და რასაც გვარისა არიან, ნახევარი სისხლი სხვა გარდაუჭიდოს. თუ ვერ აუგიდეს, ქურდი თავისის ცოლ-შვილით, საქონლით და ნასყიდით მიეცეს.“⁴¹¹ მაგრამ, ამ შემთხვევაშიც ეს ალტერნატიულ სანქციად არის დასახელებული. შესაბამისად, ზოგადად იმის თქმა, რომ ქურდობის ტყუილი მთხრობლობისას პირი პასუხს აგებდა საკუთარი თავით და ოჯახით არ შეიძლება. შესაძლოა გამონაკლისის სახით, აღნიშნოს, რომ სავარაუდოდ ზემოთ მოყვანილი ფორმის ქურდობისას დაწამებისას ცრუ მთხრობელს შეიძლება საკუთარი თავით და ოჯახით ეგო პასუხი.

მკვლელობის დაწამებისას შეიძლებოდა მზეცებულებად „ხმალში გატანება“ გამოეყენებინათ. მთხრობელის დამარცხება „ხმალში გატანებისას“ ნიშნავდა, რომ მისი ბრალდება სიცრუეს წარმოადგენდა. ასეთ შემთხვევაში, ცილდაწამებულს მთხრობელი გადაეცემოდა და ამავე დროს მთელი სისხლიც მიეცემოდა (ვახტანგ ბატონიშვილის სამართალი, მუხლები 38-40).⁴¹² ამ შემთხვევაში კუმულაციურ სანქციასთან გვაქვს საქმე. მართალია ვახტანგ ბატონიშვილის სამართალში ტყუილი მთხრობელის ბრალდებულისათვის გადაცემა ხმალში გატანებას მოსდევს, მაგრამ საგარაუდოდ იგი ყველა შემთხვევაში გამოიყენებოდა, მიუხედავად იმისა როგორ მოუწევდა ბრალდებულს თავის მართლება. ამის დადასტურებას წარმოადგენს, XVIII სასუკუნის II მეოთხედის განჩინება, სადაც ბრალდებულის მიერ ფიციო თავის მართლების შემთხვევაში მთხრობელი მას უნდა გადასცემოდა.⁴¹³ ხმალში გატანება, მთხრობლობისას ნამდვილად რომ გამოიყენებოდა ამ ცნობებს ისტორიულ წყაროშიც ვნახულობთ. საუბარია ფარსადან გორგიჯანიძის ისტორიაზე, ფაქტზე, რომელიც XVII საუკუნეში მოხდა.⁴¹⁴

ასეთივე კუმულაციურ სანქციას შეიცავს ვახტანგ ბატონიშვილის სამართლის მომდევნო მუხლიც (მუხ. 39), სადაც დამატებულია ალტერნატიული სანქციაც, თუ მთხრობელი სისხლის ფასს ვერ გადაიხდიდა, ის არა მარტო საკუთარი თავით აგებდა პასუხს, არამედ

⁴¹⁰ ქართული სამართლის ქეგლები, ტ. I, გვ. 519.

⁴¹¹ იქვე, გვ. 519.

⁴¹² იქვე, გვ. 491-492.

⁴¹³ ქართული სამართლის ქეგლები, ტ. IV, გვ. 395.

⁴¹⁴ სიაოშ ბარათაშვილმან ბაინდურ თუმანიშვილს ბატონიშვილის მოკვლა დაწამა. რის შემდეგაც გადაწყდა მათი ხმალში გატანება. ორთაბრომოლაში ბაინდურ თუმანიშვილმა გიმარჯვა. აღნიშნულ საკითხს ეხება მ. კუკულია. იხ. კუკულია მ., დასახ. ნაშ., გვ. 204. იხ. კაკაბაძე ს., ფარსადან გორგიჯანიძის ისტორია, ამონაბეჭდი „საისტორიო მოამბიდან“, წ. II, თბ., 1927, გვ. 56-57.

პასუხისმგებლობა მის ოჯახზეც ვრცელდებოდა: „თუ, ვინ იცის, მთხოვბელს გარდამგდებლის სისხლისა მიცემა არ შეეძლოს, მთხოვბელი ცოლ-შვილით უნდა მიეცეს.“⁴¹⁵ პირის სოციალურ სტატუსზე, უფრო კი მის მატერიალურ მდგომარეობაზე იყო დამოკიდებული აღნიშნული ალტერნატიული სანქციის დანიშნვა, რადგან მისი გამოყენება ხდებოდა იმ შემთხვევაში, თუ ტყუილ მთხოვბელს სისხლის ფასის გადახდის შესაძლებლობა არ ჰქონდა.

ვახტაგ ბატონიშვილის სამართლის წიგნში მკვლელობის ტყუილი მთხოვბლის მიმართ გამოყენებული სანქციების შედარებისას, ჩანს, რომ კანონმდებელი ძალიან მკაცრად აფასებს დასახელებულ ქმედებას. როგორც ის. დოლიძე აღნიშნავს, ხელთ გადაცემისას დამნაშავე, ყოველგვარ პირად ქონებრივ და პირად უფლებებს კარგავდა და მონობაში ვარდებოდა.⁴¹⁶ ტყუილი მთხოვბლობისათვის, იგივე სასჯელის დადება, რაც შეიძლებოდა ცილდაწამებულს დაკისრებოდა, მკვლელობის მთხოვბლობისას გარკვეულწილად არის დაცული.

მთხოვბლის გადაცემა, მის მიერ უდანაშაულოდ ბრალდებული პირისათვის, როგორც ჩანს სასამართლო პრაქტიკაშიც იყო გავრცელებული. XVIII საუკუნის მეორე მეოთხედის განჩინებაში, დვალიშვილი მარტია და თეორა დავით ქავთარაძეს შვიდ ტყვეს ედაგვებოდნენ. მათი საჩივრის საფუძველზე დავით ქავთარაძეს დააკისრეს ფიცი „რვას იმისის შეგდებულის კაცითა და შვიდის შეუგდებლის კაცითა, რომე: ამისმან მადლამან და ძალმან, გამაცხოველებელლმან ღმერთმან, შენი მარტიავ და თეოროავ, რასაც თქვენ გვეწამებით, არცარა ვიცოდეთ სულით გულამდი თქვენის ტყვე[ე]ბიას, არც ვიყვნეთ ქმნელნი, არცარას ვერივნეთ.“ თუ ბრალდებული ვერ დაიფიცებდა, მას დასჯიდნენ. ხოლო თუ დაიფიცებდა ეს მას ბრალდებისაგან გაანთავისუფლებდა. ასეთ შემთხვევაში მას „მთხოვბელი უნდა მისცენ.“⁴¹⁷ მოყვანილ განჩინებაში არ ჩანს, რომ ტყუილ მთხოვბელს დამატებით კიდევ რაიმე სასჯელი თუ დაეკისრა.

განსხვავებულ სანქციას ითვალისწინებს ბერძნული სამართლის ქართული ვერსია (მუხ. 335): „რომელმანაცა კაცმან მთხოვბლობა ქნას, დიდმან თუ მცირებან, დაკარგულის ნიშანი არ მიუტანოს პატრონსა და ტყუილად იმთხოვბლოს, მოსამართლემ იმ ტყუილს მთხოვბელს გაპურვებულის რკინის დაღი ლოყებზე ოთხ-ოთხი დაასვას.“⁴¹⁸ რადგან „დაკარგულის ნიშანზე“ საუბარი, შეიძლება ვიფიქროთ, რომ დასახელებული სასჯელი ქურდობის დაბრალებისას გამოიყენებოდა. თუ ქურდობის ტყუილი მთხოვბლობისას ქართული სამართლის ძეგლებში უფრო ქონებრივ სანქციას მიმართავდნენ, ბერძნული სამართალი დამასახირებელ სასჯელზე აკეთებს აქცენტს.

სამართლის ძეგლებზე და სასამართლო პრაქტიკაზე დაყრდნობით შეიძლება ითქვას, რომ ტყუილი მთხოვბლობისათვის სანქციათა სახეები იცვლებოდა იმის მიხედვით თუ რა დანაშაულის დაწამებას ჰქონდა ადგილი.

⁴¹⁵ ქართული სამართლის ძეგლები, ტ. I, გვ. 492.

⁴¹⁶ ის. დოლიძე ის., ძეგლი ქართული სამართალი, თბ., 1953, გვ. 250-251.

⁴¹⁷ ქართული სამართლის ძეგლები, ტ. IV, გვ. 395.

⁴¹⁸ ქართული სამართლის ძეგლები, ტ. I, გვ. 205.

ხოლო რაც შეეხება საკითხს, წარმოადგენდა თუ არა ტყუილი მთხოვობლობა საჯარო დელიქტს, ცალსახად ამის თქმა რთულია. დასკვნის გაკეთებისას უნდა დავეყრდნოთ ვახტანგ ბატონიშვილის სამართალს და სასამართლო განხინებებს. აქ კი წინააღმდეგობრივი სურათი წარმოგვიდგება. როცა საუბარია ქურდობის ტყუილ მთხოვობლობაზე, გამოყენებული სანქციიდან გამომდინარე შეიძლება ითქვას, რომ დასახელებული დელიქტი საჯარო ხასიათს ატარებს. მაგრამ, როცა მკვლელობის დაწამებაზე საუბარი, კანონმდებელი კომპოზიციათა სისტემას მიმართავს, ამავე დროს შეიძლებოდა მომხდარიყო დამნაშვის „ხელო მიცემა“, ასევე პასუხისმგებლობა შეიძლებოდა დაკისრებოდა ოჯახის წევრებსაც. დასახელებული საფუძველს არ იძლევა, რომ ასეთი სახის ტყუილი მთხოვობლობა საჯარო დელიქტს მიეკუთვნოს. აქ გარკვეულწილად გამოხატულებას პოულობს, ის გარემოება, რომ ტყუილი მთხოვობლობა დაკავშირებულია იმ დანაშაულთან რის შესახებაც მთხოვობლობდნენ. ვახტანგ ბატონიშვილის სამართლის 154-ე მუხლი, რომელიც ქურდობისათვის ითვალისწინებს სასჯელს, ყოველთვის იმის მაგალითად მოყავთ, რომ ძველი ქართული სამართლისათვის საჯარო საწყისი უცხო არ იყო. შესაბამისად, გასაკვირი არ არის, რომ ქურდობის ტყუილი მთხობლობაც საჯარო დელიქტის სახით არის ჩამოყალიბებული. მკვლელობას რაც შეეხება, ის მთლიანად კომპოზიციათა სისტემაზეა აგებული, შესაბამისად მკვლელობის ტყუილი მთხოვობისას კერძო ინტერესის დაკმაყოფილებაზეა აქცენტი გაკეთებული. ამდენად, ტყუილი მთხოვობის საჯარო, თუ კერძო ხასიათი დამოკიდებული იყო კონკრეტულად იმ დანაშაულზე, რის შესახებაც მთხოვობლობდნენ. თუმცა ძველი ქართული სამართალის განვითარების შემდგომ ეტაპზე, ეს ეხება დავით ბატონიშვილის სამართალს, საჯარო ელემენტების განმტკიცება შეინიშნება. მისი სამართლის წიგნით, ზოგადად ტყუილი მთხობლობა, ამ შემთხვევაში არ არის აქცენტი გაკეთებული რომელიმე კონკრეტული დანაშაულის ცილისწამებაზე, საჯარო დელიქტს წარმოადგენდა.

3.4. სამთხოობლოს მნიშვნელობა ტყუილი მთხოობლობისას

ტყუილ მთხოობლობისას სასჯელის დაკისრებასთან ერთად სასამართლოს სხვა საკითხიც უნდა გადაეწყვიტა, კერძოდ სამთხოობლოს ანაზღაურების. „სამთხოობლო“ იყო გარკვეული თანხა, რომელსაც როგორ ჯილდო ისე მიეცემოდა მთხოობელს (ვახტანგ ბატონიშვილის სამართალი, მუხ. 38): „თუ მთხოობლით სწამობდეს და დაწამებულს მთხოობელის ტოლ ყმა უუანდეს, კმალში გაატანოს. თუ მთხოობელს გაემარჯოს, სამთხოობლოც მისცეს და სისხლიც.“⁴¹⁹

სამთხოობლოს გადახდა დაზარალებულს ევალებოდა. ამის შესახებ საუბარია ვახტანგ ბატონიშვილის სამართლის 236-ე მუხლში: „მთხოობელმან როდისაც უთხრას კაცსა და სამთხოობლო გამოართვას, მაშინვე ის პირობა უნდა დაიდოს, რომ, თუ გაჭირდეს, პირს დაუდგებიო.“⁴²⁰ სამთხოობლოს გადახდა, როგორც ჩანს ზოგადი წესი იყო, რომელიც ყოველთვის ფიგურირებს, როცა მთხოობელზეა საუბარი.

არც სამართლის ძეგლებში და არც სასამართლო პრაქტიკაში უმეტეს შემთხვევაში სამთხოობლოს თანხის ოდენობა არ არის განსაზღვრული. დოკუმენტებში ზოგადად არის მითოებული, რომ მოსარჩელეს სამთხოობლო თანხა გადაუხდია. როსტომ ყიფიანისა და ხოსიკა კვანტრეშვილის მოახლის საქმის განჩინებაში (XIX ს. I მეოთხედი) აღნიშნულია, „ერთი მოახლე მყავდა, ჯერ ერთს დას გავატანე მზითვათ და მაშინ არავინ უდევებია. მას მერმეთ კიდევ მეორეთ გაგამზითვე და მოდავე არავინ მყოლია. და ეხლა ეს მოახლე მომპარე და წაიყვანე, ვეძიე და მთხოობლით გამოვაჩინე და სამთხოობლო დამეხარჯა.“⁴²¹ ეს გარემოება გვაფიქრებინებს, რომ ზუსტად განსაზღვრული თანხა მთხოობლობისათვის არ იყო დადგენილი, შესაძლოა მხარეები შეთანხმებით წყვეტდნენ და ალბათ ეს უფრო დამოკიდებული იქნებოდა დაზარალებულის ინტერესზე, რამდენად მნიშვნელოვანი იყო მთხოობლის მიერ მოწოდებული ინფორმაცია მისთვის, ან ის ნივთი, რომელიც დაეკარგა.⁴²² ზუსტი თანხის მოუხსენიებლობა გასაკვირი არც არის, იქიდან გამომდინარე, რომ ძველ ქართულ სამართალში, ხასყიდობის ხელშეკრულებებშიც ხშირად არ არის ყიდვის საგნის ზუსტი საფასური მითოებული, არამედ ზოგადად აღნიშნულია, რომ გადახდილია „ფასი სრული“.

ბერძნული სამართლის ქართულ ვერსიაში (მუხ. 334) სამთხოობლოს ოდენობის საკითხი გადაწყვეტილია, როცა საუბარია დაკარგულ ნივთზე. ის ნივთის დირებულების მერვედს წარმოადგენდა.⁴²³ მაგრამ სხვა დანაშაულებთან დაკავშირებით არც დასახელებული სამართლის წიგნში რაიმე აღნიშნული.

⁴¹⁹ ქართული სამართლის ძეგლები, ტ. I, გვ. 491.

⁴²⁰ იქვე, გვ. 541.

⁴²¹ ქართული სამართლის ძეგლები, ტ. VI, გვ. 491.

⁴²² ის. კუკულია ქ., დასახ. ნაშ., გვ. 209.

⁴²³ ქართული სამართლის ძეგლები, ტ. I, გვ. 205.

ტყუილ მთხოვნელობისას სამთხოვნელოს საკითხთან მიმართებაში არსებითია მისი გადახდის მომენტის დადგენა. თუ სამთხოვნელო პირს მიეცემოდა მას შემდეგ, რაც სასამართლოს წინაშე დადგინდებოდა მის მიერ მიწოდებული ინფორმაციის ჭეშმარიტება, მაშინ სამთხოვნელოს გადახდის საკითხი ტყუილ მთხოვნელობასთან დაკავშირებით ინტერეს კარგავს, რადგან სამთხოვნელო დაზარალებულს არ ჰქონდა გადახდილი და შესაბამისად, ცილისმწამებლის მიმართ სასამართლო მხოლოდ სასჯელის განსაზღვრით უნდა შემოფარგლულიყო. მაგრამ თუ დაზარალებულს სამთხოვნელო სასამართლოს პროცესის გამართვამდე ჰქონდა გადახდილი და დადგინდებოდა, რომ ტყუილ მთხოვნელობას ჰქონდა ადგილი, მაშინ გასარკვევია, ტყუილ მთხოვნელისათვის დაკისრებული სასჯელი „შთანთქავდა“ უკვე გადახდილ სამთხოვნელოს, თუ ცილისმწამებელს სასჯელთან ერთად დამატებით სამთხოვნელოც უნდა დაებრუნებინა.

ვახტანგ ბატონიშვილის სამართლის წიგნის B ხელნაწერის 236-ე მუხლზე დაყრდნობით, მ. კეკელია აკეთებს დასკვნას, რომ მთხოვნელი სამთხოვნელოს მაშინ კი არ დებულობს, როცა დაზარალებულს შეატყობინებს საქმის გარემობის შესახებ, არამედ მას შემდეგ, როცა მისი მთხოვნელობის შედეგად გატყდა დამნაშავე. ამ მოსაზრების დასამოწმებლად მოყავს ამავე სამართლის წიგნის 38-ე მუხლი („თუ მთხოვნელს გაემარჯოს, სამთხოვნელოც მისცეს და სისხლიც და თუ მთხოვნელი გარდმოვარდეს, მთხოვნელიც ჭელშეკრული უნდა მიეცეს და მთელი სისხლიც.“⁴²⁴) და ქართლ-კახეთის მდივანბეგების მიერ ციციშვილებს შორის მძოვრეთის ციხეზე დავის სასამართლო განაჩენი.⁴²⁵ მაგრამ მ. კეკელია აღნიშნულ საკითხთან დაკავშირებით არსებულ განჩინებების საფუძველზე იძულებულია აღიაროს, რომ სასამართლო პრაქტიკაში ხშირად პირიქითაც ხდებოდა.

თ. მონიავაც სამთხოვნელოს მიცემის საკითხის გადწყვეტისას ვახტანგ ბატონიშვილის სამართლის წიგნის B ხელნაწერის 236-ე მუხლს ეყრდნობა.⁴²⁶ მაგრამ იგივე მუხლში, ოღონდ C ხელნაწერში დასახელებული საკითხი განსხვავებულად არის ჩამოყალიბებული: „მთხოვნელმან როდისაც უთხრას კაცსა და სამთხოვნელო გამოართვას, მაშინვე ის პირობა უნდა დაიდოს, რომ, თუ გაჭირდეს, პირს დაუდგებიო.“⁴²⁷ რაც ნიშნავს, რომ სამთხოვნელო პირს უკვე აღებული აქვს და პირობას დებს, რომ მომავალში სასამართლოში მოწმედ გამოვიდოდა და თავის მიერ მიწოდებულ ინფორმაციის დაადასტურებდა. აღნიშნულ საკითხთან დაკავშირებით არსებული სასამართლო პრაქტიკაც ამ მუხლის დებულებას ადასტურებს. სამთხოვნელო, ხშირად დამნაშავის „გატეხვამდე“ მიეცემოდა მთხოვნელს, ზოგჯერ ზუსტად ეს წინასწარ გადახდილი თანხა ხდებოდა დავის საგანი დაზარალებულსა და მთხოვნელს შორის. თუმცა გამორიცხული არ არის სამთხოვნელოს გადახდის პერიოდი, რომ მხარეთა შეთანხმებაზე ყოფილიყო დამოკიდებული.

⁴²⁴ ქართული სამართლის ძეგლები, ტ. I, გვ. 491.

⁴²⁵ იხ. კეკელია მ., დასახ. ნაშ., გვ. 210.

⁴²⁶ იხ. მონიავა პ. (თემურ), დასახ. ნაშ., გვ. 76.

⁴²⁷ ქართული სამართლის ძეგლები, ტ. I, გვ. 541.

მ. კეკელიას მოყვანილი აქვს 1843 წლის დოკუმენტი, სადაც აღნიშნულია: „მოვიდა ჩუენთან გოგიტა, ბუში ასათინი(სა) და მიიღო ჩუენგან თცდაოთხი მანეთი სამთხოობლო და გვიმთქმელა დაკარგული ჩვენი ცხენები. . . რას ზედა სამთხოობლო წერილიცა მოგვცა.“⁴²⁸ სასამართლო პრაქტიკის საფუძველზე, მ. კეკელია საბოლოოდ იმ დასკვნამდე მიდის, რომ დამნაშავის „გატეხვამდე“ მიუღია სამთხოობლო. უფრო მართებულად მიიჩნევს, რომ მთხოობელი სამთხოობლო ჯილდოს იდებდა როგორც დამნაშავის „გატეხვამდე“, ისე მის შემდეგ. მნიშვნელობა პქონდა იმას, სასამართლოში იხილებოდა საკითხი თუ არა.⁴²⁹

გახტანგ ბატონიშვილის სამართლის წიგნის C ხელნაწერის 236-ე მუხლს თუ დაკვირდნობით სამთხოობლოს მთხოობელი სასამართლომდე იდებს, ამ შემთხვევაში არ არის დაკონკრეტებული დანაშაული, რომელზეც პირი იმთხოობლებდა. იგივე მუხლით B ხელნაწერის მიხედვით, სამთხოობლოს გადახდა ხდებოდა დამნაშავის გატეხვის შემდეგ, მაგრამ ამ შემთხვევაში საუბარია, მხოლოდ საკუთრების მითვისებასთან, ქურდობასთან დაკავშირებით.⁴³⁰ თუ ქურდობასთან მიმართებით ვისაუბრებთ, ამ ნორმის საპირისპიროდ შეიძლება ითქვას, რომ სამთხოობლო შეიძლებოდა გადახდილიყო ბრალდებულის „გატეხვამდეც“, რასაც სასამართლო პრაქტიკა ადასტურებს.⁴³¹ ასევე ამის დასამოწმებლად შეიძლება მოყვანილ იქნეს ვახტანგ ბატონიშვილის სამართლის 249 მუხლი, რომელიც ქურდობის დაწამებას ეხება.⁴³² ამ ნორმიდან ჩანს, რომ სამთხოობლოს დამნაშავე უხდის არა მთხოობელს არამედ ნივთის პატრონს, რაც გვაფიქრებინებს, რომ დაზარალებულს მთხოობლისათვის სამთხოობლო უკვე გადახდილი აქვს. ხოლო იმავე სამართლის წიგნის 154 მუხლით: „სამთხოობლო, რაც საქონლის დამკარგავს გაუა, ისიც ქურდმა უნდა მისცეს.“⁴³³ ტერმინი „გაუა“ უფრო მომავალზეა მიმართული და როგორც ჩანს დაზარალებულს სამთხოობლო თანხა ჯერ არ აქვს გადახდილი. ერთი და იგივე დანაშაულთა მიმართებაში, კანონმდებელს განსხვავებული პოზიცია უკავია, რაც საშუალებას არ იძლევა საკითხი ერთმნიშვნლოვნად იქნეს გადაწყვეტილი. ვახტანგ ბატონიშვილის სამართლის წიგნის 38-ე მუხლის,⁴³⁴ საფუძველზე შეიძლება დავასკვნათ, რომ მკვლელობაში ბრალდებისას სამთხოობლოს გადახდა სასამართლოს პროცესის შემდგომ ხდებოდა. შესაბამისად, მკვლელობის ტყუილი მთხოობლივისას სასამართლოს დამატებით არ მოუხდებოდა სამთხოობლოს საკითხის გადაწყვეტა, რადგან ის ცილისმწამებლის მიერ სამთხოობლო ჯერ არ იყო აღებული. რაც შეეხება სხვა დანაშაულებს,

⁴²⁸ იხ. კეკელია მ., დასახ. ნაშ., გვ. 207-208;

⁴²⁹ იქვე, გვ. 211;

⁴³⁰ ვახტანგ VI სამართლის წიგნი, ტექსტი გამოსაცემად დაამზადა, გამოკვლევა და ტერმინთა საძიებლები დაურთო თინა ენციკლიკა, თბ., 1955, გვ. 112.

⁴³¹ ქართული სამართლის ძეგლები, ტ. VI, გვ. 545.

⁴³² ქართული სამართლის ძეგლები, ტ. I, გვ. 544.

⁴³³ იქვე, გვ. 519.

⁴³⁴ იქვე, გვ. 491.

შეიძლებოდა სამთხოობლო როგორც სასამართლო პროცესამდე, ისე პროცესის შემდეგ გადახდილიყო.

ტყუილი მთხოობლის მიმართ გამოყენებული სასჯელი დამოკიდებული იყო იმ დანაშაულზე რაზეც იმთხოობლებდა, შესაბამისად ის სანქცია რაც კონკრეტული დანაშაულის ჩადენისათვის იყო გათვლისწინებული ტყუილ მთხოობელზეც უნდა გავრცელებულიყო. გახტანგ ბატონიშვილის სამართლის 154-მუხლით, ქურდს შვიდეულის გარდა სამთხოობლოც უნდა გადაეხადა.⁴³⁵ მსგავსი დებულებაა ჩამოყალიბებული 249-ე მუხლშიც: თუ ქურდი „უარზე დადგეს და პატრონი გასარჯოს, შვიდეულიც მისცეს და სამთხოობლოცა.“⁴³⁶ შესაბამისად, თუ ქურდის მიერ გადახდილი შვიდეული დაზარალებულის მიერ გადახდილ სამთხოობლო თანხას არ მოიცავდა, იგივე უნდა ვთქვაო, ტყუილ მთხოობელის მიმართებაშიც. ტყუილ მთხოობელს სასჯელთან, მაგალითად ქურდობის დაწამებისას, ნაქურდალი ნივთის შვიდეულის გადახდის გარდა, დამატებით აღებული სამთხოობლოც უნდა დაებრუნებინა.

⁴³⁵ ქართული სამართლის ძეგლები, ტ. I, გვ. 519.

⁴³⁶ იქვე, გვ. 544.

თავი IV. ცალკეულ ქმედებათა ცილისწამება

4.1 ბუნებითი დანაშაულების ცილისწამება

4.1.1 ბუნებითი დანაშაულების ცილისწამების ხელყოფის ობიექტი და ქმედების განხორციელების ფორმები

მცირე სჯულის კანონის მიხედვით ხორციელი ცოდვები იყოფა „ცოდვათა ბუნებითად და გარეშე ბუნებითად.“⁴³⁷ ამ დაყოფას ეყრდნობა ივ. ჯავახიშვილი, რომელიც სქესობრივ დანაშაულებს ყოფს: დანაშაულებანი ბუნებითანი და დანაშაულები ბუნების გარეშე.⁴³⁸ რაც შეეხება ბუნებით სქესობრივ დანაშაულებს, ასეთი ქმედებები ბოზობად ითვლებოდა. სულხან-საბა თრბელიანის განმარტებით, ბოზობა თრად იყოფა: „სიძვად და მრუშებად: სიძვა არს უმეუღლოს მიერ ქმნილი, ხოლო მრუშება – მეუღლიანისა მიერ ქმნილი ბოზობა.“⁴³⁹ კვლევის საგანს წარმოადგენს ბუნებითი დანაშაულების ცილისწამება. ინტერესს მოკლებული არ უნდა იყოს საკითხი რამდენად იკვეთება ხელყოფის ობიექტი საკანონმდებლო ძეგლებში ბუნებითი დანაშაულების ცილისწამებასთან დაკავშირებით; ვის შეიძლებოდა დაკისრებოდა პასუხისმგებლობა ცილისწამებისათვის; რა სახის დელიქტს წარმოადგენდა ცილისწამების ეს ფორმა;. კიდევ ერთი საკითხი რასაც შეიძლება უურადღება მიექცეს, იყო თუ არა განსხვავებული პასუხისმგებლობა დაწესებული, იმის მიხედვით სიძვის ცილისწამებას ჰქონდა ადგილი, თუ მრუშობისას. საეკლესიო სამართლი მრუშობას უფრო მკაცრად სჯიდა ვიდრე სიძვას. სჯულის კანონის მიხედვით, სიძვა შვიდი წლით უზიარებლობით ისჯებოდა, ხოლო მრუშობა – თხუთმეტი წლით.⁴⁴⁰

შესაძლოა მრუშობის დაწამებისას ცილისმწამებლის უშუალო მიზანი არც ყოფილიყო პირისათვის პატივის შელახვა, არამედ მას სხვა მოტივები და მიზანი ამორავებდა. ნათქვამის დადასტურებას წარმოადგენს რუსუდან მეფის ქმედება, რომელიც მიმართული იყო მისი ძმისშვილის სამეფო ტახტისგან ჩამოშორებისაკენ. როგორც უამთააღმწერელი გვამცნობს რუსუდან მეფემ დაივიწყა თავის ძმისადმი მიცემული ფიცი და გადაწყვიტა, რომ სამეფო ტახტი მის შვილს რგებოდა. ამ მიზნით მან: წერილი მიწერა თავის სიძეს სულთან ყიასდინს: „ამისთვის მენება მოკლვა ძმისწულისა ჩემისა დავითისი, რომე ცოლსა შენსა და ასულსა ჩემსა ძმისწული ჩემი „დავით თანა-ეყოფის, და ამისთვის არა ნებავს ასულსა ჩემსა ბოროტი მისი.“⁴⁴¹ მართალია უამთააღმწერელის ცნობა ბუნებითი დანაშაულის ცილისწამების მაგალითს წარმოადგენს, მაგრამ ის მრუშობის დასჯადობის საკითხის კვლევისას უფრო გამოდგება, რადგან როგორ შეიძლებოდა მრუშობის ცილისწამება დასჯილიყო ამის შესახებ ისტორიულ წყაროში ცნობებს ვერ ვნახულობთ. იგივე შეიძლება ითქვას გრიგოლ ხანძთელის

⁴³⁷ მცირე სჯულის კანონი, გამოსაცემად მოამზადა ქ. გიუნაშვილმა, თბ., 1972, გვ. 92.

⁴³⁸ ი. ჯავახიშვილი იუ, დასახ. ნაშ., გვ. 217, 220.

⁴³⁹ სულხან-საბა თრბელიანი, ლექსიკონი ქართული, ტ. I, გვ. 108.

⁴⁴⁰ მცირე სჯულის კანონი, გვ. 80.

⁴⁴¹ ქართლის ცხოვრება, ტ. II, გვ. 199.

ცხოვრებაში მოთხოვბილი, ადარნასეს, აშოგის შვილის, ცოლის მრუშებაში ცილის დაწამების შესახებ.⁴⁴²

ბექა-აღგუდას სამართლის წიგნის 23-ე მუხლის მიხედვით, შეიძლება ითქვას, რომ მრუშობისათვის პირი ისჯებოდა ქალის „მოყივნებისათვის“. მოყივნება განმარტებულია, როგორც სახელის გატეხა.⁴⁴³ ამ შემთხვევაში, მემრუშეს სისხლის დაურვება ეკისრებოდა ქალის ქმრისთვის: „თუ კაცმან დედა-წულისა ცოლსა უარშიყოს და კიდეც მოყივნოს, გინა ნებითა, გინა უნებურად, და გამედავნდეს, გინა მეყვისმან მეყვისსა⁴⁴⁴, გინა უმეყვისმან ერთსახლმან, – დაუურვოს ცოლისა ქმარსა სრული სისხლი და მთავარმან და პატრონმან მისმან ნიფხვით ოდენ, შიშველი, და ყელ-საბლიანი უბანთა ზედა განჭირებული მოავლოს.“⁴⁴⁵ როგორც ნორმიდან ჩანს, მრუშობის ხელყოფის ობიექტს ქმრის პატივი წარმოადგენდა, რადგან სისხლის გადახადა ხდებოდა „მოყივნებული“ ქალის ქმრის მიმართ. თუმცა სასჯელი მხოლოდ სისხლის დაურვებით არ ამოიტურებოდა და დამნაშავის მიმართ გამაწილებელ სასჯელსაც იყენებდნენ. ვახტანგ ბატონიშვილის სამართლის წიგნის 87-ე მუხლით: „დედაკაცმან სხვას დედაკაცს თავის ქმართან წასძახოს, რომე ჩემი ქმარი შენთან არისო, და იმ დედაკაცის ქმარს გააგონოს, და იმ კაცმან ამ სიტყვისათვის თავისი ცოლი გაუშვას მაშინვე, ბოზობისოდენი სისხლი წამდახებლის ქმარმა მისცეს.“⁴⁴⁶ ნორმის შინაარსიდან გამომდინარე, შეიძლება ითქვას, რომ ზემოთ მოყვანილი ქმედება დელიქტად იმ შემთხვევაში ჩაითვლებოდა, თუ ქალი „წაძახებას“ ქალის წინაშე გააკეთებდა, რაც გვაფიქრებინებს, რომ თუ დასახელებული გარემოება არ იარსებდება, მაშინ ქმედების დასჯადობაც გამორიცხული იყო. დელიქტის ობიექტად აქაც კაცის პატივი წარმოადგენს, რადგან სასჯელი პირს გადახდებოდა ამ შემთხვევაშიც ქალის ქმრის მიმართ.⁴⁴⁷

ხელყოფის ობიექტის საკითხი მრუშობასთან დაკავშირებით დავას და კითხვებს არ იწვევს, სავსებით გასაგებია, რომ ცოლის დალატით ქმარი

⁴⁴² შრომად და მოღუაწებად დირსად ცხოვრებისად წმიდისა და ნეტარისა მამისა ჩუენისა გრიგოლისი არქიმანდრიტისად, ხანცოისა და შატბერდისა აღმაშენებელისად, ძველი ქართული აგიოგრაფიული ლიტერატურის ძეგლები, წიგნი I (V-Xს), გვ. 298.

⁴⁴³ იხ. სულხან-ხაბა რობერტის, ლექსიკონი ქართული, ტ. I, გვ. 510; ჩუბინა შვილი დ., დასახ. ლექსიკონი, გვ. 865.

⁴⁴⁴ მეყვისი განმარტებულია როგორც მისხი, თვის-ტომი, მონათესავე. ხოლო მეყვისობა – ნათესაობა. ჩუბინა შვილი დ., დასახ. ლექსიკონი, გვ. 712.

⁴⁴⁵ ქართული სამართლის ძეგლები, ტ. I, გვ. 433.

⁴⁴⁶ იქვე, გვ. 503.

⁴⁴⁷ ქმრის წინაშე მრუშობის ცილისწამებას, როგორც ქმედების განხორცილების აუცილებელი ნიშანს სხვა ქვეყნების სამართლის ძეგლებშიც ვნახულობთ. მაგალითად, ასირიულ კანონებშიც „უკეთუ მამაკაცი ეტყვის თავის თანასწორს, საიდუმლოდ იქნება ეს თუ ჩეუბის დროს: „შენი ცოლი როსკიმია“ და კიდევ „მე თვითონ ბრალს დავდებ მას ფიცის ქვეშ“ და ბრალს არ დასდებს მას და არ ამხელს, ამ კაცს უნდა დაკრან 40 ჯოხი. ერთი თვის განმავლობაში იგი შეასრულებს სამეფო სამუშაოს, მას დადადავენ და გადაახდევინებენ 1 ტალანაზ კალას.“ ძველი აღმოსავლთის ხალხთა ისტორიის ქრესტომატია, რედაქტორი გრ. გორგაძე, თბ., 1990, გვ. 78.

იქნებოდა შეურაცყოფილი, ხოლო თუ სიძვას ექნებოდა ადგილი ქალის მამის ოჯახი. მაგრამ როცა ქალს სწამებდენენ „ბუნებითი დანაშაულის“ ჩადენას და ამით მას სახელს უტეხდნენ, ლოგიკური იქნებოდა გვევიქრა, რომ დელიქტის ობიექტს ქალის პატივი უნდა წარმოადგენდეს. რამდენად უცნაურად, არ უნდა მოგვეჩენოს, ამ შემთხვევაშიც დაზარალებულ მხარედ არა ქალი, არამედ ქმარი, ან ქალის მამის ოჯახი გვევლინება ისევ. ბაგრატ კურაპალატის სამართლით (ბექა-ალბუდას სამართალი. მუხ. 145), რომელიც მრუშობის დაწამებას ეხება⁴⁴⁸ პირს სასჯელი ეკისრება არა ქალის, არამედ ქმრის მიმართ, ე. ი. ხელყოფას განიცდის ქმრის პატივი. დამწამებლს ეკისრებოდა ვალდებულება ფიცით დაემზადებინა, ან გამოეტეხა ქალი მრუშობის ჩადენაში, წინააღმდეგ შემთხვევაში ასეთი ბრალდება ცილისწამებად ითვლებოდა.

მრუშობის დაწამების დამზადების ვალდებულებას უძველს სამართლის ძეგლებშიც ვხვდებით, მაგალითად ხამურაბის კანონების 127-ე მუხლით მრუშობის დაწამებისას პირს უხდებოდა თავის ბრალდების მტკიცება, წინააღმდეგ შემთხვევაში ის ცილისმწამებლად ითვლებოდა: „უკეთუ კაცმა ქალ ქურუმს ანდა კაცის ცოლს თითო მიუშვირა, მაგრამ ვერ დაამტკიცა, ეს კაცი მოსამართლეთა წინაშე უნდა დააგდონ და ნახევარი თავი გადაპარსონ.“⁴⁴⁹ მუსლიმური სამართლითაც მრუშობის დამწამებელს ოთხი მოწმე უნდა მოეყვანა, წინააღმდეგ შემთხვევაში ცილისწამებისათვის დაეკისრებოდა სასჯელი.⁴⁵⁰

დავით ბატონიშვილის სამართალის 223-ე მუხლში, კარგად არის გამოკვეთილი, რისი ხელყოფისათვის ისჯება ცოლის ცილისმწამებელი ქმარი.⁴⁵¹ ამ შემთხვევაშიც ქალის პატივზე არ არის საუბარი, არამედ ქმარს სასჯელი ეკისრება „მონათესავეთა მის ქალისათა მოყივნებისათვის გვაროვნებისა მისისა.“⁴⁵² დავით ბატონიშვილის სამართლის ამ მუხლის მიხედვით შეიძლება ითქვას, რომ სიძვის ცილისწამება პატივის წინააღმდეგ მიმართულ დელიქტს წარმოადგნდა, ვინაიდან კანონმდებელი პასუხისმგებლობას აწესებს სახელის გატეხისათვის. ხოლო დაზარალებულად გვევლინება არა ქალი, არამედ მისი გვარი.

ძველი ქართული სამართალი ამ თვალსაზრისით, ორიგინალობით არ ხასიათდება. მოსეს სამართლითაც (მუხ. 29) ცოლის სიძვაში ცილისმწამებელ ქმარს ასი ვერცხლი ქალის მამის სასარგებლოდ უნდა გადაეხადა, რადგან ქალს სახელი გაუტეხა: „აზღვიონ ასი სასწორო ვერცხლი, და მისცენ მამასა მის ქალისასა, რამეთუ სახელი ბოროტო განუტდა.“⁴⁵³ შინაარსობრივი თვალსაზრისით, მოსეს სამართალშიც ქმარი

⁴⁴⁸ ქართული სამართლის ძეგლები, ტ. I, გვ. 468.

⁴⁴⁹ ხამურაბის კანონები, გვ. 26.

⁴⁵⁰ ი. მუსულმანское право (структуре и основные институты), ред. Л. Р. Сюкяйнен, М., 1984, ст. 82.

⁴⁵¹ სამართალი ბატონიშვილი დავითისა, გვ. 125.

⁴⁵² იქვე, გვ. 125.

⁴⁵³ ქართული სამართლის ძეგლები, ტ. I, გვ. 118.

ისჯებოდა ქალისთვის სახელის გატეხისათვის, ხოლო დაზარალებულად ამ შემთხვევაშიც ქალის მამა გვევლინება.

უფრო ძველ ქართულ სამართლის ძეგლებში გატარებულია აზრი, რომ ქალი არ შეიძლებოდა ყოფილიყო, მაგლითად თუნდაც სასამართლო პროცესის მონაწილე. დავით ბატონიშვილის სამართალი აღნიშნულთან დაკავშირებით განსხვავებულ პოზიციაზე დგას (მუხ. 81): „რომელიცა სამართალსა შინა მიიღებიან მოწამედ მამანიცა და დედანიცა. ხოლო მიხიდავს მე რომელსამე სამართალსა და მოსამართლეთა შორის, რომელნიცა დაამტკიცებდენ დედაკაცისა სამართალსა შინა მოწამედ შეუწყნარებლობასა; რომელიცა, ესევითარი ჰაზრი, გარდა უმეცრებისა, არა რამესა დამნიშვნელ არს, მით რომე პატიოსნება გუამთა არცა მამაკაცისად და არცა დედაკაცისად განიკუთნვის.“⁴⁵⁴ დავით ბატონიშვილი ქალს პროცესის „სრულუფლებიან“ წევრად თვლის. მაგრამ რატომ არის, რომ ქალისთვის მრუშობის, თუ სიძვის დაწამებისას იგივე პოზიციაზე დგას, როგორც ძველი ქართული სამართლის უფრო აღრინდელი ძეგლები? ამას შეიძლება შემდეგი ასენა მოეძებნოს, ცილისწამება დაკავშირებულია იმ დანაშაულთან, რასაც პირს წამებდნენ. რადგან ქალის მრუშობის შემთხვევაში ზიანი ადგება ქალის ქმრის, ხოლო სიძვისას მისი ოჯახის, ნათესაობის პატივს, შესაბამისად „ბუნებითი დახაშაულების“ ცილისწამების ხელყოფის ობიქტიც იგივე რჩება.

ამდენად, ძველ ქართულ სამართალში ბუნებითი დანაშაულების ცილისწამება დასჯად ქმედებად ითვლებოდა. ძველ ქართულ სამართალში ყოველთვის შეინიშნება ცილისწამების კავშირი იმ დანაშაულთან რასაც პირს სწამებდნენ, ამ კავშირიდან გამომდინარე, ბუნებითი დანაშაულების ცილისწამების ობიექტიც არ იცვლება. აღნიშნულ საკითხზე სამართლის ძეგლებში არსებული ნორმების საფუძველზე შეიძლება ითქვას, რომ სიძვის დაწამებისას ხელყოფას განიცდიდა ქალის მამის ოჯახის პატივი, ხოლო მრუშობის დაწამებისას ქმრის პატივი. ეს ადასტურებს, რომ ძველ ქართულ სამართალში პირის პატივის დაცვის საკითხი სამართლებრივი დაცვის გარეშე არ რჩებოდა.

⁴⁵⁴ სამართალი ბატონიშვილი დავითისა, გვ. 51.

4.12 ბუნებითი დანაშაულების ცილისწამების სუბიექტი

არცოუ იშვიათად „ბუნებითი დანაშაულის“ ცილისმწამებლად ქმარი გვევლინება.

დავით ბატონიშვილის სამართლის 223-ე მუხლის მესამე ნაწილი, ქმრის მიერ ცოლის ცილისწამებას ეხება. „და ესეცა შეხუდების, რომელ უამსა ქორწინებისასა იჩივლოს ვინმე, უგუნურებისა გამო, ცოლისა არა-ქალწულებად.“⁴⁵⁵ ამ შემთხვევაში ცოლისთვის სიძირის ცილისწამებას აქვს აღილი. პირი „უგუნურებით“⁴⁵⁶ მოქმედებს, რაც მიანიშნებს რომ შემადგენლობისათვის პირდაპირი განზრახვის არსებობა აუცილებელი არ არის.

კანონმდებლი იმ შემთხვევებსაც ითვლისწინებს, როცა ცოლ-ქმარი ერთმანეთს მრუშებას სწამებს: „უკეთუ მოყივნოს ქმარმან ცოლი და ანუ ცოლმან ქმარი და არა იყოს ჰემმარიტი, მაშინ ორნივე მხილებულ იქმნენ მსაჯულთაგან უწესოსა ქცევისათვის.“⁴⁵⁷ შესაძლოა საკამათო იყოს რამდენად ითვლებოდა ასეთი ქმედება დელიქტად. რადგან საკითხი მსაჯულთა მიერ ირჩეოდა, ხოლო საქმის განსჯას მათი მხრიდან ცილისმწამებლი ცოლის, ან ქმრის მხილება⁴⁵⁸ მოჰყებოდა, რაც ალბათ გაფრთხილებას, ან ახსნა-განმარტებას ნიშნავდა. შესაბამისად დასახელებული ქმედებაც დელიქტად უნდა იქნეს განხილული.

ქმრის მიერ ცოლისთვის უპატიოსნების ცილისწამებას გხვდებით მოსეს სამართალშიც. მოსეს სამართალის 29-ე მუხლით: „უკეთუ ისუას ვინმე ცოლი და მოიძულოს იგი, და მიზეზსა დასდებდეს მას, და სახელსა ბოროტსა განუგდიდეს და თქვას: „არა ქალწული დავიპყარ დედაკაცი ესე.“⁴⁵⁹ ამ შემთხვევაში ქმარი პირდაპირი განზრახვით მოქმედებს, რადგან როგორც კანონდმდებელი აღნიშნავს მას ცოლისადმი სიძულვილი ამოქმედებს.

მსგავსი ნორმაა სომხურ სამართალშიც [მუხლი 180]. ამ მუხლში ქმრის მიერ ცოლის მოქულებაზე საუბარია, რის გამოც უპატიოსნების სწამებს: „ვინგინდავინ ქორწილს უკან შეიძულოს ცოლი თვისი, ტყუილად სძრახოს ამაზე, არ იყო ქალწული, მისცენ მანდილოსანთა შესატყობლად-გასასინჯავად.“⁴⁶⁰ როგორც მოყვანილი ნორმებიდან ჩანს სიძირის

⁴⁵⁵ სამართალი ბატონიშვილი დავითისა, გვ. 125.

⁴⁵⁶ უგუნური – გონება დაბრენებული. უგრძნობელი, ესე არს დაბრმობა სახედველთა გონებისათა. უგუნებურება არს დაბრმობად სახედველთა გონებისათა, ხოლო სილადე მეტნობად მანქანებათათ. სულხან-საბა ორბელიანი, ლექსიკონი ქართული, II, გვ. 154; უგუნგურება, -რობა – უჭერობა. უგუნური – გონება მიხდილი, დაბრმობილი გონებითა, უჭერო. ჩუბინაშვილი დ., დასახ. ლექსიკონი, 1239; უგუნურება-ყოფა – სისულელედ მიჩნევა. სარჯველაძე ზ., დასახ. ლექსიკონი, გვ. 200.

⁴⁵⁷ სამართალი ბატონიშვილი დავითისა, გვ. 125.

⁴⁵⁸ მხილება – ესე არის სიტყვითა და საქმის გარჩევით ბოლოს დანახება. სულხან-საბა ორბელიანი, ლექსიკონი ქართული, I, გვ. 552.

⁴⁵⁹ ქართული სამართლის ძეგლები, ტ. I, გვ. 118.

⁴⁶⁰ იქვე, გვ. 289.

დაწამებისას დელიქტის სუბიექტს ქმარი წარმოადგენდა და ამ შემთხვევაშიც პირდაპირი განზრახვა შემადგენლობის აუცილებელი ნიშანია.

ქმრის მიერ მრუშობის დაწამების შესახებ ნორმებს უძველს სამართლის ძეგლებშიც ვნახულობთ. ასირიულ კანონებში ცალკე არის გამოყოფილი მრუშობის ცილისწამება ქმრის წინაშე და თავად ქმრის მიერ ცოლის ცილიწამება. ამ უკანასკნელის მიმართ კანონმდებელი უფრო მკაცრია.⁴⁶¹

ისლამური სამართლიც ანსხვავებას მრუშობის დაწამებას სუბიექტის მიხედვით, შესაბამისად შედეგებიც განსხვავებული იყო. „თუ მრუშობის მოწმეთა-თვითმხილველთა ჩვენებებში იყო სხვაობა ან არსებობდა სხვა საფუძვლები, რომლებსაც შეიძლებოდა მიეცა საბაბი ეჭვი შეეტანათ მათ ჩვენებების გულწრფელობაში, მაშინ მათ ეკისრებოდათ პასუხისმგებლობა მრუშობის ცრუ ბრალდებისათვის. ისლამური სამართლის განმარტებლებს მიაჩნიათ, რომ დაუმტკიცებელი ბრალდებას თუმცა კი მოყვება ყურანით ზუსტად განსაზღვრული სასჯელი (ხადდი), მაგრამ ხელყოფებ მხოლოდ ან უმეტესად ცალკეულ ადამიანთა უფლებებს. ამიტომ პასუხისმგებლობა ამ დანაშაულისათვის დგება მხოლოდ დაზარალებულის მოთხოვნით, რომელსაც აქვს უფლება აპატიოს დამნაშავეს. მხოლოდ ჰანიფატები თვლიდნენ, რომ ასეთი დანაშაული ხელყოფს უპირველესად თემის ინტერესებს (ალაპის უფლებებს) და ამიტომ არ უშვებდნენ პატიებას. ქმარს, რომელიც ცოლს ბრალს დებს მრუშობაში, პასუხისმგებლობა არ ეკისრება ამ დანაშაულისათვის. თუ ის ამტკიცებს, რომ ცოლმა გააჩინა ბავშვი სხვისგან და იმეორებს თავის ბრალდებას ხუთჯერ (ლი-ან), მაშინ ცოლი დასჯილი უნდა იქნეს მრუშობისათვის. თუმცა თუ ის ხუთჯერ დაიფიცებს ალაპს, რომ ბავშვი მან გააჩინა ქმრისგან, მაშინ ბავშვის მამად ცხადდება ქმარი, მაგრამ ქორწინება უქმდება სამუდამოდ. “⁴⁶²

თ. მონიავა ცოლის ცილისწამებად განიხილავს კათალიკოზთა სამართლის 23-ე მუხლეს: „კათალიკოზთა სამართლი განსაკუთრებულ ყურადღებას უთმობდა ცოლ-ქმრულ დალატში უსაფუძვლოდ ცილდაწმაბული ქალის პატივსა და ღირსების დაცვის საკითხესაც. კერძოდ, თუ ქმარი თავისი ცოლს ამხელდა ამორალურ საქციელში, მაგრამ აღნიშნულს ვერ დაუმტკიცებდა, მის მიერ გავრცელებული ცნობები ცოლის

⁴⁶¹ § 18. „უკეთუ მამაკაცი ეტყვის თავის თანასწორს, საიდუმლოდ იქნება ეს თუ ჩეუბის დროს: „შენი ცოლი როსკიპია“, და კიდევ „მე თვითონ ბრალს დავდებ მას ფიცის ქვეშ“ და ბრალს არ დახდებს მას და არ ამხელს, ამ კაცს უნდა დაპკრან 40 ჯოხი. ერთი თვის განმავლობაში იგი შეასრულებს სამეცნიერო სამუშაოს, მას დადადაგენ და გადაახდევინებენ 1 ტალანტ კალას.“ § 19. „უკეთუ მამაკაცი ცოლს დასწამებს თანასწორს, იტყვის: „მასთან წვანან“, ან ჩეუბის დროს სახლახოდ ეტყვის: „შენთან წვანან“ და კიდევ: „მე ფიცის ქვეშ გამხელ შენ“, მაგრამ არ ამხელს და ბრალს არ დახდებს, ასეთ კაცს უნდა დაპკრან 50 ჯოხი ერთი თვის მანძილზე მას უნდა შეასრულოს სამუშაო. იგი უნდა დადაღონ და გადაახდევინონ 1 ტალანტი კალა.“ ძველი აღმოსავლთის ხალხთა ისტორიის ქრესტომატია, რედ. გრ. გორგაძე, თბ., 1990, გვ. 78.

⁴⁶² Мусульманское право (структур и основанные институты), ред. Л. Р. Сюкияйнен, М., 1984, ст. 82.

დალატოან დაკავშირებით არამხოლოდ უსაფუძვლო ცილისწამებად აღიქმებოდა და ოჯახის დანგრევის მიზეზი ვერ გახდებოდა, არამედ ცოლის „უბრალოდ დამგდები“ ქმარი სიკვდილით უნდა დასჯილიყო (მუხ. 23).⁴⁶³ საეჭვოა დასახელებულ საკითხთან დაკავშირებით მაგალითად კათალიკოზთა სამართლის 23-ე მუხლის მოყვანა, რადგან აღნიშნული მუხლი საერთოდ არ არის საუბარი ცილისწამების შესახებ, არამედ ნორმაზოგადად უმიზეზოდ ცოლის დაგდებას ეხება. „რომელმან უბრალოდ ცოლი დააგდოს, შეჩვენებულიმცა არის წმიდათა მოციქულთაგან და სიკუდილითა განიპატიჟოს.“⁴⁶⁴ თ. მონიავას შეიძლება იმაში დავეთანხმოთ, რომ უბრალოდ ცოლის დაგდება ქალის პატივსა და ლირსებას შეურაცყოფდა, მაგრამ ეს არ ნიშნავს, იმას რომ ასეთ დაგდებას წინ ქალის ცილისწამება უძლოდა, ყოველ შემთხვევაში ეს ამ ნორმაში არ ჩანს. კათალიკოზთა სამართალი მრუშობის ცილისწამებასთან დაკავშირებით მაგალითის მოსაყვანად არ გამოდგება, რადგან დასახელებული სამართლის ძეგლი საერთოდ არ მოიცავს ასეთი სახის დელიქტებს.

ქმრის მიერ ცოლის ცილისწამება თუ დასჯადი იყო რა თქმა უნდა ქველი ქართული სამართალი გვერდს ვერ აუვლიდა სხვათა მიერ ამ სახით პირის პატივის ხელყოფის დასჯადობას. ბაგრატ კურაპალატის სამართალში (ბექა-აღბუდას სამართლის 145-ე მუხლი) მრუშობის შეყივლებით დაბრალებაზეა საუბარი: „თუ კაცმან კაცსა შეჰყივლოს ეს კაცი შენსა ცოლსა ასრე უზამსო, ანუ აფიცოს, ანუ მართლა გატეხოს, არა ზედა-აც. თუ არა, დიაცისა ქმარსა შეუკაზმოს.“⁴⁶⁵ შეყივლება ნიშნავდა ყვირილით დაბრალებას.⁴⁶⁶ რაც შეეხება მუხლში ჩამოყალიბებულ ქმედებას, გიორგი ნადარევიშვილს დასახელებული მუხლი შემდეგნაირად აქვს განმარტებული: „ამ შემთხვევაში ფიცით უნდა გადაწყვეტილიყო საკითხი, იყო თუ არა ცილისწამება ერთი პირის მიერ მეორესთვის ნათქვამი მხილება – შენს ცოლს სქესობრივი კავშირი აქვს სხვა პირთანო.“ პირი თუ თავის ნათქვამს ფიცით არ დაადასტურებდა მისი შეყივლება ცილისმწამებლური იქნებოდა.“⁴⁶⁷ დასახელებულ ნორმას ეხება ალ. ვაჩეიშვილიც. „უპეტუ ვინმემ განუცხადა ქმარს, შენს ცოლს სქესობრივი კავშირი აქვს სხვა პირთანო, მან უნდა დადგას ფიცი ან გამოსტეხოს ქალი და პასუხს არ აგებს, წინააღმდეგ შემთხვევაში უნდა გადაუხადოს ქმარს საზღაური (საუპატიო).“⁴⁶⁸ ამ შემთხვევაშიც ქალის ცილისწამება ქმრის წინაშე ხდებოდა, ოდონდ „ხმამაღალი“ განცხადებით, რის გამოც არ არის გამორიცხული, რომ ქმრის ლირსების შელახვის შესახებ იგებდნენ სხვებიც. თუმცა ნორმაში გადამწყვეტი მნიშვნელობა ენიჭებოდა ქმრის წინაშე ცილისწამებას.

⁴⁶³ იხ. მონიავა პ. (თემურ), პატივის, დასახ. ნაშ., გვ. 62.

⁴⁶⁴ ქართული სამართლის ძეგლები, ტ. I, გვ. 397.

⁴⁶⁵ იქვე, გვ. 468.

⁴⁶⁶ იხ. ჩუბინაშვილი, დასახ. ლექსიკონი, გვ. 1487.

⁴⁶⁷ ნადარევიშვილი გ., ფიცი, როგორც მტკიცებულება ქართული სამართლის წიგნების მიხედვით, თბ., 1962, გვ. 8.

⁴⁶⁸ ვაჩეიშვილი ალ, ნარგვევები ქართული სამართლის ისტორიიდან, ტ. II, თბ., 1948, გვ. 78.

ვახტანგ ბატონიშვილის სამართლის წერილის 87-ე მუხლით,⁴⁶⁹ ქმრის წინაშე ქალისთვის მრუშების „წაძახება“⁴⁷⁰ რომელიც სიმართლეს წარმოადგენდა დელიქტად ითვლებოდა, აქედან გამომდინარე გასაკვირი არ არის მრუშობის დაწამებისათვის სასჯელის არსებობა. ამ თრ ნორმას შორის ერთ საერთო ნიშანზე უნდა გავამახვილოთ ყურადღება, ქმედების განხროციელება ქმრის წინაშე, რაც შემადგენლობის აუცილებელ ნიშანს წარმოადგენს. ამდენად, ქმრის პატივის ხელყოფა ხდება არა მარტო იმ შემთხვევაში, როცა ქმრის წინაშე ცოლს მრუშებაში ცილს წამებენ, არამედ იმ შემთხვევაშიც, როცა „წაძახება“ სიმართლეს წარმოადგენდა. მაგრამ თუ ამ ბრალდებას, „უნამუსობის ყუედრებას“, ორივე მხარიდან ჰქონდა ადგილი სასამართლო „მაყუედრებლებს“ სასჯელს არ აკისრებდა, სავარაუდოდ ამ შემთხვევაში ადგილი ჰქონდა პასუხისმგებლობის გაქვითვას. მაგალითად შეიძლება მოვიყვანოთ განხინება ქიტესა ლომიტაშვილისა და მიშელაშვილის ცოლების შეურაცყოფის საქმეზე (1792 წლის 18 ნოემბერი). მიშელაშვილი ჩიოდა ლომიტაშვილი ქიტესას ცოლმა ჩემს ცოლს უნამუსობა აყუდრაო. იგივე ბრალდებას აყენებდა ლომიტაშვილი. უნამუსობის ყუედრების გამო მხარეებს ერთმანეთისათვის უგინებიათ და მიშელაშვილმა ოთხი ჯოხი დაკრა ქიტესას. სასამართლოს დაუდგენია: „ეს ერთი რამ არა იყო რა ასეთი. რომ სისხლი გაგვეჩინა. ორნივ გლეხნი არიან, ორნივ სწორები და მეზობელნი ერთმანეთისანი. ჩხუბში ასე მოხდება – ერთმანეთს შეაგინებენ და ავს სიტყუას დაყუედრებენ. ამას ამისთვის უგინებია, იმას ამისთვის ამაზედ უწევია, ამას იმაზე უწევია. ამის ცოლს იმისის ცოლისათვის უყუედრებია და იმის ცოლს ამისის ცოლისთვის. სხვა სისხლი არ მომხდარა რა, და არა ჩანს რა, და არცარა არის.“⁴⁷¹ ჯოხის დაკვრისათვის მიშელაშვილს უნდა დაეპატიუა ლომიტაშვილი, პური უნდა ეჭმია და ბოდიში უნდა მოხხადა. განხინებაში მოცემულია ახსნა რითი იხელმძღვანელა სასამართლომ გადწყვეტილების მიღებისას, რატომ არ დააწესა სასჯელი უნამუსობის ყუედრებისათვის:⁴⁷² ორივე მხარე ერთნაირი სოციალური სტატუსის მქონენ იყვნენ და მათ მიერ მიყენებული ზიანი თანაბარზომიერი იყო.

დავით ბატონიშვილის სამართლის 223-ე მუხლის მეორე ნაწილით: „ხოლო სხუათა ცოლთა მოყივნებისათვის მისცეს საუპატიოო, ამად ვინათვან არავინ თანმდებ არს სხვისა განქიქებად.“⁴⁷³ პირს სასჯელი ეკისრება სხვისი ცოლის სახელის გატეხისათვის.⁴⁷⁴ ნორმა ახსნასაც

⁴⁶⁹ ქართული სამართლის ძეგლები, ტ. I, გვ. 503.

⁴⁷⁰ წაძახება დაყვირებას, დაყვედრებას ნიშნავდა. ჩუბინაშვილი დ., დასახ. ლექსიკონი, გვ. 1665.

⁴⁷¹ ქართული სამართლის ძეგლები, ტ. V, გვ. 586.

⁴⁷² ყვედრება სამდურავის ოქმას ნიშნავდა. ჩუბინაშვილი დ., დასახ. ლექსიკონი, გვ. 1378.

⁴⁷³ სამართალი ბატონიშვილი დავითისა, გვ. 125.

⁴⁷⁴ მოყივნება – კაცოთვის უბადო და ავის სახელის განთქმა. სულხან-ხაბა ორბელიანი, ლექსიკონი ქართული, I, გვ. 510; მოყივნება – დარღვევა. აბულაძე ი. დასახ. ლექსიკონი, გვ. 283; მოყივნება – ცუდი სახელი ქვეყანაში, სახელის გატეხა. ჩუბინაშვილი დ., დასახ. ლექსიკონი, გვ. 865.

შეიცავს, რატომ ითვლებოდა ასეთი ქმედება დელიქტად, რადგან არავის აქვს სხვისი განქიქების-უპატიოდ ხსენების⁴⁷⁵ უფლება. რა შეეხება ქმედების სუბიექტურ მხარეს, ნორმაში არ ჩანს, რომ პირდაპირი განზრახვის არსებობა აუცილებელია.

ბუნებითი დანაშაულების ცილისწამების შესახებ არსებული ნორმების თავისებურებად შეიძლება ჩაითვალოს, რომ სიძვის დაწამების სუბიექტს ქმარი წარმოადგენდა. შესაძლებელია, ცოლ-ქმართა მხრიდან მრუშობაში ურთიერთ ბრალდებას ჰქონოდა ადგილი, ასეთ შემთხვევაში მათი პასუხისმგებლობა სავარულოდ მსაჯულთა მხრიდან გაფრთხილებით შემოიფარგლებოდა. ასევე უნამუსობის „ყუდრებას“ თუ თრივე მხარიდან ექნებოდა ადგილი სასამართლო ასეთი ქმედებისათვის სასჯელს არ აწესებდა, თუმცა დაუსჯელობის აუცილებელი პირობა იყო თრივე მხარის თანაბარი სოციალური მდგომარეობა და მიყენებული ზიანის თანაზომიერება. იმ შემთხვევაშიც კი როცა მრუშობის დაწამებას ქალის მხრიდან ჰქონდა ადგილი, პასუხისმგებელობა ცილისწამებისათვის დამწამებლის ქმარს ეკისრებოდა.

⁴⁷⁵ იხ. ჩუბინა შვილი დ., დასახ. ლექსიკონი, გვ. 220.

4.1.3 ბუნებითი დანაშაულების ცილისწამებისათვის გათვალისწინებული

სასჯელები

ნორმათა შინაარსობრივი მხარის განხილვის შემდეგ ბუნებითი დანაშაულების ცილისწამებისათვის დაწესებული სასჯელებია განსახილველი. როგორც ივ. სურგულაძე აღნიშნავს, „რომის სამართლის მიხედვით, შეურაცყოფის ცნებაში იგულისხმებოდა ზოგადი აზრი იმის შესახებ, რომ დარღვეულია ანუ ხელყოფილია ადამიანის სხეული და პიროვნების ღირსება. რომაული ინიურია ვიწრო მნიშვნელობით მოქმედებით და სიტყვით მიყენებულ შეურაცყოფას ნიშნავდა. პირადი შეურაცყოფა განსხვავებულია სხვა სამართალდარღვევისაგან თავისი შინაგანი თვისებით: დაკმაყოფილების საშუალებით და წარმოების წესით. რომში ის სამოქალაქო სამართალს ეკუთვნოდა ძირითადად. შემდეგში ფეოდალურსა და ბურგაზიულ სამართალში პირიქით იყო: პიროვნების შეურაცყოფის საკითხები სისხლის სამართლის დარგს განეკუთვნებოდა. ასევეა ქართული სამართლის მიხედვითაც.“⁴⁷⁶

შესაძლოა ზოგიერთ შემთხვევაში, როცა პიროვნების პატივის ხელყოფას პქონდა ადგილი, შეინიშნება საჯარო ელემენტი, მაგრამ ასეთი სახის დელიქტები, ყოველ შემთხვევაში ცილისწამებასთან დაკავშირებით კერძო სამართალს უფრო შეიძლება მიკუთვნებულ იქნეს, ვიდრე სისხლის სამართალს. ამ საკითხის უკეთ გარკვევისათვის საჭიროა ქართული სამართლის ძეგლების და სასამართლო პრაქტიკის უფრო დაწვრილებით განხილვა.

გათხოვილი ქალისთვის მრუშობის დაწამებისათვის, ცილისმაწმებელს საუპატიო უნდა გადაეხადა ქმრის სასარგებლოდ. ბაგრატ კურაპალატის სამართალში (ბექა-აღბულას სამართლის 145-ე მუხლი) მოხსენიებულია ტერმინი „შეკაზმავა“: „თუ კაცმან კაცსა შეპყივლოს ეს კაცი შენსა ცოლსა ასრე უზამსო, ანუ აფიცოს, ანუ მართლა გატეხოს, არა ზედა-აც. თუ არა, დიაცისა ქმარსა შეუკაზმოს.“⁴⁷⁷ ალ. ვაჩეიოშვილის აზრით, მიუხედავად იმისა, რომ დასახელებული მუხლი „საუპატიოს“ არ იხსენიებს ტერმინი „შეუკაზმოს“ სწორედ საუპატიოს უნდა ნიშნავდეს, ვინაიდან აქ ზნეობრივი მოქმედია ნაგულისხმევი.⁴⁷⁸ მაგრამ იმ გარემოების გარდა, რაზეც ალ. ვაჩეიოშვილი ამახვილებს ყურადღებას, უნდა აღინიშნოს, რომ დ. ჩუბინაშვილს ეს ტერმინი განმარტებული აქვს, როგორც უპატიობისათვის სანაცვლო გადასახადი.⁴⁷⁹ თუ ტერმინი „დაურვება“ გამოხატავდა სისხლის ფასის გადახდას,⁴⁸⁰ „შეკაზმა“ გულისხმობდა ცილისწამებისათვის საუპატიოს გადახდას. გადახდა კი ხდებოდა მრუშობაში დაწამებული ქალის ქმრის სასარგებლოდ. აღნიშნულზე დამოკიდებულია საკითხის გადაწყვეტა, იყო თუ არა ბუნებითი დანაშაულების ცილისწამება საჯარო

⁴⁷⁶ სურგულაძე ივ., ქართული სამოქალაქო სამართლის ისტორია, ხელნაწერი.

⁴⁷⁷ ქართული სამართლის ძეგლები, ტ. I, გვ. 468.

⁴⁷⁸ იხ. ვაჩეიოშვილი ალ., ნარკვევები ქართული სამართლის ისტორიიდან, ტ. II, თბ., 1948, გვ. 78.

⁴⁷⁹ იხ. ჩუბინაშვილი დ., დასახ. ლექსიკონი, გვ. 1413.

⁴⁸⁰ სულხან-ხაბა თრბელიანი, ლექსიკონი ქართული, ტ. I, გვ. 204.

დელიქტი. ამდენად, საუპატიო ნიშნავდა გარდასახადს უპატიობისათვის,⁴⁸¹ ხოლო „შეკაზმვა“ გულისხმობდა საუპატიოს გადახდას.

საუპატიოზე ზემოთ უკვე იყო საუბარი. შესაბამისად კონკრეტული ნორმიდან გამომდინარე უნდა გადაწყდეს, ხდებოდა მისი გადახდა პირის სასარგებლოდ თუ არა. ბაგრატ კურაპალატის სამართალში (ბექა-აღბუდას სამართლის 145-ე მუხლი), გამონათქვამი „დიაცისა ქმარსა შეუკაზმოს“⁴⁸² გვაფიქრებინებს, რომ სასჯელი ცილისმწამებელს მხოლოდ შეურაცყოფილი ქმრის სასარგებლოდ ეკისრებოდა, ნორმაშიც რაიმე მინიშნება საჯარო ხასიათის სანქციის შესახებ არ არის. ამ შემთხვევაშიც აშკარაა, რომ დელიქტი კერძო-სამართლებივი ხასიათისაა.

საუპატიოს ვხვდებით დავით ბატონიშვილის სამართალშიც ბუნებითი დანაშაულებთან მიმართებაში. 223-ე მუხლის მესამე ნაწილით ცილისმწამებლ ქმარს საუპატიო უნდა გადაეხადა. ნორმის მიხედვით ცილისმწამებელს ქონებრივი საზღაური პატივ შელახული ნათესავებისათვის უნდა მიეცა: „ხოლო უკეთუ არა მართალ იყოს შესმენა იგი, მაშინ საუპატიო მისცეს ქმარმან მისმან მონათესავეთა მის ქალისათა მოყიფნებისათვის გვაროვნებისა მისისა.“⁴⁸³

ქართული სამართლის ძეგლებში ნორმები, რომლებიც ბუნებითი დანაშაულების ცილისმწამებას ეხება საუპატიოს აწესებს სასჯელად. კანონმდებელთა დამოკიდებულება სასჯელის არჩევანთან დაკავშირებით არ შეცვლილა, მიუხედავად იმის, რომ ბაგრატ კურაპალატის სამართალსა და დავით ბატონიშვილის სამართალს შორის დროის ხანგრძლივი მონაკვეთია. ხოლო ცილისმწამებელი საუპატიოს დაზარალებულს უხდიდა. რის საფუძველზეც შეიძლება დასკვნის გაკეთება, რომ ბუნებითი დანაშაულების ცილისმწამება კერძო-სამართლებრივ დელიქტებს უნდა მიეკუთვნოს. რადგან საუპატიოს ზუსტი რაოდენობა არც ამ შემთხვევაში არ არის განსაზღვრული, საგარაუდოდ მისი გამოთვლა ცრუდ დაწამებულის სისხლის ფასის მიხედვით უნდა მომხარიყო.

თავისებურ სანქციად შეიძლება ჩაითვალოს დავით ბატონიშვილის სამართლის 223-ე მუხლის პირველ ნაწილში მოხსენიებული „მხილება“. მრუშობის ცილისმწამებისას ხელყოფას განიცდიდა ქმრის პატივი, ხოლო თუ ცოლის მიმართ მრუშობის ცილისმწამებას თავად ქმარი ახორციელებდა, იკარგება ხელყოფის ობიექტი ვის მიმართაც საუპატიოს გადახდა უნდა მომხდარიყო, ამიტომ მსაჯულები, მხოლოდ ცოლ-ქმრის გაფრთხილებით იფარგლებიან.

მსგავსი შინაარსის დელიქტში მოსეს სამართლით (მუხ. 29), ქმრის მიერ ცოლისთვის უპატიოსნების დაწამებისას, ქმარს: „თუ ქალწულებით იპოოს, მოიყუანონ კაცი იგი მოხუცებულთა მის ქალაქისათა, გუემონ იგი

⁴⁸¹ იხ. ჩუბინაშვილი დ., დასახ. ლექსიკონი, გვ. 1124.

⁴⁸² ქართული სამართლის ძეგლები, ტ. I, გვ. 468.

⁴⁸³ იქვე, გვ. 125.

და აზღვიონ ასი სასწორი ვერცხლი, და მისცენ მამასა მის ქალისასა, რამეთუ სახელი ბოროტი განუკდა, და ქალი იგი მისცენ მასვე ცოლად.⁴⁸⁴ მოსეს სამართალი კუმულაციურ სასჯელს მიმართავს, პირველ რიგში ფიზიკურ სასჯელი, რაც ცემაში გამოიხატებოდა და სახელის გატეხვისათვის ქალის მამისათვის ფულადი საზღაურის გადახდა. ამას გარდა ცილისმწამებელი „ქმარი“ ცოლის შერთვის ვალდებულებისაგან არ თავისუფლებოდა.

სომხური სამართლში (მუხ. 180—მხითარ გოშის სამართლი), რომლიც ასევე ქმრის მიერ ცოლის ცილისმწამებას ეხება, კერძო სახის სასჯელი არ არის გამოყენებული: „თუ გამტკუნდეს ქმარი მის ქალისა, სცენ უწყალოდ, დაარიგონ და წაართვან ასი დრამი ჯარიმა: და ცოლი ისევ უნდა მისცენ ქელში, და იყოლიოს ცოლად მართებულად. და თუ ტყულიად სძრახევდე და არ დასწუნარდეს მისის ძრახვისაგან, ჯარიმა დაადგან, როგორც რომ სწერია კაცო და დედაკაცო სამართალი.“⁴⁸⁵ როგორც ჩანს კანონმდებელი უფრო მკაცრია ამ შემთხვევაში. ცემა უფრო მძიმე ფორმის იყო, ამას გარდა, ნორმაში მოხსენიებულია დარიგება, რაც როგორც ჩანს გაფრთხილებაში მდგომარეობდა. მაგრამ მთავარი, ცილისმწამებელს ასი დრამის გადახდა არა ქალის ოჯახის მიმართ უწევდა, არამედ ფულადი გადასახდელი ჯარიმას წარმოადგენდა. ამდენად, სომხურ სამართალში, სიძვის ცილისმწამება პირობითად საჯარო დელიქტებს მიეკუთვნებოდა. გ. ნადარეიშვილის აზრით, მხითარ გოშის დროს ჩრდილოეთ სომხეთი საქართველოს სახელმწიფოს შემადგენლობაში შედიოდა და ის, რაც სისხლის სამართლის პოლიტიკის სფეროში ხდებოდა, ცხადია, საქართველოს სახელმწიფოსა ნებართვისა და დასტურის გარეშე არ განხორცილდებოდა. გარდა ამისა, საქართველო და სომხეთი განვითარების დაახლოებით ერთნაირ დონეზე იდგნენ და მოსალოდნელია, რომ სომხეთსა და საქართველოში სასჯელების შეფარდების საქმეში დაახლოებით ერთნაირ ვთარებასთან უნდა გვქონოდა საქმე. რის საფუძველზეც აკეთებს დასკვნას, XII საუკუნის ქართული სამართლის წიგნებს რომ მოედწია, სასჯელების საკითხში ის დაახლოებით ისეთივე ნორმების შემცველი იქნებოდა, როგორისაც იყო მხითარ გოშის ცნობილი სჯულდება.⁴⁸⁶ რა თქმა უნდა ამ პერიოდის სამართლის ძეგლები რომ იყოს ჩვენს ხელთ, ყოველგვარი კითხვები მოხსნილი იქნებოდა, აღნიშნულ საკითხთან დაკავშირებით, მაგრამ ამ ეტაპზე ასეთის არარსებობის გამო ზუსტი დასკვნის გაკეთება როგორია, მითუმეტეს რომ არსებულ ქართული სამართლის ძეგლებში აღნიშნულ საკითხთან დაკავშირებით განსხვავებული პოზიცია ფიქსირდება.

მრუშობის დაწამებისათვის სხვა ქვეყნის სამართალს რომ გადავხედოთ, განსხვავებული სახის სასჯელებს ვხვდებით. უძველეს ხანაში, ხამურაბის კანონების 127-ე მუხლით მრუშობის ცილისმწამებელი

⁴⁸⁴ ქართული სამართლის ძეგლები, ტ. I, გვ. 118.

⁴⁸⁵ იქვე, გვ. 289.

⁴⁸⁶ იხ. ნადარეიშვილი გ., კერძო და საჯარო სასჯელები ფეოდალურ საქართველოში, ჟურნალი „აღმანახი“, 2000, №14, გვ. 105.

გამაწმილებლი სასჯელით ისჯებოდა, რაც გამოიხატებოდა ნახევარი თავის გადაკარსვით.⁴⁸⁷ როგორც ის. დოლიძე აღნიშნავს, საფეთქლების გაპარსვა ძველ ბაბილონში მძიმე ხასიათის გამაწმილებელი სასჯელი იყო, რომელიც უპატიობისა და მონობის ნიშნად ითვლებოდა.⁴⁸⁸

ასირიულ კანონებით მრუშობის ცილისწამება კუმულაციურ სანქციას ითვლისწინებდა. ცილისმწამებლის მიმართ ფიზიკურ სასჯელს (დაჯრან 40 ჯოხი) იყენებდნენ, მას ევალებოდა ასევე ერთი თვის განმავლობაში სამეფო სამუშაო, ამას გარდა უნდა გადეხადა ერთი ტალანტი კალა.⁴⁸⁹ თავად ქმრის მიერ ცოლის მრუშობის ცილისწამება უფრო მკაცრად ისჯებოდა.⁴⁹⁰

ისლამური სამართალიც ფიზიკურ სასჯელს იყენებს მრუშობის ცილისმწამებელთა მიმართ: „ისინი, ვინც ბრალს დებენ მრუშობაში და მერე არ მოიყვანენ თოხ მოწმეს –ცემეთ ისინი 80 დარტყმით და ისინი ვერ იქნებიან მოწმეები ვერასდროს.“⁴⁹¹ სალიკური სამართალიც ქონებრივ სანქციებს იყენებს მრუშობის ცილისმწამებლის მიმართ.⁴⁹² ეკლოგას მიხედვით მრუშობის ცილისწამებლი იგივე სასჯელით უნდა დასჯილიყო, რაც მრუშობის ჩამდენელს მოელოდა. ხოლო მემრუშეთა მიმართ კანონმდებლი საკმაოდ მკაცრია, ორივე მემრუშესათვის ცხვირი უნდა მოეჭრათ.⁴⁹³

ძველ ქართულ სამართალს რაც შეეხება, იქ ქონებრივი ხასიათის სანქცია, საუპატიო გამოიყენებოდა. თუ რელიგიური თვალსაზრისით განსხვავებული სიმკაცრის სასჯელები იყო გათვლისწინებული სიძვისათვის და მრუშობისათვის, ძველი ქართული საერო სამართლით ერთნაირად ისჯებოდა როგორც სიძვის, ისე მრუშობის დაწამება. სანქციის ოდენობაზე მხოლოდ პირის სოციალური სტატუსი მოქმედებდა, საუპატიოს რაოდენობა

⁴⁸⁷ ხამურაბის კანონები, გვ. 26.

⁴⁸⁸ ის. დოლიძე ის., ძველი აღმოსავლეთის სამართალი, თბ., 1960, გვ. 087.

⁴⁸⁹ ძველი აღმოსავლეთის ხალხთა ისტორიის ქრესტომატია, რედ. გრ. გორგაძე, თბ., 1990, გვ. 78.

⁴⁹⁰ § 19. უპეთუ მამაკაცი ცოლს დასწამებს თანასწორს, იტყვის: „მასთან წვანან“, ან ჩხუბის დროს სახლახოდ ეტყვის: „შენთან წვანან“ და კიდევ: „მე ფიცის ქვეშ გამხელ შენ“, მაგრამ არ ამხელს და ბრალს არ დასდებს, ასეთ კაცს უნდა დაპურან 50 ჯოხი ერთი თვის მანძილზე მან უნდა შეასრულოს სამეფო სამუშაო. იგი უნდა დადაღონ და გადაახდევინონ 1 ტალანტი კალა. ძველი აღმოსავლეთის ხალხთა ისტორიის ქრესტომატია, რედ. გრ. გორგაძე, თბ., 1990, გვ. 78.

⁴⁹¹ ის. მუსულმანское право (структуре и основанные институты), ред. Л. Р. Сюкяйнен, М., 1984, ст. 82.

⁴⁹² „უპეთუ მამაკაცი თუ ქალი – თავისუფალ ქალს მებავს უწოდებს და ამას ვერ დაამტკიცებს, გადახდება 1800 დენარი, რაც შეადგენს 45 სოლიდს.“ დოლიძე ის., ადრეკეოდალური სამართლის ძეგლები, თბ., 1950, გვ. 23.

⁴⁹³ „თუ ისინი დაამტკიცებენ კავშირის არსებობის ფაქტს, მაშინ უნდა ცხვირი მოაჭრან ორივე მემრუშეს. ხოლო თუ ვერ დაამტკიცებენ, მაგრამ ბრალდება მტრობით გააკეთეს, მაშინ როგორც ცილისმწამებლები ასეთივე სასჯელით უნდა დაისაჯონ.“ ეკლოგა, ვიზანტიური კანონის მიზანით გადამტკიცებული არსებობის დამატებითი მომართვა, რედ. ე. ე. ლიპაშვილი, თბ., 1965, გვ. 70.

განისაზღვრებოდა სისხლის ფასის მიხედვით. ძველი ქართული სამართლის ძეგლებში ბუნებითი დანაშაულების ცილისწამებისას მხოლოდ ქონებრივ სანქციები იყო გათვლისწინებული. ხოლო ცილისმწამებელს საზღაურის გადახდა ქალის ოჯახის მიმართ ეკისრებოდა. რის საფუძველზეც აღნიშნული დელიქტები პირობითად შეიძლება კერძო სამართალს მიეკუთვნოს.

4.2. გრძნეულების ცილისწამება

4.2.1 გრძნეულების ცილისწამება როგორც დელიქტის ერთ-ერთი სახე

გრძნეული სულხან-საბა თრბელიანს განმარტებული აქვს, როგორც „ეშმაკურობის მოქმედი“.⁴⁹⁴ ხოლო მისანი იყო წინამთქმელი მომავლისა.⁴⁹⁵ ამ განმარტებებს შეესაბამება ბერძნული სამართლის ქართულ ვერსიაში არსებული 346-ე მუხლი: „გრძნეული, რომელიც იქმნებიან ეშმაკისა საუნჯენი. ესრეთ იტყვიან, რომე, სანთლითა და ცერცვით რომ მისნობა ვქენითო, იმაში ესრეთ ვნახეთ, ეს კარგი მოგივა და ეს გევნებისო. ესრეთ წინასწარმეტყუელებენ და იტყუიან, შენი საქმე ესრეთ იქნებაო.“⁴⁹⁶ მისნობას წარამართულ გადმონაშთად მიიჩნევდა ქრისტიანობა. „ნუ იდებ საქმედ შენ მსგავსად ბიწებისა მის წარამრთობასა.“⁴⁹⁷

გრძნეულების დაბრალება რომ უნდა დასჯილიყო, ეს სავსებით ლოგიკურად მიაჩნია ნ. ურბნელს, რადგან „თვით გრძნეულება დანაშაული იყო. გრძნეულების ცილისწამება ავტორს სიტყვით შეურაცყოფის ფორმად მიაჩნია.⁴⁹⁸ ნორმა, რომელიც უშუალოდ გრძნეულების დაწამებას შეეხებოდა მოცემულია მხოლოდ ბაგრატ კურაპალატის სამართალში (ბექა-აღბუღას სამართლის წიგნი მუხ. 146). ამ მუხლით გრძნეულების საჯაროდ დაბრალება დელიქტად ითვლებოდა. „თუ კაცმან კაცსა გრძნეულება შეჰყივლოს, სისხლის ნახევარი დაუურვოს, თუ ვერ გატეხოს.“⁴⁹⁹ შეჰყივლება განმარტებულია, როგორც შეძახება, ყვირილით დაბრალება.⁵⁰⁰ მისნობის ცილისწამების როგორც დელიქტის აუცილებელ ნიშანს როგორც ჩანს წარმოადგენდა დაწამების საჯარო ხასიათი. დამწამებელი ცილისწამებისათვის პასუხს აგებდა იმ შემთხვევაში თუ თავის ბრალდებას ვერ დაამტკიცებდა. ამაზე მიანიშნებს ნორმაში შემდეგი მითითება, „თუ ვერ გატეხოს“, საუბარია იმ პირზე ვისაც გრძნეულებას აბრალებდნენ.⁵⁰¹

⁴⁹⁴ იხ. სულხან-საბა თრბელიანი, ლექსიკონი ქართული, I, გვ. 171.

⁴⁹⁵ იხ. ჩუბინა შვილი დ., დასახ. ლექსიკონი, გვ. 748.

⁴⁹⁶ ქართული სამართლის ძეგლები, ტ. I, გვ. 209.

⁴⁹⁷ მოსეს სამართლი მუხ. 11. ქართული სამართლის ძეგლები, ტ. I, გვ. 111.

⁴⁹⁸ იხ. ხიზანა შვილი ნ. (ურბნელი), დასახ. ნაშ., გვ. 490, 491.

⁴⁹⁹ ქართული სამართლის ძეგლები, ტ. I, გვ. 468.

⁵⁰⁰ იხ. ჩუბინა შვილი დ., დასახ. ლექსიკონი, გვ. 1487.

⁵⁰¹ გატეხა – ზოგჯერ ვამხილებ, გავცრუვებ, პირს დავუყოფ. ჩუბინა შვილი დ., დასახ. ლექსიკონი., გვ. 272; მხილება – ესე არის სიტყვითა და საქმის გარჩევით ბოლოს დანახება. სულხან-საბა თრბელიანი, ლექსიკონი ქართული, I, გვ. 552; მხილება – სიტყვით ან საქმით შევაგონებ, დავანახევებ უგვნას ყოფა-ქცევას ან შეცორმასა, გამოვაშკარავებ, გავამჟღავნებ, პირს დავუყოფ, გავამტკუვნებ. ჩუბინა შვილი დ., დასახ. ლექსიკონი, გვ. 938; ისევე როგორც ძველ ქართულ სამართალში ცილისწამებისას, თუნდაც კუდიანობის, ჯადოქრობის დაწამებისას დამწამებელს უწევს თავისი ბრალდების მტკიცება, თუმცა ისტორიაში გვხვდება საპირისპირო შემთხვევებიც. სამურაბის კანონებით ჯადოქრობის დაბრალებისას დაწამებულს უხდებოდა თავისი სიმართლის დამტკიცება: § 2. „უკეთუ კაცმა კაცს ჯადოქრობა დაბრალა და ვერ დაუმტკიცა, ის, ვისაც ჯადოქრობა დაბრალდა, მდინარესთან უნდა მიიღიდეს, მდინარეში უნდა შევიდეს და, თუ იგი მდინარემ დაიჭირა, მისი დამსენელი მის სახლს წაიდგეს, თუ ეს კაცი მდინარემ გაწმინდა და იგი გადარჩა, ვინც მას ჯადოქრობა დაბრალა, სიკვდილით უნდა დაისაჯოს. ვინც მდინარეში შევიდა,

ნორმა ზოგადი სახისაა, სხვა რაიმე დასკვნის გაცეთების საშულებას ის არ იძლევა. სამწუხაროდ არც სასამართლო განჩინებები მოიძებნა აღნიშნულ საკითხზე. ერთადერთი 1592 წლის სიმონ I-ის მაღალაძეებისადმის მიცემული სიგელია, მაგრამ მასშიც მეტად ზოგადი განსაზღვრებაა მოცემული. ოუ ბაგრატ კურაპალატის სამართლი აქცენტს აკეთებს, რომ დაწამება „შეყივლებით“ უნდა მომხდარიყო, სიმონ მეფის სიგელში ზოგადად დაწამებას ახსენებს: „ოუ კუდიანობა⁵⁰² და მწამლელობა⁵⁰³ დასწამოს, სისხლის ნახევარი არის.“⁵⁰⁴

ვახტანგ ბატონიშვილის სამართლის წიგნში არ არის ნორმა, რომელიც აღნიშნულ საკითხს შეეხებოდა. ხომ არ იძლევა ეს იმის საფუძველს, რომ ამ პერიოდისათვის მისხობის ცილისწამება დასჯად ქმედებად აღარ ითვლებოდა? შესაძლოა ეს დამოკიდებული იყო იმ ქმედების დასჯადობის არსებობაზე რასაც პირს სწამებდნენ. ოუ რაიმე ქმედება დანაშაულად იყო აღიარებული, მისი ცილისწამებაც პასუხისმგებლობას იწვევდა. ვახტანგ ბატონიშვილის სამართლის წიგნის 251-ე მუხლი ეხება „მისანთა და კუდიანთათვის.“ პირველ პუნქტში კანონმდებელი საუბარობს მისანთა და კუდიანთა ამყოლ კაცის დასჯაზე: „მისანთა და კუდიანთა ამყოლი კაცი დ-თისაგანც დაწყველილი არის და პატრონისაგანც წასაჭდენი.“⁵⁰⁵ წახდენა გარჟვენას, გაფუჭებას დადუპვას, გაოხრებას ნიშნავდა.⁵⁰⁶ მართალია მოყვანილ ციტატაში არაფერია ნათქვამი თავად მისნის და კუდიანის დასჯაზე, მაგრამ ძნელად წარმოსადგენია, რომ დასჯილიყო ადამიანი, რომელიც მისანის და კუდიანის ამყოლი იყო, ხოლო თავად მისანს, ან კუდიანს პასუხისმგებლობა არ დაკისრებოდა. ხოლო ამ მუხლის მომდევნო პუნქტებში საუბარია მისნის და კუდიანის დასჯაზე, ოუ

თავისი დამსმენელის სახლს წაიღებს.“ ხამურაბის კანონები, გვ. 10; სალიკურ სამართალში ორი მუხლი ეხება ჯადოქრობის დაწამებას. იმ შემთხვევაში თუ ცილისწამება ისეთ პირს ეხება ვისუეც ხმებია გავრცელებული, დამწამებელს თავისი სიტყვების მტკიცება არ უწევს, მეორე შემთხვევაში დამწამებელს თავისი ნათქვამი უნდა დაუმტკიცებინა, წინააღმდეგ შემთხვევაში ცილისწამებისათვის აგებდა პასუხს. LXIV. ჯადოქრობის ბრალდების შესახებ. § 1. „უკეთუ ვინემ სხვას უწოდებს ჯადოქარს, ე. ი. კუდიანს ან ისეთს, რომლის შესახებაც ხმებია გავრცელებული, თითქოს იგი დაატარებდეს ქვაბს, სადაც კუდიანები ხარშავენ (თავის წამალს), გადახდება 2500 დენარი, რაც შეადგენს 63 სოლიდს“; § 2. „უკეთუ ვინმე თავისუფალ ქალს უწოდებს კუდიანს და ვერ შესძლებს ამის დამტკიცებას, გადახდება 2500 დენარი, რაც შეადგენს სამჯერ 89 სოლიდს. დოლიძე ის, ადრინდელი ფეოდალური სამართლის ძეგლები, თბ., 1950, გვ. 48. ალექსანდრის სამართლით დაწამებული პირი უნდა გაეწმინდა ბრალდებისაგან. ალექსანდრი პაქტიდან – § 33. „უკეთუ ვინმე სხვის (ცოლს) თავისუფალ (ქალს) ბრალდად დასდებს დანაშაულს, ან ჯადოქრობას, ან მოწამლველობას, შეიძყობს და გალიაში ჩასვამს, ხოლო ვინმე ნათესავთაგანი გაწმენდს ზას 12 თანამოფიცრით (medicus electus) ან ამოწვდილი მახვილით (ბრალდებულმა), უნდა გადაიხადოს 800 სოლიდი.“ დოლიძე ის, ადრინდელი ფეოდალური სამართლის ძეგლები, თბ., 1950, გვ. 75.

⁵⁰² კუდიანობა – გრძნეულება, ჯადოიანობა. ჩუბინაშვილი დ., დასახ. ლექსიკონი, გვ. 633.

⁵⁰³ მწამლელი – ესე არს გრძნების მოქმედი, ხოლო მსოფლიონი მწამლავსა სამსალითა კაცის მკვლელსა უწოდებენ. სულხან-საბა თრბელიანი, ლექსიკონი ქართული, I, გვ. 544.

⁵⁰⁴ ქართული სამართლის ძეგლები, გ. II, გვ. 207.

⁵⁰⁵ ქართული სამართლის ძეგლები, გ. I, გვ. 544.

⁵⁰⁶ ის. ჩუბინაშვილი დ., დასახ. ლექსიკონი, გვ. 1667.

მათ გამო „დაჩხუბილნი⁵⁰⁷ კაცნი სამართალში მოვიდნენ,“ ან თუ მკიოხველს სხვაზედ ან ჩხუბი, ან წასაჭდენი მოუკდენია.“⁵⁰⁸ შესაბამისად, თუ ისჯებოდა მისნობა, მისი ცილისწამებაც დასჯადი ქმედება იქნებოდა ვახტანგ ბატონიშვილის პერიოდშიც. გამოთქმულია ვარაუდი, რომ ვახტანგ ბატონიშვილის სამართლის კრებულში შესულ სამართლის ძეგლებსაც სავალდებულო ძალა ჰქონდათ.⁵⁰⁹ თუ ამ მოსაზრებას გავიზიარებთ, მაშინ შეიძლება დავასკვნათ, რომ გრძნეულების ცილისწამების შემთხვევაში სასამართლო იხელმძღვანელებდა ნორმით, რომელიც ბექა-აღბუღას სამართლის წიგნშია შესული.

სასამართლო განჩინებების არარსებობა გრძნეულების ცილისწამებასთან დაკავშირებით ჩვენს მსჯელობას მწირეს ხდის. ერთის თქმა ნამდვილად შეიძლება, რომ აღნიშნული ქმედება ძველი ქართული სამართლის მიხედვით დელიქტს წარმოადგენდა. ამავე დროს ნორმაში არ იკვეთება ქმედების ობიექტი და არც ქმედების განზრას ჩადენაზეა რაიმე მითითება.

⁵⁰⁷ დაჩხუბილი – ვეჩხუბები, წავეკიდები. ჩუბინაშვილი დ., დასახ. ლექსიკონი, გვ. 446.

⁵⁰⁸ ქართული სამართლის ძეგლები, ტ. I, გვ. 544-545.

⁵⁰⁹ იხ. ვახტანგიშვილი ალ, ნარკვევები ქართული სამართლის ისტორიდან, I, თბ., 1946, გვ. 18.

4.22 სასჯელი გრძნეულების ცილისწამებისათვის

მოსეს სამართლით მისნობის ჩამდენი „ბილტ არს წინაშე უფლისა, რომელ[ი] იქმოდის ამას ყოველსა, რამეთუ ამის ყოვლისა ბილტებისათვის მოსრნა იგინი უფალმან დმერთმან შენმან პირისაგან შენისა.“⁵¹⁰ ის რომ მისანი უფლისგანაა დასჯილი ვახტან ბატონიშვილის სამართალშიც (მუხ. 251) არის მითითებული, თუმცა დვოის სასჯელის გარდა კანონმდებელი საერო სასჯელსაც უწესებს.⁵¹¹ სასჯელებს, რომელთაც კანონმდებელი იყენებს მისნობისათვის საკმაოდ მკაცრია: წახდენა, გახეიბრება. ხოლო მისანს თუ „ჩხუბი, ან წასაგდენი მოუკდენია, მოსამართლემ გაუკითხავად, სისხლი იყოს თუ საჟაპარიო, წაურთოს და მისცეს.“⁵¹² ამ შემთხვევაში ვფიქრობთ, მისნის სასჯელი დამოკიდებული იყო იმ შედეგზე რაც დადგებოდა მისი საქმიანობის შედეგად. ბერძნული სამართალიც საკმაოდ მკაცრია მისანთა მიმართ: ხმლით განპატიუება, ქონების ჩამორთმევა და გაძევება, სიკვდილით დასჯა. როგორც ვხედავთ ბერძნული სამართალი უფრო მკაცრ სასჯელებს ითვლისწინებს მისანთა მიმართ.⁵¹³ თუმცა გიორგი ნადარეიშვილს მოჰყავს 1767 წლის კანონი, რომლის მიხედვით „მომწამლველნი“, „კაცის შემკვრელი“, „სიყვარულისა ძულვარისა წამლის მიმცემნი“, „მამათ მავლობის მქმნელნ, მამალნი ანუ დედალნი“ სიკვდილით უნდა დასჯილიყვნენ.⁵¹⁴ რაც შეეხება გრძნეულების ცილისწამების დასჯადობას, განხილვისას ვეურდნობით ორ ნორმას: ბაგრატ კურაპალატის სამართალს (ბექა-აღბუდას სამართლის წიგნის 146-ე მუხლი)⁵¹⁵ და სიმონ I-ის 1592 წლის სიგელს.⁵¹⁶ ორივე შემთხვევაში სასჯელი ანალოგიურია, ცილდაწამებულის სისხლის ფასის ნახევარი. ბაგრატ კურაპალატის სამართლის მიხედვით შეიძლება ითქვას, რომ სისხლის ფასის გადახდა დაზარალებულის სასარგებლოდ ხდებოდა. ამაზე მეტყველებს ტერმინი „დაუურვოს“, რაც სულხან-საბა ორბელიანს განმარტებული აქვს როგორც სისხლის მიცემა.⁵¹⁷ იგივე შეიძლება ითქვას სიმონ I-ის სიგელზე: „თუ კუდიანობა და მწამლელობა დასწამოს, სისხლის ნახევარი არის.“⁵¹⁸ გამოყენებული სანქციების მიხედვით კი შეიძლება ითქვას, რომ გრძნეულების ცილისწამება უფრო მსუბუქად ისჯებოდა ვიდრე თავად გრძნეულება.

ამ სახის სანქციას სხვა დანაშაულთა ცილისწამებისთვისაც ითვალისწინებდა კანონმდებელი, ამ მხრივ გრძნეულების დაწამებისათვის განხევებულ სასჯელი არ არის დაწესებული, თუმცა უნდა აღინიშნოს, რომ გრძნეულების ცილისწამება უფრო მსუბუქად ისჯებოდა ვიდრე თავად გრძნეულება.

⁵¹⁰ ქართული სამართლის ძეგლები, ტ. I, გვ. 111.

⁵¹¹ იქვე, გვ. 544.

⁵¹² იქვე, გვ. 545.

⁵¹³ იქვე, გვ. 208-210.

⁵¹⁴ იხ. ნადარეიშვილი გ., საჯარო და კერძო სასჯელები ფეოდალური საქართველოში, ქურნალი „აღმანახი“, 2000, №14, გვ. 123.

⁵¹⁵ ქართული სამართლის ძეგლები, ტ. I, გვ. 544.

⁵¹⁶ ქართული სამართლის ძეგლები, ტ. II, გვ. 207.

⁵¹⁷ იხ. სულხან-საბა ორბელიანი, ლექსიკონი ქართული, I, გვ. 204.

⁵¹⁸ ქართული სამართლის ძეგლები, ტ. II, გვ. 207.

გადაეხადა დამნაშავეს, მაგალითად, დალატის დაწამებისათვის სრული სისხლის ფასი იყო დაწესებული. ამაზე გავლენას რა თქმა უნდა ახდენას რა ქმედების დაწამებას პქონდა ადგილი.

სასჯელის დანიშვნასთან დაკავშირებით, გრძნეულების ცილისწამების სასჯელი არ არის ანალოგიური იმ სასჯელისა რაც მისნობისათვის იყო გათვლისწინებული. თუ მისნობისათვის პირის მიმართ შეიძლებოდა დამსახიჩრებელი სასჯელიც გამოეყენებინათ, ამ ქმედების ცილისწამებისათვის ძველი ქართული სამართალი მხოლოდ კომპოზიციათა სისტემით შემოიფარგლება.

4.3 საკუთრების წინააღმდეგ მიმართულ დანაშაულთა ცილისწამება

4.3.1 საკუთრების წინააღმდეგ მიმართული დანაშაულების ცილისწამება, როგორც დელიქტი

ქურდობა ერთ-ერთი ყველაზე გავრცელებული დანაშაული იყო. როგორც ვახტანგ ბატონიშვილი აღნიშნავს, ეს დანაშაული მრავალფეროვნებით გამოირჩევა: „ქურდობა, დიად, ბევრი რიგის არის და მრავალფერი არის, და თვითეულად ყველას ცალკე დაწერა არ იქნებოდა, გრძლად მოვიდოდა. ქურდობა ყველა სწორი არ არის.“ (ვახტანგ ბატონიშვილის სამართალი 150-ე მუხლი).⁵¹⁹ იმის გამო, რომ სამართლის ძეგლი კაზუისტურ სისტემაზეა აგებული ყველა შემთხვევის ჩამოთვლას, როგორც ვხედავთ კანონმდებელი შეუძლებლად თვლის. ამ მრავალგვარობის გამო ყველანაირი ქურდობა „სწორი“ არ არის.⁵²⁰ ქურდობის არაერთგვაროვნების შესაბამისად სხვადასხვა სახის ქურდობისათვის პასუხისმგებლობაც განსხვავებული უნდა ყოფილიყო. ვახტანგ ბატონიშვილი ცალკე გამოყოფს სამი სახის ქურდობას, (მუხ. 151—სახლის გაქურდვა, როდესაც ცოლ-ქმარი სახლში იმყოფებოდა, მუხ. 152—ლაშქრობისას ჩადენილი ქურდობა და მუხ. 153—ქალისთვის სამკაულების შესხნა).⁵²¹ დასახელებულ მუხლებში კანონმდებელი კუმულაციურ სანქციას იყენებს, ხოლო ამ ქურდობების გარდა სხვა სახის ქურდობისათვის მხოლოდ შვიდეულის გადახდას აწესებს. ასევე ქურდობის ცალკე სახეებად უნდა ჩაითვალოს საყდრის გატეხვა, ჯვარისა და ხატის დამტკრევა, ხელმწიფის სალაროს გატეხვა, რის შესახებაც ვახტანგ ბატონიშვილი აღნიშნავს, რომ ასეთი სახის ქურდობებს იგი არ ეხება: „საყდრის გატეხისა, ჯვრისა და ხატის დამტკრევისა, ჭელმწიფის სალაროს გატეხისა ჩვენ არაფერი გვითქუამს რა, როგორც ჭელმწიფება და კათალიკოზისა ეპრიანებოდესთ, ისრე გარდააჭდევინონ.“⁵²² მოყვანილი ნორმა მიუთითებს, რომ კანონმდებელი განსხვავებულ პასუხისმგებლობას აწესებს და ერთმანეთისგან გამოყოფს სახელმწიფოს, ეკლესიის ქონების ქურდობას კერძო პირთა ქონების ქურდობისაგან. ეს ნიშნავს, რომ თუ კერძო პირთა წინააღმდეგ ჩადენილ ქურდობათა უმეტესობა კერძო დელიქტთა კატეგორიას მიეკუთვნება, სახელმწიფოს და ეკლესიის ქონების ქურდობის ყველა შემთხვევა საჯარო დელიქტად უნდა ჩაითვალოს. ამ შემთხვევაშიც დელიქტის სახეს განსაზღვრავს არა ქმედება თავისთავად აღებული, არამედ დაზარალებული მხარე. საკუთრების წინააღმდეგ მიმართულ დანაშაულებში

⁵¹⁹ ქართული სამართლის ძეგლები, ტ. I, გვ. 519.

⁵²⁰ სწორი თანასწორის მნიშვნელობით არის ნახმარი. ჩუბინაშვილი დ., დასახ. ლექსიკონი, გვ. 1204.

⁵²¹ ქართული სამართლის ძეგლები, ტ. I, გვ. 519.

⁵²² იქვე, გვ. 520.

ცალკე გამოიყოფა მეკობრეობა,⁵²³ რომელიც დაწესებული სასჯელის მიხედვით ერთ-ერთ მძიმე დანაშაულს მიეკუთვნებოდა.

სახელმწიფო დანაშაულებთან ერთად დავით ბატონიშვილი ქურდობის ცილისწამებასაც მძიმე „საქმედ“ მიიჩნევს: „მძიმედ საქმედ⁵²⁴ შეირაცხების, ოდეს სწამოს ვისთვის ცრუდ ორგულებად მეფის, ანუ წიგნისა, ანუ ქურდობისა, ანუ ციხეთა განცემისა, ანუ მტერთა თანა აქუს მიწერ-მოწერად და ესევითარი.“⁵²⁵ თუ ქურდობის ცილისწამებას კანონმდებელი მძიმე „საქმედ“ თვლის, მაშინ ასეთი ქმედება დაუსჯელი არ უნდა ყოფილიყო. ზემოთ უკვე იყო საუბარი ქურდობის მრავალგვარობის შესახებ. საინტერესოა რას სახის ქურდობის ცილისწამებას გულისხმობს დავით ბატონიშვილი, ეხება ეს მხოლოდ სახელმწიფო და ეკლესიის ქურდობის ცილისწამებას, თუ ყველა სახის ქურდობას მოიცავს. მოყვანილ ნორმაში ქურდობასთან ერთად მხოლოდ სახელმწიფო დანაშაულებია მოხსენიებული, რაც ვარაუდს აჩენს, რომ კანონმდებელს ამ შემთხვევაში შეიძლება სახელმწიფო და ეკლესიის ქონების ქურდობის დაწამება პქონდეს მხედველობაში. ამ არგუმენტის სასარგებლოდ ერთი გარემოებაც მეტყველებს, ვახტანგ ბატონიშვილის სამართლის წიგნის 155-ე მუხლით⁵²⁶ განსაზღვრულია განსაკუთრებული პასუხისმგებლობა სახელმწიფო და ეკლესიის ქონების ქურდობისათვის, რაც მიანიშნებს, რომ ამ სახის ქურდობები სახელმწიფო დანაშაულად არის გამოცხადებული. თუ ამ მოსაზრებას მივყვებით, მაშინ გასაკვირი არ უნდა იყოს თუ რატომ თვლის დავით ბატონიშვილი ქურდობის დაწამებას მძიმე დანაშაულად. ქურდობის ძირითადი შემადგენლობა მძიმე დანაშაულთა კატეგორიას არ მიეკუთვნებოდა და შესაბამისად სხვანაირად ახსნა რატომ არის ქურდობა მოხსენიებული მძიმე სახელმწიფო დანაშაულთა გვერდით რთულია.

აღბუდას სამართლის 86-ე მუხლის პირველი ნაწილი ამკრძალავ ნორმას წარმოადგენს, სადაც სანქცია არ არის მითითიებული: (აღბუდას სამრთალი – [ნაპარავის დაწამებისა ასრე იქნას]) – 86. „თუ კაცმან ნაპარავი რამე დასწამოს კაცსა, დასტური არა იცოდეს, ავსა, უწესოს იქს და ნუ სურს.“⁵²⁷ დასტური დაჯერებულს, დარწმუნებულს ნიშნავს.⁵²⁸ ამ მუხლის მთლიანობაში განხილვისას შემდეგი დასკვნის გაკეთება შეიძლება, პირველ ნაწილში კანონმდებელი საუბრობს ბრალის წაყენებაზე, როცა პირს საკმარისი საფუძველი არ აქვს ამისთვის, შესაძლოა აქ იგულისხმება ისეთი შემთხვევა, როცა პირი კეთილსინდისიერად ცდება სხვისი ბრლეულობის შესახებ, ასეთი სახის ქურდობის დაწამება დასჯადი არ იყო.

⁵²³ მეკობრეობა – კრება, აკლება, ძარცვა. ჩუბინაშვილი დ., დასახ. ლექსიკონი, გვ. 699; მეკობრე – მტაცებელი. სულხან-საბა მრბელიანი, ლექსიკონი ქართული, I, გვ. 461.

⁵²⁴ საქმე – მოქმედება, ზმნობა, გარდასვლა ვისიმე, საქციელი. ჩუბინაშვილი დ., დასახ. ლექსიკონი, გვ. 1131.

⁵²⁵ სამართალი ბატონიშვილი დავითისა, გვ. 154.

⁵²⁶ ქართული სამართლის ძეგლები, ტ. I, გვ. 520.

⁵²⁷ იქვე, გვ. 459.

⁵²⁸ იხ. სულხან-საბა მრბელიანი, ლექსიკონი ქართული, I, გვ. 202, 212.

ამაზე მიუთითებს ნორმაში სანქციის არარსებობა და მხოლოდ იმის მითითება, რომ ასეთი ქმედება „უწესო“⁵²⁹ საქციელია და პირმა არ უნდა ჩაიდინოს. ხოლო იმ შემთხვევაში, თუ პირი არ დაუჯერებს დაწამებულის ფიცს და არც მოწმეებს და მაინც გააგრძელდს ბრალდებას და შემდგომ ადმონჩნდებოდა რომ ბრალდება უსაფუძვლო იყო მისი ქმედება დასჯადი ხდებოდა: „მაგრამ თუ არც ფიცი დაუჯეროს და არცა მოწამეს უყუროს, გასაჯოს და წამოუღოს, და უბანთა ზედა გააქიქოს, და მერმე სხვაგან გამოჩნდეს იგი წარგდომილი, მას კაცს იგი წაღებული მისცეს, და რაცა დაეწამოს, ეგზომი ერთი სხვა თავისი მისცეს, ამად რომე უდასტუროდ დასწამა და უბრალო გააწბილა.⁵³⁰ განქიქება განმარტებულია, როგორც დიდად გაწბილება, გამოჭენება, შერცხვენა, უპატიოდ ხსენება.⁵³¹ როგორც ნორმიდან ჩანს პირს პასუხისმგებლობა ეკისრება, უსაბუთოდ პირის ბრალდებისათვის და „უბრალო“ კაცის „გაწბილებისათვის“. გაწბილება შერცხვენას გულისხმობდა.⁵³² უდანაშალო პირისთვის დანაშაულის ჩადენის დაწამება მის შერცხვენას ნიშნავდა, ზიანს განიცდიდა პირის პატივი. ამაღენად, დამწამებელს პასუხისმგებლობა ეკისრება სხვისი პატივის ხელყოფისათვის.

ნორმა იმის დასადასტურებლად გამოდგება, რომ ქურდობის ცილისწამება პატივისა და ღირსების წიანააღმდეგ მიმართულ დელიქტს წარმოადგენდა. დანაშაულის დაბრალებას ადგილი აქვს მოყვანილი მუხლის როგორც პირველ ნაწილში, ისე მეორე ნაწილში. პირველ შემთხვევაში თუ დაწამება იმაში გამოიხატება, რომ ბრალმდებელს საკმარისი საფუძველი არ აქვს ბრალდებისათვის, მეორე შემთხვევაში დამწამებელი ყურადღებას არ აქცევს არსებულ მტკიცებულებებს და მაინც სწამებს ქურდობის ჩადენას, ამავე დროს ამას აკეთებს სახალხოდ⁵³³ და ნაქურდალი ნივთი კი სხვაგან ადმონჩნდებოდა. ე. ი. აღმუდას სამართლით ქურდობის ცილისწამებისათვის პასუხისმგებლობა რომ დაკისრებოდა პირს, დასახელებული ფაქტორები უნდა არსებულიყო. რაც შეეხება დელიქტის სუბიექტურ მხარეს. პირველ ნაწილში აშკარად იკვეთება, რომ პირი არაგანზრახ ცდება და უდანაშაულო პირს აბრალებს დანაშაულის ჩადენას. როგორც ავღნიშნეთ, კანონმდებელი ასეთ ქმედებას მართლზომიერად არ თვლის, მაგრამ იგი დასჯადი არ არის ე. ი. დელიქტს არ წარმოადგენდა.

მეორე ნაწილის ტექსტიდან გამოდინარე ზუსტად იმის თქმა, რას გულისხმობდა კანონმდებელი დამწამებლის მხრიდან, პირდაპირ განზრახვას თუ გაუფრთხილებლობაც საკმარისი იყო, როულია. პირდაპირ განზრახვაზე აშკარა მითითება არ არის ნორმაში. იმის აღნიშვნა რომ ცილისმწამებელმა არ დაუჯერა დაწამებულის ფიცს და მოწმეებს, არ გულისხმობს, რომ მას

⁵²⁹ უწესო – უჯერო, უთავბოლო, უხამსი, უშესაბამო, ურიგო. ჩუბინაშვილი დ., დასახ. ლექსიკონი, გვ. 1287, 1290.

⁵³⁰ ქართული სამართლის ძეგლები, ტ. I, გვ. 459.

⁵³¹ იხ. სულხან-საბა ორბელიანი, ლექსიკონი ქართული, I, გვ. 143; აბულაძე ი., დასახ. ლექსიკონი, გვ. 73; ჩუბინაშვილი დ., დასახ. ლექსიკონი ლექსიკონი, გვ. 220.

⁵³² იხ. ჩუბინაშვილი დ., დასახ. ლექსიკონი, გვ. 299.

⁵³³ უბანი შუკას ქუჩას ნიშნავდა. ჩუბინაშვილი დ., დასახ. ლექსიკონი, გვ. 1236.

გაცნობიერებული პქონდა უდანაშაულო პირის ცილისწამება, მაგრამ არც საპიროსკიროს გამორიცხავს. პასუხისმგებლობის დაკისრების საფუძველს წარმოადგენდა ამ შემთხვევაში არა განზრახვის არსებობა, არამედ ის გარემოება, რომ პირს უნდა გაეთვლისწინებინა არსებული მტკიცებულებები (ფიცი, მოწმეთა ჩვენებები), რის გამოც მას შეცნობილი უნდა პქონდა ბრალდების უსაფუძვლობა.

დასახელებულ მუხლს ეხება ნ. ურბნელიც: „არსებითი თვისება ამ ბრალისა [ნაპარავის დაწამება] ისაა, როცა კაცმა ნამდვილად არ იცის ნაპარავის საქმე და სხვას-კი სწამებს – ნაპარავი შენა გაქვსო. ასეთი დაწამება სიტყვიერია, მხოლოდ „ავი და უწესო“ და გადასახადი არ უწერია. მეორე დაწამება უფრო მძიმე იყო, სიტყვით და საქმით პმოქმედობდა. რასაკვირველია, დაწამებულს შეეძლო თავი ემართლა, ფიცისა და მოწმისათვის მიემართა. მაგრამ დამწამებელსაც ნება პქონდა თავისი არ დაეშალა, „გაესაჯა, წამოედო (ვითომდა ნაპარავი) და უბანთა ზედა გაექიქა“ უბრალოდ დაწამებული. თუ შემდეგ ნაპარავი სხვაგან აღმოჩნდებოდა, მაშინ წანალებიც დაუბრუნოს და „რაცა დაეწამოს, ეგზომი ერთი სხვა, ამად რომ უდასტუროდ დასწამა და უბრალო გააწილაო.“⁵³⁴ როგორც ვხედავთ ნ. ურბნელი ამ მუხლის პირველ და მეორე ნაწილს შორის განსხვავებას აკეთებს იმის მიხედვით, რომ პირველი დაწამება მხოლოდ სიტყვიერია და ასეთი სახის ცილისწამებისათვის სასჯელი არ იყო გათვლისწინებული, ხოლო მეორე დაწამება ხდება როგორც სიტყვიერად, ისე მოქმედებით (ნაპარავის წამოღება). მეცნიერის განმარტებიდანაც ჩანს, რომ განზრახვას არც მეორე შემთხვევაში აქვს ადგილი. აქცენტი გაკეთებულია უფრო იმ გარემოებაზე, რომ სიტყვიერ ქმედებას „საქმით მოქმედება“ ემატება. მაგრამ პასუხისმგებლობის დაკისრების მთავარ საფუძველს უფრო უნდა წარმოადგენდეს ის გარემოება, რომ მტკიცებეულებები დაწამებულის სასარგებლოდ მეტყველებს და აღნიშნულ გარემოებას ცილისმწამებელი არ ითვლისწინებს.

აღბუდას სამართლის 86-ე მუხლის მსგავსი ნორმა არის ვახტანგ ბატონიშვილის სამართლის წიგნში, მუხლი 159: „კაცმან რომ კაცს ქურდობა თუ სხვა რა გინდა რა შეწამოს, სტანჯოს, ბევრი რამ უპატიური შეპადროს, დააფიცოს, მერმე ის საქმე სხვაგან გამოჩნდეს და დამფიცებელმან თუ რამ იქიდამ გამოიტანოს, ნახევარი იმისია, ვინც იფიცავს, და გარჯის საუპატიოც უნდა მოსცეს დაფიცებულსა. იქიდამ კიდეც ვერა გამოიტანოს რა, გარჯის საუპატიო მაშინაც უნდა მოსცეს, ბჭეთაგან გასინჯვით, როგორც ჭამდეს.“⁵³⁵ მოყვანილ მუხლში პირდაპირი მითითებაა ქურდობის დაწამების შესახებ. მაგრამ ისმება კითხვა მოიცავს თუ არა ეს მუხლი სხვა დანაშაულების ცილისწამებას, რადგან ქურდობის შემდეგ აღნიშნულია „თუ სხვა რა გინდა რა შეწამოს.“ ამ შემთხვევაში ორი ვარაუდის გამოთქმა შეიძლება. პირველი, რომ ვახტანგ ბატონიშვილს მხედველობაში პქონდა ქურდობის სახეების მრავალგვარობა და მეორე –

⁵³⁴ ხიზანაშვილი ნ. (ურბნელი), დასახ. ნაშ., გვ. 491.

⁵³⁵ ქართული სამართლის ძეგლები, ტ. I, გვ. 521.

რომ იგულისხმება სხვა სახის დანაშაულებიც. პირველი ვარაუდის სასარგებლოდ მეტყველებს რომ დასახელებული მუხლი მოთავსებულია თავში „კარი ქურდობისა და სამართალი მისი“, რომლის ნორმები საკუთრების წინააღმდეგ მიმართულ დანაშაულებს მოიცავს. თუმცა უფრო მეორე ვარაუდის სასარგებლოდ უნდა გადავიხსროთ.

ისევე როგორც აღბუდას სამართალში ამ შემთხვევაშიც შეიძლება ითქვას, რომ მხოლოდ დაწამება თუ ის „მსუბუქი ფორმით“ იყო გამოხატული დელიქტს არ წამოადგენდა, რადგან ასეთი ფორმის დაწამებას კანონმდებელი საერთოდ არ იხსენიებს. პასუხისმგებლობას იწვევდა ისეთი ცილისწამება თუ მას ახლდა „ტანჯვა“,⁵³⁶ „ბევრი უპატიურობის კადრება“,⁵³⁷ დაფიცება. აღნიშნულ მუხლშიც არ იკვეთება, რომ ამ შემთხვევაში პირს გათვითცნობიერებული აქვს, რომ უდანაშაულო ადამიანის ცილს სწამებდა. აქცენტი აქაც გაკეთებულია დაწამების ფორმაზე, რომ მას თან უნდა ახლდეს ცილდაწამებულის გაწვალება, უპატიობის კადრება, დაფიცება.

აღნიშნულ მუხლს ეხება გ. ნადარეიშვილიც: „უპატიობად ითვლებოდა, ცხადია, თუ ვინმე ვინმეს ქურდობას ან სხვა დანაშაულის ჩადენას შესწამებდა ისე, რომ საქმის ნამდვილი ვითარება არ ეცოდინებოდა. სოციალურ პრაქტიკაში იყო შემთხვევები, როდესაც უდანაშაულო კაცისათვის დაუბრალებიათ დანაშაულის ჩადენა და ამ უკანასკნელს თავი ფიციო უმართლებია. ასეთი ვითარების გამოსახატავად გახტანგ მეექვსის სამართლის წიგნის 159-ე მუხლი „უპატიურის შეკადრებას“ ხმარობს.“⁵³⁸

საკუთრების წინააღმდეგ მიმართული უველა დანაშაულების მიმართ, სავარაუდოდ ასეთი მიდგომა არ არსებობდა. მეკობრეობისათვის უმკაცრესი სასჯელი იყო გათვლისწინებული. მეკობრე განმარტებულია როგორც მტაცებელი, ავაზაკი⁵³⁹ ხოლო მეკობრეობა – კრებას, აკლებას, ძარცვას ნიშნავდა.⁵⁴⁰ თუ განმარტებას დავეყრდნობით მეკობრობისას ქონების აშკარა მიტაცება ხდებოდა. აღნიშნულ საკითხს ეხება ბრაგრატ კურაპალატის სამართალი (ბექა-აღბუდას სამართალი 113-ე მუხლი): „თუ ეკლესიად მეკობრეთა გატეხონ პატრონისა უკითხავად და ესე დასწამონ, შენ იცოდიო, პატრონმან მის მეკობრისამან უცოდნელობა ფიცოს

⁵³⁶ ტანჯვა – წვალებას ნიშნავს ამ შემთხვევაში. ჩუბინაშვილი დ., დასახ. ლექსიკონი, გვ. 1215.

⁵³⁷ უპატიური – პატივ ახდილი, უშესაბამო, უკადრისი. უპატიოდ, უპატიურად – პატივის ახდილი, უმართებულოდ. უპატიობა, უპატიოება, უპატიურება – პატივის ახდა, ბიაბრუოება. ჩუბინაშვილი დ., დასახ. ლექსიკონი, გვ. 1264; უპატიური – პატივ წარწყმედილი. სულხან-საბა თრბელიანი, ლექსიკონი ქართული, II, გვ. 165.

⁵³⁸ ნადარეიშვილი გ., ადამიანის პატივისა და დირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, უურნალი „ალმანახი“, 2000, გვ. №14, გვ. 67.

⁵³⁹ იხ. სულხან-საბა თრბელიანი, ლექსიკონი ქართული, I, გვ. 461; ჩუბინაშვილი დ., დასახ. ლექსიკონი, გვ. 699.

⁵⁴⁰ იხ. ჩუბინაშვილი დ., დასახ. ლექსიკონი, გვ. 699.

ოცდაოთხისა კაცითა და დაეჯერების. მეკობრე ჭელთა მისცეს, რაო გინდა უყონ, ნუ დაემდურების. ალაფიცა უკლებლად შექციონ, გინა მათ გამოიღონ.“⁵⁴¹ ამ შემთხვევაში ცილისმწამებლად გვევლინება თავად დამნაშავეები, მეკობრეები. ფიცი ამ მუხლშიც ფიგურირებს, მაგრამ ზემოთ მოყვანილი ნორმებისაგან განსხვავებით, სადაც ფიცი არ იყო საკმარისი საფუძვლი დაზარლებული მხარისათვის, რომ ბრალდებაზე უარი ეთქვა, ამ შემთხვევაში ბატონის მხრიდან მოფიცართა მოყვანა საკმარის მტკიცებულებას წარმოადგენდა მისი უდანაშაულობის დასადასტურებლად.⁵⁴² ხოლო კანონმდებლის მხრიდან ფიცის დაწესებას პატრონისათვის და არა მეკობრეებისათვის ხსნიან იმ გარემოებით, რომ არსებობდა გულვება, რომ მეკობრეთა ფიცს არ დაეჯერობდა.⁵⁴³ რადგან მეკობრეები პატრონის ნებართვის გარეშე მოქმედებდნენ, შესაბამისად მათ შეცნობილი ჰქონდათ, რომ დაწამება ცილისმწამებლური იყო. ამდენად, ნორმის ტექსტიდან გამომდინარე შეიძლება ითქვას, რომ შემადგენლობის სუბიექტური მხარე პირდაპირ განზრახვას ითვალისწინებს.

ძველი ქართული სამართალი კაზუისტურ სისტემაზეა აგებული, ქურდობის ცილისმებასთან დაკავშირებით უნდა მიექცეს ყურადღება იმ გარემოებას, რომ ამ დანაშაულის დაწამების ყველა შემთხვევა ძველ ქართულ სამართალში დელიქტად არ ითვლებოდა. ქურდობის დაწამების „მარტივი“ ფორმა, რაც გულისხმობდა მტკიცებულების გარეშე პირისთვის ქურდობის ჩადენის დაბრალებას, არ ისჯებოდა, თუმცა კანონმდებელი ასეთ ქმედებას არ მიესალმებოდა. ამ შემთხვევაში ქმედების დაუსჯელობას განსაზღვრავდა ის გარემოება, რომ დაწამება უფრო ხდებოდა შეცდომის საფუძველზე და პირი განზრას არ მოქმედებდა. ქურდობის დაწამება დასჯადი ხდებოდა, თუ პირი მოწმების და მტკიცებულებების საპირისპირო განაგრძობდა ქურდობის ჩადენის ბრალდებას, „უპატიურობას“ პკადრებიდა დაწამებულს და სახელს უტეხდა. მაგრამ განსხვავებულად წარმოგვიდგება საკითხი, როცა საქმე ეხებოდა მეკობრეობის დაწამებას. ამ შემთხვევაში დაწამების ფორმაზე ყურადღება არ არის გამახვილებული. დასჯადი იყო არა მარტო ქმედების-მეკობრეობის ჩადენის ცილისმება, არამედ მეკობრეობის – დანაშაულის ჩადენის ცოდნის დაწამებაც. განმსაზღვრელი უნდა ყოფილიყო ამ შემთხვევაში ის გარემოება, რომ მეკობრეობა ძველ ქართულ სამართალში ერთ-ერთ მძიმე

⁵⁴¹ ქართული სამართლის ძეგლები, ტ. I, გვ. 466.

⁵⁴² ქურდობის დაწამებისას შესაძლებელი იყო თავად დამწამებელს დაკისრებოდა მტკიცებულებების მოყვანა, ან პირიქით დაწამებულ მხარეს უნდა ემართლებინა თავი. სამურაბის კანონების მე-11 მუხლით: „უკეთუ დანაკარგის პატრონი დანაკარგის მცნობელ მოწმებს ვერ მოიყვანს, ცრუ არის, ცილი დაუწამებია, და სიკვდილით უნდა დაისაჯოს.“ სამურაბის კანონები, გვ. 11; ამავე კანონების 126-ე მუხლით: „უკეთუ კაცს არაფერი დაკარგებია და მინც იტყვის: „რაღაც დამეკარგია“ და თავის უბანს დასწამებს, მისმა უბანმა დმერთის წინაშე უნდა განაცხადოს, რომ ამ კაცს არაფერი დაკარგებია და იგი ყველაფერს, რასაც ითხოვს, ერთოორად გადაუხდის თავის უბანს.“ სამურაბის კანონები, გვ. 26.

⁵⁴³ იხ. ნადარეიშვილი გ., ფიცი, როგორც მტკიცებულება ქართული სამართლის წიგნების მიხედვით. ობ., 1962, გვ. 4.

დანაშაულად მიიჩნეოდა და შესაბამისად მკაცრადაც ისჯებოდა, ამიტომ ნებისმიერი ფორმით განხორციელებულ ცილისწამებას სასჯელი მოსდევდა. ამდენად, სამართლის ძეგლებში არსებული ნორმების საფუძველზე შეგვიძლია დავასკვნათ, რომ საკუთრების წინააღმდეგ მიმართული დანაშაულების ცილისწამება დასჯად ქმედებად ითვლებოდა, რადგან ასეთი ქმედებით ხდებოდა პირის პატივის ხელყოფა.

4.3.2 სასჯელი საგუთრების წინააღმდეგ მიმართული დანაშაულების ცილისწამებისათვის

დამნაშავისათვის შეფარდებულ ქონებრივი სანქციებიდან სახელმწიფოს წილი რომ ეკუთხნდა ამის მაგალითად მოყავთ ვახტანგ ბატონიშვილის სამართლის წიგნის 154-ე მუხლი⁵⁴⁴: „თუ მონაპარავი გლეხისა არის, ერთიორად გლეხს მიეცემის და სხვა საჭელმწიფო არის.“⁵⁴⁵ მაგრამ როგორ უნდა გადაწყვეტილიყო საკითხი ქურდობის ცილისწამებასთან დაკავშირებით.

ბაგრატ ქურაპალატის სამართლით (ბექა-აღბუდას სამართლის 113-ე მუხლი) მეკობრეობაში თანამონაწილეობის ცილისწამებისას მეკობრე, რომელიც ამავე დროს ცილისმწამებელიც იყო დაზარალებულს ხელთ გადაცემოდა: „მეკობრე გველთა მისცეს, რად გინდა უყონ, ნუ დაემდურების. ალაფიცა უკლებლად შეაქციონ, გინა მათ გამოიღონ.“⁵⁴⁶ ხელთ მიცემა ძარცვის დაბრალებისას გასაკვირი არ არის, ასეთი სახის სანქციას ცილისწამების სხვა შემთხვევაშიც გხვდება, მაგალითად მთხოვბლით მკვლელობის დაწამებისას.⁵⁴⁷ როგორც უპავი ითქვა ხელთ მიცემისას დამნაშავე სრულიად უუფლებო მდგომარეობაში ვარდებოდა.⁵⁴⁸ ამას ადასტურებს ნორმის შემდეგი სიტყვები: „რად გინდა უყონ, ნუ დაემდურების.“⁵⁴⁹ ამის გარდა მეკობრეს „ალაფიცა⁵⁵⁰ უკლებლად შეაქციონ,⁵⁵¹ გინა მათ გამოიღონ.“⁵⁵² გარდა ამისა მეკობრეებს წართმეული ქონების დაბრუნების ვალდებულებაც კისრებოდა.

ბექა-აღბუდას სამართლით (მუხ. 86) ქურდობის ცილისმწამებელს უნდა დაებრუნებინა ის, რაც ცილდაწამებულისაგან მიიღო და ამას გარდა, „და რაცა დაეწამოს, ეგზომი ერთი სხვა თავისი მისცეს, ამად რომე უდასტუროდ დასწამა და უბრალო გააწილა.“⁵⁵³ ნორმაში გამოყენებული სასჯელი შეიძლება ქონებრივ სანქციებს მიეკუთვნოს, რადგან „წამოდებული“-ში შეიძლება იგულისხმებოდეს ის რასაც მატერიალური დირებულება გააჩნია, ხოლო საზღაურის რაოდენობა დამოკიდებული იყო „წამოდებული“-ს რაოდენობაზე და მის ერთმაგ რაოდენობას წარმოდგენდა. სავარაუდოდ, ყოველ კონკრეტულ შემთხვევაში განსხვავებული იქნებოდა

⁵⁴⁴ იხ. კაჩეიშვილი აღ., ნარკვევები ქართული სამართლის ისტორიდან, I, თბ., 1946, გვ. 60.

⁵⁴⁵ ქართული სამართლის ძეგლები, ტ. I, გვ. 519.

⁵⁴⁶ იქვე, გვ. 466.

⁵⁴⁷ ვახტანგ ბატონიშვილის სამართლის წიგნი 38-ე მუხლი. ქართული სამართლის ძეგლები, ტ. I, გვ. 491.

⁵⁴⁸ იხ. დოლიძე იხ., ძეგლი ქართული სამართალი, თბ., 1953, გვ. 250-251.

⁵⁴⁹ ქართული სამართლის ძეგლები, ტ. I, გვ. 466.

⁵⁵⁰ ალაფი – საფეხნელი და ჭურჭელი. სულხან-ხაბა ორბელიანი, ლექსიკონი ქართული, I, გვ. 104; ალაფი – (სპარს) ნაშოვარი ბრძოლის დროს. ჩუბინაშვილი დ., დასახ. ლექსიკონი, გვ. 19.

⁵⁵¹ შექცევა – შევაბრუნებ, მოვაბრუნებ, უკან მივსცემ. ჩუბინაშვილი დ., დასახ. ლექსიკონი, გვ. 1184.

⁵⁵² ქართული სამართლის ძეგლები, ტ. I, გვ. 466.

⁵⁵³ იქვე, გვ. 459.

გადასახდელის რაოდენობა, რადგან თავად ქურდობისას ქონებრივი სახდელის გადახდა ხდებოდა ნაქურდალი ნივთის ღირებულების მიხედვით. როგორც ნორმიდან ჩანს („ეგზომი ერთი სხვა თავისი მისცეს“) ცილისმწამებლს სახდელის გადახდა ცილდაწამებულის სასარგებლოდ უწევდა. ბექა-აღბუდას სამართლის ამ მუხლის მიხედვით, შეიძლება ითქვას, რომ ქურდობის ცილისწამება კერძო-სამართლებრივ დელიქტს წარმოადგენდა, საჯარო ელემენტი ამ შემთხვევაში საერთოდ არ იკვეთება.

ვახტანგ ბატონიშვილის სამართლის 159-ე მუხლშიც ქურდობის ცილისწამებისას ქონებრივი სანქციაა გამოყენებული: „დამფიცებელმან თუ რამ იქიდამ გამოიტანოს, ნახევარი იმისია, ვინც იფიცავს, და გარჯის საუპატიოც უნდა მოსცეს დაფიცებულსა. იქიდამ კიდეც ვერა გამოიტანოს რა, გარჯის საუპატიო მაშინაც უნდა მოსცეს, ბჭეთაგან გასინჯვით, როგორც კამდეს.“⁵⁵⁴ გარჯა – თავ-დადებით შრომას, თავის ტკენას, შეწუხებას ნიშნავდა.⁵⁵⁵ საუპატიო უპატიობისათვის დადგენილი ქონებრივი სასჯელი იყო, რომელიც პირს დაზარალებულის სასარგებლოდ უნდა გადაეხადა. ხოლო საუპატიოს გადახდა უნდა მომხდარიყო „დაფიცებულის“ სასარგებლოდ. ამ შემთხვევაში ისმის კითხვა ვინ იყო „დაფიცებული“. სავარაუდო ეს ცილდაწმებული პირია, რომელსაც თავის მართლება ქურდობის ბრალდების გამო ფიცით მოუხდა.⁵⁵⁶ ამ ნორმაში ორი სახის სანქცია გამოყენებული, რადგან ორი სახის ქმედებაა განხილული. პირველ შემთხვევაში „დამფიცებელს“ „რაიმე გამოაქვს“ და მეორე შემთხვევაში „თუ ვერ გამოიტანა“. თუმცა ისიც გასარკვევია რას უნდა ნიშნავდეს ნორმაში მითითება იმისა „თუ რაიმე იქიდამ გამოიტანოს“, ან „იქიდამ კიდეც ვერ გამოიტანოს რა.“ რადგან რაიმეს გამოტანაზეა საუბარი, ეს „რაიმე“ მატერიალური ღირებულების უნდა იყოს. მაგალითად, ზოგადად ქურდობის ჩადენისას ქურდს ნაქურდალის შვიდეული უნდა აენაზღაურებინა. შესაძლოა, როცა ქურდობის დაწამებას პქონდა ადგილი კანონმდებელი ამახვილებს ყურადღებას იმ გარემოებაზე, მოახერხა თუ არა ნივთის დამკარგავმა ქურდისაგან რაიმეს მიღება. შესაბამისად ცილდაწამებულის მიმართ სასჯელის განსაზღვრა დამოკიდებული იყო აღნიშნულ გარემოებაზე. ვახტანგ ბატონიშვილთან მოხსენიებული ტერმინი „გამოიტანოს“ შინაარსობრივად სავარუდოდ მსგავსი უნდა იყოს ბექა-აღბუდას სამართლის წიგნში (მუხ. 86) გამოყენებული ტერმინისა „წამოიღოს.“

159-ე მუხლში პირველ შემთხვევაში ვინც იფიცებდა, კერძოდ კი ცილდაწამებულისათვის უნდა მიეცა ქურდისაგან აღებული შვიდეულის ნახევარი და ამავე დროს „გარჯის საუპატიოც“ უნდა გადაეხადა. მეორე შემთხვევაში კი მხოლოდ „გარჯის საუპატიოს“ იხდიდა. ცილისმწამებელს ფულადი საზღაურის გადახდა უწევს, რომლის ნახევარი ეკუთვნის

⁵⁵⁴ ქართული სამართლის ძეგლები, ტ. I, გვ. 521.

⁵⁵⁵ იხ. ჩუბინაშვილი დ., დასახ. ლექსიკონი, გვ. 261.

⁵⁵⁶ ცილისმწამების ზოგიერთ შემთხვევაში პირიქით დამწამებელს უწევს ფიცი დადება. მაგალითად, ბაგრატ ქურაპალატის სამართლის წიგნი (ბექა-აღბუდას სამართლის 120-ე მუხლი). ქართული სამართლის ძეგლები, ტ. I, გვ. 466.

ცილდაწამებულას,⁵⁵⁷ მეორე ნახევარი კი ნივთის დამკარგავს დარჩებოდა. როგორც ვხედავთ მხოლოდ კერძო პირის ინტერესის დაკამაყოფილება ხდება. ამდენად, გამოყენებული სანქციის მიხედვით შეიძლება ითქვას, რომ ვახტანგ ბატონიშვილის სამართლით ქურდობის და სხვა დანაშაულთა ცილისწამება კერძო დელიქტად შეიძლება ჩაითვალოს.

ორი სასჯელის ერთდროულად გამოყენება, ან თუნდაც ალტერნატიული სანქციის არსებობა გასაკვირი არ არის და ამას სხვა ნორმებშიც ვხვდებით, მაგრამ ამ შემთხვევაში სასჯელის სახე დამოკიდებულია არა მოსამართლის შეხედულებაზე არამედ, დამდგარ შედეგზე, რაც გამოიხატება სიტყვებში „თუ რამე გამოიტანოს“, მაგრამ რაზე იყო დამოკიდებული და რა შემთხვევაში ხდებოდა ეს ამის თქმა არ შეგვიძლია. ამას გარდა ცილისმწამებელს საუპატიოც უნდა გადაეხადა ცილდაწამებულისათვის, იმ პირისათვის ვისაც ფიცის დაღება მოუწია. რაც შეეხება „გარჯის საუპატიო“-ს მნიშვნელობას, ზოგადად საუპატიო, როგორც უკვე იყო აღნიშნული, უპატიობისათვის დადგენილ ქონებრივ საზღაურს წარმოადგენდა, ხოლო გარჯა შეწუხებას ნიშნავდა. შესაბამისად „გარჯის საუპატიო“ უნდა ნიშნავდეს ქონებრივ საზღაურს, რომელიც პირს ეძლეოდა იმ „შეწუხებისათვის“, რომ მას მოუწია ფიცის დაღება და თავის მართლება. რადგან საუპატიოს ოდენობა არ არის მითითებული საგარაუდოდ ის უნდა ყოფილიყო დამოკიდებული ცილდაწამებულის სოციალურ სტატუსზე.

ძველ ქართულ სამართალში სასჯელის სახეს ძალიან ხშირად განსაზღვრავდა დანაშაულის სუბიექტი. ამის მაგალითს წარმოადგენს გ. ნადარეიშვილის მიერ მოყვანილი 1789 წლის ერთი განჩინება, რომლის მიხედვით ტერმოვსესა და ტერ-სარქისა ჩიოდნენ, რომ ტერარაქელამ ეკლესიის ქონება მიითვისაო. საქმის განხილვაში მონაწილეობდნენ ახპატის არქიეპისკოპოსი დავით, ამილახვარი ლუარსაბი და მდივანი სიმონ, სხვა საპატიო საერო და სასულიერო პირები. ტერ-სარქისამ ტერ-არაქელას ხელსახოცების მოპარვა დააბრალა. სასამართლომ ეს ცილისმწამებად მიიჩნია და ტერ-სარქისა დასაჯა. „ცილისმწამებელი ჯერ გალახეს და შემდეგ მდგდლობიდანაც გადაეყენეს.“ მაგრამ მცირე ხნის შემდეგ გაირკვა, რომ ტერ-სარქისა მართალი იყო. ტერ-არაქელასაგან გაყიდული საეკლესიო ნივთები მყიდველმა ეკლესიას დაუბრუნა. ხელახლა იმსჯელა სასამართლომ და დაადგინა: „რავდენსაც უამს მდგდლობისაგან განყენებული ეს ტერ-სარქისა იყო, იმდენ ხანს ეს ტერ-არაქელა გადაეყენებულ იქნას მდგდლობისაგან.“ გარდა ამისა, ტერ-არაქელას ტერ-სარქისისათვის უნდა გადაეხადა „გალახეის საუპატიო“.⁵⁵⁸ განსახილველ საკითხოან დაკავშირებით განჩინების პირველი ნაწილია საინტერესო, რადგან მის საფუძველზე შეიძლება მსჯელობა, როგორ შეიძლებოდა დასჯილიყო სასულიერო პირი ცილისმწამებისათვის. მდგდელისათვის ცემა მიუსჯიათ.

⁵⁵⁷ იხ. ნადარეიშვილი გ., ადამიანის პატივისა და დირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, უურანლი „ალმანახი“, 2000, №14, გვ. 67.

⁵⁵⁸ იქვე, გვ. 63.

როგორც ივ. ჯავახიშვილი აღნიშნავს, „გაკვეული მსუბუქი დანაშაულებისათვის სასჯელად ცემა იყო მიღებული. ცემის იარაღად, ან ჯოხს, ან თასმას, ან მათრახსა იყენებდნენ ხოლმე. ვითარცა უმარტივესი საშუალება, ამავე დროს ერთი უძველესთაგანიც იყო. ეს სასჯელი გამოიყენებოდა საერო მართლმსაჯულებაში, ასევე სამონასტრო და საკორპორაციოშიც. (შუმანიკის წამება, გიორგი მთაწმიდელი).“⁵⁵⁹ განჩინებაში არ არის დაკონკრეტებული მღვდლის ცემა ამ შემთხვევაში რამდენი დარტყმით განისაზღვრა. სასჯელის მეორე სახე, მღვდლობიდან გადაყენება, რაც სასამართლოს დაუკისრებია, ის ცილისმწამებლის სტატუსიდან გამომდინარეობს და რა თქმა უნდა სხვა შემთხვევებში ვერ იქნებოდა გამოყენებული.

საკუთრების წინააღმდეგ მიმართული დანაშაულების ცილისწამებისას გამოყენებული სასჯელები პირობითად შეიძლება ორ ჯგუფად დაიყოს: საჯარო სასჯელები: ცემა, განსაზღვრული საქმიანობის უფლების ჩამორთმევა (მღვდლობიდან გადაყენება) და კერძო სახის სასჯელები: ხელთ გადაცემა, საუპატიო, ქონებრივი საზღაური. ცემის და განსაზღვრული საქმიანობის უფლების ჩამორთმევის გამოყენება დამოკიდებული იყო ცილისმწამებლის სტატუსზე. ხელთ მიცემა და ქონებრივი სანქციების გამოყენებას განსაზღვრავდა რა დანაშაულის დაწამებას ექნებოდა ადგილი, ქურდობის დაწამების შემთხვევაში განმსაზღვრელი იყო დაკარგული ნივთის დირებულება, რის ქურდობასაც სწამებდნენ პირს.

ამრიგად, საკუთრების წინააღმდეგ მიმართულ დანაშაულთა ცილისწამებისას გამოყენებული სასჯელების განხილვის მიხედვით შეიძლება ითქვას, რომ სასჯელის სახის გამოყენება დამოკიდებული იყო, იმ გარემოებაზე კონკრეტულად რა დანაშაულის ჩადენას სწამებდნენ პირს და ასევე ცილისმწამებლის პიროვნებაზე, მეორე ფაქტორი ასევე გავლენას ახდენდა დელიქტის სახეზე. ცილისმწამებლის მიმართ საჯარო ხასიათის სასჯელებია გამოყენებული, როცა დამნაშავე სასულიერო პირია. რაც შეეხება კერძო პირთა მიერ ჩადენილ ცილისწამებას ამ შემთხვევაში ძირითადად კერძო-სამართლებრივ სასჯელებს იყენებდნენ. „ხელთ მიცემა“ სასჯელის სიმძიმის თვალსაზრისით მნიშვნელოვნად განსხვავდება ქონებრივი სანქციებისაგან. ამ გარემოებას შემდეგი ახსნა შეიძლება მოედებოს. ხელთა მიცემას კანონმდებელი იყენებს მეკობრეობის დაწამებისას, ხოლო ქონებრივ სანქციებს აწესებს ქურდობის და სხვა დანაშაულთა დაწამებისას.

ქურდობის მრავალგვარობა განსხვავებულ სასჯელთა დაწესებას არ იწვევდა ქურდობის დაწამებისათვის, განსხვავება შეიძლება ყოფილიყო მხოლოდ ქონებრივი საზღაურის რაოდენობაში, რადგან იგი პირდაპირ იყო დამოკიდებული იყო ნივთის დირებულებაზე. ქურდობისათვის ზოგადად გამოიყენებდნენ ნივთის დირებულების შვიდმაგ ანაზღაურებას.⁵⁶⁰ ვახტანგ

⁵⁵⁹ ჯავახიშვილი ივ., დასახ. ნაშ., გვ. 361.

⁵⁶⁰ ვახტანგ ბატონიშვილის სამართალი, მუხ. 154. ქართული სამართლის ძეგლები, ტ. I, გვ. 519.

ბატონიშვილის სამართლის წიგნის 159-ე მუხლში⁵⁶¹, სადაც საუბარია ქურდობის ცილისწამებაზე, დამნაშავეს უნდა გადაეხადა იმ ქონების მიხედვით, რაც მან „იქიდამ გამოიტანა“. „გამოიტანა“-ში სავარაუდოდ იგულისხმება რაც, ნივთის დამკარგავმა ქურდისაგან მიიღო, ეს კი განსაზღვრული იქნებოდა იმ ნივთის დირებულების მიხედვით რის ქურდობასაც აბრალებდა.

დასკვნა

⁵⁶¹ ქართული სამართლის ძეგლები, ტ. I, გვ. 521.

ძველ ქართულ სამართალში არსებული ნორმების საფუძველზე შეიძლება ითქვას, რომ ცილის შეწამება შეიძლებოდა სხვადასხვა ფორმით განხორცილებულიყო. სამართლის ისტორიაში ცრუ დასმენის, ტყუილი მთხორბლობის ცილისწამებად განხილვა განპირობებული უნდა იყოს ძირითადად ორი გარემოებით: დასახელებულ ქმედებათა საერთო ნიშნებიდან გამომდინარე სამართალგანვითარების ადრეულ ეტაპზე მათ შორის მიჯნის გავლება და ხელყოფის ობიექტის სწორად განსაზღვრა ვერ ხდებოდა; და მეორე – რელიგიური ნორმების გავლენით, რომლის მიხედვით მცნება არა ცილს სწამო მოყვასსა შენსა, მოიცავდა როგორც ერთ ისე მეორე შემთხვევასაც. ეს ასახულია ვახტანგ VI-ის სამართლის წიგნში შესულ მოსეს სამართლის მე-14 მუხლშიც,⁵⁶² სადაც ცილისწამება, ცრუ შესმენა, ტყუილი ბრალდება ერთ მუხლშია გაერთიანებული, მუხლის დასაწყისის მიხედვით შეიძლება ითქვას, რომ ცრუ მოწამედ ითვლებოდა არა მარტო ის პირი ვინც მდვდელთა, მსაჯულთა წინაშე სდებდა ბრალს სხვას „უსჯულოებაში“, არამედ ზოგადად პირისთვის ტყუილად რაიმეს შეწამება მას ცრუ მოწამედ აქცევდა. ზღვარი წაშლილია ცრუ ბრალდებას და შესმენას შორის. ბერძნული სამართლის ქართული ვერსიის 289-ე მუხლშიც კანონმდებელი ცილისწამებაზე მიუთითებს,⁵⁶³ თუმცა ნორმის ტექსტის შინაარსიდან გამომდინარე უნდა ითქვას, რომ აღწერილი ქმედება ცრუ დასმენას უფრო შეესაბამება. ასევე ამავე სამართლის წიგნის 140-ე მუხლში ცილისწამებასა და ტყუილი დაბეზღებას შორის ზღვარი არ არის გავლებული, ეს კი ასახვას პოვებს იმ გარემოებაზე, რომ ცრუ დასმენით ასევე ხდებოდა პირის პატივის ხელყოფა.⁵⁶⁴

ბაგრატ კურაპალარის სამართალშიც (ბექა-აღბუდას სამართლის წიგნის 120-ე მუხლი)⁵⁶⁵ ცილისწამების განმარტებაში გამოყენებული ტერმინის მიხედვით შეიძლება ითქვას, რომ ცილისწამება მოიცავდა ცრუ დასმენის შემთხვევებსაც. სამართალგანვითარების შემდგომ ეტაპზე დავით ბატონიშვილის სამართალში უკვე ცალკე არის გამოყოფილი ნორმები ცილისწამების, ცრუ დასმენის, ტყუილი ბრალდების (ტყუილი მთხორბლობა) შესახებ, რაც მიანიშნებს, რომ სამართალგანვითარების ამ ეტაპზე უკვე ხდებოდა ამ სამი ქმედების ერთმანეთისაგან გამიჯვნა, მაგრამ ამ შემთხვევაშიც ცრუ დასმენა კერძო პირთა წინააღმდეგ მიმართული დელიქტია და არა სახელმწიფოს ინტერესის ხელმყოფი დანაშაული.

როდესაც საუბარია ცილისწამებას, ცრუ დასმენას და ტყუილ ბრალდებას შორის განსხვავებაზე აქცენტი გაკეთებულია ამ ქმედებების ხელყოფის ობიექტზე. თუ ცილისწამების დროს ზიანს განიცდის პირის პატივი, ცრუ დასმენის და ტყუილი ბრალდებისას სახელმწიფო ინტერეს ენიჭება უპირატესობა.

⁵⁶² ქართული სამართლის მეგლები, ტ. I, გვ. 113.

⁵⁶³ იქვე, გვ. 197.

⁵⁶⁴ იქვე, გვ. 165, 166.

⁵⁶⁵ იქვე, გვ. 466.

ცილისწამების ზოგიერთ მუხლში კანონმდებლის მიერ ხდება უშუალოდ მითითება ხელყოფის ობიექტზე. აღნიშნული წარმოაჩენს ცილისწამების რა ფორმები შეიძლება განხილულ იქნეს პატივის წინააღმდეგ მიმართულ დელიქტებად. სხვა შემთხვევებში გამოყენებული სასჯელის სახის მიხედვით შესაძლებელია ობიექტის შესახებ მსჯელობა. მაგრამ ზოგიერთ შემთხვევაში სასჯელი მხოლოდ იმის საშუალებას თუ გვაძლევს, რომ პირობითად დელიქტის სახე განვსაზღვროთ. მაგალითად, ბაგრატ კურაპალატის სამართალში (ბექა-აღბუღას სამართლის წიგნის 120-ე მუხლში საუბარია შედეგებზე რაც ცილისწამებას მოაქვს, რის გამოც ქმედება დასჯადად ითვლებოდა, მაგრამ ხელყოფის ობიექტზე არაფერია ნათქვამი. ასევე დავით ბატონიშვილის სამართლშიც (მუხ. 130), გრძელების დაწამების მუხლში (ბაგრატ კურაპალატის სამართალი. ბექა-აღბუღას სამართლის 146-ე მუხლი), ბაგრატ კურაპლატის სამართალში (ბექა-აღბუღას სამართლის 113-ე) პატრონისათვის მეკობრეობის ჩადენის ცოდნის დაწამებისას.

გამოყენებული სასჯელის მიხედვით ობიექტზე შეიძლება ვიმსჯელოთ მრუშობის დაწამებისას (ბაგრატ კურაპალატის სამართალი. ბექა-აღბუღას სამართლის 145-ე მუხლი). საუბატიოს მითითება მიანიშნებს, რომ მრუშობის დაწამება პატივის წინააღმდეგ მიმართულ დელიქტად ითვლებოდა.

დავით ბატონიშვილის სამართლით ქალისთვის მრუშობის და სიძვის დაწამება იმიტომ ისჯებოდა, რომ ამით ხდებოდა ქალისთვის სახელის გატეხვა. მიუხედავად იმისა, რომ სიძვის დაწამებისას კანონმდებელი საუბრობს სიძვის შესმენაზე, ამით ქმედების არსი არ იცვლება, ის მაინც რჩება პატივის წინააღმდეგ მიმართული დელიქტად. ხელყოფის ობიექტის გარდა ამაზე გამოყენებული სანქცია-საუბატიოც მიანიშნებს. მოსეს სამართლის 29-ე მუხლით ქმრის მიერ ცოლისთვის სიძვის დაწამების დასჯადობას განაპირობებდა ქალისთვის სახელის გატეხვა.

პირის პატივის ხელყოფაზე არის მითითება ქურდობის დაწამებისას. ბექა-აღბუღას სამართლის 86-ე მუხლით ქურდობის დაწამებისას ხდება უდანაშაულო ადამიანისათვის სახალხოდ სახელის გატეხვა. ვახტანგ ბატონიშვილის სამართალის 159-ე მუხლით ქურდობის დაბრალებისას პირს პასუხისმგებლობა ეკისრება უკადრისის თქმისათვის.

ცრუ დასმენის ნორმებში ძველ ქართულ სამართლის ძეგლებში პატრონის, სახელმწიფო ინტერესია წინ წამოწეული. ბექა-აღბუღას სამართლის მე-40 მუხლში მითითებულია, რომ ასეთი ქმედება პატრონის შეცოდება უფროა. ვახტანგ ბატონიშვილის სამართლის წიგნის 253-ე მუხლში კანონმდებელი მიუთითებს ხელყოფის ორ ობიექტზე. ჯერ აღნიშნულია, რომ ასეთი ქმედება სახელმწიფოს აზარალებს, ხოლო შემდგომ კერძო პირის ინტერესებს. ობიექტის განსაზღვრის საკითხში ერთნაირ პოზიციაზე დგას ბექა-აღბუღას (მუხ. 40) და ვახტანგ ბატონიშვილის სამართალი. აღნიშნულ გარემოებაზე ვახტანგ VI-ის სამართლის წიგნთა კრებულში შესულ სხვა ძეგლებში არაფერია ნათქვამი. პირიქით, ბერძნული სამართლი ქართული კერსიის 140-ე მუხლი იმის

დადასტურებას წარმოდგენს, რომ ცრუ დასმენა ასევე ცილისწამებად ითვლებოდა და პატივის წინააღმდეგ მიმართულ ქმედებად განიხილებოდა, რადგან პირის სასჯელი ეკისრებოდა ეპისკოპოსის უპატიობისათვის, ასევე კრებულის „გინებისათვის.“ დასახელებული ნორმების მიხედვით აღნიშნულ საკითხზე ურთიერთსაპირისპირო დასკვნის გაკეთება შეიძლება. ის, რომ ძველი ქართული სამართლის ძეგლები ცრუ დასმენისას სახელმწიფო ინტერესს წინ აყენებენ ცილის დაწამების ფორმების განმასხვავებელი ნიშნის და ქმედების არსის სწორ გაგებაზე მიანიშნებს. მაგრამ შედარებით გვიან შექმნილ ქართული სამართლის ძეგლში, დავით ბატონიშვილის სამართალში, რომელშიც ზოგადად საჯარო ელემენტი უფრო ჭარბობს, ცრუ დასმენასთან (მუხ. 208) დაკავშირებით კანონმდებლი კერძო სასჯელებს იყენებს და არც საჯარო ინტერესის ხელყოფაზეა საუბარი. გარკვეული კატეგორიის საქმეებზე საუპატიოს დაწესება ვარაუდს აჩენს, რომ კანონმდებელი ასეთ ქმედებას უფრო პატივის წინააღმდეგ მიმართულ დელიქტად თვლიდა. გარდა ამისა ცრუ დასმენის შესახებ არსებული სასამართლო განჩინებებიც არ იძლევა საშუალებას სახელმწიფო ინტერესის უპირატესობის მინიჭებაზე რომ ვიმსჯელოთ.

ვახტანგ ბატონიშვილის სამართლის 236-ე მუხლში, რომელიც ტყუილ მთხობლობას ეხება ობიექტთან დაკავშირებით მინიშნება არ არის. ჩანს კანონმდებელის უარყოფითი დამოკიდებულება ზოგადად მთხობლობის მიმართ, გამონაკლისი არის „საღვთო წანახედი“ და ხელმწიფის ორგულობა. ამ შემთხვევაშიც საკითხის შესახებ მსჯელობისას გამოყენებულ სასჯელებს თუ დავეყრდნობით. მაგრამ სრულიად განსხვავებული სურათი წარმოგვიდგება ვახტანგ ბატონიშვილის სამართლის B და C ნუსხების 236-ე მუხლით, ასევე მთხობლით მკვლელობის დაწამების შემთხვევბშიც. B ნუსხით, როცა ქურდობის მთხობლობაზეა საუბარი, ჯარიმის დაწესება მიანიშნებს, რომ სახელმწიფო ინტერესი ზიანდება და შესაბამისად ასეთი ქმედება დანაშაულს წარმოადგენდა. C ნუსხის 236-ე მუხლით ტალიონის პრინციპით უნდა მომხდარიყო სასჯელის განსაზღვრა, ხოლო 38-40 მუხლებით კერძო სახის სასჯელებია დაწესებული. ცალსახად ტყუილი მთხობლობის ობიექტის საკითხის გადაწყვეტა ვერ ხერხდება.

დავით ბატონიშვილის სამართალშიც (მუხ. 94) ხელყოფის ობიექტი არ არის მოხსენიებული. თუმცა დაწესებული სანქციების მიხედვით შეიძლება ითქვას, რომ ტყუილი მთხობლობით ხელყოფას განიცდიდა როგორც სახელმწიფო, ისე კერძო პირთა ინტერესი.

ძველი ქართული სამართლისგან განსხვავებით ბერძნული სამართალში ტყუილ მთხობლობასთან დაკავშირებით ამ სახის კითხვები არ წარმოიშვება. თავად ქმედების განხორცილების გზით, გამოყენებული სასჯელის მიხედვით შეიძლება ითქვას, რომ კერძო პირის ინტერესის ხელყოფას მნიშვნელობა არ ენიჭებოდა.

გარდა ხელყოფის ობიექტისა განსხვავებულია ცილისწამების განხორცილების გზები. არაერთგვაროვანია კანონდებელთა ნება ქმედების საუბიექტურ მხარესთან მიმართებაშიც.

ბაგრატ კურპალაგის სამართალის (ბექა-აღბუდას სამართლის წიგნის 120-ე მუხლი) და დავით ბატონიშვილის სამართლის 130-ე მუხლების მიხედვით, რომლებიც ცილისწამების ზოგად შემადგენლობებად შეიძლება ჩაითვალოს, იკვეთება ის ნიშნები, რაც ზოგადად ცილისწამებას ახასიათებს: ინფორმაციის საჯაროდ გავრცელება; გავრცელებული ინფორმაციის სიცრუე; გავრცელებული ინფორმაცია ეხება პირის მიერ ვითომდა დანაშაულის, ან უზნეო ქმედების ჩადენას; პირდაპირი განზრახვის არსებობა.

ბაგრატ კურპალაგის სამართალში (ბექა-აღბუდას სამართლის წიგნის 120-ე მუხლი) პირდაპირ განზრახვის არსებობაზე მიანიშნებს რომ დამნაშავე „მტერობით“ ჩადის ქმედებას. დამწამებელს თავისი ნათქვამის დასაღასტურებლად უნდა დაეფიცა. დაფიცების გარეშე მისი ნათქვამი ცილისწამებად ჩაითვლებოდა. დაფიცების ვალდებულებაშ შესაძლოა გარკვეული ეჭვი გააჩინოს ცილისწამების პირდაპირ განზრახვასთან დაკავშირებით. აღნიშნულთან დაკავშირებით კითხვები არ ჩნდება დავით ბატონიშვილის სამართალთან (მუხ. 130) მიმართებაში. ტერმინის „მოუგონოს“ გამოყენება მიუთითებს პირდაპირი განზრახვის არსებობაზე.

ვახტანგ VI-ის სამართლის წიგნთა კრებულში შესული სხვა ქვეყნების სამართლის ძეგლების ცილის შეწამების ნორმების კონტექსტიდან გამომდინარე რთულია იმის თქმა ეს ნორმები ცილისწამების რომელ ფორმას შეიძლება მიეკუთვნოს. იგივე შეიძლება ითქვას სუბიექტურ მხარესთან მიმართებაშიც. მოსეს სამართალში (მუხ. 14) დაზუსტებით თქმა რომ პირდაპირი განზრახვა შემადგენლობის აუცილებელ ნიშანს წარმოადგენდა არ შეიძლება. ხოლო ბერძნული სამართლის ქართული კერძის 173-ე, 174-ე და 289-ე მუხლებით, რომლებიც სუბიექტიდან გამომდინარე ცილისწამების სპეციალურ შემადგენლობებს წარმოადგენენ, „ცილის შეწამების“ განმარტებიდან თუ ამოვალთ შეიძლება ითქვას რომ ქმედების ჩადენა პირდაპირი განზრახვით ხდებოდა.

სომხური სამართლის 107-ე მუხლის სუბიექტურ მხარესთან დაკავშირებით პირველ და მეორე ნაწილთან მიმართებაში საკითხი განსხვავებულად უნდა გადაწყვდეს. პირველ ნაწილში საუბარია დამწამებლის მხრიდან თავისი ნათქვამის დაუმტკიცებლობაზე, რაც უშუალოდ არ მიუთითებს იმ გარემოებაზე, რომ დამნაშავე დარწმუნებული იყო ნათქვამის სიცრუეში. მეორე ნაწილთან დაკავშირებით შეიძლება ითქვას რომ ქმედების ჩადენა პირდაპირი განზრახვით ხდებოდა. კანონმდებელი აღნიშნავს, რომ დამნაშავემ „ავი საქმე მოიგონა“ და „შილთახობით“-ცილისწამებით ბრალს დებდა.⁵⁶⁶

ცილისწამების ზოგადი შემადგენლობების მახასიათებელ ნიშნად შეიძლება ჩაითვალოს მკვეთრი ზღვარის არარსებობა ცილისწამების სხვა ფორმებთან მიმართებაში. აღნიშნული არ ეხება დავით ბატონიშვილის სამართალს. ეს გასაგებიცაა, რადგან ის ვახტანგ VI-ის სამართლის წიგნთა

⁵⁶⁶ ქართული სამართლის ძეგლები, ტ. I, გვ. 255.

კრებულში შესულ სამართლის ძეგლებთან შედარებით გვიან შექმნილი სამართლის წიგნია.

ცილისწამებისას თუ დაწამება საჯაროდ ხდებოდა, ცრუ დასმენა პატრონის, მეფის, სასამართლოს ან „კრების“ წინაშე ხორციელდებოდა. პატრონის წინაშე შესმენას ეხება ბაგრატ კურაპალატის სამართლი (ბექა-აღბუდას სამართლის 132-ე მუხლი) და ბექა-აღბუდას სამართლის მე-40 მუხლი.

მართალია ვახტანგ ბაგრონიშვილის სამართლის წიგნის 253-ე მუხლში არ არის აღნიშნული, თუ ვისთან უნდა მომხდარიყო ტყუილი დაბეზღება, მაგრამ ნორმაში მითითებულია, რომ დამბეზღებელი სახელმწიფოს წინააღმდეგაც ჩადის დანაშაულს, დაწამება თუ მეფის, პატრონის წინაშე არ მოხდებოდა, მხოლოდ სახალხოდ რაიმეს თქმით დამწამებელი სახელმწიფო ინტერესს ვერ დააზარალებდა.

დავით ბაგრონიშვილის სამართალი (მუხ. 208) ცალკე გამოყოფს საზოგადოების და მეფის ორგულობის ტყუილ შესმენას და პასუხისმგებლობა დიფერენცირებულია დაწამებული დანაშაულის მიხედვით. ვახტანგ ბაგრონიშვილის სამართლის 253-ე მუხლიც სავარაუდოდ მეფის და საზოგადოების ორგულობის ტყუილი დაბეზღებისათვის უნდა აწესებდეს სასჯელს. ორივე მუხლში საუბარია, რომ მობეზღარმა პირი სასიკვდილოდ გაიმება თავისი ქმედებით. მიუხედავად იმისა კანონმდებელის სიტყვები პირდაპირი მნიშვნელობით უნდა იქნეს გაგებული – რომ დაწამებულს სიკვდილით დასჯა მოელოდა, თუ სამოქალაქო სიკვდილი იგულისხმებოდა, ყველა სახის დანაშაულის დაწამებისათვის პირს არც ერთი მოელოდა და არც მეორე.

ვახტანგ VI-ის სამართლის წიგნთა კრებულში შესულ სამართლის ძეგლებშიც, ბერძნული სამართლის ქართული ვერსიის 140-ე მუხლით შესმენის აუცილებელ ნიშანს წარმოადგენდა დაწამების განხორციელება ხელმწიფესთან, ან მოსამართლესთან, ან „კრების“ წინაშე, ხოლო სომხური სამართლის 115-ე მუხლით – მოსამართლესთან.

სუბიექტურ მხარესთან დაკავშირებით ცრუ დასმენის ყველა მუხლის ტექსტი არ იძლევა იმის თქმის საშუალებას, რომ კანონმდებლი პირდაპირ განზრახვას გულისხმოდა. ბაგრატ კურაპალატის სამართალში (ბექა-აღბუდას სამართლის 132-ე მუხლი) კანონმდებელი მიუთითებს დასმენის უსამართლობაზე და რომ დამსმენმა „გაიმება“ დაწამებული. სავარაუდოდ ამ შემთხვევაში პირდაპირი განზრახვა უნდა იგულისხმებოდეს. ასევე დავით ბაგრონიშვილის სამართალში (მუხ. 208) აღნიშნულია, რომ დამნაშვე „სიცრუით და მტერობით“ მოქმედებდა.

ამ მუხლებისაგან განსხვავებით ვახტანგ ბაგრონიშვილის სამართლის წიგნის 253-ე მუხლის ტექსტში პირდაპირი მნიშვნება პირდაპირი განზრახვისთან დაკავშირებით არ ჩანს. იგივე შეიძლება ითქვას ბერძნული სამართლის 140-ე და სომხური სამართლის 115-ე მუხლებთან მიმართებაშიც.

„ცილით შეწამების“ ერთ-ერთი ფორმა იყო დანაშაულის ტყუილი მთხოვობლობა. მთხოვობელი არის პირი ვინც აცხადებს, რომ იყო დანაშაულის ჩადენის უშუალო შემსწრე და მზად არის სასამართლოს წინაშე დამნაშვეს ბრალი დასხოს. მთხოვობლის ცნებიდან გამომდინარე ტყუილი მთხოვობელი ბრალს სდებს მას ვისაც დანაშაული არ ჩაუდენია, აცხადებს რომ დაინახა მან დანაშაული როგორ ჩაიდინა. ზოგიერთ შემთხვევაში, როცა საუბარია სახელმწიფო დანაშაულებზე ტყუილი მთხოვობლობა ცრუ დასმენას ემსგავსება, ზოგჯერ ტყუილი მთხოვობელი ცრუ მოწმის მსგავსია, როცა დაზარალებულის მხარეს იგი გამოყავს, როგორც ბრალდების დამადასტურებელი, სხვა შემთხვევაში, როცა მთხოვობლობა დაზარალებულობან ხდება და სასამართლოშიც არ გამოდის ბრალდების დასადასტურებლად, ტყუილი მთხოვობა არც ცრუ დამსმენს და არც ცრუ მოწმეს წარმოადგენდა.

ძველი ქართული სამართლისაგან განსხვავებით ბერძნული სამართლის ქართული ვერსიით (მუხ. 331-335) მთხოვობლობა უნდა მომხდარიყო პატრონის, ან მოსამართლის წინაშე.

მთხოვობის მიერ მკვლელობის დაწამებისას მთხოვობელს უნდა დაემტკიცებინა თავისი სიმართლე სმალში გატანებით (ვახტანგ ბატონიშვილის სამართალი მუხ. 38-40). ტყუილი მთხოვობლის ცნებიდან გამომდინარე შეიძლება ითქას, რომ პირდაპირი განზრახვა შემადგენლობის აუცილებელი ნიშანია, თუმცა ვახტანგ ბატონიშვილის სამართლის წიგნის 236-ე მუხლში ამის პირდაპირი მინიშნება არ არის. დავით ბატონიშვილის 94-ე მუხლში დასახელებული გარემოება უფრო იკვეთება, როცა კანონმდებლი აღნიშნავს, რომ პირმა ცრუდ იმათხოვობლა. იგივე შეიძლება ითქას ტყუილ მთხოვობაზე ბერძნულის სამართლის ქართულ ვერსიის მიხედვითაც (მუხ. 335).

ეველა ზემოთ მოყვანილ ნორმებში განსხვავებული იყო ცილის შეწამების ფორმები. ამ განსხვავების გარდა ცალკე არის გამოყოფილი ცალკეულ ქმედებათა ცილისწამება, კერძოდ კი ბუნებითი დანაშაულების, გრძეულების, ქურდობის ცილისწამება. ბაგრატ კურაპალატის სამართლით (ბექა-აღბუღას სამართლის 145-ე მუხლი) შემადგენლობის აუცილებელი ნიშანია მრუშობის სახალხოდ ქმრის წინაშე დაწამება.

დავით ბატონიშვილის სამართლის 223-ე მუხლით მრუშობის ცილისწამება ასევე ქმრის წინაშე ხდება. როცა საქმე ქმრის მიერ ცოლის სიძვის ცილისწამებას ეხება კანონმდებელი მიუთითებს ჩივილზე და შესმენაზე, რომელიც სავარაუდოდ მსაჯულთა წინაშე უნდა მომხდარიყო. ქმრის მიერ ცოლისთვის სიძვის დაწამებას ეხება მოსეს სამართლის 29-ე და სომხური სამართლის 180-ე მუხლები. დავით ბატონიშვილის სამართლით ქმარი ცოლისთვის სიძვის დაწამებისას „უგნურებით“ მოქმედებს, შესაბამისად პირდაპირი განზრახვის არსებობა შემადგენლობის აუცილებელ ნიშანს არ წარმოადგენს. სომხურ სამართალში მითითება იმ გარემოებაზე, რომ ქმარს ცოლის სიძულვილი ამოძრავებს და ტყუილად ბრალს დებს, უნდა მიანიშნებდეს პირდაპირი განზრახვის არსებობაზე.

იგივე შეიძლება ითქვას მოსეს სამართლის 29-ე მუხლზეც, ვინაიდან ამ ნორმაშიც აღნიშნულია ქმრის მიერ ცოლის მოძულება.

ბაგრატ კურაპალატის სამართლით (ბექა-აღბუდას სამართლის 145-ე მუხლი) მრუშების ბრალდება საჯაროდ ხდებოდა. ნორმაში არ ჩანს, რომ პირდაპირი განზრახვის არსებობა აუცილებელი იყო. უსაფუძვლო ბრალდება საკმარისი იყო, რომ პირის ცილისწამებისათვის დაკისრებოდა პასუხისმგებლობა. იგივე შეიძლება ითქვას დავით ბატონიშვილის სამართლის 223-ე მუხლის მეორე ნაწილზე, რომელიც ასევე მრუშობის დაწამებას ეხება. ამ შემთხვევაშიც სახალხოდ ხდება დაწამება, რითაც ქალს სახელი უტყვდება და არც პირდაპირ განზრახვაზეა ნორმაში მითითება.

გრძნეულების დაწამება ბაგრატ კურაპალატის სამართლით (ბექა-აღბუდას სამართლის 146-ე მუხლი) სახალხოდ უნდა მომხდარიყო. სუბიექტურ მხარეს რაც შეეხება, ნორმიდან არ ჩანს, რომ აუცილებელია პირდაპირი განზრახვის არსებობა. დამწამებელს უნდა დაუმტკიცებინა თავისი ბრალდება, რისი გაუკეთებლობაც მას ცილისმწამებლად აქცევდა.

ცალკე არის გამოყოფილი ქურდობის ცილისწამება. ბექა-აღბუდას სამართლის 86 მუხლით ქურდობის დამწამებელი მიუხედავად არსებული მტკიცებულებებისა, რომლებიც დაწამებულის სასარგებლოდ მეტყველებენ (ნორმაში საუბარია ფიცზე და მოწმის ჩვენებებზე) არ აქვთ კურადღებას და პირს სახალხოდ უტეხავს სახელს. ნორმის ტექსტიდან გამომდინარე პირდაპირი განზრახვის არსებობა აუცილებელი არ არის, საკმარისია ის გარემოება, რომ არსებული მტკიცებულებების საფუძველზე დამწამებელს არ ჰქონდა საფუძველი ქურდობა დაებრალებინა.

ვახტანგ ბატონიშვილის სამართლის 159 მუხლიც მსგავსია ბექა-აღბუდას სამართლის 86-ე მუხლისა. ამ შემთხვევაშიც დამწამებელი ფიცს არ ეხდობა და „უპატიურს ჰკადრებს“. პირდაპირი განზრახვის არსებობა არც ამ შემთხვევაშია აუცილებელი.

ბაგრატ კურაპალატის სამართალში (ბექა-აღბუდას სამართლის 113-ე მუხლი) საუბარია არა დანაშაულის ჩადენის დაწამებაზე, არამედ მეკობრეობის ჩადენის ცოდნის ცილისწამებაზე. როგორც ჩანს დასჯადი იყო არა მარტო მეკობრეობაში უშუალო მონაწილეობა, არამედ მეკობრეობის ჩადენის ცოდნაც საკმარის საფუძველს წარმოადგენდა პასუხისმგებლობისათვის. ნორმაში პირდაპირი მითითება განზრახვასთან დაკავშირებით არ არის, თუმცა ნორმის კონტექსტიდან გამომდინარე შეიძლება ითქვას რომ პირდაპირ განზრახვა შემადგენლობის აუცილებელი ნიშანია. მეკობრეები მოქმედებენ პატრონის უკითხავად, შესაბამისად მათ იციან, რომ პატრონმა ამ დანაშაულის ჩადენის შესახებ არ იცის. ასევე არ არის დაკონკრეტული დაწამების ხერხი, კეთდებოდა ეს სახალხოდ, თუ აღნიშნული ნორმა ცრუ დასმენას ითვლისწინებდა.

ცილისწამების ნორმების განზოგადების შედეგად შეიძლება შემდეგი ნიშნების გამოყოფა. როცა ცრუ დასმენაზეა საუბარი ცილის შეწამება ხდება პატრონთან, მეფესთან. ტყუილი მთხოვნებლისას დანაშაულს სწამებენ ან დაზარალებულთან, ან სასამართლოს წინაშე. ცილისწამების სხვა შემთხვევებში კი დაწამება სახალხოდ ხდება. სუბიექტურ მხარესთან დაკავშირებით ცალსახად დასკვნის გაკეთება ცილისწამების ყველა ფორმასთან დაკავშირებით ვერ კეთდება. ზოგიერთ შემთხვევაში თუ პირდაპირი განზრახვაზე შეიძლება ვიმსჯელოთ, ცილისწამების სხვა შემთხვევაში გაუფრთხილებლობაც საკმარისია.

უძველი პერიოდიდან იყო გავრცელებული ცილისმწამებლის იმავე სასჯელით დასჯა, რაც დაწამებულს მოელოდა. სასჯელის დანიშვნის ეს პრინციპი ვახტანგ VI-ის სამართლის წიგნში შესულ სამართლის ძეგლებშიც არის ასახული: მოსეს სამართალში (მუხ. 14), შემდგომ ბერძნული სამართლის ქართულ ვერსიაშიც (მუხ. 140). ვახტანგ ბატონიშვილის სამართლის წიგნში კანონმდებელი ტალიონის პრინციპს იყენებს ტყუილი დაბეზღდებისას (მუხ. 227, 253) და ტყუილი მთხოვნებლისას (C ნუსხის 236-ე მუხლი), ხოლო დავით ბატონიშვილი ცილისწამების (მუხ. 130) ზოგადი შემადგენლობისას. ტალიონის პრინციპის მითითებას უფრო პირობითი ხასიათი ჰქონდა და შესაძლოა იგი მხოლოდ კერძო სასჯელთა მიმართ თუ გამოიყენებოდა. თუმცა ამაზე იმ გარემოებასაც უნდა მოეხდინა გავლენა, რომ სიკვდილით დასჯას, დამასახირებელ სასჯელებს ძველი ქართულ სამართალში ფართო გამოყენება არ ჰქონდა.

ვახტანგ ბატონიშვილის სამართლის წიგნთა კრებულში შესული სხვა ქვეყნების სამართალით ცილისმწამებისათვის დადგენილი სასჯელები მეტი სიმკაცრით გამოიჩინებიან. ექსორიას იყენებს ბერძნული სამართლის ქართული ვერსია (მუხ. 173, 174), სხეულებრივი სასჯელი გვხვდება მოსეს სამართალში (მუხ. 29), ბერძნულ სამართალში (მუხ. 335) და სომხურ სამართალშიც (მუხ. 180). ძველი ქართული სამართლით ცილისწამების უმეტეს შემთხვევებში ქონებრივი სანქციები იყო დაწესებული, კერძოდ კი სისხლის ფასის და საუპატიოს გადახდა. როცა ქურდობის დაწამებაზეა საუბარი საზღაურის რაოდენობა ნივთის ღირებულებაზე იყო დამოკიდებული.

ბაგრატ კურაპალატის სამართლით (ბექა-აღბუდას სამართლის წიგნის 120-ე მუხლი) ცილისმწამებელს სავარაუდოდ მთელი სისხლის ფასი უნდა გადაეხადა. ნორმაში არ არის უშუალო მითითება ვის სასარგებლოდ ხდებოდა საზღაურის გადახდა. კომპოზიციათა სისტემის არსიდან თუ ამოგალთ, გადახდა დაზარალებულის სასარგებლოდ უნდა მომხდარიყო. სისხლის ფასის ნაკლებ რაოდენობას (ნახევარს) აწესებს ბაგრატ კურაპალატის სამართალი (ბექა-აღბუდას სამართლის 146-ე მუხლი) გრძნეულების დაწამებისათვის. ამ ნორმის ტექსტიდან ჩანს, რომ გადახდა დაზარალებულის სასარგებლოდ უნდა მომხდარიყო.

ამავე სამართლის წიგნით ცილისმწამების სხვა ფორმისათვის, ცრუ დასმენისათვის (ბექა-აღბუდას სამართლის 132-ე მუხლი) ასევე სისხლის

ფასის გადახდაა დაწესებული და როგორც ტექსტიდან ჩანს დაზრალებულის სასარგებლოდ.

ცრუ დასმენის შესახებ არსებულ სასამართლო განჩინებებშიც ორი სახის სასჯელს ვხვდებით, ერთი ქონებრივია, მეორე ხელთ მიცემა. ქონებრივი სასჯელებშიც ორი ქვეჯგუფის გამოყოფა შეიძლება: როცა ზუსტად არის განსაზღვრული საზღაურის რაოდენობა ან სისხლის ფასის გადახდაა დადგენილი. ამ სახის სასჯელები გვხვდება მკვლელობის ტყუილი მთხოვობისას, მიუხედავად იმისა, რომ ტყუილი მთხოვობის ზოგადი ნორმით განსხვავებული სანქციებია დაწესებული. ვახტანგ ბატონიშვილის სამართლის წიგნის 38-ე, 39-ე და მე-40 მუხლებით ტყუილი მთხოვობელი დაწამებულს უნდა გადასცემოდა და სისხლის ფასიც უნდა გადაეხადა. ამას ემატება კიდევ ალტერნატიული სასჯელი, თუ მთხოვობელს სისხლის ფასის გადახდის შესაძლებლობა არ ჰქონდა მისი ცოლ-შვილი უნდა გადასცემოდა დაწამებულს. სასამართლო პრაქტიკაც ადასტურებს ხელთ გადაცემის გამოყენებას ტყუილი მთხოვობისას.

ქონებრივი საზღაურის მეორე სახის სანქცია, რომელიც ცილისწამებისას გამოიყენებოდა საუპატიოა. მისი მოცულობა სისხლის ფასის მიხედვით განისაზღვრებოდა. საუპატიოს გადახდა დაწესებული იყო ბუნებითი დანაშაულების ცილისწამებისას. ბაგრატ კურაპალატის სამართალში (ბექა-აღბულას სამართლის 145-ე მუხლი) დამწამებელს საუპატიოს გადახდა უწევდა მრუშებაში ცილდაწამებული ქალის ქმრის სასარგებლოდ. ასევე განსაზღვრული სასჯელი დავით ბატონიშვილის სამართლის 223-ე მუხლის მეორე ნაწილით. ხოლო სიძვის დაწამებისას (223-ე მუხლის მესამე ნაწილი) საუპატიოს გადახდა ასევე დაზარალებულის, ქალის ოჯახის სასარგებლოდ უნდა მომხდარიყო.

დავით ბატონიშვილის სამართლით საუპატიოს გადახდა ცრუ დასმენისათვისაც არის დაწესებული (მუხ. 208). აღნიშნული მუხლი კომპოზიციათა სისტემასაც იყენებს. საზღვადოების და მეფის ორგულობის დაწამებისათვის პირს სისხლის ფასი უნდა გადაეხადა, ხოლო თუ სხვა დანაშაულის დასმენას ექნებოდა ადგილი დამნაშავე საუპატიოს უხდიდა დაზარალებულს.

მესამე სახის ქონებრივი სანქცია ძველ ქართულ სამართალში ქურდობის დაწამებისას გამოიყენებოდა. ბექა-აღბულას სამართლის 86-ე მუხლით საზღაურის ზუსტი რაოდენობა ნორმაში არ არის დადგენილი და დამოკიდებული იყო მოპარული ნივთის დირექტულებაზე. დამწამებელს უნდა დაებრუნებინა ის ქონება, რაც დაწამებულისაგან მიიღო, ეს სავარაუდოდ უნდა ყოფილიყო მოპარული ნივთის შვიდეული და ერთი ნაწილი თავის მხრიდან უნდა დაემატებინა. საზღაურის გადახდა ამ შემთხვევაშიც დაზარალებულის სასარგებლოდ ხდებოდა.

ვახტანგ ბატონიშვილის სამართლის 159-ე მუხლითაც ქურდობის დაწამებისას ქონებრივი საზღაური დამოკიდებული იყო მოპარული ნივთის დირექტულებაზე, ხოლო სხვა დანაშაულთა დაწამებისას დამნაშავისაგან

მიღებული საზღაურის მოცულობაზე. დამწამებელს ევალებოდა დამატებით „გარჯის საუპატიოს“ გადახდაც. დამნაშავისაგან მიღებული საზღურის ნახევარი და „გარჯის საუპატიო“ მიეცემოდა ვისაც დაფიცება მოუწია, კერძოდ კი ცილდაწამებულს.

ქურდობასთან მიმართებაში ჯარიმა გამოყენებულია ვახტანგ ბატონიშვილის სამართლის B ნუსხის 236-ე მუხლი, როცა ქურდობის მთხობლობაზე საუბარი. ჯარიმას აწესებს დავით ბატონიშვილი ტყუილი მთხობლობისათვის (მუხ. 94). მუხლში ქონებრივი საზღაური ორად არის გამოყოფილი, ნახევარი დაწამებულს ერგებოდა, მეორე ნახევარი კი ჯარიმას წარმოადგენდა.

ქონებრივი სანქციების გარდა ძველ ქართულ სამართალში გვხვდება სანქცია – ხელთ მიცემა. პატრონისათვის მეკობრეობის ჩადენის ცოდნის დაწამებისათვის (ბაგრატ კურაპალატის სამართალი. ბექა-აღბუღას სამართლის 113-ე მუხლი) დამწამებელი პატრონს ხელთ უნდა გადაცემოდა, მათი დასჯა პატრონის სურვილზე იყო დამოკიდებული. ხოლო ქონება რაც მეკობრეებს ეკლესიდან ჭრიდათ წამოდებული უკან უნდა დაებრუნებინათ.

ხელთ მიცემას ვხვდებით ცრუ დასმენის სასამართლო განჩინებებშიც. ხელთ მიცემა და სისხლის ფასი შეიძლებოდა როგორც ალტერნატიული სანქციები ისე ყოფილიყო გამოყენებული (განჩინებაში ბეჟან წულუკიძის და გოგია ავალიანის საქმეზე 1784-1796), ან მხოლოდ ერთი სასჯელი მიეთითებინა სასამართლოს. (ერეკლე II-ის განჩინებაში ქსნის ერისთავის დავითის საქმეზე ხელთ მიცემაა დაწესებული. სოლომონ II-ის განჩინებით სისხლის ფასი უნდა გადაეხადა დამნაშავეს.) გამოყენებული ორივე სასჯელები კერძო სახისაა.

ხელთ მიცემას ვახტანგ ბატონიშვილი მკვლელობის ტყუილი მთხობლობისას უთითებს (მუხ. 38–40). დაწამებულს ტყუილი მთხობელი უნდა გადასცემოდა და სისხლის ფასიც უნდა მიეღო. თუ მთხობელს სისხლის ფასის გადახდის შესაძლებლობა არ ჰქონდა მისი ცოლ-შვილიც უნდა გადასცემოდა დაწამებულს (მუხ. 39). სასამართლო პრაქტიკაც ადასტურებს ხელთ გადაცემის გამოყენებას ტყუილი მთხობლობისას.

ძველ ქართულ სამართლის ძეგლებში ცილისწამებისას გამოყენებული სასჯელები უმეტეს შემთხვევაში ქონებრივი სახისაა და როგორც ნორმათა ტექსტიდან ჩანს მისი გადახდა დაწამებულის სასარგებლოდ ხდებოდა. ხელთ მიცემა ასევე კერძო სახის სასჯელი იყო. გამოყენებული სასჯელების მიხედვით შეიძლება ითქვას, რომ ცილისწამების ნორმების უმეტესობა პირობითად კერძო დელიქტებს უნდა მიეკუთვნოს. საზღაურის საჯარო ფორმას - ჯარიმას გამონაკლის შემთხვევებში ვხვდებით. მაგალითად, ტყუილი მთხობლობისას. ვახტანგ ბატონიშვილის სამართლის წიგნის სხვადასხვა ნუსხებით ტყუილი მთხობლობის განსხვავებული სანქციების დაწესება ზუსტი დასკვნის გაკეთების საშუალებას არ იძლევა, წარმოადგენდა ტყუილი მთხობლობა საჯარო დელიქტს, თუ კერძოს. ამ მხრივ კითხვებს არ იწვევს დავით ბატონიშვილის სამართლის ნორმა

ტყუილ მთხოვობლობაზე (მუხ. 94). კანონმდებლი ჯარიმის გადახდას აწესებს, თუმცა საზღაურის მეორე ნახევრის დაზარალებულისათვის გადაცემით კერძო ინტერსის დაკმაყოფილებაც ხდება.

გამოყენებული წყაროები და ლიტერატურა

წყაროები

1. ქართული სამართლის ძეგლები, ტ. I, ტექსტი გამოსცა, გამოკვლევა და ლექსიკონი დაურთო ის. დოლიძემ, თბ. 1963;
2. ქართული სამართლის ძეგლები, ტ. II, საერო კანონმდებლობის ძეგლები (X-XIXსს) ტექსტი გამოსცა, შენიშვნები და საძიებლები დაურთო ის. დოლიძემ, თბ., 1965;
3. ქართული სამართლის ძეგლები, ტ. IV, სასამართლო განჩინებები (XVI–XVIIIსს), ტექსტი გამოსცა, შენიშვნები და საძიებლები დაურთო ის. დოლიძემ, თბ., 1972;
4. ქართული სამართლის ძეგლები, ტ. V, სასამართლო განჩინებები (XVIIIს), ტექსტი გამოსცა და შენიშვნები დაურთო ის. დოლიძემ, თბ., 1974;
5. ქართული სამართლის ძეგლები, ტ. VI, სასამართლო განჩინებები (XVIII–XIX სს). ტექსტი გამოსცა, შენიშვნები და საძიებლები დაურთო ის. დოლიძემ, თბ., 1977;
6. გახტანგ VI სამართლის წიგნი, ტექსტი გამოსაცემად დაამზადა, გამოკვლევა და ტერმინთა საძიებლები დაურთო თინა ენუქიძემ, თბ., 1955;
7. სამართალი ბატონიშვილი დავითისა. ტექსტი გამოსცა და გამოკვლევა დაურთო დ. ფურცელაძემ, თბ., 1964;
8. დიდი სჯულის კანონი. გამოსაცემად მოამზადეს ე. გაბიძაშვილმა, ე. გიუნაშვილმა, მ. დალაქიძემ და გ. ნინუამ, თბ., 1975;
9. მცირე სჯულის კანონი, გამოსაცემად მოამზადა ე. გიუნაშვილმა, თბ., 1972;
10. იოანე ბატონიშვილი, სჯულდება (ქართლ-კახეთის სამეფოს სახელმწიფო რეფორმის პროექტი), ტექსტი გამოსაცემად მოამზადა, შესავალი, ლექსიკონი და საძიებლები დაურთო ივ. სურგულაძემ, თბ., 1957;
11. საქართველოს სახელმწიფო საისტორიო არქივი, ძველ საბუთთა დედნების კოლექცია, ფონდი 1448, საქმე 866;
12. ფარსადან გორგიჯანიძის ისტორია, კაკაბაძე ს., ამონაბეჭდი „საისტორიო მოამბიდან“, წ. II, თბ., 1927;

13. ქართლის ცხოვრება, ტ. II, ტექსტი დადგენილია ყველა ძირითადი ხელნაწერის მიხედვით ს. ყაუხეჩიშვილის მიერ, თბ., 1959;
14. შრომა და მოდუაწება დირსად ცხოვრებისად წმიდისა და ნეტარისა მამისა ჩუქინისა გრიგოლისი არქიმანდრიტისად, ხანცთისა და შატბერისა აღმაშენებელისად, ძველი ქართული აგიოგრაფიული ლიტერატურის ძეგლები, წიგნი I (V-Xსს), დასაბჭდად მოამზადეს ილ. აბულაძემ, ნ. ათანელიშვილმა, ნ. გოგუაძემ, ლ. ქაჯაიამ, ც. ქურციკიძემ, ც. ჭანკიევმა და ც. ჯდამაიამ ილია აბულაძის ხელმძღვანელობით და რედაქტორობით, თბ., 1963;
15. წამება წმიდისა და ნეტარისა მოწამისა ქრისტესისა პაბოსი, ძველი ქართული აგიოგრაფიული ლიტერატურის ძეგლები, წიგნი I (V-Xსს), დასაბჭდად მოამზადეს ილ. აბულაძემ, ნ. ათანელიშვილმა, ნ. გოგუაძემ, ლ. ქაჯაიამ, ც. ქურციკიძემ, ც. ჭანკიევმა და ც. ჯდამაიამ ილია აბულაძის ხელმძღვანელობით და რედაქტორობით, თბ., 1963;
16. „კორპუს იურის ცივილის“ იუსტინიანეს ინსტიტუციები, ლათინურიდან თარგმნა, წინასიტყვაობა, შენიშვნები, და საძიებლები დაურთო ნ. სურგულაძემ, თბ., 2002;
17. იუსტინიანეს დიგესტები, წიგნი მესამე, წიგნი მეოთხე, გამოსცა ნ. სურგულაძემ, თბ., 2013;
18. ადრინდელი ფეოდალური სამართლის ძეგლები, ის. დოლიძე, თბ., 1950;
19. ხამურაბის კანონები, აქადურიდან თარგმნა და კომენტარები დაურთო ზ. კიქაძემ, თბ., 1988;
20. ძველი აღმოსავლეთის ხალხთა ისტორიის ქრესტომატია, რედაქტორი გრ. გორგაძე, თბ., 1990;
21. Хрестоматия памятников феодального государства и права стран европы. под редакцией В. М. корецкого, М., 1961;
22. Хрестоматия по всеобщей истории государства и права. том 1. под редакцией К. И. Батыра и Е. В. Поликарповой, М., 2003;
23. Дигести Юстиниана, том VII, полутом 1, книга XLV-XVLII, ответственный редактор Л. Л. Кофанов, М., 2005.
24. Дигести Юстиниана, том VII, полутом 2, книга XLVIII-L, ответственный редактор Л. Л. Кофанов, М., 2005.

25. Эклога, византийский законодательный свод VIII века, Вступительная статья, перевод, комментарий Е. Э. Липшиц, М. 1965.

გამოყენებული ლიტერატურა

1. აბულაძე ი., ძველი ქართული ენის ლექსიკონი (მასალები), თბ., 1973;
2. დოლიძე ის., ძველი ქართული სამართალი, თბ., 1953;
3. დოლიძე ის., ძველი აღმოსავლეთის სამართალი, თბ., 1960;
4. ვაჩეოშვილი ალ., ნარკვევები ქართული სამართლის ისტორიიდან, ტ. I, თბ., 1946;
5. ვაჩეოშვილი ალ., ნარკვევები ქართული სამართლის ისტორიიდან, ტ. II, თბ., 1948;
6. კეპელია მ., სასამართლო ორგანიზაცია და პროცესი საქართველოში რესეთთან შეერთების წინ, წ. II, თბ., 1981;
7. მეტრეველი ვ., ებრაული სამართლის ქართული ვერსია, ჟურნალი „სამართალი“, 1992, №12, 39-45;
8. მონიაგა პ. (თემურ), პატივის, დირსების და საქმიანი რეპუტაციის დაცვა საქართველოში (უძველესი დროიდან საბჭოთა პერიოდის ჩათვლით), თბ., 2005;
9. ნადარევიშვილი გ., ფიცი, როგორც მტკიცებულება ქართული სამართლის წიგნების მიხედვით, თბ., 1962;
10. ნადარევიშვილი გ., ადამიანის პატივისა და დირსების დაცვა ქართული ფეოდალური სამართლის ძეგლებისა და სასამართლო პრაქტიკის მასალების მიხედვით, ჟურნალი „აღმანახი“, 2000, №14, გვ. 52-68;

11. ნადარეიშვილი გ., პერძო და საჯარო სასჯელები ფეოდალურ საქართველოში, ჟურნალი „ალმანახი“, 2000, №14, 100-128;
12. სარჯველაძე ზ., ძველი ქართული ენის ლექსიკონი, მასალები, თბ., 1995;
13. სულხან-საბა ორბელიანი, ლექსიკონი ქართული, I, ავტოგრაფული ნუსხების მიხედვით მოამზადა, გამოკვლევა და განმარტებათა ლექსიკის სამიებელი დაურთო ო. აბულაძემ, თბ., 1991;
14. სულხან-საბა ორბელიანი, ლექსიკონი ქართული, II, ავტოგრაფული ნუსხების მიხედვით მოამზადა, გამოკვლევა და განმარტებათა ლექსიკის სამიებელი დაურთო ო. აბულაძემ, თბ., 1993;
15. სურგულაძე ივ., ნარკვევები საქართველოს სახელმწიფოსა და სამართლის ისტორიიდან, თბ., 1963;
16. სურგულაძე ივ., ქართული სამართლის ისტორიის წყაროები, თბ., 2002;
17. სურგულაძე ივ., ქართული სამოქალაქო სამართლის ისტორია, ხელნაწერი.
18. ქართული ჩვეულებითი სამართალი, ნაწ. 3, თბ., 1991;
19. ჩუბინაშვილი დ., ქართულ-რუსული ლექსიკონი, მეორე გამოცემა, სასტამბოდ მოამზადა და წინასიტყვაობა დაურთო ა. შანიძემ, თბ., 1984;
20. წმინდა მდვდელმთავარი ნიკოლოზი (ველიმიროვიჩი), ათი მცნებანი ღვთისანი, ჟურნალი „მოყვასი“, 2003, №10, გვ. 20-21;
21. ჯავახიშვილი ივ, ქართული სამართლის ისტორია, გ.VII, თბ., 1984;
22. ხიზანაშვილი ნ. (ურბნელი), რჩეული თხზულებები, დასაბეჭდად მოამზადა, ბიოგრაფიული მასალები და შენიშვნები დაურთო ის. დოლიძემ, თბ., 1982;
23. Fälschner H., Preusischen Strafrechts zweiter teil, Die Verbrechen gegen das Recht der Privatperson, Bonn, 1868;
24. Moosheimer Th., Die actio injuriarum aestimatoria im 18. und 19. Jahrhundert, Eine Untersuchung zu den Gründen ihrer Abschaffung, Tübingen, 1997;

25. Heinz S., Das Wesen der falschen Anschuldigung in der geschichtlichen Entwicklung und im ausländischen sowie geltenden und kommenden deutschen Strafrecht, Breslau- Neukirch, 1939;
26. Мусульманское право (структура и основные институты), ред. Л. Р. сюкиянен, М., 1984;
27. Духовский М.В. Понятие клеветы, как преступления против чести частных лиц по русскому праву. - Ярославль, 1873г.
http://www.pravo.vuzlib.org/book_z2243.html
28. www.orthodoxy.ge/sakhli/10mtsneba.htm
29. http://martlmadidebloba.ge/ganmarteba4_mecxre-mcneba.html